


Inches

centimeters



	1	2	3	4	5	6	7	8	9	10	11(A)	12	13	14	15
L*	39.12	65.43	49.87	44.26	55.56	70.82	63.51	39.92	52.24	97.06	92.02	87.34	82.14	72.06	62.15
a*	13.24	18.11	-4.34	-13.80	9.82	-33.43	34.26	11.81	48.55	-0.40	-0.60	-0.75	-1.06	-1.19	-1.07
b*	15.07	18.72	-22.29	22.85	-24.49	-0.35	59.60	-46.07	18.51	1.13	0.23	0.21	0.43	0.28	0.19


D50 Illuminant, 2 degree observer

Density

0.75	0.98	1.24	1.67	2.04	2.42
------	------	------	------	------	------

Golden Thread

Colors by Munsell Color Services Lab





H. C. Marsh.



44
LIPR

62


1112


uts,
is
h)


Volturnus

8/9









EN TIBI LECTOR

ROBERTVM VALTVRIVM, AD

ILLVSTREM HEROA SIGISMVN-

dum Pandulphum Malatestam Ariminensium regem, de

RE MILITARI Libris XII multò ema-

culatius, ac picturis, quæ plurimæ in eo sunt,

elegantioribus expressum, quàm cum Ve-

ronæ inter initia artis chalcogra-

phicæ Anno M. cccclxxxiii. [1483]

inuulgaretur. ❧



PARISIIS,

Apud Christianum Wechelum, sub insigni

scuti Basiliensis. T. D. XXXII. [1532]

Mense Iulio. ❧

#591 3833966

12/99

Axc 36

ORNATISSIMO VIRO FRANCISCO OLIVERIO

summæ curiæ regio consiliario, Alenconiorum & Bituricensium Cancellario, Fossarum Barœuilleriorumq; domino &c.

Christianus Wechelus typographus S. P. D.



Isi vniuersa quęcunq; hic cœli ambitus complectitur, vir præstantissime, non tantũ res naturales sed & artes omnes & summæ & infimę ita essent cõparatę vt nulli pprius suus locus & quasi solitudo quędam ab aliis rebus omnibus tributa sit, sed pmixta inuicem et quędam cõfusa cyclopædia constarent, facile fuisset mihi persuaderi absurde facturũ si librum de re Militari inscriptũ tibi homini iurisconsultissimo legẽdum afferrem: verũ quando contrā habent omnia, vt ei qui vere publica velit tractare rei quoq; Militaris & aliarũ itẽ compluriũ artiũ vsus sit, quod vel imprimis in splẽdidissima tua OLIVERIORVM familia licet agnoscere quę nihil bonorũ autorum relinquit intactũ vt pace & bello suis semper q̃optime consulat, nihil videor facturum minus, præsertim cum eximii illi legũ conditores Romani nō inferiorẽ armis q̃ toga operā reipub. nauarint. Indigne enim bono viro nedũ iurisconsulto fecerit qui rēp. silentibus legibus, armis oppressam neglexerit, quā cũ aliarũ artiũ adminiculis, tũ ex rerũ bellicarũ autoribus petitis documētis licebit, si non inferendis plagis, quā ne Turcarum quidẽ nunc satis grauius ac minitabunde imminentiũ reipub. christianę ad nostram persuasionẽ pertrahendorũ cõpendiosissimā rationẽ quidā putant, euitandis certe quę illatę fuerint et quodāmodo, vt ille ait, ex vna ciuitate in aliā fugiendo ppugnare. Aut, si cui id forte magis placebit, quod philosophis frequens est, apud quos contraria contrariorũ admonēt, puter voluisse subindicare non ferẽ magis q̃ tuā voluntatem ac professionẽ, agni illius sine macula imbellitatẽ ac innocentiam à furioso Marte abhorrere. Iam qui me sanguinariũ ac germanicũ, hoc est, vt ferẽ persuasum est, bellico spiritu prouectũ æneos nodos furori dissoluere cauillabuntur, id velim expẽdant, egone qui pristinas calamitates ac belli pestes oculis subiicio & vniuersos alieno malo sapere doceo, plus cõmuni hominum vitę cõmodem, an illi q̃ contẽptis et perpetua obliuionis caligine obrutis quęcunq; superioribus seculis incõmode tentata sunt, humanũ genus nouis semper periculis obiiciũt suoq; malo quātum hęc vita miseriarũ habeat vt experiantur autores sunt. Vides vir humaniss. quę me rationes induxerint vt tuę dignitati non veritus sim librum exhibere non ita forte dignũ q̃ in tantorũ virorũ oculos se ingerat, quõq; cõsilio in eiusmodi autoribus imprimẽdis & animo verfer: quę si tibi probabũtur, nactus fuero quod quærẽbā, sin displicebũt, duplici mihi nomine impetrabiliorem veniā polliceor, tum q̃ beneficio breuioris chartę angustis cancellis conclusus paucioribus te obtũdam, tũ quia Vegetio & Geometria Dureri propediẽ ædendis aliquid illi tuę nausę si qua est decessurũ puto. Vale vir clarissime & Valturii nostri contemplatione memineris vt tenebrosa & à Vulcano concinnata arma lucidis & à patre luminum expeditis quę vel Achillis clypeum facile penetrarint retũdas ac intra sua mœnia cohibeas, quo minus in perniciem tranquillitatis humanę aliquā possint erumpere, Lutetię M.D.XXXII. quinto idus Iulii.

ILLVSTRI PANDVLPHO MALATESTÆ

principi Ariminenſi Paulus Ramuſius Ariminenſis, iuris vtriuſque conſultus S. P. dicit.



Lariſſima progenitorum tuorum facinora toga & bello magnifice geſta, me ciuem tuum coëgere, cōſcriptum accuratiſſimè opus de re militari contreranei mei Roberti Valturii ad te tranſmittere, quod incuria caſtigantium pariter & imprimentium ab archetypo diſſimile & deuians multis mendis deforme neglectūque iacebat. Illud ſane pro viribus dum Veronæ ſub Magnifico & Clariffimo Antonio Venerio à publico iure reddendo vacarem, non ſine paruo labore ſuccifiuis horis recognoui, vt pro eo iure quo conciui meo debebam, id in priſtinum nitorem & doctis legendum reſtituerem: cuius laborioſam caſtigationem, & diuini prope operis huius emolumentum tuo nomini, princeps iocundiſſime, dedicaui, quò documenta illa percurrens, facile intelligas quātopere maiores tui in eo genere excelluerint, adeò vt ſi militiæ præcepta ſtratagematāque nulla literarum monumentis tradita eſſent, potuiſſent abundè ex Malateſtarum genere ſtrenui ac inuiſti armorum duces cūctas gentes huiuſce diſciplinæ peritiā geſtis ſuis condocere, exemplarque continua bellorum exercitatione ac lætiſſimo triumphorum ſplendore & præſentibus & futuris præſtare. Adeſt fere ante oculos Robertus Malateſta, Sigismūdo patre ortus, cuius memoria obortę lachrymę ſcripta demoliūtur. Hic octauum & decimū agens annum aduerſus eximios Picceni populos ab Anconitanis delectus imperator, & tot hoſtibus ſtratis captiſq; quadringentis, victoria triumphoq; potitur. Non multò poſt quū Fani teneret imperium, obſeſſus à Pio romano pontifice equite peditęque potentiſſimo, ipſe parua manu romanos milites ſapius in fugam vertit. Ad trigeliſimum ætatis annum Romæ comoratus, vbi omnes tanti viri ſpeciem & virtutē admirabantur, Sigismundum patrem Arimini obiiſſe præſenſit, quem vniuerſa Italia & Achaia ducem excellentiſſimum prius fuerat experta: aduolat Ariminum Robertus nœrore plenus, quem ciues ad vnū exoptantes ſibi principem delegere. Interea Pauli pontificis maximi florentiſſimæ armatorum copię Arimini ſuburbanū rubelſcente aurora clam ſubintrauerunt, Robertus verò inuiſto animo grandem romanorum exercitum parua tyronum manu pellit fugatq; cuius ob egregia facinora Florentini omnium conſenſu militum imperatorem ſibi delegere aduerſus ingentes Sixti pontificis maximi & illuſtriſſimi Ferdinandi regis vires, quibus maxime vniuerſa premebatur Hetruria, ſpiritum emiſſura ni Robertus inclytus virtute, ſcientia rei militaris, auctoritate præſto ad fuiſſet. Matthæum Capuanum militiæ ducem ad Thraſumenū lacum vertit in fugam, reliquis militibus fœdiſſima nota ſub iugum ire compulſis: is proſectò ſuis armis ſuaq; virtute digniſſimus quiſereniſſimi imperii Veneti dux militum maximus aliquando, capitolineſ arces & romanam eccleſiam ſeruaturus, totius ſenatus ſuffragiis glorioliſſimè conſtitueretur. Audiat nunc quęſo vniuerſus chriſti populus, & cogno

R A M V S I V S P A N D V L P H O .

scat romanæ ecclesiæ ad interitum pene vulnera. Venerat sapientissimus Calabrig dux iam iam romuleas arces euerfurus, accurrit veluti Papyrius Cursor & Furius Camillus, Pub. Decius, Curius Dentatus, Valerius Publicola, Robertus Malatesta, iussu serenissimi senatus Veneti, assueti perpetuò ecclesiam cōseruare, Calabrum ducem tantopere minantem conferto Marte fugere coëgit, cuius castra prostratis vexillis, direptis impedimentis, gloriosissima victoria cepit, duces egregios & milites quadringentos in triumphum Romam spoliis & militaribus signis onustus deducit: venientem Sixtus summus pōtifex amplectitur, collaudat, admiratur tātis periculis liberatus. Robertus verò dux inclytus sūmis in conflictu penè diei laboribus & æstu fatigatus in morbum incidit, sanguinisq; profluuiò à nobis emigravit, inter diuos candidatus lauream perpetuò virētem recepturus, quē gratus & pientissimus pontifex maximus ante obitum deplorās visere constituit, & ipsum ecclesiæ verum seruatorē terrenæ labis cōtagione purgatum, larga & indulgenti venia ad cælestem triumphum cōdonauit. Moritur itaq; Romæ Robertus Malatesta anno ætatis suæ quadragesimo, dux abūdans bellicis laudibus, & in æde diui Petri conditur elatus mœrore publico. Quor-

sum hæc dicet quispiam? vt tanti principis, quem Venetorum senatus & vniuersa deplorat Italia, aliquid literarum monumentis mandarem, vtq; magnificis progenitorum tuorum exemplis exardescens & paternæ virtutis æmulatione acrius ad virtutis gloriam euehare, & sæpius legendo accuratè castigatum opus, Ramusios tibi deditissimos & domesticarum laudum præcones recognoscas.

Vale.

Eiusdem Pauli Ramusii epigramma,

Armorum fulmen iacet hic Malatesta Robertus,
Cuius præstantes gloria vicit auos.
Nam post mille acies superatas Marte secundo,
Dum soluit patrios obsidione lares,
Agmina prostrauit Tuscos immissa per agros,
Et Calabri fudit fortia castra ducis.
Occubuit posthæc inter fera prælia, certe
Non potuit fato candidiore mori.

AD MAGNANIMUM ET ILLUSTREM

heroa Sigismundum Pandulphum Malatestam splendissimum
Ariminensium regem ac imperatorem semper inuictum
Roberti Valturii rei militaris librorum præfatio.



Redo equidem, nec sum nescius, dux & Imperator inclyte, SIGISMUNDE PANDULPHE, (tanta est liuoris & inuidiæ nostri huius sæculi malignitatisque pueritas) quod in tanta scilicet probatissimorum utriusque lingue scriptorum copia qui accurate & eleganter rei militaris præcepta tradiderunt, ego potissimum ausus sim temere ac ieiunè libros de tanta re cōminisci: in qua primum cēsum aciem struam quàm cœpti mei rationem reddam, quàm de perscriptiōe operis huius differēdum quicquam putem. Inter istos itaque qui mea legent, nouum immo antiquum & admirabile hominum genus fore scio, nec mihi soli, ultimo hominum, verum primis ac maximis importunum, quibus nihil ritè fiat, quibuscum loqui si cœperis, fastidiant singula, sua licet non edāt: indignenturque, nunquam in sententia permanentes, si veluti muta & rationis expertia vitam silentio prætereas. Nonnulli, veluti sues in luto grūnientes, quum norint forsan ad hanc immortalitatis & gloriæ partem ex literarum & ingenii sui conatibus aspirare non posse, nec inuenire, nec explicare sermone quod fuerit inuentum, incassum me laborasse contendunt: & quoniam nixu ipsi suo minime iuuantur, nullum adiuuari posse censebunt. Alii veluti apum fuci, & improbiissimi sycophantæ, solita libidine omnibus detrahendi, & ad singulaque carpenda proni & ingeniosi, non deerunt interpretes qui calumniabuntur singulorum ordinem, eo pacto scientiæ phamam sibi aucupari credentes: qui puerilis iactantiæ studio tenebuntur obnoxii, quum olim consueuerint adolescentes ab insigni accusatione aliqua primum nomen auspicari. Phormionis peripateticæ sectæ philosophi, & Sergii Galbæ persimilem me dicent. Alii, cum nitida ego ut illi cute, & corpore propter umbram molli, nullo vnquam vulnere admissio, de re militari, de fortitudine ac ignauia ducum, de instruenda acie, de loco castris capiēdo idoneo, multisque id genus, verba facturus sim, ad eū maxime ducem qui & castris nutritus sit, & exercitus maximos duxerit semper inuictus. Erunt & alii porro difficiles, monstruosi, lucifugi, qui falsam scientiæ persuasionem induent: sub peritiæ tamen ostentatione, ac doctrinarum suarum opinione, multa sibi arrogantes, & intra sese nescio quid ineptè cornicantes, quique non tam criminibus quàm maledictis annitentur obruere: quorum voces tumentiaque verba minime perhorrescens, nihilo pluris ego faciam quàm Demetrius ille quem dicere solitum accepimus, eodē sibi loco voces esse imperitorum quo & ventre reditos crepitus: quum nihil pene intersit qua parte corporis, sursum an deorsum turpiter sonent. Acrius urgebunt alii, & inculcabunt mihi illud satyricum, Tenebunt insanabile multos Scribendi cacoëthes, illius obliti non minoris in satyra, Est quodam prodire tenus, si non datur vltra:

ROBERTVS VALTVRIVS

quos omnes etsi possum iure meo repercutere, malim tamen equo animo intactos linquere, maxime quū haudquaquā ex eorū sim numero qui æmulis carere velint: & eo sint studio, & ingenio prouecti, vt nihil reprehensibile, nihil nisi ad vnguem perfectum habeant. Non pigebit igitur, si qua me inconsultè præterierint (quanquam mea, diligētia & curiosa perscrutatione veterum ex libris explorata omnia esse sciam) vel amicorum, vel eruditorum monitu, si vera fuerint, emendatione corrigere: si minus, Democriti potius risum quā Heraclyti lachrymas sequi velle. Non enim agrè feram, hanc esse de scriptis meis estimationem, vt qui nesciunt, doctissimos, grauissimos sanctissimósque viros ab æmulis quibus referta sunt omnia perperam talia perpeffos esse intelligant. Atq; vt à poētis initium sumam, qui sunt multò antiquiores quā historici, quā oratores, quā cætera scriptorum genera, Homerus primus omnis philologiæ dux & antiquitatis parens, diuinarumq; omniū inuentionū fons & origo fuit, haudquaquam tamen sic posteritatis studia restrinxit, quin æmulos haberet quā plures, qui labētem, & cedentem oneri, & dormitantē eum nonnunquam appellent: sed Zoilum illum imprimis, quod mirabere, qui à Macedonia Alexandriam profectus optauit sibi cognomen vt Homeromastix appellaretur, quum sua Ptolomæo regi contra Iliadem & Odysseam scripta comparata recitaret, quanquam ante annos mille diem obisset Homerus. Maronem vatem Mantuanum, disciplinarū omnium cognitione ad vnguē excultum, & cuius anima, vt inquit Flaccus, candidiorem aliam non tulit terra, ab C. Caligula, nullius ingenii: à M. Vipranio Repertore, ab Cornificio, Euangelio, Camillo Pictore, Hærennio, Perillo, Faustino, Octauioq; Auito, ac multis aliis non tanq̃ imitatorē, sed defloratorē, & veterum cōpilatorē publicumq; furē nouimus esse notatum. Hęc eadem à maliuolis passus est P. Terentius Comicorum summus, qui comædiarum prologos in defensionem scænis dedit. Vrgebant enim comædias eum omnes à Polydoro ac Menandro transtulisse, & à Lælio Scipionēque in scriptis sic adiutum vt meritò non sua sed aliena pro suis edentem criminentur. Sunt qui non tam ab his qui tum adolescentuli forte fuere quā à Q. Sulpicio Gallo qui consularibus ludis fabularum dādarum initium fecerit, vel à Q. Fabio Labeone, & M. Pōpilio consulari utroq; ac poëta viris, vtpote quorum operam, & in bello, & in ocio, & negotio nedum Terentius sed S. P. Q. plerunq; R. fuerit expertus. Quis M. T. Cicerone doctrinarum luce in eloquendo ornatior? quis felicior in explicando? quis in persuadendo potentior? qui in arce romanæ eloquentiæ stetit? id nedum inter ætatis suæ homines, verū apud posteros assecutus, vt eius non Arpinatis cuiuspiā hominis, sed animatæ diuinæq; potius eloquentiæ nomen habeatur? obtrectatorum tamen morsus euitare non potuit quominus in eorum linguas incideret. Hunc enim Græci repetūdarum dignum accusari censent, q̃ ea literis mandaret quæ haud primum ex se forent inuenta: criminantur alii incompōsitè eum loqui, & non modo tumidum, sed redundantem, in repetitione nimium denique, atque verbosum, quū tamen mos sit ei profundam rerum scientiam sub breuitate verborum tegere. Martianus Capella, vitiosissimum in clausulis reperiri eum, turbantem numeros quadam permixta

permixta confusione, dicit. Nonnulli quoque inter maximos viros tam prodigiosi extiterunt, in quibus sunt Gallus Asinius Calvus, & Largus Lycinius (cuius liber in suggillatione eius atque notam etiam inuulgatus fertur, infami titulo Ciceromastix) ut scribere ausi sint, oratorem maximum improprie atque inconsulte locutum: quos itidem (ut in oratione etiam sua Vatiniana testis est) ob insignem linguae festiuitatem, consularem eum scurram minus puduit appellare: quodque magis mirabere (tanta est iudiciorum varietas) extat eiusdem Ciceronis de optimo genere dicendi liber, tale tamque ex alto sumptum opus, ut idem in epistolis aegre attigit, a M. tamen Bruto, ad quem & cuius precibus scriptus erat, erudito viro licet & scribentis amico, non probatur. Quis Demosthene in tanta graiorum hominum eruditione, oratoriae artis praeceptis & dicendi usu ac maiestate praestantior? & quanquam quum dicturus esset, concursus in audienda causa ex omni Graecia fieri solitos monumentis atticis atque latinis memoriae proditum sit, attamen hic ipse huius quae modo diximus Ciceronis aures per saepe non implet. Quis Epicurum intoleranda superbia detrahentem omnibus non audiuit? Pythagorae, Empedocli, Democrati? quem amicum licet, totis voluminibus lacerasse traditur, quod in philosophia paululum a se suisque insanis opinionibus discordarent? Democritum a quo quae sciebat in philosophicis curata didicerat, & quem exigua mutatione verborum in omnibus sequebatur, hunc acrius inurebat: nepe qui magistro caruisse gloriaretur & videri vellet. Secuti sunt in hac detrahendi lididine Epicurum Metrodorus atque Hermacus, supradictos quoque philosophos lacerantes, nec ullius magnitudini parcentes aut gloriae, quando idem Epicurus mirum in modum Platonem spernit & contumeliosissime Aristotelem vexat, aduersus Tritamum hominem in dicendi nitore tantum ut ob diuinam eius eloquentiam Aristoteles Theophrastum appellaret: Scito sermone & Attico inuenitur scripsisse etiam foeminam, ac meretriculam quidem. Fuit & Zeno ipse maledicus, & aspernator non modice, qui et Chrysippum philosophum acutissimum, & eiusdem sectae nominans contemptum, non Chrysippum sed Chrysippam semper diceret: nec modo qui tum erant, Apollodorum siue caeteros coetanos conuitiis ac maledictis incesset, sed parentem immo deum philosophiae Socrate, latino verbo usus quod mordacior credo esset, scurram Atticum appellaret. Similiter qui de Platone Xenophonteque, duobus Socraticae amoenitatis luminibus exquisitissime scripsere, non abfuisse ab ipsis motus quosdam tacitos & occultos simultatis & aemulationis mutuae putauerunt. Fuit & Anni Seneca in Fabium Quintilianum, & Quintiliani in Senecam detractio non leuis, & quanquam ambo excellenti ingenio & doctrina viri, eodem caelo geniti, quos aetas, quos professio penes iunxerit, seiunxit tamen adeo parium immo disparium pestis liuor, ut nec Fabius Senecam ore pleno probare possit, nec ille de Fabio, par pari referens, nisi contemptissime loqui. Liuium historicum celeberrimum, tamen si lacteum alii, alii vberem & beatum eloquentiae fontem vocent, Caius tamen, ferox fateor princeps, sed minime rudis, ut Seneca dicta, commissiones meras & sine calce arenam esse dixit, sic verbum hunc in historia negligentemque carpit, cui & Pollio patauitatem quampiam dicit inesse.

Salusti

ROBERTVS VALTVRIVS

Salustianæ orationis breuitatem qua nihil apud eruditos elegantius, nihil potest esse perfectius, maligne etiam reprehendere insciteq; obrectare plerique conati sunt. Vtq; ad sanctos patres conuertatur oratio, quis Hieronymi contentiones non audiuit, non legit? cum Ruffino Aquiliense? cū Iouiniano? cum Vigilantio? quem nonnunquā proprio, nonnunquā mutato nomine dormitatem appellat? Quis eiusdem cum Augustino non vidit epistolas? à quibus quū contentionis studium et volūtas forte absit, mores sanctorum in quibus illi duo omni genere doctrinæ & vitæ sanctimonia omnium iudicio excelluerunt, emulationis tamen non paruæ speciem quādam præ se tulisse haud dubie visi sunt. Cyprianum in omni genere oratoriæ artis admirabilem, & cuius ingenii facilitatem, copiam, & suauitatem admiramur omnes, à peritis tamē quibusdam accusari derideriq; solitum legimus, et vna sui nominis litera immutata, Caprianum appellari, quod ingenii tam diuitis venam ad dominicam orationem ac humilia quædam alia literarum ignaris solū enodanda conuertisset. Ad postremum quum constet ingeniis omnis æui præcellentibus vnum hoc venenum vnāque labem inuidiam extitisse, non mirum tibi, Sigismunde, nec cuipiā videri debet, si contra me pusillum hominem & indoctum scholastici quidam & circūforanei rabulæ latent atque defæuiant. Quocirca lectorem etiam humanitatis iure postulo, quisquis ille erit qui viderit hæc, ne iurgiis infectetur, conterat, vel detestetur: verū si ab initio legerit, perlegat quoq; & in legendo quæ alibi norit (quum nihil scribi omnino noua inquisitione possit) minime tanquam iniqua repudiet, satisque esse iudicet, non esse hæc, nec in compitis, neque in tabernis literarum ludi valde protrita. Illud denique peto, vt non erudiendi ostentandiq; noui aliquid magis quàm restaurandi gratia quæ deperdita erāt clarorum virorum monumenta, quasi maiorum demonstratione vestigiorum, scripta hæc existimentur: atque vt eiusce deperditæ rei notitia plenior habeatur, ab ipsis (vt ita loquar) cunabulis scriptores eius auctores recēsebo, quos & multos & præclaros, tam Græcorum quàm Latinorum aliarumq; gentium fuisse comperio, Demetrium scilicet Phanostrati filium, Phalereum, Democritum, Xenophontem, Pyrrhum Epirotarum regem maximum, Iphicratem Atheniensem, Anacharsim Scytham, Cincium, Iulium Higinum, Catonē Censorium, Marcum Varro-nem, M. T. Ciceronem, Cornelium Celsum, Martianum, Modestinum, Marcel-lum, Sextum Iulium Frōtinum, Vegetium Renatum, Patrinum, his minus omis-sis quæ à Romulo, Numa Pompilio, Tullo Hostilio, Anco Martio, Tarquinio Prisco, Seruio Tullo ex regibus: ex Cæsarum verò & Augustorum familia, Iulio Cæsare, Diuo Aug. Diuo Traiano Adrianoq; instituta, inuēta, cōmutata vel reuocata sunt: quorū pene omnium libri qui scripserūt cum vel temporum vitio, vel iactura quadam nostra deperissent, illiq; ipsi qui fato minus essent absumpti in multis deficerent quæ ad rem spectare videbātur, suscepi laborem nouæ huius commentationis, tuo tantum nomini dedicandum. Nullus enim occurrebat alius, (neque amore aut errore teneor) in tanto nobilium ducum & imperatorū numero, cui iure suo munus hoc dedicari dignius posset: quippe qui hac solus tempestate castrorum filius, exercituum pater, optimisquibsq; doctrinis &

SIGISMUNDO PANDVLPHO.

nis & artibus belli imbutus, clarissimis exacti temporis ducibus peculiari quadam amoris gratia militaris huius rei afficeris, vitam illorum ac gesta studens emulari. Eoq̃ libentius id effeci, quòd concilium cęlestium terrestriumque in sedibus immortalitatis te collocasse videbam, omnemque inclytę domus tuę gloriam subditorumque populorum spem in tuam potestatem transfuisse, vt non aliter ac dei nutu sine dubio factum sit, quòd tam arduus ecclesię romanę casus emerferit, quo heroicam diuinamque illam virtutem tuam facile posses ostēdere. Nec egre feres, de te audiens quod aliquando de summatibus viris & illustribus dictum est & literarum custodię traditum: vt enim Hectorem & Achillem troiani belli celebritas claros fecit, innumerabilis Xerxem exercitus, & Marathonia pugna Milciadem, Camillum Galli, Manlium capitolina defensio, Scipiones Carthago, Cymbri & Theutones Marium, Pompeium Mithridates atque pyrata, Cęsarem Britannia, Gallia, atq̃ Thessalia, sic te diuina signa per omnes Italię oras, per omnes exterarum nationes, notissimum clarissimumq̃ reddiderunt, cum Eugenio Pontifice Maximo, omniumq̃ sanctissimo pręsidente, tu gentibus eius aduersus egregium sane ducem Frānciscum Sphortiam focerum tuum potentissimum, ac acerrimum dominici tunc gregis hostem, aduersusq̃ Florentinum Venetumque populum Imperator inuictus adesses, ac sacrosanctam ecclesiam eius gētibus laceram, & armis oppressam, breui temporis curriculo contra cōmunem omnium opinionem ad summum dignitatis suę culmen instinctu diuinitatis, mentis magnitudine, ductuque tuo, consilio et auctoritate proueris. Neque aliter illum ipsum castrensem impetum atq̃ conatum tuū qui pręcesserat, contra hęc ipsa ecclesiastica signa & illustrem Tarraconensem regem Alphonsum Philippumque Mariam, Insubrium, Lygurumq̃ ducem bellicosissimū reor extitisse, nisi quia maxima vi maximq̃ discrimine modestia tua illustranda erat, ac veluti cęli temperiem venti imbresq̃ commēdant, ita ad augendum tuę dignitatis cumulum apud pontificem, apud omne genus hominum, illum tumultum, hūc spectatissimum triūphum pręcessisse crediderim, vt quot in illo turpitudinis notas extingueres, tot in te triūphales coronę refulgerent. Conuenientissimum pręterea videbatur vt cui merito omnia debeo & imperio subsum, ipsi meum, si quid esset, prę cęteris dicaretur ingenium, sperans denique id fore morte obita, vt ad posteros aliquādo non inglorius commigrem & viuam: vbi si immortalitatem illā quam omnes expetunt, pauci verò assequuntur, vel ipse non assequar, gaudebo tamen tuo augusto paternoque nomine, cui hoc de re militari opus inscripsi consecrauique, me diuturnam lucem & sempiternā quandam gloriam adepturum, qui fortasse sine te, qui multis me ad scribendum rationibus impulisti, in tenebris abiectus iacuissem. Sit itaque tuo tantū nomini dicatum, et quid de te mihi pollicear videas obsecro. Nūquā enim huiusce libri exordio nomen ipsum legetur tuum, quum passim & vbiq̃ gentium sublime magnificumq̃ prędicetur, quin mihi splendoris & gratię plurimū sit allaturum. Putabunt etenim singuli ad quos liber iste puenerit, non parua nec inutilia se percepturos, dū tam splendidū, tam pręcellens, tā illustre ipsis primis apicibus nomē

tuum

ROBERT. VALT. SIGISMUNDO.

tuum intuebuntur & legent. Suscipe igitur clementissime ac optime princeps,
SIGISMUNDE PANDVLPHÉ, gratissimis vlnis munusculum
hoc, exiguum licet, ab animo tamen tibi deditissimo tuique amantissimo profe-
ctum, intentiusque leges quum aspirare tibi inter plurima strepentium occupa-
tionum tuarum agmina licebit. Inuenies profecto plurima in hoc opere quæ ti-
bi sint aut voluptati maxime legisse, aut ornamento vidisse, aut vsui meminisse:
quippe quæ præceptis & exemplis suis oblectare atque instruere bene in-
stitutum animum possint: de cuius causis nil attinet plura nunc disse-
rere, quum quidem singulæ partes eius destinatis aliquot volu-
minibus explicandæ sint, quas ordine suo tunc demum pro-
sequar, quom præfatus fuero pauca quædam de
ipsius rei origine ab aliis pene omnibus omis-
sa scriptoribus, quâ reor ad vniuersę eti-
am rei descriptionem ab aliis quoque
pluribus intactam maxime
profuturam.
Vale.

Dantis Tertii Aligeri,

Qui modo Romuleam seruarat ab hostibus urbem,
 Et capitolini culmina cæssa Iouis,
 Quique ducem Calabrûm castris spoliarat & armis,
 Inq̃ omni fœlix agmine victor erat,
 Marmore dux Venetum iacet hoc, Malatesta Robertus,
 Fecit adhuc tantum non Libitina nefas.
 Cur fraudata rapis iuuenem fortuna, putas
 Nunquid, dum numeras parta trophæa, senem?

Eiusdem,

Quisquis funesto validas sub Marte cohortes,
 Et sequitur missas per freta falsa rates,
 Ille Raguseum tollat super astra Boninum
 Ingenioq̃ viri præmia digna ferat,
 Impressit quoniam quonam modo bella gerantur,
 Machina vel quatiat mœnia quæque solo.

¶ E R R A T A

Pagina	Linea	Lege
3	25	vt reliquæ actionum
94	31	Sagmina, inquit, à te
113	17	donec Crassianus hic &c.
Græcus enim Plutarchus habet <i>κρασσιανός</i> quod latinus habet Crastinus.		
171	21	captos cxlii
ibidem	23	Antipatro autore
ibidem	27	reuiit experiēti Ajax,
alioquin dux agminis semper. Tum pronunciatum &c. sic Plinius libri octauī capite quinto.		
Huius loci occasione subit mihi, bone lector, te orare vt cum in huiusmodi loca aliquot incides negligētiā nostrā ne incuses, q̃bus festināte prelo ac autorē sēpe ta cēte Valturio, non libuit incōperta in formam mutare diuersam ab exemplari.		
182	43	Vicarium tibi expedi
215	40	<i>κυλίω</i>
259	1	vehicula duo tormētaria
289	in titulo	Lib. X

Nomina autorum præcipua (nam omnia persequi esset infinitum)
à quibus quæ xii Valturii de re militari libris continentur
desumpta sunt.

Acron	Euclides	Nigidius
Ambrosius	Eudoxus	Oppius
Ammianus marcellinus	Euripides	Oribasius
Apollonius Tyaneus	Eusebius Cæsariensis	Orosius
Apuleius	Eutropius	Pacuvius
Aristophanes	Fabius Quint.	Palladius
Aristoteles	Faustinus	Pandectæ
Asconius pædianus	Fenestella	Perfius
Athanasius	Firmianus	Petronius Arbiter
Augustinus	Flavius Vopiscus	Pherecides
Augustus Cæsar	Florus	Pittacus
Berosus	Frontinus	Pindarus
Biblia sacra	Galenus	Plato
Boëtius	Gellius	Plautus
Cæsar	Germanicus cæsar	Plinius
Cæcilius	Gratianus	Plinius nepos
C. Caligula	Gregorius	Plutarchus
Cassiodorus	Helius Lampridius	Polybius
Censorinus	Heraclytus	Priscianus
Cicero	Hesiodus	Propertius
Claudianus	Hieronymus	Rabanus
Clefbius Alexandrinus	Hyrctius	Sallustius
Columella	Homerus	Seneca
Cornelius Celsus	Horatius	Seruius
Cornificius	Iosephus	Stephanus
Curtius	Iphicrates	Suetonius
Dares phrygius	Iulianus	Terentius
Demonactes	Iustinus	Tertullianus
Demosthenes	Iuuenalis	Theocritus
Dion	Laërtius	Theophrastus
Dionysius	Liuius	Thucydides
Diolcorides	Lucanus	Tibullus
Donatus	Lucullus	Trogus
Draco	Lycurgus	Valerius Maximus
Druidæ	Macrobius	Varro
Egesippus	Martialis	Vegetius
Epicurus	Martianus Capell.	Victruuius
Ennius	Masurius Sabinus	Virgilius
Epimenides	Menander	Vlpianus
Euangelus	Neuius	Xenophon

ROBERTI VALTVRII

AD MAGNANIMVM ET ILLVSTREM

Heroa Sigismundum Pandulphum Malatestam splen-

DIDISSIMVM ARIMINENSIVM REGEM

ac imperatorem semper inuictum, Rei Militaris Libri XII.



De prima & secunda Rei Bellicæ origine, apud quas nationes primum orta & unde
Res bellica dicta sit,

CAP. I.



Vum inter omnes priscae auctoritatis viros, qui Xenophonte ac Cicerone duce, clariore mentis ratione viguerunt, non dubium sit, per se hominis vim imbecillam ac fragilem nimis, non satis esse quo res omnes domi & foris sibi commodas ad vitam posset amplecti, alteriusque indigere, legitimam maris & foeminae copulam constat comparatam esse natura, ut & utilissima & maxime necessaria vitae societas iniretur, & quod alteri plerumque deesset, praesto sumeretur ex altero: tum etiam, quum victus non uti primum palam & in propatulis campis, sed intra domesticos parietes accurandus erat, necesse fuit alterum foris sub diuo esse qui labore & industria compararet quae tectis includerentur, fruges, & alimenta: quum verò partae res intra limen essent congestae, alium esse qui & congesta seruaret ad usus vitae necessarios. Iure igitur & natura comparata est opera mulieris ad domesticam diligentiam, viri autem operam omnem & curam ad exercitationem forensensem & extraneam, ad inedi- am & vigilias, aestus & algores, tum etiam itinera & labores pacis & Belli, ceterarumque artium & militarium stipendiorum perpetiendos: idcirco natura viros quam mulieres fecit audaciores, quod necesse esset foris & in aperto vitam tuentibus nonnunquam manu & viribus iniuriam propulsare. Huiusmodi autem homines, aliis belli propulsores & arma tenentes, aliis custodes, aliisque milites notiori vocabulo libuit appellare: quo fit ut haec militaris res ad commoda vitae consequenda, secundum naturam apud coetus iure sociatos consiliaque hominum, quae nostri homines ciuitatem appellant, honestissimis orta & procreata principiis, ad salutem utilitatemque hominibus tradita & concessa videatur. Eius rei originem, prisca illa & absoleta à memoriâque hominum multum remota mecum ipse reputans, cur ad urbium conditores seu rei ciuilis rectores referatur non satis intelligo. Antiquissima enim rei huius bellicae initia fuisse conperio, longèque ante vrbes legesque conditas, ante aeris ferrique usum adinuenta: siue ad Iouem illum magnum quem in caelo comitatum exercitu deorum pariter & daemonum Plato describit, procurantes praefectos & praesides habentem, radices agentia: siue ad prisca usque illos homines inertes & ex terra genitos ut poeta meminit.

Terrea progenies duris caput extulit aruis:

siue corruptione aliqua, alioue quouis modo absque parentibus natos & reseruat-
tos, iuris multarumque rerum ignaros, quum nullum tunc neque naturale neque ci-

A uile ius

uile ius descriptum, nulla initia sapientiæ, nullæ dissensiones nec inimiciæ, neque bella oborta forent. Nam

Nondum vefanos rabies nudauerat enses,
vt Germanicus Cæsar in Arateo carmine loquitur,

Nec consanguineis fuerat discordia nota:

immo nec alienigenis quidē, quum nulli omnino gladii qui tunc stringerentur essent, quum pœna ex cupiditate, amentia, nequitia, improbitate aucta, per scelus, prædas, direptiones, sanguinem & crudelitatem perfecta Bellica res à beluis vel quòd beluarum more propter alimoniam & specus quæ tunc pro domibus illis erant, vnguibus & dentibus pugnarent: vel quòd beluarum sit pernitiōsa dissensio, dicta & appellata non inscitè videbatur Horatio,

Quum prorepserunt primis animalia terris,

Mutum & turpe pecus glandem atq; cubilia propter

Vnguibus & pugnis dehinc fastibus, atq; ita porro

Pugnabant armis quæ mox fabricauerat vsus:

nisi rem hanc ab initio secundum naturam profectam tuncque rudem ac penè fortuitam ad disciplinā peritiq; studia primi reuocassent, quales Assyrii quos primos bella finitimis intulisse constat, quanq̃ non horrida multum nec difficilia, quòd rudes adhuc ad resistendum gentes essent, nec etiam multæ nec magnæ, quū post Noë diluuium anni non multo amplius quàm mille fluxissent, vbi Ninus rex Beli filius, supra quem nihil præclarū in libris relatum inuenio, Vesorem illum Aegyptium & Scythiæ regem Taneum remotis bella populis inferentes, nec imperium sibi, sed populis suis gloriam quærentes victoria sola contentos semper excipio, omnes quæ à Syriæ finibus adusq; vltima Lybiæ gentes nationesq; subegit, quo tempore inter sese insidiari cœpere & gloriam ex humano sibi sanguine comparare: Siue quales Abantes, qui propè pugnandi ac præter ceteros manus cum hostibus conferendi solum peritiam habuere.

Nam vt Antilochus refert,

Hæc crebros tendunt arcus, nec verbera fundæ

Expediunt, sauiasq; ferox Mars æquore cædes

Infert, sed rigido geritur res comminus ense:

Hac illi apprime pugna certare periti,

Euboicæ genus acre virum Bellóq; superbum:

Siue quales Cretenses, quorū patria prima remis & sagittis inclaruit: Siue quales acerrimi omnium bellatorum Chalibes, per quos erutum & domitū est primitus ferrum. vel vt Hesiodo quoq; placet, in Creta eos qui vocati sunt Dactyli Idei: Aphris & Thessalis hanc alii partim gloriam dabunt, quòd ex his primitus pugnam ex equis Centauri secundum Pelion montem incolentes docuerint inire, lasciuasq; vertigines implicare. Illis verò, quòd primi contra Aegyptios prælium fustibus, quos phalangas vocant, fecisse memorentur: Erunt & qui contra hos pugnent veluti Daci, Medi siue Thraces, quos bellicosos adeò fuisse semper non dubium est, vt ipsum Martem apud ipsos fabulæ natum esse confirment. Galli verò suo quodam iure ab his quos modo diximus hanc pal-

mam repe

nam repetent, suamque omnino esse contendent, quum se Druidum sententia omnes à Dite patre cui terrena vis omnis atque natura dedicata est, pugnae natos praedicent, liberisque suos nisi quum adoleuerint ut munus militiae sustinere possint, palam ad se adire non patiantur. Atheniensibus hanc tribuent alii, quoniam eorum ciuitas qua nihil habuit Graecia clarius, nihil antiquius, à Minerva est, principe & inuētrice Belli armorumque Dea, quae graece *αἰωῶ* dicitur, utpote quae bellicosa & sapiens regionem eligendam censuerit talem, quae sui finiles viros editura esset. Permulti denique Spartiatis concedent, quorum disciplina quid quantumue bellicis actionibus conduxerit ut reliquos missos faciam, Maharbalis praestantissimi ducis & Xanthippi declaretur exemplis. Huius enim mercenarii militis siue ducis opera & arte, triginta milia Romanorum caesa sunt, Regulo eorum duce, cum quingentorum equitum numero in vincula coniecto: illo Laedæmonio quoque Hannibal secundo punico bello postquam alpi- bus patefactis in Italiā traiecit, usus ductore & accincto & acri & expedito semper ad bellum milite, occidisse populi Romani supra ducenta milia, quinquaginta & eo amplius hostium milia cepisse memoratur. Quo quidem duce, ut cetera fileam, illa maxima Cannensi mirabiliterque horrenda clade de Romanis procul dubio esset actum, nisi mora perueniendae urbis obstitisset, ipsaque militia tanta rerum agitatione longo postliminio ab interitu penè reuocata fuisset in lucem, quae denique omni studio exulta, non principatuum omnium quae circa se essent Sabinorum, Hetruscorum, Latinorum, Hernicorum, Volscorum & Auruncorum, totiusque Italiae populorum solum Romanis peperit, verum omnium ferè remotissimarum gentium ac nationum terrarum orbis reges ac dominos fecit.

Quid res Militaris, & in quot partes distributa secundum Iphicratis traditionem, & quod tribus rebus, ut reliqua actionum, natura, doctrina & exercitatione consumitur, quodque plurimis liberalium artium studiis inherendum sit ei, qui se cum gloria ceteris imperaturum profiteatur,

CAP. II.

MILITARIS res, est civilis quaedam pars facultasque honoratissima, ad reliquas civilis potentiae partes tuendo continendas, secundum naturam maxime necessaria, legitimaeque ad hoc ipsum variis diuersorum temporum exemplis electione ac sacramento adacta. Haec ut Iphicrates tradit, in Pedites, Equites, Phalāgem, Ducemque distributa est. Manibus pedites similes sunt, pedibus verò equites, ipsa phalanx thoraci & pectori, capiti autem imperator: qui ut Aristoteli placet, mentis atque animi instar est. Rursus tribus haec rebus, natura, doctrina & exercitatione consumitur. Naturae namque principiis fortes creantur ex fortibus & bonis, estque in iuuenis, est in Equis patrum virtus, nec imbellem progenerant aquilae columbam, ut Flaccus inquit. Maxima quoque huic rei adiumenta conferre doctrinam & institutionem quis dubitat? quum in praeliis quondam omnibus artibus studiorum liberalium excultis, veluti seminario ducum praefectorumque, praecipuus honos haberetur: quumque ad militiam euntibus apud maiores nostros dari soliti sint

custodes atq; magistri quibus primo anno erudirentur, quod nec poëtam maximum præterit de Pallante canentem atq; dicentem,

Sub te tolerare magistro

Militiam graue Martis opus.

Porro consuetudinis & exercitationis ea vis est vt dimicātium animus semper sit pronus ad cædem ardēsq; in præliis, ad quæ si in consuetum militem duxeris, non secus ac mulierem videris: & quanquàm Tyronum ætas Veteranorum potior esse soleat, veterani tamen ex consuetudine cæteris audendi exemplum præ se ferent, quum videamus ex militum turba sæpenumerò saucios efferri: & quidem Tyronē illum & à consuetudine pugnæ alienum, leui qnanq̃ ictu vulneris suspicione pallentem effœminatissimūq; eiulatum edentem: veteranum verò præliis assuetum, vulneribus innutritum, ac post sanguinem sæpe etiam victoria potitum, quum nonnunquam grauiter impellatur, feriatur, deniciatur, alacrem iterum ad cædem exurgere, chirurgum & vnguenta spernentem. Quū itaq; ad perfectam huius rei actionem hæc tria insint, vt antè diximus, natura, doctrina & exercitatio, necesse est vndecunq; expolitum esse debere, qui se præstantem cæteris profiteatur: quocirca huius rei ducem, ingeniosum & ad disciplinas singulas maiorūq; instituta capeſſenda docilem atq; versilem esse oportet: haud enim ingenii vis absq; disciplina & rerum plurimarum maximarūq; exercitatione, aut disciplina, ingenio & exercitatione destituta, consummatum ducem potest effingere: quòd si qui aliter forsan putent, falluntur maximè, & in summo omnium errore versantur: quūq; nulla sit ars, nulla disciplina tam suis absoluta partibus vt non quoq; cæterarum adiūmēta desideret, vt in bellicæ huius rei quota maximè parte versatur instrumentis, quum alter spicula telis & sagittis exacuat, alii balistarum scorpionūq; symmetriis & temperaturis insistant, calatis alii frænis, cæterisq; id genus quæ ad hominū equorūq; structuram pertinent occupentur, non alienum censi debet si huic militari disciplinæ plurima liberalium & optimarū artium ornamenta constituta quibus inhærendū putem. Sit itaq; in primis literatus dux & saluberrima philosophiæ præcepta æmuletur, historias multiplices memoriter complectatur: oratoriæ poëticaq; facultatis non sit ignarus: Musicæ, Arithmeticæ, Geometriæ, astrorum cœliq; rationes pro facultate cognitatas habeat: iuris ac legum diuersarum gentium varietatem calleat, medendi cognitionem haud aspernetur, gymnasticæ & militari exercitationi ac otio bellicisq; postremo rebus aliis ad laureas & triumphos tanquàm maximè necessariis totus incumbat: quæ cur ita sint, seorsum hæc sint causæ.

De literis hisq; qui maximè earum studijs incubere, plurima memoratu digna,

CAP. III



LITERATVM ducem esse oportet in primis & eruditum, vt diximus. Sunt enim literæ ad excolēdam vitam & ad comparandam gloriam sempiternāq; rerum gestarum memoriam propagādam adiūmētum ei maximum roburq; validissimum. Literaturam autē intelligo, non vulgarem, non crassam, & barbaram istam qua vtūtur qui nūc in castris versantur duces, sed præclaram & accuratam illam cum rerū multarum

rum scientia coniunctam. Nam neque praecepta illorum, qui scripserunt, nec eorum exempla de quibus scribitur satis intelliget qui non ista fuerit eruditione perpolitus. Ad quam comparandam, quum diligentia nostra maximè opus sit & cura, quum incidant tempora nonnunquam & horæ quibus ab huiusmodi rebus bellicis vacare necesse sit, quum non semper gerantur bella, & singuli dies ac noctes aliquid habeant intercapedinis, quo domi contineri & cum veteribus tuis amicis, id est, libris esse seorsum possis, ante omnia tinctum esse oportet ingenium & quasi initiatum praeceptoris optimi opera. Quod considerans Philippus, Macedonum Rex sapientissimus, Alexandrum filium prae ceteris literarum inductoribus quibus eius curam demandauerat, Aristoteli summo id temporis philosopho tradidit literis imbuendum, quo illam, quam modo dixi literaturæ & eruditionis excellentiam adipisceretur: quod nec rex ille prudentissimus fecisset, nisi forte ab Alexandro fratre Thebanis obses datus triennio apud Epaminundam, strenuissimum imperatorem et summum philosophum eruditus esset, nec tantus philosophus hoc sibi munus suscepisset si non honestissimarum artium semina ab optimo tractari praeceptore debuissent: in qua re extat illius adhuc epistola ad Aristotelē, de Alexandro filio in hunc modum scripta.

Filium mihi genitum scito, quo equidem diis gratias habeo, non tam pinde quia natus est, quam pro eo quod eum nasci contigit temporibus vitae tuæ. Spero enim fore ut educatus eruditusque a te, dignus existat et nobis et harum rerum susceptione. O sapientissimam et tanto principe dignam vocem, qui ita demum eum putauit dignum fore susceptione regni, & tantarum rerum administratione, si literis & disciplinis erudiretur, atque planè ita fuit: suapte enim natura primum conuersatione, deinde doctrina, & praeceptis tanti philosophi ornatus Rex ita egit, ut ipse Deo genitus Deoque simillimus crederetur. Aristotele enim primum exacta pueritia per quinquennium, et porro Callisthene usus rhetoribus, orbem terrarum aggressus, innumeras hostium copias ac gentes expugnauit, & totum penè orbem suis victoriis illustrauit: cumque ea tempestate armis exercitum communem prope Asiam teneret, potentissimumque & Persarum & Medorum regem Darium praeliis & victoriis urgeret, quanti literas & ipse rex fecisse, quantumque ornamenti illis posuisse visus est, ex his liquet inspicere: in illis enim tantis negotiis literas ad Aristotelem misit, quibus in hunc modum questus est,

Haud abs te rectè factum est, quod speculatiuas edidisti disciplinas: quia enim re ceteris iam nos ipsi precellemus, si ea quibus eruditi sumus studia omnibus coeperit esse communia? Quippè ego doctrina anteire malim, quam copiis atque opulentiis. Cupidi ea fortasse vox & inuidi hominis ad utilitatem suam omnia reuocatis, sed ex hoc facilior est coniectura quantum literis tribuerit, quippè qui cum ceteris rebus concertatores inesse sibi non egrè ferret, in his ne æmulum quidem vellet habere. Quæ animi excolendi cura, quod studium Antigono, præclaro etiam Macedonum regi fuerit, facile percipi potest ex Perseo, Philonideque eius preceptoribus, atque ex his, ut refert Apollonius Tyrius, quæ de Zenone ad eum in hunc modum conscripta sunt,

Antogonus rex Zenoni philosopho salutem. Ego fortuna me quidem & gloria vitam tuam anteire existimo, ceterum disciplinis studiisque liberalibus

A iii & per

& perfecta felicitàte quam tute possides, longè abs te præcelli sentio. Quocir-
 ca te orare statui vti ad me proficiscaris, id mihi persuadens, te preces meas mi-
 nimè irritas fieri passurum. Tu igitur modis omnibus enitere vt tuo contuber-
 nio fruamur, hoc pro certo habens, te non mei tantum sed omnium simul Ma-
 cedonũ eruditorem fore. Nam qui Macedonia regem erudit atq; ad virtutem
 imbuit, eum & subditos quosq; instruere ad fortitudinem & probitatem certũ
 est: nam cuiusmodi fuerit dux, tales vt plurimum subditos fieri necesse est: nec
 ab re, aliãq; ob causam, si principi literarũ Homero credimus, Peleum regem
 Achilli filio Phœnicem præfecisse ferunt, quàm vt attritus non solum dicendi,
 sed gerendi quoq; vsu, pariter inclareret clariorq; euaderet. Quid ille Themisto-
 cles, quem ego Graii sanguinis virorum clarissimum & vnum ex omnibus to-
 tius Græciæ callidissimum & prudentissimũ imperatorem ausim dicere? Nõne
 in disciplinis percipiẽdis præceptores habuit & eos quanquàm Anaxagoram
 & Melissum philosophum Emnistes Imbrotus affirmet, tamen temporum rati-
 one diligenter inspecta qua illum errasse constat, Mnesiphilo assentiendum ma-
 gis videtur, quippe qui eum Phrearei discipulum fuisse asseueret, ad eam solum
 eruditionem quam bellicæ rei facultatem dicimus capeßendam, quanquàm na-
 turæ bonitate fidens prius ipse contempserat? Dionem Syracusanum omni di-
 sciplinarum genere erudiuit Plato, cuius quãto deinde studio Dyonisius iunior
 ad se flagitarit aduentum, quantiq; eum fecerit, vtpote qui illo tempore plus cæ-
 teris amauerit Architæ Pythagorei scripta, ad eum demonstrat epistola. Va-
 luit etiam apud veteres diu eiusdem Platonis sententia, qui tum deniq; res pu-
 blicas censuit fore beatas, si aut philosophi regnarent, aut reges philosopharen-
 tur. Nec Isocrates aliis artibus Timotheum Cononis præstantissimi imperato-
 ris filium, summum ipsum imperatorem, hominẽq; doctissimum instruxit.
 Quid ipsius Epaminundæ summi philosophi summiq; ducis eruditio, quam in
 eo præcipuam fuisse accepimus? nonne ea quoq; in Lysiam Pythagoreum re-
 fertur? Archelaum prudentem rei bellicæ naualiũq; commentorem præliorũ,
 adeò literarum studiis inherentem nouimus, vt Euripidi Tragico consiliorum
 summam crederet omnem, cuius suprema haud prosequi contētus rex & sum-
 ptu & impensa funeris, secta barba & attōso crine mœrorem quem animo in-
 gentem conceperat vultu publicauit. Pyrrhum quoq; Epirotarum regem ma-
 ximum bello, non solum lectitasse libros cum esset rex, verumetiam multa lite-
 ris demandasse rei militaris præcepta nouimus. Pœnorum dux inclytus Han-
 nibal, vir tantus tantisq; confractus bellis, nonnihil temporis etiam literis tri-
 buisse dicitur cum esset in castris: quippe qui præter Sylenum Sosylao Lacedæ-
 monio literarum græcarum vsus est doctore. Tradunt & Mufas virgines cum
 Libero patre profectas in castra, hisq; cū bonis artibus apprimè eruditæ essent
 dux ille oblectabatur: secutus est eum Sylenus quoque pædagogus ac nutritor
 optimarumq; institutor studiorum, qui ei plurimum ob virtutẽ ac gloriã res-
 q; bellicas contulit ornamentis. Nec admiraberis Mithridatem Ponti regem,
 clarissimũq; ducem annos duos & septuaginta natum secũ philosophos om-
 nes immensæ sublimitatis semper habentem, omniumque ante se genitorum
 studia

studia literarū equantem facile vel superantem. Latini verò duces vel Romanorum proceres etsi non sint eruditione exteris forsan pares, omnes tamen fere docti & literis clari euasere. Nam Cato primus Porciæ gentis animi vigore præstantissimus, literis etiam expoliri præstantissimum censuit, quàm serò, inde existimari potest, q̃ latinis iam pridem, ab Q. Ennio verò iam senex & in Sardinia Prætor græcis literis eruditus est, adeoq̃ vt probabilis prisca illa eloquentia, non solum orator & historicus, sed iuris consultissimus, literarūq̃ omnium cupidissimus fuerit, quarū & si senior (vt ante diximus) studium arripuit, tantū tamen in eo progressus est vt non facile reperiri queat, neq̃ græcarum neq̃ latinarum rerum quidpiam, quod ei fuerit incognitum: Huius quoq̃ successor ac propior ætati nostræ alius Cato, in literis disciplinisq̃ percipiendis tardior licet esset, Saperdone tamen pædagogo primū & Antipatro philosopho ac Tyrio excultus, deinde tam inexhausta legendi auiditate ferebatur, vt veluti librorū helluo maximè Stoicorum nedum inter domesticos & priuatos parietes, sed ne in curia quidem contra inanem vulgi opinionem quum Senatus cogeretur sedens sese contineret quominus obuoluta circum toga eos lectitaret ad animi cultum, quasi quendam humanitatis cibum, nihil studio rei publicæ adimens: & Scipionem Africanū superiorem à re militari atq̃ vrbana studium ad literas reuocantem legimus, & quanquàm ingenii eius monumenta nulla extent, nulla literis mandata inueniantur, non tamen sine literis Pieriisq̃ artibus arma exercuisse scimus: semper enim eius, vt poëta Claudianus meminit, Hærebat doctus lateri, castrisq̃ solebat

Omnibus in medias Ennius ire tubas,
quūque fœlicibus auspiciis victor rediens subacta Carthagine triumpharet, sicut suum bellica, ita Ennii caput Martia voluit laurea insigniri: & quod maius mirabiliusq̃ fatebere, ipsius poëtæ statuam & effigiem in monumētis & sepulchris Corneliæ gentis collocari, clarumq̃ illud nomen, imò verò spoliū extertia orbis parte raptum in itinere cum poëtæ titulo legi, ratus rerum suarum memoriam extinguī non posse, si literarum illius diuini poëtæ lumen accederet. Paulus Aemilius deuicto Perse, Romana disciplina qua ipse doctus erat, vt filii etiam imbuerentur summopere curauit: quūq̃ ob rem ipsam petiisset ab Atheniensibus vti sibi quàm probatissimum philosophum mitterent ad erudendos liberos, victorem item ad triumphum exequendum, Athenienses Metrodorum elegerunt, professi eundem in utroq̃ desiderio præstantissimum, qđ ita Paulus quoq̃ iudicauit: neq̃ hoc contentus Paulus, quum quid ocii ex publicis muneribus superesset, eorum eruditioni intererat, miro erga filiorum eruditionem amore succensus. Nullum à studiis literarum diem intermisisse Iuliū Cæsarē traditur, quem poëtarum collegium communium studiorum causa cū per ocium liceret ingredientem, & in maxima difficultate itinerum, & in mediis bellorum æstibus scribentem libros & legentem, simulq̃ dictantem & audientem frequenter accepimus. Diuus Cæsar Augustus, Diui Iulii filius, tanto paternis vestigiis studio inhæsisse traditur, vt grauissimis bellorum & imperii curis oppressus, & coniuratorum obsessus insidiis, horas & momenta colligeret

geret, nec vllum tempus inutiliter labi fineret, Apollodoro Pergameo dicendi magistro vsus: nec eo contentus, ad diuersa literarum studia ineunda, præter Sperareum philosophum & Asinium Pollionem, Valerium Messalam, Pariumq; geminum clarissimos dicendi artifices, Virgilium Maronem & plærosq; alios illius temporis poëtas habuit secum, non tam imperio q̃ dulci conuictu & morum comitate a sodalitie in omni vita comites, Horatium Flaccum in primis, vt ad Iulium Florum de se taliter scribentem legimus,

Ciuilisq; rudem belli tulit æstus in arma

Cæsaris Augusti non responsura lacertis.

Vnde simul primum me dimisere Philippi,

Decisis humilem pennis inopemq; paterni

Et laris & fundi paupertas impulit audax

Vt versus facerem.

Ouidium nec minus deinde, qui hæc ait,

Illæ dies libycis qua victor Cæsar in oris

Perfida magnanimi contudit arma Iubæ,

Dux mihi Cæsar erat sub quo meruisse tribunus

Glorior, officio præfuit ille meo.

Hanc ego militia sedem, tu pace parasti

Inter bisquinos vsus honore viros.

Quanquàm hunc suo indignum contubernio tandem vindicās, in Scythiam vbi diem obiit relegauit, cuius relegationis asperitatē diuturnitatēq; his verbis suis questus est,

In Scythia nobis quinquēnis olympias acta est,

Iam tempus lustri transit & alterius.

Perstat enim fortuna tenax votisq; malignum

Opposuit nostris inuidiosa pedem.

Ex his autem vtriusque linguæ auctoribus, quos studiosius Augustus lectitabat, illa cupidus hauriebat, quæ vel præcepto vel exemplo ad eruditionem vitæ morumq; elegantiam pertinerent priuatæ vel publicæ disciplinæ. Hæc & memoriter annotata tenens, quum res exigeret, vel amicos, vel notos exercitus, vel prouinciales aut vrbanos magistratus, tali annotatione ad verbum excerpta commonefacere solebat, vt ea nō sibi primū sed antiquis iam tunc curæ fuisse persuaderet. id deniq; ex talium auctorum eruditorumq; hominum ingeniis vno tempore confluentibus assecutus, vt non minus his quàm omnibus Romanis legionibus illustratus sit. Nam quid tantum sibi conferre potuerunt quinque & triginta illæ tribus Romani populi, vel tot bellicosissimæ legiones, quantum vel Maro solus heroico, vel Flaccus heroico simul & lyrico carmine contulit ad nominis sui diuturnitatē? Interiere illæ quidē cum duce suo, cæterum tantorum poëtarum præconio eius res clarissimæ gestæ nunquàm defuturæ supersunt. Fuit in Lucullo mirabilis quædam ingenii præcellentia, maxima literarū totiusq; veteris Academicæ philosophiæ cognitio ac elegans dicēdi copia, qui & Ascolonitam Antiochum acutissimū doctissimūq; dicendi artificē amicum sibi

sibi sociūmq; vitæ fecerit. Simili quoq; ardore P. Crassus in castrensi expediti-
one quum in Asiam ad Aristonicum regem debellādum consul traiecisset, tan-
tus præter latinam graiæ linguæ ardor insēdisse perhibetur, vt eam in plurima
diuisam genera per singulas partes eius ac numeros penitus cognosceret, quæ
res maximum ei omnium amorem conciliauit. Nec Syllam illum beatum atq;
fœlicem, nec Pompeium quidē magnum imp. nec Q. Fabium, nec M. Bru-
tum, nec Traianum, nec Adrianum, nec Maximum, nec M. deniq; Antonium
Aurelium qui ob literarum sapientiæq; studium & ardorem philosophus di-
ctus est, ab hac egregia literarum cognitione alienos fuisse comperio, quum &
orationes & epistolas & libros scripsisse memoriæ proditum sit. In maximam
quoq; & amplissimam tui nominis laudem cedit, magnanime princeps Sigis-
munde, multum lectitare, multum audire, disputare, patienterq; refelli: quūmq;
plurima scias & omnia bonarū artium semina cælitus tibi concessa communis
omnium eruditorum teneat opinio, quotidie tamen aliquid discere nonnullis
horis liberis, sapientūmq; colloquiis insistere in conuiuiis publicis & priuatis,
grauissimis ac profundissimis rerum naturalium quæstionibus & rationibus ob-
lectari, ingeniis illustribus oratorum & poëtarum tui temporis fauere, copiis &
honoribus illustrare, sacras ædes instaurare, bibliothecāsque nonas maximis im-
pensis tuis illis erigere: data mihi ac plerisque aliis librorum perquirendorum fa-
cultate, nō ætati tuæ solum, verum posteritati profutura: quo quid melius, quid
summo duce ac principe ad immortalitatē dignius esse queat, nec scio nec satis
intelligo: maximè quum ea tria hac in iuueuili ætate tua adeptus videre, quæ
multis senio denegata sunt, vel gerēdo scilicet aliquid magnum & illustre quod
de te scribant auctores idonei, quod plerique tam poëtæ, q̃ oratores & historici
faciunt: vel scribendo aliquid, quod legant posteri, qualia sunt plurima mater-
na humanarum diuinarumq; rerū carmina elegantissimè per te edita, & mul-
tis iam oris ac variis regionibus decantata: vel insigne aliquod opus extruendo
erigēdoq; veluti arx nobilis siue maius castellum tui nominis, eo astu militari
& arte bellica præcellens vt eius pulchritudo, situs atq; dispositio non ciuium
modo sed omnium oculos intuētium in semet haud immerito alliciat atq; per-
stringat: campi enim planities vndiq; est perspicua, loci species mœnibus pari-
bus. Primò versus vrbe ambitu hemicycli formam habens, promuralis eius vix
credibilis relatu profunditas, quæ pyramidum instar procliuis à fundamentis
erigitur, amplissima latitudine ad summitatē altitudine pedum quinquaginta,
fenestris centū sexaginta supra terram, totidemq; infra ex ordine per interualla
quædam dimissis, vbi balistæ lapidum ac sagittarū ad propulsandos hostiles
impetus ac omnem intestinam seditionem, si quando cōtingerent collocentur.
Fastigii autem spatium crassitudoq; tanta, vt plures occurrentes sese minime
impediant, fossa prima interiorq; quam perennis fontis aqua interluit, centum
pedum latitudine, quinq; & triginta eoque amplius altitudine. Totius molis am-
bitus qui coctili laterculo & perpolito est lapide trecentos quinquaginta passus
per vniuersum complectitur spatium: ex altera parte & postrema quæ vergit in
quadrum, pomerium & murus communis vrbis est duplici ponte ac turris la-
titudine

titudine supra quàm cuiquam credibile sit, ad eius tutelam cum magnis propugnaculis & crate ferrea, area interius amplissima & puteo vtrinque mirabili habitationum serie suoque custode distincta, à fronte urbem ipsam prospicit, primoque in vestibulo vallum custodibus munitum porta perexigua, duabus deinde latissimis supra fossam turribus, parum de industria editis, viridi prima puniceo colore, altera ligneo ponte gemino versatili ac pensili: hoc transgresso, spatium & area quedam mole totam ambiens inest quæ terra ad primi muri firmitatem egesta oppletur. Alterius deinde muri altitudo LV, latitudo verò viginti pedum eminet spatio: Turres sex octoginta pedum altitudine, à fundamentis latissimis ad summum penè fastigium terra opplete, vnde viginti vlnis quæ murus iste altiores sunt. In summo autem consummationeque cuiuslibet turris pedum latitudo decem & quinque, ubi ab omnium turrium latere habitacula defensorum, octo fenestris ad balistas simili modo lapidum sagittarumque sexdecim æque disposita sunt. Huius autem muri mediū à dextris occupat lapis quadrato marmore ornatissimus, qui ut carmine literis aureis incisum indicat, Sigismundum Pandulphum totius molis auctorem celebrat: porta deinde prælustis ad læuam paulo ingredientibus cernitur, marmore cælato ac præclaro artificio ad vnguem expolita, & in cuius summo elephatus ex alabastrite indico, antiquissimum Malatestarum insigne auro plurimo & auctoris sui Sigismundi Pandulphi nomine maiusculis quibusdam literis præfulgens circumseptus est. Media autem loci totius intercapedine murus quidam medius arcem geminosque eius custodes, area etiam sua, puteo & fabrilis domo discriminat, penes quæ sublimis regia tua est non æque quadrilatera basi à fundamentis quæ latissima, triplici portarum obice cataractis imminetibus, minis ac propugnaculis minitantibus, suo custode, multiplici habitatione, puteo profundissimo ornatissima, ad ascendendum cochlea, armamentario omni telorum & tormentorum genere referto minaci proceritate mirabilis, utpote quæ altissimorum cacumina motuum superet ac maris æquora late prospiciat, Præterire denique nequeo quod ab initio institueram, quum sit non Arimineæ tantum urbis & arcis firmissima salus & tutela, sed Italicæ magnificentie vera admiratio, tota nanque moles pensilis quum sit plurimos aditus atque recessus habens, & à quibus armati exercitus urbem versus, per abditos specus educi possunt, nullo inclementium ciuium percipiente, quoque ab omni externa oppugnatione intestinaque iniuria esse queat immunis, altera aqua extrinsecus late patens instar similiter amnis irrigua circumfluit fossa, magnæ mentis & præcellentis ingenii opus sanè: vtrinque enim per ambitum latissimis est firmissima muris cum propugnaculis & aggeribus: densissimis deinde turribus à fundamentis erecta, angustisque ut supra munita fenestris, aqua ac terra tenus cum defensorum habitaculis, paruis machinis ac sagittariis æquè dispositis, tanta firmitate tam mirifica vtriusque fossæ interstitii, habitationum dispositione ad peditatum omnem equitatumque continendum ut dissolvere eam nec crebri arietum impulsus queant, nec metallicæ vis vlla machinæ possit diruere, incertumque munimentum loci huius ne totius, an pulchritudo plus admirationis apud homines sit habitura. Taceo sacras celebresque Deo dicatas

dicatas gēdes, prætereo fortunæ fanum, scenam gallicam, cæterâsq; per te instauratas vrbes, erecta oppida, constructas arces, sexcentâq; id genus nomē tuum literis ostēdentia, qua vna in re si te ceteris huiusce ætatis principibus cōferamus & regibus, omni genere laudis excellere iure ipso prædicaberis: maximè quum hæc quidem alus latissimis defixa radicibus innitatur, & solida adeò stabilisq; sit & infinita sæcula duratura vt nec vetustate corrūpi possit nec ex memoria hominū obliuione deleri. Quàm laudabilis igitur et imitatione digna tui & horū quos modo diximus principū vitæ institutio, q; prima vitæ tēpora & media patriæ, extrema verò sibi imperent vt ipse leges monēt quæ maiore annis ocio reddunt, q; Licini Domitianiq; Cæsaris & aliorum quorundam improbanda detestandâq; quos fortuna opibus, loco, imaginum domesticarum splendore ac dignitate ceteris præfecit, e contra verò ipsi vitio suo, libidine, ignauia, turpiq; ocio inquinati excidere? Ille enim literas vomicam, virus ac pestem publicam appellare solitus erat: Alterum quum facietas hominum aut honesti cuiuspiam negotii aliquādo odium ocepisset velletq; illam expuere curam & sollicitudinē ex animo, & voluptate aliqua refici, in comitatum se intra regios parietes singulis diebus recipiētem clausis foribus nihil aliud amplius quàm muscas captantem acutissimoq; stilo præfigentem accepimus. Sed origo illum rustica forsan excusat: etsi enim ad cæsareum vsq; nomen ascenderit, naturam tamen subrusticam & agrestem haudquā exuerat. Verum enim est illud Flacci, *Fortuna non mutat genus*. Huius verò tam fædo studio, tam abominandæ occupationi & sui principatus initis quibus is delectabatur aucupiiis venia fortasse danda esset, modo temporis reliquum claris actionibus consumpsisset, nec exosum ex tetrīs facinoribus maiore odio q; ex hoc ridiculo negotio nominandum se posteris præstitisset: Quid plura? Nullum denique Romanum ferè imperatorem qui ceteris omnibus exemplo sit, præter Cn. Marium vnum, siue M. Marcellum huius egregiæ literaturæ expertes fuisse comperies, quiq; literarum studia saltem præter hunc vnum quem paulò ante diximus Licinum non probarint, nō admirati ac summo quodam studio prosecuti sint. Obstreant vt libet & irrideant alii, nostri temporis duces, nostriq; reges & principes qui virtuti bellum ac literis indicunt, simulatōq; contemptu vel ingenii tarditatem vel segniciem suam ac socordiam tegunt: Audacter tecum dixerim, Sigismunde supellex regia & augusta & ornamenta ducum, & principum erant olim libri & literæ. Vnde illud Pisistrati probatur ab omnibus qui Atheniensium tyrannus quum esset, hanc diuinam librorum supellectilem ciuib; suis primus ad legendū inuulgasse publicēq; præbuisse dictus est: quos deinceps accuratius eorum numero ab Atheniensibus aucto, Xerxes Athenarum vrbe potitus abstulit asportariq; iussit in Persas quosq; itidē multis post sæculis interiectis Seleucus rex hic et Nicanor: dictus in Græciā, inq; ipsam Atheniensiū urbē vt condignū fuit rursus censuit reportandos: increbuitq; sic cura & voluptas quædā permultis cogēdi in vnum volumina diuersarū gentiū diuersarūq; artiū, vt Alexander & ei qui succedere in cōficiendis bibliothecis animū intēderent. Sic magnus atq; ingens postea librorū numerus ac penè incredibilis in Aegypto cōquisitus atq; cōfectus est: ad

est: ad quadraginta enim vel ut alibi reperio quadringenta, ut Orosio & Senecæ septingēta fermè, ut Gellio & Amiano Marcellino placet septingēta voluminū milia Ptolomæis regibus vigiliis intētis cōposita bello priore Alexādrino dum diripitur ciuitas dictatore Cæsare à militibus fortè auxiliariis incensa classe, flāma partem vrbis inuadente, qua tum singulare profecto monumētum curæ studiūq; maiorum condebatur conflagraffe produntur: quod elegantia regum curæq; opus egregium fuisse ait Liuius, quem Seneca carpit: non id elegantia curæq; regiae opus dicens sed studiosæ luxuriæ, immò ne id quidem, sed se ipsum conquisitis spectaculis inaniter ostentātis & Liuii tamen dictum & Ptolomæi factum vtrumq; forsā regiae opes excusant, & in longum publicis vñbus prospiciens primum, ac consulens immortalitati tantorum virorum in hoc tamen certe laude dignissimus q; sacras literas non viles modo sed necessarias summa diligētia atq; impensa per lectos ad tantū opus viros in græcam linguam ex hebreo fonte transfudit. Parem curam & studium cogendorum simul librorum secuti sunt ex ducibus primoribusq; vrbis Romę plures, eorūq; primus Aemilius Paulus Imp. Perse, potentissimo Macedonū rege deuicto. Dehinc Lucullus ē pontica præda: post hos Iulius Cæsar dato M. Varroni negotio bibliothecas vtriusq; linguæ q̄ maximas posset comparandi, dirigendi, publicandiq;. Probatur quoq; in hoc Domitianus qui liberalia studia licet imperii initio neglexerit, bibliothecas tamē incendio absumptas reperare curasset exēplaribus vndiq; petitis misisq; Alexandriam qui describerent emēdarētque. Tollitur in cœlum præ cæteris & Asinii Pollionis Romæ simile inuentum, qui primus bibliothecas græcas simul atq; latinas additis auctōrū imaginibus dicendo ingenia hominum, R. P. fecit: quæ an priores & maiore librorū copia inibi fuerint an Alexandrię et Pergami, qui bibliothecas magno certamine instituere, nō facile dixerim. De priuatis ausim dicere, non regios huiusmodi apparatus, sed alios æquantibus facile vel superātibus: Sereno quidem Samonico, ingenti doctrina viro, sed maiore cura pulcherrimarum literarum multorumq; voluminū, duo & sexaginta milia librorum fuisse legimus: quos omnes Gordiano iuniori cuius patri fuisset amicissimus ille moriēs reliquit: nobilem sane thesaurū & præclaram generosi animi & humani generis hæreditatem. Hanc igitur græcarum ac latinarum literarū copiam diuinamq; librorum supellectilem atq; peritiam, tanquā maximum absolutissimumq; mortalibus bonum summo opere perquirendam in delitiisq; habendam futuris ducibus ac imperatoribus censeo: interdumq; Corn. Cællso assentiri cogor, q̄ ait summum bonum sapientiam: summum autem malum, dolorem corporis: quum nec eius ratio mihi videatur absurda. Nam quoniam duabus inquit partibus constamus, animo scilicet & corpore: quarum prior, melior: deterius, corpus est: summum bonum est, melioris partis optimum: summum autem malum est, pessimum deterioris. Est autem optimum in animo sapientia, est in corpore pessimum dolor: ut igitur summū malum dolere, sic summum hominis bonum sapere, ut opinor, sine vlla dubitatione concluditur: q; si qui illam assequi poterūt, non ad ostentationē, sed ad decus, dignitatem, ad commodum ac patriæ vtilitatem, hi mihi videntur felicitàtem ac

tem ac beatitudinem facile posse contingere. Alia enim bona humana si cū hoc conferantur, parua ea sunt quidem & exigua & ab huius q̄ longissimē dignitate praestantiaq̄ remota. Praeclarum quiddam scio dices, Sigismunde, est multis imperio eminere, sed speciosa magis q̄ tranquilla imperii facies est, & qua nulla curiosior, nulla minus libera: immo nulla magis serua, vt Senecae placet, conditio est. Gladiis enim ceruicibus appēdentibus, imminēt hastae vndiq̄ & spicula, ipsi custodes timentur & comites, nihil non aufuri, ira illos vel inopia vel auaritia militari ad quaeuis facinora facile iritante. Sic Pertinax non ab alio q̄ a suis militibus interfectus est, sic postmodū duo Maximini pater & filius, sic Balbinus & Maximus, sic Probus dux clarissimus, sic Gratianus & Valentinianus iunior optimi fratres: ille à suis legionibus, hic à suo comite proditus: sic innumerales alii a suis hostibus inuicti, suis exercitibus periere: & quos milites, socios ac comites appellabant, inuenere carnifices. Adde q̄ omnis aetas in imperio reprehēditur: senex enim quisq̄ inhabilis videtur, iuueni quoq̄ additur & furor. Pulchra est generis dignitas, sed quid aliud q̄ quaedam ex progenitorum meritis pueniens laus videtur? pretiosae diuitiae, sed externa rapacis fortunae munera, quae dum quæruntur cruciant: parta, oblectando molliunt, cupidinemq̄ succēdūt: quae illa pro sua libidine perturbat atq̄ permiscet, cui videtur tradit, aufert habentibus: & rursum quum visum fuerit, non sperantibus reddit, eorumq̄ bonos simul & malos sine vllō discrimine atq̄ delectu participes fieri finit. Illustrissima rerūque omnium blandissima est gloria, sed instabilis & periculis multis obnoxia, vtpote quae sapius fortunae q̄ virtutis est beneficium: qua & nihil inanius esse Theophrastus dixit, nihil perniciosius Satyricus: patriam nāq̄ obruit olim gloria paucorū et laudis tituliq̄ cupido. Formae dignitas grata est, sed vel fragile bonum vel nulla potentia formae est, inquit Naso, quam & alienum quoque bonum Bion, deceptionem tacitam Theophrastus, modici verò temporis tyrannidem appellauit Socrates, naturae priuilegium Plato, regnum solitarium Carneades, eburneum detrimentum Theocritus, vitae flosculū celeriter decidētē Satyricus, festinat inquit, decurrere velox Flosculus angustę miseręq̄ breuissima vitae Portio, dum bibimus, dum feta, vnguenta, puellas Poscimus, obrepat non intellecta senectus. Iocunda valitudo. Sed inconsulta iocunditas quae negligentes & incautos ferre soleat possessores, & persæpe morbos accersere quos malae valitudinis intentio declinasset. Optabile robur: at nullę tantum corporis vires quę vel labore immodico vel morbo acri vel cuncta rodente senio non frangantur, non conficiantur. Sic Herculemdomitorem gentium ab hominibus inuictū, vis latentis mali vicit. Sic Milonem Crotoniensem, athletam illustrem patulis in parte media hiscens ramis arbor vna detinuit, dilacerandūq̄ hominem feris praeuit. Literarum autem & humanarum rerum disciplina cum virtute coniuncta, hæc omnia declinare & effugere posse videtur incommoda. Hanc enim non casus, nec fortuna violare nec calumnia auferre, nec morbus corrumpere, nec ferrum minuere, nec labefactare senectus potest: Immo quum cetera temporis cedant, sola hæc literarū monumenta, tēporis diuturnitate pubescunt.

ROBERTI VALTVRII

DE RE MILITARI LIBER SECVNDVS.

Quòd maximos huic disciplinæ fructus afferat philosophiæ & historiarum cognitio, quòdque maximi duces historiam scripsere.



Vltia igitur literarum studia quum sint, vt antè diximus, Imperator inuictè Sigismunde Pandulphæ, quæ summum decus & ornamentum ducibus queant afferre, erit & in re hac illa præpollens philosophiæ tum historiarum omnis æui summopere peroptanda cognitio: nam quicquid docti & excellētes viri qui vti sunt grauius ac peritè locuti, omnem viuendi rationem ita distribuunt, vt pars altera sit in præceptis & institutis, pars altera in historiis collocata. Illa enim viuendi rationem & legem quum præ se ferat tradatque hominum officia, quid sit honestū, quid turpe, quid vtile, quid quemque deceat, quid non & cætera quidem acri ingenio excogitata in medium afferat, cum tamen per sese explicantur, segnius legentium animos iritant factūque quodam modo incredibilia iudicantur, vbi verò præclara rerum ac temporum testis accedit historia, faces quasdam ac stimulos sic comparat vt obscurum haud sit mentes hominum ita tepescerent, clarissimorum facinorum memoria ad gloriæ et immortalitatis studium vehementer accendi: quod genus Pythagoræ, Democriti, Platonis & Aristotelis cæterorumque philosophorum præcepta iubent vt acerbissimos cruciatus & maxima vitæ discrimina ineamus, vt fidem iureiurando hostibus datam non fallamus, vt coniunctiones pactionesque bellicas & hostiles non perturbemus, eorum quidem probabitur oratio, ad rem autè proficiscentibus torpebit animus, phorrescet cadetque: quòd si L. Bruti facinus in expellendo Tarquinio, aut Scipionis Nasicæ inuicti animi magnitudinem & robur contra Tyberium Gracchum, aut M. Attilium Regulum, Cassium Scæuam Centurionem, Attilium militem, aut L. Sicinium Dentatum, plebeium Tribunum, vel Cynegirum quempiam ex historiarum monumentis quasi testes adduxeris, quis est adeò vecors, adeò exanimis vt eorum exemplis non excitetur, non animetur, non impellatur ad patriæ incolumitatem, ad sui suorumque salutem vindicandam, conseruandam, discrimina mortis que pro nihilo ducat. Sic enim Mylciadis trophæa somnos eripuisse Themistocli, sic alii sunt ad imitandos præstantissimos duces Alexandros, Scipiones, Fabios, Catones, Regulos, Cursos, Valerios, Marcellos, Aemilios, Cæsares denique ac reliquos innumera-biles crebro rumore virtutum suarum incredibili ardore compulsi. Porro si aliam historiæ vim libet inspicere, reperiemus eam non minimam nec mediocrem ducibus in consultando auctoritatē, & in gerendo peritiā accommodare posse: quòd si veterum res gestas memoria repetamus, inueniamusque maximas res publicas, præcellentissima regna, potentissimos diuersarum gentium populos, grauissimo senum adoleuisse floruisseque consilio, quod hi temporum diuturnitate, multarum gentium vertigine & experientia multa scisse, permulta vidisse crederentur

rentur, quanti faciemus totius antiquitatis studiosos homines atque peritos, quibus non vnius senatus & imperii, neque vnius ætatis, sed omnium penè gentium omniumque sæculorum res, vitæ cognitaque sint: quæ omnia Cicero noster historiam describens, paucis & his quidem verbis expressit, Historia est testis temporum, lux veritatis, memoriæ vita, magistra vitæ, nuntia vetustatis. Ex qua descriptione, temporum rationes, hominum res gestas, vniuscuiusque vitam, naturam, formam, cogitatus, consilia, mores, naturæ insolita opera, fortunæque insperatos euentus accipies: hac in re aderit quoque scriptorum genus, quasi castrense, egregium sanè atque præcellens, quos ad pacis usum bellicque tempora legere atque manu versare operæ pretium sit: Verum apud externos quidem Herodotus ille imprimis atque Thucydides: ille enim Persico bello merens, quo tempore Xerxes in Græciam duxit exercitum, quantum hoc dicendi genere valuerit, eius historia elegantissime scripta declarat: Hic verò non secus cum in re bellica aliquandiu versatus esset, tandem se contulit ad scribendam historiam, in qua ita claruit ut cum eius fama in bello non obscura esset, maiorem ex eo studio quam ex armis sibi laudem et gloriam compararet. Idem etiam de Timotheo Cononis filio liceret dicere, qui quum summus Imperator fuisset, elegantissime perscripsit historiam, & quod magis scio admirabere, si Probum non legeris, Hannibal Pœnorum dux inclytus, tot tantisque bellis implicitus, de Cn. Manilii Volonis rebus in Asia gestis nonnulla oculi, solitudinis, & ingenii sui græcis literis monumenta reliquit. Iosephus hebræus genere, & Galilæorum dux à Vespasiano captus Titoque filio eius relictus, Hierosolymis Romam veniens, nonne bellum quod cum Romanis gessere Iudæi omnium maximum atrocissimumque, septem libris digestum, patri filioque imperatoribus obtulit statuamque peremeruit: Mitto alios antiquitatum libros ab exordio mundi ad quartumdecimum usque Domitiani Cæsaris annum, ab eo quoque quorundam sententia ita uti sunt apud nos latinis literis & orationis venustate conscriptos: sunt qui eum scripsisse literis græcis putent, postea vero in latinum versos illos è græco, quidam à Ruffino Aquilegiensi, aliique ab aliis traductos malint. Ex nostris quoque duobus nonnullis cum militassent hoc idem quod externis propositum fuit, ut nec in armis ætatem totam contererent, verum ab negotio castrensi ad historicum oculum, & ab historico ad castrense aliquando se mutuò conferrent. Unde M. Porcius Cato quem honoris ac differentiae causa, modò priscum, modò superiorem, aliquando maiorem, sæpe familiæ Porciæ principem, plerumque Censorinum docti vocant, Originum libros scripsit, egregium quidem opus atque diffusum, & in quo si usquam alibi historiæ plurimæ & antiquitatis monumenta extant, eiusce rei septem sunt libri conscripti, sed primus quæ sint Romanis à regibus res gestæ continet, secundus et tertius cuiusque ciuitatis Italicæ conditorum, ortum & originem, quamobrem Originum libros inscripsisse visus est: quartus bellum primum Carthaginense, quintus secundum, terribile atque memorandum quod Hannibale duce cum Po. Ro Carthago subiit. Quæ autem sunt eo superstita bella deinde confecta, sextus & septimus usque ad præturam Sergii Galbæ referunt, expositis etiam in Italia & Hispania quæ aut essent aut viderentur

admiratione dignissima. Nobilem deinde ducem Q. Fabium, qui etiam romanae historiae scriptor est & cuius orationes Thucydidis orationibus quae similes fu-
 isse afferunt, miris in coelum laudibus superior tollit aetas, quanquam ex pictura
 magis quam ex literatura nomen inuenerit. Consimili ratione Syllam Luculli res
 clarissime gestas, memoriae hominum demandantem accepimus, & ad eum ip-
 sum qui commentariis maiore quodam orationis cultu & splendore eam ip-
 sam historiam expolire potuisset. Magna etiam huiusce rei D. Iulii Caesaris
 inter caeteros acta cura est, in scribendis siquidem Gallici ciuilibusque belli Pompe-
 iani commentariis (sic enim libros suos appellauit) hanc diligentiam adhibuit
 ut singulis libris singulorum annorum res gestas colligeret: libros igitur septem
 de bello Gallico & tres de ciuili Pompeiano scripsit, superioribus autem octa-
 uum post eum necatum addidit Hirtius. Is namque libro vno quae deerant de
 bello Gallico ad finem cum integritate suppleuit: postremo libri sunt tres de A-
 lexandrino, de Africano, de Hispaniensi bello scripti, horum auctorem Sue-
 tonius qui antiquus & nobilis est scriptor, esse incertum refert, quod eos scri-
 ptos alii ab Hirtio alii ab Oppio esse putent: Hirtius autem in suo octauo qui
 est ut dixi de bello Gallico ita praefatur, quod isti etiam tres de bellis quae in A-
 lexandria deinde gessit Caesar scripti ab eo haud dubie videantur: quae hoc in
 loco a me dicta sint ut vera ac testimonio Hirtii & Suetonii approbantur, in-
 scriptiones tamen solent meminisse quaedam haud minus falsae quam variae inueniri,
 quod aliqui Iulio Caesari, quidam Iulio Caesari, nonnulli Hirtio, multi Suetonio non
 istos aut illos modo, sed quos nominaui libros omnes de Caesaris gestis (sunt e-
 nim numero quatuor & decem) inscribant: sed ut libet disponant illi, Hirtium
 nos ac Suetonium secuti sumus. Eadem Caesariana tempestate Asinius Pollio,
 Dalmatico triumpho etiam insignis praetermittendus non videtur: et quaequam
 eloquentiae suae nulla supersint monumeneae, eum tamen historiarum scripto-
 rem nobilissimum fuisse memoriae proditum est. Marcus autem Varro quem
 etiam militasse constat, quantum hoc studio romanis rebus profuerit, de tem-
 porum descriptionibus, de patriae aetate libri ab eo accuratissime scripti clare
 testantur. Quid Cicero noster, orator amplissimus & imperator? nonne cum
 militasset, hoc literarum genus ita excoluit ut de temporibus suis scripserit, to-
 tamque Cyri historiam a Xenophonte conscriptam legendo contriuerit pari-
 ter & excusserit: annales etiam ab eo esse conscriptos atque de Cosmographia
 libros Pri. Caesarientis refert, & fragmentum adhuc superest. Fuerunt & alii praeter
 hos Romanorum Augusti, maximi ac nobilissimi principes ducisque, orbis
 ac rerum summam adepti, hoc scribendi munus minime aspernati, Octauia-
 nus Augustus imprimis & Claudius: ille enim rerum a se gestarum libros tres
 ac decem cum esset in Hispania Cantabrico tenus bello edidit, hic vero histo-
 riam Tito Liuiο hortante in adolescentia, Sulpitio vero adiuuante aggressus
 est: in principatu etiam suo plurima cum literis huiusmodi complexus fuerit hi-
 storiaeque suae initium sumpserit post caedem obitumque Caesaris dictatoris, pri-
 oris materiae duos, posterioris vnum & quadraginta libros reliquit. Huius etiam
 literariae & historicae famae tam cupidum Hadrianum fuisse nouimus, ut rerum
 suarum.

suarum volumina notauerit, familiaribus libertisq; suis nominibus eorum inscriptis inuulganda contulerit: Gordianus deniq; senior, Panegyricum siue laudes Antoninorum omnium qui superiori tempore fuerant oratione soluta congestit in libros, & etiam Antoninados, hoc est, Antonini Pii & Antonini Marci elegantissimis versibus in triginta libris vitam illorum & bella publicè priuatimq; gesta perscripsit. Taceo alios innumeros rerum gestarum auctores, sine quibus præclara superioris temporis vtriusq; linguæ regum & ducū acta, aut penè deperissent, aut essent in tenebris perpetua obliuione sepulta: utq; ad urbem iam maximarum nomina conuertatur oratio, nōne suo iam igne cōsumptum esset Ilion? Num consumptæ Thebæ? num Micenæ? Lacedæmon, Athenæ? num Corinthus, Carthaginis Byrsa, ac veteris mœnia Babylonis? quid Roma denique ipsa, vnica quondam mundi gloria ac clarorum tot virorum patria & domicilium? nihil profectò, nisi & græcis & latinis rerum gestarum scriptionibus suscitaretur: hac enim re vna muti loquuntur, absentes adsunt, mortui viuunt: Mortuorum enim vita (vt inquit Cicero) in viuorum memoria consistit: quò fit vt res ab nostra ætate memoriæque remotas melius cognoscamus, si modo sint clavis auctoribus illustratæ, q̄ quæ recentior dies attulit: cum qui ne vnquam urbem viderint, illustres tamen Romanos resque eorum magnificè gestas ita norint vt res omnis penè longe melius q̄ qui à multis sæculis citra inde oriundi sunt cognouisse videantur. Postremò ad ea quæ adeunda ineundæque sunt locorū genera, nihil conducibilius q̄ regionū terrestriū aut maritimarū scientia, cum non solū agros, sylvas, nemora, saltus, montes, flumina, lacus, stagna, portus, & maria, sed tot oras orbis & vrbes, sparsæque imperia et populorū dissonas dissidentesq; liguas ita describit, vt nō tā ore ac mēte q̄ oculis legere te reputes. Quocirca et præclarū (vt inquit Flaccus) et vtile nobis exēplar pposuit Vlyxes, Qui domitor Troiæ, multorum prouidus vrbes, Et mores hominum inspexit, latūmque per æquor. Dum sibi dum foris reditum parat, aspera multa Pertulit, aduersis rerum immerfabilis vndis.

Illud quoq; in eodem genere Alexandri Cæs. institutum sæpenumero scitum et memoratu dignum mihi videri solet, qui sapientes obeundis in rebus consiliarios historicos consulebat, & milites veteres & benemeritos ac locorū gnaros, vt si quid huiuscemodi superiori ætate bene actū esset, vel vsu pbarer, vel melius ac prudentius cerneret. Præclarum & illud quoq; Demetrii Phalerii, Ptolemeum Aegyptium admonentis vt libros in quibus iusti regis officia & illustriū principum vitæ ac mores literis demandati essent, & studiosè legeret & de manibus nunq; emitteret. Huic cōsentaneum non minus est quod à Scipione Aphricano, diuino homine obseruatum inuenimus, qui non tātū studii operæq; Xenophōtis lectioni in qua Cyri vita cōtineri dicebatur impendisset, ni bello vel pace existimasset eam sibi lectionem plurimum pfuturam: nec Cato ille Priscus aliam ob causam manu se sua nato res gestas maiusculis literis exarasse testatur, nisi vt domi maiorum virtutis simulacra filio vsui forent et ad iumēto. Quæ cum ita sint, egregium sanè cōsumatūq; belli ducem neminem esse posse arbitramur,

qui non harum rerū cognitione & doctrina ad ea quæ sibi proposita sunt munera tractanda instructus atque ornatus accesserit, qui non ea quæ de bonis rebus & malis, de contemnenda pecunia, gloria propaganda, frangendis cupiditatibus, conformandis hominum moribus, excipiendis periculis ac morte, pro honestate appetenda sapientissimi viri maiores nostri monumentis suis scripta nobis reliquerunt, non modo audierit, legerit, versauerit, verum etiam in his exercuerit se diutius, & earum exempla ab omni memoria antiquitatis cognouerit, cognitaque tenuerit, non minora denique priuatim publiceque Pythagorā, Democritum, Zenonem, Chrysippum, Platonē, Aristotelem, Liuium, Salustium, Herodotum, Thucydidem, Ephorum, Theopompum, cæterosque sapientes egisse asserētes, q̄ si duxisset exercitus, gessissent honores, leges tulissent, nec solum palmas & coronas his tribui oportere, sed etiam decerni triumphos & inter deorum sedes eos dicandos iudicare.

De Eloquentia quantumque huic ipsa rei conducatur,

Cap. I.



Diicienda est huic, ni fallimur, illa quæ rectè à præclaro poëta flexanima dicta est omnium regina rerum oratio, hac quam modo diximus historia formosior multo & illustrior. Sed cum duplex sit orationis ratio & in altera sermo sit, in altera contētio, non est id quidem dubium quin orationis contentio maiorem vim habeat ad gloriā: ea est enim quam eloquentiam dicimus. Sed tamen difficile dictu quantopere conciliet animos comitas affabilitasque sermonis. Extant epistolæ Philippi ad Alexandrum, Antipatris ad Cassandrum, & Antigoni ad Philippum filium, quibus præcipiunt ut oratione benigna multitudinis animos ad beniuolentiam alliciant, militesque blando appellando sermone deliniant. Quæ autē in multitudine cum contentione habetur oratio, ea sæpe vniuersam ita excitat gloriā, ut flagrātes cupiditate animi ab improbitate, auaritia, luxuria, ignauia, desidia, flagitio deterreantur: Remissi verò atque languentes metuque abiecti, ad virtutem, dignitatem, decus ac gloriā excitentur, inducanturque in spem cogitationemque meliorem: quæ singula licet nisi ab his qui naturas hominū vimque omnē humanitatis causasque eas quibus mentes aut incitantur, aut reflectuntur, quos philosophos esse nouimus, & quibus hi loci potissime debentur, prospiciantur, tamen nescio quo pacto & ira & misericordia omnisque animi suscitatio in potestate est oratorum: quorum felicem ac beatam eloquentiam ab omni populo fuisse spectatam, & veluti numen quoddam celebratam non ambigimus, quum neque nos lateat ab ea quā sæpe tyrannos urbibus eiectiones atque sublatos, sedatas discordias, mitigatam inuidiam, turbulentos ac seditiosos ciues oppressos, plurimos ad honores ac imperia magna prouectos, plurimasque partas vrbes, quæ ita fuisse superiorū tēporū demonstrat euetus, et clarissimorū virorū illustriūq̄ rerū publicarū testāt exēpla: atq̄ ut à nostris his in rebus qui multū. valere nostra fidēumat oratio, Quis dubitat aliter hac comitate et sermonis affabilitate militariq̄ facūdia et bellis accommodata fieri potuisse q̄ à L. Bruto, spectatē nobilitatis viro factū esse scimus, q̄ potētissimū regē expulerit, ciuitatēq̄ ppetuo iugo liberarit. Paulo etiā post reges exactos, quis nescit hac ipsa oratione plebē armatam

tam variis stimulata iniuriis & à patribus dissidētē prope ripā Anienis fluminis eūq; mōtē qui sacer dicit̃ siue cuius Piso testatur Auētinum occupāte, Merentū Agrippam grauē ea tempestate virū dicendo sedasse: possumus Appiū Claudium amplissimū virū senectute ac oculorū orbitate cōfectum his annumerare, qui à filiis lectica per forum deuectus in curiam, his auditis quæ in senatu & præclare & humaniter à Cynea dicta erāt, quū & liberationē captiuorū & auxiliū ad subigēdam Italiā Po. Ro. Pyrrhus offerret, ac pro his nihil aliud q̃ amicitiam sibi tarentinisq; securitatem postularet, pluribus ad eam rem inclinantibus, magnifica oratione auctor fuit vt eiusmodi pacis quæ plurimum turpitudinis & insidiarum habitura erat, fœdus nullo pacto reciperent. Possumus merito M. Tullium Ciceronem sermonis & contentionis præstantia omnipotētem dicere qui Verrem audacissimum hominem scelestumq; criminibus suis oppressit, & ferocissimis septum armis nihilq; non ausurum Catilinam inermis exterruit, ac de incendio vr̃bis & ciuium sanguine cogitantem trusit in exilium: qui mēnia romana, tecta, templa, capitolii arcem, bonorum lares, totum deniq; corpus imperii impendenti iam præripuit ruinæ: quo merito primus omnium (vt inquit Plinius) parens patriæ appellatus, vt qui primus in toga triumphum linguæq; lauream meruit, facundiæ literarūmq; latinarum æquē parens, omnium triumphorum lauream adeptus maiorem, quanto plus est ingenii romani terminos in tantum promouisse q̃ imperii. Addidit etiam Cæsarem dictatorem ipsius quondam Ciceronis hostem de eo talia scripsisse, ex testibus inimicitia fidem sibi sumens: qui & ipse quantum militari valuerit eloquentia, nemini mediocriter etiam erudito ambigendum esse censeo: quippe qui aut disertissimos dicendi artifices æquauit, aut excessit eloquio. accusator namq; Dolobellæ plus q̃ militare sit munus, summi oratoris officium impleuit: in qua quidem accusatione extorqueri sibi causam optimam L. Cottæ patrocinio questus est, quo verbo faciendæ vim expressit, vt Valerio videtur. Nimirum verbum extorquere hanc vim habet, vt reus ille nō ex facili sed ex arctissimo quidem indissolubiliq; laqueo verbi vbi cæsareo eloquio victus erat, præreptus videretur: postquam accusationem (vt Suetonius inquit) haud dubie principibus patronis annumeratus est. Enumerare possem quibus præliis eius oratio ita militum animos incenderit vt periculi omnis immemores, læti etiam & exultantes in ferrum ruerent, quas ingentis exercitus seditiones, compresserit, quot armatorum milia solus & inermis oratione terruerit, vsque adeo vt ad nutum perorantis inuenti sint, & qui colla porrigerent, & qui ferirent: qui verò gemeret nemo, nisi & narratio longior foret. Nec Augustum inter multa animi ingeniiq; sui bona ab huius quam modo diximus paternæ eloquentiæ studiis abhorrentem nouimus. Nam vt de illo scriptum est, genus loquendi secutus elegans & temperatum, præcipuā curā duxit sensū animi quàm aptissimè exprimere, & amicos irrisit verba insolita & obscura captantes, & hostem increpuit vt insanum ea scribētem quæ admirationis plusq; intelligentiæ allatura essent animis audientium. Nec est mihi de eloquentia clarorum ducum scribēti Asinius ipse Pollio silentio obruendus, quem (vt appareat suum cuiq; iudicium fore) medium inter duos eloquentissimos

tissimos latinorum M. Tullium & T. Liuium Seneca constituit, ita non spernendus auctor. Tres enim vult esse eloquentiæ principes, quos in epistola quadam videtur omnibus præferre, secundum faciens Pollionem, cuius orationem Ciceronianæ dissimilem salebrosam & exilientem dicit, & ubi minimè expectes relicturam. Si verò Portii Catonis quispiam quærit eloquentiam in orāda causa, oratoriæ artis magnum ea ætate decus illi partum dices, quippe qui omnis generis eloquentiæ eius orationes tam multas pro se, pro aliis & in alios egerit, sicq; perorauerit ut non ab re romanus in vrbe Demosthenes diceretur: id etiā sibi nactus præ cæteris ut eius proprium sit quater et quadragies causam dixisse, nec quemq; sapius odio & inimicorum simultate petitem, ac semper inuictum & absolutum: cuius eloquentiæ vim atq; naturam quum ipse probè nosset, ac iuuentutem hortaretur ad audacter pugnandum, asserebat verbo magis quàm ense, & voce quàm manu plerumq; euertere & consternari hostes solere. Excellentem & egregiam quoq; L. Crassi facundiam si aliunde nesciremus hinc liceret intelligere, quòd in libris de oratore M. Cicero mortem eius magnificentissimè deplorans, omnes illum semper eloquentia, paucis verò ante obitum diebus sese etiam vicisse commemorat. Certatim quoq; secum eloquentiæ studiosos ad eū locum quem nouissimè pedibus ille calcauerat, post ipsius mortem rediisse, captus dulcedine & recordatione sermonis quem ex eo nuper audierat, & velut iterum auditurum. Addit etiam id vni Crasso singulariter contigisse, ut quotiens peroraret totiens solito altius ac sine exemplo locutus videretur. Enimvero quia fama huius aliquanto apud vulgus ignotior est non alienum existimauimus etiam M. Tullii dicta subiicere, quibus de hac re præ cunctis fides habenda est. Nanque apud eum ita scriptum inuenio, Crasso dicente, nemo tam arrogans qui similiter se vnquam dicturum esse confideret: & iterum, omnibus auditis oratoribus, sine vlla dubitatione sic statuo & iudico, neminem omnium tot & tanta quanta sint in Crasso habuisse ornamenta dicendi. Idem de M. Antonio testis adest. Siquidem cum quodam in loco de hoc deq; superiore simul loquens dixerit fuisse vtrumq; tum studio & ingenio & doctrina præstantem omnibus, tum in suo genere perfectum, ut neq; in Antonio deesset ornatus orationis neq; in Crasso redundaret, alio tamen loco omnium quos ipse audisset eloquentissimum ait Antonium, quasi de industria dubium relinquens, quò tantarum laudum stateram potissimum inclinaret. Verū fama huius vulgatior videtur, cui multū adiecit nouissimus dies quo migravit è vita: in illa enim tēpestate Mariana ubi nullus misericordiæ portus erat, iussi scelerum ministri Antonium trucidare, ubi domum eius peruenere, Antonium intuētes ac alium alius ad cēdem hortaretur præmitteretq;, tanta fuit oris illius dulcedo, sed quēdam persuadendi dea potius, ut loqui quum inciperet, milites omnes præter vnum Annium eius oratione deliniti, districtos iam & vibratos gladios incruentos vaginis redderent, ac à summo furore protinus ad summam misericordiam conciderent. Huius est etiam ille ad persuadendum efficax actus orationis, cuius in oratore suo aliisq; in locis meminit Cicero: cum enim M. Aquilius qui consul fuerat & dux apud senatum & populum clarus, omni tandem honore spoliatus

tum & ad extrema fallacis fortunæ præcipitatum senem in capitali causa defenderet, in medio orationis ardore & deformem squalentemque reum substulit putremque eius discindens tunicam ac generosi quondam tunc miserandi pectoris cicatrices iudicibus ostentans simulq; ad C. Marium qui inter astantes erat versus, & ut collegæ dudum miseretur multis cum lachrymis ostentans, misericordiam omnium concitavit: utq; ad exteros prolabatur oratio, quibus ceterum in hoc quidem sermonis genere non possumus, occurrit nunc qui primas militaris huius eloquentiæ partes sibi vendicat Pisistratus, quem rara quadam eloquentia florentem Atheniensibus imperitasse patientibus atq; ultro ei deferentibus imperium constat: quod ne magis obliuione quam iudicio factum existimetur, ex eo coniici potest, maxime quum Solon orientem Pisistrati tyrannidem multo antè prospiciens, euocata concione profectus in publicum lorica armatus & clypeo, insidias et improbos conatus eius aperuisset: neq; solum orientem, verum quum relicta patria depositis ante curiam armis in Aegyptum indignabundus nauigasset, atq; inde Cyprum profectus post ad Croesum pueniens atq; inde in Ciliciam Pisistratum in tyrannide perseverantem didicisset, eos rursus per epistolam sic monuit, Siquidem per vestram vecordiam dira toleratis, nihil in hac parte diis acceptum referatis, ipsi enim vobis horum causa estis, qui pignora ut duram seruitutem pateremini dedistis: vestrum verò unusquisque vulpis vestigiis incedit, omnibus autem levis & stolidus mens est: quippe viri linguam sermonemq; varium & plenum astu & fallacia attenditis, rerum exitum considerare nescitis. Huius quoque tyrannidis & eloquentiæ successor Pericles dicendo tam similis fuit, ut qui hunc audirent, illum se audire arbitrarentur, si modo unquam eum audire contigisset: hoc tamen iste præstantior, quod alter eloquentiam armis adiuuerat: huic eloquentia sola satis fuit ad imperium, quod & diuturnum gessit & magnificum. Quadraginta enim annos rempub. tenuit, eodemque tempore & urbanis rebus præfuit & bellicis inermis ipse. Sed tamen armata fultus eloquentia, dictu mirabile ut quum aduersus omnium salutem diceret, cum voluptate summa omnium audiretur. Quid Alcibiades, Clineæ filius, Atheniensem & ipse imperator summus mari ac terra, nonne tanta eloquentia præstitisse ad tantamq; rei militaris gloriam peruenisse perhibetur ut utraq; in illo duce laus de excellentia certare videatur? qui quod ad reliquos attinet tantum dicendo valuit ut nemo ei dicendo posset resistere. Hanc itidem oris orationisq; vim atq; potentiam apud Homericum Nestorem, veluti quodam ingenti speculo clarius licet inspicere: nam quum duo totius exercitus columnina dissiderent, Agamemnon regno pollens & Achilles potens bello, desideratur vir cuius ore melle dulcior proflueret oratio, & peritia multa memoratus, qui Atridæ superbiam sedet, Pelidæ ferociam compescat atq; eos auctoritate auertat, exemplis moneat, oratione permulceat. Similiter apud eundem poetam quum in concilio Græcorum Agamemnon sopitis somno membris, quod de instruendo prælio viderat efferret in medium, Nestor fidem relatis concilians, exercitui non minus eloquentia quam reliqua omnis multitudo ferro & viribus fuit adiuumento. Eadem ratione dux ille inclytus Græciæ non tantum, immo nunquam (si Ciceroni.

roni credimus) optabat ut Aiacia similes haberet milites, sed ut sapientes similes Nestoris. Quod si sibi concederetur, non dubitat quin brevi tempore Troia foret peritura. Adhuc etiam accedit Socraticus ille Xenophon, qui optimum dicebat vel tribunos vel equitum praefectos eloquentia praestantes parare vel oratores idoneos in concionibus castrensis adhibere, qui equitibus peditibusque vi orationis & copia terrorem incutiant metu quo meliores fiant: sedent etiam & ad tranquilliores partem traducant, si quando temere concitati fuerint: nec aliam ob rem denique Pyrrhus ille sapientissimus rex & imperator dicere solitus est, Plures à Cynnea verbis quam ab se armis urbes esse partas: nisi quod omnia Euripidis sententia conficit oratio, quae haud hostile ferrum conficere potest.

De poetis, qui fructus ex eis, & qui audiendi, quique repudiandi sint.

CAP. II.



Vmque finitimi sint oratoribus poetae regesque superiori tempore & inclyti duces quum bellum inituri essent sacra musis de more ante perfoluerent, utpote quae disciplinae iudiciorumque meminissent, quo & faciles ac promptae periculis adesset & facinora praefiantium memoratu digna redderentur: eos audiendos legendosque quum inhareant penitus mentibus esse operae pretium arbitramur: maxime quum magnam speciem doctrinae atque sapientiae praefereant: Caeterum hi quum multiformes varique sint, ut Tragici, Comici, Epici, Melici & Iambici ac dithyrambici, apudque alios poetarum alii cetera notatione digni, alii habeantur in praetio, ut facile scerni possit ex his quae lectione nostra digni quive exigendi sint, divisionis gradibus explicandum est. Poetae itaque omnes aut tantum conciliandae auribus voluptatis aut orationis quoque ad meliores vitae vias gratia fabulas finxere, auditum imprimis mulcent: veluti scenici, de quibus nihil aliud est quod dixerim in praesentia quam quod Romani veteres apud quos nunquam Tragediae siue Comediae probare sua in scenis ac theatris flagitia potuissent, eos non admissuri fuerant nisi consuetudo vitae pateretur, à rebus diuinis Liberi patris, Apollinisque sumpto principio: ab his enim Tragedia & Comedia sumplerunt exordium, dictaque Tragedia proinde eodem nomine quo sacer hymnus Liberi patris, cum hymnus ille fortia facta & laudes Liberi patris concinebat: ita & haec tragedia non nisi magnorum & fortium virorum vitia reprehendebat, vel ex vocis vastitate nominata quae concavis percussionibus roborata, talem sonum videtur efficere, ut penè ab homine non videatur exire: erigitur autem in hyrcinos pedes, quia si quis inter pastores tali voce placuisset, capri munere donabatur: vel quod hyrci ornabatur inter alia praemia eius carminis scriptor, vel quia corium hyrci plenum musto solenne praemium cantoribus erat, vel quod ora sua fecibus perlinebant Scenici, ante usum personarum ab Aeschilo repertum, fex enim graece dicitur *τρυγξ*: & his quidem causis tragedia nomen inuentum. Simili modo quum post longo tempore Apollini nomio vel Aristeo, id est pastorum vicinorum praesidi deo sacra & ludi inuenti celebrarentur circum Atticae pagos & vicos & villas & compita ubi rustici gestientes humanos actus latissimis carminibus irridebant sacer hymnus Apollinis cantus esset, qui comedia dicebatur, ut opinor à pagis & cantilena composito nomine, vel à graeco quod est comessatum ire cantantes, consuetum

consuetum est ibi quoque sicut in sacris Liberi reprehensoria carmina recitari, sed quæ non reprehenderent nisi vitia agricolarum & medicorum hominum quorum ille erat conuentus maximè apud Græcos, etiam primum fuit lege concessum, ut quod vellet Tragœdia siue Comœdia quodam quasi ludo, salia & facera reprehensione composita & dignitate orationis & utilitate corrigendorum morum nominatim de quo vellet diceret: quod suis tēporibus profuit multum, quum vnusquisque caueret culpā ne publico spectaculo derideretur. Postea verò quàm victor populus & prius Atheniensis, postmodum Italicus cœpit agros & vrbes extendere & multitudine ciuium creuere factiones & vitia, tantoque poëtæ pro materia vitiorum acrius reprehenderent ut etiam ad nobiles vsque conscenderent, nec solum homines improbos in repub. & seditiosos, cæterum nonnullos virtute ac magistratuū dignitate præstātes nulla laceffiti iniuria, ut Neuius sepe numero Metellos lacefferet atque vexaret, nobilitas indignata legem dedit ne quis nominatim reprehēderet quemquam. Horatius, Lusit amabiliter donec tam saeuus apertam In rabiem verti cœpit iocus ac per honestas Ire domos impune minax, doluere cruento Dente laceffiti, fuit intactis quoque cura Conditione super communi: quin etiam lex Pœnæque data malo quæ nollet carmine quenquam Describi. Hac lege siue pœna quum aliquanto tēpore siluissent à consuetudine prisca deterriti, nihilque dictarent, rursus aliud genus dictaminis adorti sunt: ibi enim Satyra sumpsit exordium quæ à Satyris quos in iocis semper petulātes deos scimus esse vocitata est, quidā aliunde nomen prauè putant: Hæc igitur Satyra eiusmodi fuit ut in ea duro veluti & agresti ioco de vitiis ciuiū tamē sine villo proprii nominis titulo, carmē esset: quod item genus comœdiæ multis obfuit poëtis quum in suspicionem potentibus ciuibz venissent, illorum facta descripsisse in peius ac deformasse stilo carminis. Hoc igitur malo coacti sunt omittere satyram & aliud genus carminis, hoc est, nouam comœdiam inuenire: quæ Græci quamquam impudentius, tamen conuenientius licere voluerunt, cum viderēt suis diis accepta & grata esse opprobria, non tantum hominū verum etiam ipsorum deorum in scenicis fabulis, siue à poëtis essent illa cōficta, siue flagitia eorum vera commemorarētur & agerentur in theatris, atque ab eorum cultoribus: vtinam solo risu, ac non etiam imitatione digna viderentur, quale est illud apud Terentium, dum flagitio Iouis optimi maximi adolescentum nequitiam incitaret. Quid enim ingenui iuuenes aut virgines ipsæ facient, quum hæc & fieri sine rubore & spectari ab hominibus libenter cernant? nonne admonebuntur quid facere possint, & inflāmabuntur libidine quæ visu maximè concitatur? At Romani quāmuīs noxia iam suspicione premerentur ut illos deos colerent quos videbant sibi voluisse scenicas turpitudines consecrari, suæ tamē dignitatis memores ac pudoris actores taliū fabularū haudquaquam honorare more Græcorū: sed artem ludicrā scenāque totam in probro duxere, genus id hominū non modo honore ciuium reliquorum carere, sed etiam tribu immoueri notatione censoria voluerunt. Nam quāquam ibi actus musici et prudentissimi sæculi dicta floruerunt, ætas tamen subsequens miscens ludicra priuscorū inuenta traxit ad vitia, & quod honestæ causæ delectationis repertum erat

ad volu

ad voluptates corporeas præcipitatis mentibus impulerunt: quo factum est vt paulatim honestissimæ disciplinæ improborum consortia fugientes, verecunda se exinde consideratione subtraherent: & consultè id quidem. Quid enim aliud quàm libidines edocent & instigant histrionum impudentissimi motus, quorum enervata corpora, & in mulierum incessum habitumq; mollita impudicas fœminas immodestis gestibus mentiuntur? Quid de mimis dixerim: corruptelarum impudentiæque omnis disciplinam humanarum rerum imitatione præferentibus, qui docent adulteria dum fingunt, & simulatis stupris erudiunt ad vera? quòd si nullus scænicis ad honores dabatur locus, consentaneum videtur vt ipsi poëtæ talium fabularum compositores, qui duodecim etiam tabularum lege prohibentur famam lædere ciuium, non minus quàm scænici actores habeantur eiectioni. Plato etiam quum recte formaret qualis esse ciuitas deberet quam finxit, quàmque optimis moribus & optimo rei publicæ statu, tanquam aduersarios poëtas omnes (Homerum tamen excipiens quem honorabiliter admonet phanum ei constituens & vnguenta superfundens) vrbe pellendos censuit, ne rectam opinionem de deo fabulis forte destrueret, deorum iniurias indignè ferens, animosque ciuium, taliū lectione fucari corrumpique. Huic illud quoque apud Lacedæmonios persimile probatur, qui Archilochi poëtæ libros è ciuitate sua asportari iussere, quòd eorum parum verecundam, parū continentem ac pudicam lectionem non virtutum semina sed labem quandam potius & iuuentutis corruptelam viamq; ad obscœna singula præstruentem arbitrantur. His proximi sunt qui auditum etiam mulcent, sed illecebris ac fœdis amoribus referti, lasciuiæ omnis & intemperantiæ legem præferentes: quales Marsum Pedonem, Aediuium Zetulicium, Portium Theium Lacedæmonium. Meminium, Titydem, Cynnam, Cornificiū, Anserem, Hortensium, Seruium, Gallum, Catullum, Caluum, Propertium, Tibullum, Apicium, mulierem Lesbiam: Nasonemq; postremo omnium lasciuiissimum siue M. Valeriū Martialem: & quicquid Melicorum, siue Lyricorum, siue Dithyrambicorū erit huiusmodi: quod dictū licentius ac procacius videatur: quum horum omnium libri potius Veneris militiam quàm Martis studium & instituta perstruere videantur. Molliunt enim fortissimorum hominū animos dulcedine sua, & ita molliunt vt non legantur modo sed ediscantur: sicq; ad malam rei domesticæ disciplinam vitamque omnem quum acceperint neruos virtutis omnes elidunt. Sunt Epici alii qui summa vi eloquentiæ carminisque præcellētia per turpia licet & indigna nonnunquam effluant: per plurima tamen ac maxima per clarissimos duces bella memoratu digna sub honestis rerum figmentis ac velaminibus ad varium optimūque degendæ vitæ genus propius videntur accedere. Hi sunt qui suppliciis & pœnis improbos homines variis terrent agitantq; terroribus, eos qui e contra iusti probiq; fuerint, & ob patriam pugnando vulnera passi, Quique sacerdotes casti dum vita manebat, Quique pii vates et Phœbo digna locuti: Inuentas aut qui vitam excoluere per artes, Quiq; sui memores alios fecere merendo, puros, impatibiles & beatos in cœlum prouehi virtutum meritis, vel in campos quosdam fortunatos rapi hic vbi mira voluptate fruuntur: Hoc in

Hoc in genere quum multi nobis occurrant poëtae, omnium clarissimi Homer-
 us & Maro primi se ingerunt. Apud illum nanque operæ preciū est videre quæ
 prouisio ducum in bello, qui aut astus aut fortitudo militum, quod insidiarum
 genus vel cauendū vel inferendum, quæ deinde monitio, quod consilium, quod
 genus Aeneas prælio Troianorū dux, Græcos magna vi pulsos in castra rede-
 gerat: quumq; audacius surgeret ac iam totum agmen obiiceret castris, aduo-
 lat ad eū Hector & sensim circumspecteq; agere monet, affirmans eum qui exer-
 citum ducit, non tam audacem quā cautum esse debere, quod quanti existi-
 mandum est præsertim ab Hectore audacissimo traditum, tute Sigismunde te-
 cum versa atque peruolue. Apud eundem quoq; poëtam Iris siue somnus vt alii
 interpretantur, nōne ad Atridem missus quum dormientem comperisset, cor-
 rипit eum verbis negatq; dormiendum esse, cui tot populorum, tot gentium fa-
 lus cōmissa est, ac tantarum denique rerum incumbit prouisio? Postremo quum
 rebus dubiis & afflictis spectatores deligendi sunt, qui noctis intempestæ silētio
 castra hostium penetrent, nōne Vlyxes inibi cum Diomede deliguntur, velu-
 ti consilium & auxiliū, veluti mens & manus, animus quoque & gladius? Quis-
 quis igitur concionator aut imperator sūmus effici voluerit, Achillis aut Aga-
 memnonis se similem fieri cupit, is se in huius poëtae disciplinam tradat, librūq;
 de manibus nunquam deponat, quod ab Alexandro sicut ex ipsius p̄cipi potest
 epistolis factum fuisse proditum est. Is enim rex discendi legendiq; audus, Ili-
 adem in qua rei militaris viaticum existimare solebat & appellare, Aristotele
 exponente perdidicit, eam semper vnā cum pugione sub puluino iacentē tene-
 re solitus, qui itidem quanti eundem poëtam facere visus sit, ex hoc maxime li-
 quet: hic enim quum inter spolia Darii regis deuicti vnguētorum scrinium re-
 perisset auro gemmisque expoliturum ac eius scrinii varios vsus amici ostētarent,
 immo inquit librorum Homeri custodiæ detur, vt preciosissimum humani ani-
 mi opus quā maxime diuiti opere conseruetur. Apud hunc verò huius quem
 modo diximus Homeri in omnibus ferè emulū Maronem, deesse quid potest?
 cuius poësim nedum viaticum, cæterum totius penè rei militaris esse discipli-
 nam non dubium est, in belli tempora paciſque diuisam? Quod etsi satis diui-
 ni operis eius constet initio, apud eos tamen qui mentem eius enucleatius per-
 scrutantur potissimum est intueri. Nam si militaris iusticiæ formam et tremen-
 dum consulis imperium ab eo quæris, occurrit tibi ilico in primis Brutus, dein-
 de Torquatus rigidis fascibus, immo sæuis securibus in filios patriam & rei
 bellicæ disciplinā acerrime vendicantes. Si fortitudinem, aderit Horatius Co-
 cles qui pro ponte suplicio stans, minitantem Porſennam exercitūque eius qui
 grauissimo bello Romanos vrgebat, ausus est & potuit dum pro salute patrię di-
 micat donec pons ipse solueretur à tergo in arcēdo hoste sustinere. Si luēdis pe-
 riculis publicis priuata piacula, Decii præsto sunt, vt illis cadētibus & iram de-
 orum sanguine suo placātibus romanus liberaretur exercitus. Prætereo Camil-
 li victoriā de Gallis, Cossi clarissime res gestas. Fabricii & Curii victus tenuita-
 tem eorūque duritiam & continentiam, Fabii moram et plurima huiusmodi
 in bello & pace non minus egregia mentem subeuntia: quæ omnia poëtam no-

bilem minime latuere dicentem, Interea musis animus dum mollior ętas, Et quę
 mox initure legas, nec desinat vnq̃ Tecum graia loqui, tecum romana vetustas.
 Antiquos euolue duces, assuesce futurę Militię, Latium retro te confer in ęuũ.
 Libertas quęsita placet, mirabere Brutũ. Perfidiam dānans Metii satiabere pœ-
 nis. Triste rigor nimius, Torquati respice mores. Mors impēsa bonũ, Decios ve-
 nerare ruentes. Vel solus quid fortis agat te pōte soluto Oppositus Cocles, Muti
 te flāma docebit. Quid mora prospiciat, Fabius: quid rebus in arctis Dux gerat
 ostendet Gallorum strage Camillus. Discitur his nullos meritis obsistere casus,
 Prorogat æternam feritas tibi punica famam Regule, successus superent aduer-
 sa Catonis: Discitur hinc quātũ paupertas sobria possit, Pauper erat Curius re-
 gem quũ vinceret auro, Pauper Fabricius Pyrrhi quũ sperneret aurum, Sordida
 Serranus flexit dictator aratra, Lustratę lictore casę facesq̃ salignis Postibus
 affixi, collectę cōsule messes, Et fulcata diu trabeato rura colono. Præteries ita
 q̃ reliquos ex nostris, exterorũ nonnullos Tirtheumq̃ Lacedæmoniorũ poētam
 ac ducē dicam imprimis, cuius cōposito carmine & pro cōcione habito, tãta vi
 animorũ deuictis Messanis deniq̃ cōcursum est, vt rarò vnquā cruentius præli-
 um exarserit, tametsi antea cōflictibus Lacedæmonii à Messanis fusi metuq̃ pe-
 riculi propterea territi, certamine desistendum arbitrarētur. Thucydidem præte-
 rea, nōne quem imperatorē Athenienses in exiliũ egere Tragœdiarum condi-
 torem reuocauere, deinde maxma bellorũ tēpestare permoti? duos duces non ab-
 re delegere, Periclem spectatę virtutis virũ & Sophoclem Tragœdiarũ scripto-
 rem? qui diuiso exercitu & Spartanorũ fines late populati sunt, & multas Asię
 ciuitates Atheniensium imperio adiecerunt. Quid Diopitē, & Menestheum, Le-
 osthenem & Charedemũ subitico? nōne his artibus & rei bellicę peritia am-
 plitudinē adeptos scimus, tempub. Periclis, Aristidis & Solonis more gerēdo? vt
 pote omni ex parte absolutam & vtrinque excultā & idoneā? Quisq̃ enim ho-
 rum virorum videbatur, vt inquit Archilochus & Mauorte deo gratisq̃ Heli-
 cone camænīs, Assiduus cultor munus vtrunq̃ tenens. Apud agrestiores deni-
 que barbaros et nationes nōnullas, vt apud Galatas, tanti sunt poētę, atque sapi-
 entię cedit ira, Marsq̃ reueretur musas, vt quum instructa acie exercitus edu-
 ctis ensibus iactisq̃ iaculis propinquant, non solum amici, verum hostes quo-
 que, eorum interuentu à pugna conualescant.

De Musica & in quo cum re Militari commercium eius sit.

Cap. III.



Disciplina autem cantuum & modorum quam musicen dicunt, non
 minus in studio erat quàm dicendi emulatio ac nitor. Ipsa nanq̃ mo-
 dulis suis & numeris, institutio erat ad ingenuos animi mores ratio-
 ne moderandos, & stimulus quidam ad eum concitandum & ad im-
 petum quasi furentē atq̃ strenuum inducēdum. Etenim quum hæc ipsa disci-
 plina sit in modos siue tonos, numerosq̃ distributa, repente vt dissimilium con-
 cordia quā harmoniam vocant distinguitur: sic audientium animi disponuntur
 ad vnum quēq̃ ipsorũ, ad alios quidem cōpositē et mediocriter, vt ad Doricum
 quem fatentur omnes constantem ac firmũ esse, moremq̃ cōtinere virilem pru-
 dentię ac castitatis auctorem: ad alios violenter, vt ad eum qui Phrygius est, qui
 & ita

& ita excitat, distrahit rapitq; animū ad pugnas, votūq; furoris inflāmat, vt vix apud sese videatur, quēadmodū de Pythagora scriptū est, q; violētos ac debacchātes adolēscētes sub huiusmodi sono incitatos, spōdeo succinente, ad compositæ mētis tranquillitatē reddiderit. Nam quū mulieris cuiuspiā dilectę domū vellent amburere forēsque perfringere, vbi Pythagoras intellexit tiliarum Phrygiūq; modi sono adolēscētes raptos furere, & multorum persuasionibus cœptis nolle desistere, mutari modum præcepit, atq; ita tarditate modorum furentē illorum perulatiā cōsedasse. Simili modo de Timotheo Milesio inuulgatū est, qui quum in Alexādrī cōuiuio esset et hunc quē Phrygiū diximus modularetur, vsq; adeo regē excitasse fertur, vt ad arma capiēda profiliret, atq; iterū ad comessatores epulāq; reduxisse, modulatione mutata. Eūdem etiā ferūt Alexandrū Xenophōte canēte manū ad arma misisse. Sūt et modi alii diuersorū etiā idiomatū vocabulis designati, ut Aeolius, q; animi tēpestates sedat, sōnūq; iam placatis attribuit. Iasius, qui intellectū obtusis acuit et terreno desiderio grauatis cælestiū bonorū appetētia operator indulget. Lydius, qui cōtra nimias animæ curas tædiāq; reperi- tus, remissiōe reparat et oblectatiōe corroborat, Itidē enim et in numeris dicēdū, quū et alii morē contineāt grauius, alii verō cōcitēt, alii liberaliores, alii violēti- ores afferāt motus, quo fit vt morū animorūq; maximæ mutationes fiāt. Nam si numeri modi- q; ad mētem vsq; peruenerint, æquē animū atq; ipsi sūt afficiant necesse est. Ideo lasciuiā mollis dissolutaq; mēs mollibus & impudicis modis de- lectatur, asperior rursus durioribus gaudet, mediocribus autē quę mansueta, ex quo internosci potest, quāta sit nobis cognatio cū harmonicis modulationibus, quū et multi quoq; sapiētum dixerint, alii quidē animā esse harmoniam, alii vs Plato, mūdī animā musica cōuenientia fuisse cōpactā. Proinde nullis quidē q; sa- pientiā profitētur, curā Musicæ quātum etas illa recipiebat defuisse, quū Pytha- goras inuētor atq; eū secuti aliquot præcipui philosophi, imbibita & assūpta à veteribus opinione cuncta cōpleuerint, mūdū hūc quatuor elemētis ea resonan- tia esse cōfectū quā postea sit lyra ad similitudinem veræ testudinis imitata, cu- ius Mercuriū quoq; neruis trium chordarū, triū anni tēporū instar, repertorem tradunt. Tres enim instituit voces, acutā, grauē, & mediā. Acutam ab æstate, ab hyeme grauē, à vere autūnoq; mediā, tantaq; proinde vtilissima procurantē A- stronomi inter stellas requirēdā esse putauerunt, persuadētes cælestē esse musicā, quādo lyræ formā cōprehendere potuerūt inter sidera collocatā. Detractoribus autē & humile et abiectū huius disciplinæ exercitiū esse dicentibus, q; aiunt for- didos homines ac viles musicā exercere, haud quāq; difficile est respōdere, si spe- ctetur quibus modis & instrumētis, et quousq; illi indulgendū ab his q; ad virtu- tē ciuile erudiuntur: quum vsq; ad aliquid discere & exercere honestum sit atq; modestū, ad extremum vsq; prosequi & ab illius illecebris capi, turpe atque in- decorum: & quum nihil vetet modos quosdā et instrumēta musicæ illud quod aiūt efficere, clarū est oportere disciplinā eius neq; impedimēto esse cæteris ope- ratiōibus, neque corpus molle & inutile reddere ad bellicas ciuilesq; exercitatio- nes: quod utiq; fiet, si neq; illis tēporibus multū impartiemur, quæ ad certamē ar- tificii pertinent, neq; circa admirabilia quædam & superuacanea, sed eò vsque

vt gaudere valeamus probabilibus modis, et non cōmuni sensu musicæ solū vt turba vilium seruorū, ac puerorū. Quū autem sonorum qui materies cātilenarū sunt, triformē cōstet esse naturā, quod triū musarū nūmerus efficit, quū aut scilicet voce editur, sicuti eorū est qui faucibus canūt: aut spiritus, sicuti tubarum & tiliarū: aut intēsiōe & pulsu, sicuti in neruis et citharis et tympanis et quibusdā aliis quæ cōcaua feriēdo canora sunt, ex his qui fit voce modus quā de cēs fit quāq; ingenuis progredi in ea liceat, ex Philippi & Catonis sentētia intueri licet. Hic enim quia sibi visū est bene cātare nō ferri hominis esse, nimirū M. Senatorē nō ignobilem, spatiatorē et fescemium vocat. Ille verò in institutiōe ad filiū, quū eum accepisset suauiter quodam in loco cecinisse, urbane est obiurgatus: Non te pudet inquirēs q; ita pulchrē canere scias? satis est enim regi, canentibus audiēdi ocio superesse: at p multū quidem videtur impartiri musis, si ceteris his de rebus concertātibus spectatorem ipse tātum se præbeat: quum nec vllus vnquā ingenuus adolescens quū ipse Iouē sit intuitus, Phidiā se fieri cōcupuerit, neq; Polycletū: etsi vehemēter eorū opera sit admiratus. Et quanq; hoc ardens musicæ studiū non horū quos modo diximus duorū principū mētes incesferit, iuuasit tamen & occupauit aliquorū animos pessimorū, Caii maximē qui adeo cātandi voluptate efferebatur vt ne publicis quidē spectaculis temperaret. L. Sylla vir tātī nominis optime etiā cātasse dicitur. Nero quā vocis curā habuerit cōseruādæ vel augendæ, nemini quidē mediocriter erudito in dubiū venit, neq; ab his id iniuria factū quispiā forte dixerit. Est enim haud dubie musicæ pars hæc potens multū et effectus eius supra fidē variū, quū multos ad læticiā inanem, ad amatoria carmina, ad reliquas voluptatis illecebras, multos ad virtutē, sanctū & deuotū gaudiū, piāsque nonnunquā lachrymas moueat: quæ varietas in diuersas sententias magna etiā sanctorū patrū traxit ingenia. Nempe Hieronymus canēdi studiū improbasse visus est, cum inquit, deo, nō voce, sed corde cantatur: nec in tragœdiarū modū guttur & fauces medicamine leniendæ sunt, vt in ecclesia theatrales modi audiantur. Vnde fit plerūq; teste Gregorio, vt in sacro ministerio, dū blanda vox quæritur, cōgrua vita negligatur, & cātor minister deū moribus stimulet, quū populū vocibus oblectat. Ambrosius pietatis appetēs, vt caneretur instituit. Athanasius vanitatis fugitās, canēdi vsū in ecclesiis eū approbat, qui tam exiguo vocis flexu fit, vt pronuntiāti vicinior sit: ne voluptatis, aut vanitatis, aut lasciuiētis & prostitute vocis luxu affectuq; stupentes emoriātur animulæ. Augustinus difficile hinc inde sibi negotiū dubietate exortum intuens, ita fluctuo inquit inter periculū voluptatis & experimentū salubritatis, magisq; adducor nō quidē irretractabilē sententiā proferens, Cantādi dico consuetudinē approbari in ecclesia, vt per oblectamenta aurium infirmior animus in affectū pietatis assurgat: tamē cum mihi accidit vt me amplius cantus q; res quæ cantatur moueat, pœnaliter me peccare cōfiteor, & tunc mallem non audire cantantem: quanquā alio in loco aperte denunciaret, nos nō propter superstitionem prophanorū debere musicā fugere, si quid inde vtile ad intelligendas sacras scripturas capere potuerimus, nec ad eorum theatricas nugas cōuerti si aliquid de citharis & de organis, quod ad spiritualia capienda valeat, disputemus.

Neq;

Nec enim & literas discere non debemus quia earum deum dicunt esse Mercurium, aut quia virtuti iusticiæ tēpla dedicarunt, et quæ corde gestāda sunt in lapidibus adorare maluerunt, propterea nobis iusticiæ virtus fugiēda est. Qui verò ex spiritu et ore fit modus, nō aliter improbādu nobis erit, ac de Minerua & Alcybiade rationabiliter testatur antiqui. Aiunt enim illā tibiārum repticē eas abieciisse, ob deformitatē oris infensā: huic verò ab auunculo Pericle tibiārum studio tradito similiter obtigisse, qui quum ab insigni tibicine ad ipsū accito, oblatas tibiās ori applicuisset, & collecto spiritu genas inflasset, animaduērsa vultus deformitate erubuit, & abiectas tibiās aspernatus fregit, meruitq; tenera licet ætate exēplo esse, vt totius populi consensu ex tunc Athenis tibiārum vsus qui post victoriā cōtra Medos assūptus & receptus adeo fuerat, vt ingenui omnes addiscerent, improbaretur. Nec Atheniensium modo, nec veteris illius celebratissimę quodā Græciæ quæ post tellus Itala est, virorum illustrium solum, sed maiorum quoque nostrorum, multarumq; aliarum nationum & populorum fides & tibiās solennibus epulis, choris, & cōcionibus adhibere veteris instituti fuisse cōperio, quum illorum laudes qui fortiter pro patria occubuissent, et eorum vituperationes qui metu id agere detrectassent. cātu & tibiis prosequeretur: quippe quæ etiā ludis pariter communes & luctibus. Ouidius, Temporibus veterum tibicinis vsus auorum Magnus, & in magno semper honore fuit. Cantabat phanis, cātabat tibia ludis. Cantabat mœstis tibia funeribus. Et quanq; ab ingenuis & grauib; illis ad meribubulos quosdā helluones leuissimos & fordidissimos est huiusmodi tibiārum studiū vt antea forte prolapsū, apud multas tamen nationes & bellicosissimos populos in cōserēdis bellis, veluti disciplinā quandā militārē fuisse, multorum cōstat exemplis. Spartiatarum enim militia imprimis ad modū ac tibiā proficiscebāt, nec adhibebatur vlla sine modulo anapæsti pedis cohortatio. Itaq; illorum aspectus pulcher erat & formidabilis: qui & numeris ad tibiā incederent, neq; phalāgis ordinē miscerent, neq; animis turbarētur: sed mansuete & hilariter à modulo in discrimē inducerētur, quum certū videatur, neq; metū neq; furorē nimium illis oriri posse qui ita se habuerint, sed firmā potius & cōstātem animi magnitudinē spei audentiæq; admixtā. Nec aliter Lydos Halyacte etiā rege suo bellū Milesiis inferēte inire prælia solitos accepimus, quū nō solū inter pugnātis exercitus acies tibicines habuerit, sed fistulatores & fidicines, quod Cretenſes itidē non tibia sed cithara quasi magistra ac duce singulos eorum bellicos actus regēte non abrefecisse memoratur. Nā veluti Laconicus ille poëta inquit, Serpit et in ferrum citharæ sonus ipse canoræ. Et quid aliud in nostris legionibus litui siue cornua, tubæ, classica, buccinæ siue tympana sibi volunt, quā vt his in bello & progressioni & item receptui cātetur: aut nimis remissos excitādo, aut plus iusto cōcitatos reuocādo? quod poetarum maximū minime fugit dicētem, Aere ciere viros Martemq; accendere cātu. Nec cantu solum accēdi remittiq; virorum animos constat, verum equorum, quibus docilitas tanta est, vt vniuersus Sybaritani exercitus equitatus ad symphonix cantum saltatione quadam moueri & excitati solitus inueniatur. Cæterum Sigismunde Pandulphæ qui ex pulsu et fidium intensione fit modus quo pacto in eo quisq; agat, plurimum refert. Nam

si uti tu tecum aliquando soles sapientissime princeps post magnas curas, difficiles & illustres bellorū occupationes relaxādi ac reparādi animi gratia, vel amicorum vel propter virtutē quis agat, nō illiberaliter sed modeste ab his aliquid voluptatis assumet: nec absurde hanc musicæ partē bellicę fortitudini coniunxisse te quispiā admiretur, Mercuriū maximē imitātē qui Palæstram docuit & lyram primus inueuit: qui verò id ipsum propter alios ut audiētes oblectet sæpe uti videbitur, turpiter ac indecorē agere, quū finis cuius sit gratia improbus sit & merito improbāndus vsus, nec aliter quā quomodo multa instrumētōrū antiquorū improbata sunt, veluti Pentades & Barbiti & quæ ad voluptatē audientium intēdebant, et heptagona & cuncta quæ indigent perita manū gesticatione. Itaque profitendū puto nō hāc quæ istis instrumētis cōsumitur omni dedita opera præcipi, & quæ in theatris olim & in scænis effœminata & impudicis modis, infracta non ex parte minina, quæue nec fera nec varia sit, sed simplex, morata, prudens, mascula atque modesta, & qua laudes fortiū canebantur, quasque ipsi canebāt, cuiusque qui tūc fuisset ignarus quisque ille esset habebatur indoctior. Quod Themistocli attico, Græcorū imperatori clarissimo eò quod lyrā inter epulādū reculasset accidisse Cic. testis est. Epaminūdā verò Thebanū hāc fortassis infamiā declinātē præclare fidibus cōcinētem accepimus: et Achillem Homerus inducit à pugna redeūtē in hac re acquiescere solitū, non amatoria quidem sed virorū fortiū gesta modulātem. Ovidius hūc nō modo sed Alcydē fidibus doctū, musicisque institutū disciplinis his verbis expressit, Ille manus olim missurus in Hectora læto Creditur & lyricis detinuisse modis. Venerat Alcycles exhausta parte laborū, lussaque restabant vltima pene viro. Nero verò quātum studio citharæ deditus fuerit, incredibile dictū est, cū neque quicquid omitteret eorum quę eius generis artifices ex industria factitare solent. Id verò eiusdē stultū penitusque ridiculū, quod nocte illa quæ sibi vitæ fuit vltima in terris, inter querelas quas vicina mors & præsens metus dolorque dictabāt, crebrius atque miserabilius, nō quod tantus princeps, cæterū quod tātus musicus deperiret defleuit infelix. Multa præterea possent Adriani, Alexātri, Seueri et aliorū maiorū exempla in medium proferri, sed vereor ne si fuero in taliū enumeratione diutius immoratus, aut oblitus esse propositi videar, aut crimen loquacitatis incurram.

De Arithmetica & militari Geometria.


Cep. V.




Ignū et consentaneum propterea visum est eas disciplinas attingere quæ Geometricis numeros rationibus & multiplicationes habent notas. Magnū namque adiumentū afferunt ad eorū quæ supra nos sūt vim naturamque explicandā, maximū ad ea quę infra, ut ad locorū interualla, edificiorūque magnitudines, profunditates aquarū, instrumētōrū quorundam infra scriptorū arte dimetiēdas: quā rem ut est hominū genus nimis solers atque sollicitum, Chaldæi primi inuenisse et Aegyptii nō dissimili feruore calentes transtulisse memorātur, qui rationē huius discipline generaliter colligētes ad hęc omnia quæ diximus quicquidue potest formis generalibus cōtineri aptam ita esse docuerunt ut ea sine nihil horum possit ad agnitionem verissimā peruenire. Eudoxum etiā & Architā inchoasse variis eā formis & celaturis illustrātes memorię

memorię prodiū inuenimus. Hi enim artis obscuratis sub pectoribus ingenii latētes rationes, obductas propositiones demōstrationesq; per sensum ac instrumentorum exēpla inuulgarunt, ambo in cōparādis produxerunt instrumentis, semiscriptis quibusdā lineolis figurisq; geometricis machinamēta formātes. Quo circa in eos molestē cōcitus est Plato q; doctrinę huius tāte dignitatē ac pręstatiā sustulissent, quę à cogitatione & rebus incorporeis ad sensibilia quędā prolapsa esset, quasi ad sui vřu corpore & mercenaria indigeret inertia. In qua re operosa porro ac mirificā quoq; Archimedis & Scopię Siculi Syracusis industriā à nominatissimis artiū scriptoribus fuisse spectatā atq; probatā nō ambigimus. Multa nanq; organica & gnomonica numero naturalibusq; rationibus inuenta atq; explicata posteris reliquerunt, maximā sibi gloriā prę ceteris vindicātes. Archimedes pręcipue, ærei cōcauiq; orbis & globi cęlestis inuētor. Erat enim ea tēpestare obsessis dura obsidione à Marcello Syracusis, vir ille huius disciplinę studio ante alios omnes & doctrina pręcellens: admirabilior tamen artifex fabricatorq; muraliū ac bellicorū tormētorū, quibus varia missilium genera & immensę magnitudinis saxa incredibili fragore & celeritate iaculata vexant hostes, leuiq; momēto labefactātur muri & mœnia quatiūtur, quibusq; vsus ad obsidionē patrię propullādā aduersus romanū exercitū & Marcellū ducē vnus Archimedes ex tāte vrbis ciuiū numero haud dubie tardiorē effecit. Quam tarditatē quū Marcellus tandē vrbe potitus victorię suę magno impedimēto fuisse cōperisset, eius tamē egregia opera delectatus, quū eam vrbē diripiēdā permitteret discurrentiū militū furori, vnū de tot milibus ciuiū vita donatum excipit Archimedem, pluris illū merito quā vniversū populū faciens. Ceterū in tanto tumultu quātus captę vrbis in discursu esse poterat, dū artis suę lineamētis & formis quas in puluere ille descripserat totus incubuit, introgressus interea vnus ex militibus Ro. inter rapinę sitim & imperatorii pręcepti memoriā hęsitabūdus, stricō mucrone supra verticē cogitātis vt nomen suū ederet iubebat. Sed is cui oculos atq; aures ingens animi cura cōcluserat, ferociter percunctāti et quisnam is esset sciscitāti, certum aliquid respondere nō curans, opposita quin immo tantum manu ne puluere sibi suum cōfunderet obsecrans, militi cōtemptione irato trucidādi sui causam prębuit. Cuius mortis misertus dux Ro. immunitatem frustra sibi destinatā in affines eius trāstulit sibiq; quod vnicū supererat fieriq; potuit, funeris ac sepulture curam exhibuit. Huius etiā sepulchriū sphaera & Cylindro in summo eius sculptū & incisum multo pōst tempore disiectum & suis etiam ciuib; incognitum inter densissimas vepres obsitum se reperisse et ignorantibus indicasse dum in Sicilia quęstor est Romani princeps eloquii Cicero gloriatur. Hoc itaq; modo hīsq; auctoribus oblabantem passim & inuulgatam artis huius imitationem fabricandorum industria machinamentorum à Geometria delapsa conspicitur, ac diutius philosophia neglecta vna militaribus ac mœchanicis artibus instrumentis eiusmodi enumerata secernitur.

Per vmbra[m] quoq[ue], turris vel erecti sti
pitis eorū altitudo deprehēditur .



Inanis pila plūbea vel ænea , manu cum ferrea, in hūc modum , quæ
in aquā demissa cōtinget in profundū trahi: quod vbi tetigerit, mox
resiliens fursūm ascēdet. Vbi igitur immergi cœperit, cōputa in mersi
one ipsa tēporis momenta, mōxque lanceam demittens, pedum alti-
tudine[m] vel cubitorū quāritatē distribue, & sanè quod in minori aqua
fuerit inuētū, in oī maiori copia index tibi ac certissim⁹ testis accedet.



ROBERTI VALTVRII³³

AD ILLVSTREM HERO A SIGIS-

mundum Pandulphum, de re militari

Liber Tertius.

De Astronomia uariâque perquirendorum futurorum arte si qua est.



Estat autem nobis, Sigismunde Pandulphe, profundissimam quandam Matheseos, hoc est, astronomicæ rationis tradere disciplinam, quam multi opportunam maxime putât ad bellorum futurorum euentus denunciandos. Hanc nanque inter cæteros si non docuit, sectam tamen erroris attigit Lucanus, quum timorē Urbis describeret, bellumq; ciuile necessariis huius disciplinae argumentis ineuitabiliter appropinquante Cæsare futurum denuntiaret. Innuit enim poëta doctissimus, si tamen poëta dicendus est qui vera narratione rerum gestarū ad oratores vel historicos magis accedit, Saturni malitiam quū solus in sui domicilii throno resideret emouendam fore, quū inquit,

Quod cladis genus ò superi, qua peste paratis
Sæuitiam? extremi multorum tempus in vnum
Conuenere dies, summo si frigida cælo
Stella nocens nigros Saturni accēderet ignes,
Deucalioneos fudisset Aquarius imbres,
Totaq; diffuso latuisset in æquore tellus:
Si sæuum radiis nemæum phœbe leonem
Nunc premeres, toto fluerent incendia mundo,
Succensusq; tuis flagrasset curribus æther,
Hi cessant ignes, tu qui flagrante minacem
Scorpion incendis cauda chelâsq; peruris
Quid tantum Gradiue paras? nam mitis in alto
Iuppiter occasu premitur Venerisq; salubre
Sidus habet, motuq; celest Cyllenius hæret,
Et cælum Mars solus habet, cur signa meatus
Deferuere suos, mundôq; obscura feruntur?
Ensiferi nimium fulget latus orionis
Imminet armorum rabies ferriq; potestas
Confundet ius omne manu scelerisq; nephando.
Nomen erit virtus, multosq; exhibit in annos
Hic furor.

In hac igitur rerum altissimarum contemplatione si quid huiusmodi occurreret quo talium curiosi, stellarum veram possint assequi positionem, vel qualitatem præscire temporum & speculationis suæ iocundissimum fructum capere, tanta compleri

compleri videntur voluptate ut nostra hæc omnia externa præcipue, ac fortunæ munera quæ singuli tanti faciunt tanquam exigua & minima ab eis contemnantur. Ex hac enim reliquaque perquirendorum futurorum arte, si modo ars vlla est, potiusq; vanissimum cuiusq; ludibrium, clarissimorū philosophorum summorumq; virorum conflictari videmus ingenia: nāq; Democriti totius penè terrarum orbis peregrinatio fuit, patrimoniiq; amplissimi dissipatio, Platonis Diogenisq; captiuitas & Pythagoræ longa ad varias gentes peregrinatio. Hostanes verò & Empedocles ad rabiem non auiditatem modo eius percipiendæ gratia nauigauere, exiliis verius quàm peregrinationibus: hanc reuersi prædicauere, hanc in archanis habuere: quāquam animaduertam præter hos summam quoq; literarum claritatem gloriamq; ex hac ipsa abditarum peruestigatione rerum antiquitus, & penè semper spectatam atq; petitam. Talem dico Milesium Anaxagoram, Clazomenium Xenophanem, Colophoniū Eudoxū, Calistum, Melonem, Philippum, Echemenonem, Aratum, Hipareū: adde his Socratem, Zenonem, Dicearchum peripateticum, Cratippū, Cleantem, Chrysippum, Antipatrum, Posidonium atq; Panætium, plurimosq; alios quorū voluntaria paupertas, iniuriarum contumeliarumq; perpeffio, laborum præterea, itinerum, vigiliarum, alboris, æstus, inediaque susceptio memoratur: pro quibus eorum aliqui cultus & honores diuinos vel diuinis pares meruerunt, & omnes quam semp viui contempserant, laudem, gloriam & immortalitatem nominis mortui consecuti sunt. Nec verò solos philosophos in hac rerum futurarum cognitione tantum studii & diligentiae contulisse, sed omnes fere nationes, potentissimas respub, Imperatores quoq; maximos, clarissimos reges & principes eadem mente & sententia extitisse, ut his sine quæ futura promittūt, quæ varia multiformiaque sunt, ad maximas res gerendas nunq; sibi tutè accedendū putarent. In qua re primi occurrunt Babylonii et Aegyptii, qui quoniam neq; domiciliis tegebantur propter aëris qualitatem, neq; vllis in ea regione nubibus subtextitur cælum, solis & lunæ varios cursus, & meatus siderum ac effectus solo vsu egregie notauere atq; inuenere, quum ea sæpius ac liberius cæteris intuerentur. Chaldei deinde vnà cum Assyriis diuina cœli obseruatione sūmo studio meditationeq; scientiam creduntur effecisse, qua maximè reliquis antecellerent: dicente Lucono, quis noscere fibris Fata queat, quis probet aues, quis fulgura cæli Seruet, & Assyria scrutetur sidera cura. Aruspicum autem disciplina quo pacto in omnem Cariam diffusa sit perueneritque ad Telmessum, religiosissimam urbem, in his & in aduertendis ostentis curiosam atque diligentem non facile dixerim, nec qualiter transferit ad Theffalas vrbes: quam & ipsam Britanni tantis cerimoniis obseruasse dicuntur, ut dedisse Persis videri possint, apud quos, Magos, doctissimum hominum genus Aegyptiis antiquiores floruisse Cicero testis est, & Aristoteles in primo de philosophia libro. Druides habuit quondam Gallia, religionum suarum interpretes, qui de siderum cœlique & terræ, mundi-
q; ambitu & forma, de immortalium deorum vi, potestate, & voluptate differebant, & auguriis partim ac coniectura quæ essent euentura se scire profitebantur, quorum disciplina quanquam in Britannia reperta, atq; inde in Galliam
translata

translata esse existimetur, post tamen qui diligentius eam rem cognoscere voluerunt eò discendi causa profecti sunt, ubi annos nonnullos duo de viginti & ultra consumpsisse memoriæ proditum est. Diuinatoribus etiam vtuntur Galatæ, qui apud eos tum auguriis, tum sacrificiis futura prædicunt, quique plurimi existimantur, omni eis obtemperante plebe, quum verò de rebus magnis consulunt, mirabilem incredibilemque seruant consuetudinem. Iugulat enim ense hominem, quo decidente, tum ex casu, tum ex membrorum laceratione, tum etiam ex sanguinis fluxu, ex quadam antiqua rerum obseruatione futura norunt. Græcia verò, omnium bonarum artium nutrix, vt aliquò nullam vnquam coloniã misit, sic quoque nullum belli genus ab ea, sine suorum numine deorum ceptum aut susceptum est. Quid Hetruria, nonne extorum inuentrix fuit, ac portentorum & fulgurum interpres, hincque præterea vel à thure et sacrificiis, vel à sacrifico ritu lingua Græcorum Thuscia cognominata? Phryges præterea qui auguria inuenisse creduntur. Cilicum et Arabum, Pisidarum, deinde Paphiliæ et Umbriæ gentem missam facio, huic vni cognitioni semper intentam. Hæc de variis gentium nationibus: Nunc nobilia rerum publicarum subtexantur exempla imprimisque Atheniensium & Lacedæmoniorum: hi enim augurem regibus suis dedisse collegam & assessorem, illi verò sacerdotes quosdam diuinos, quos vt ait Cicero Mantes appellant, singulis eorum publicis concionibus præfecisse dicuntur. Quotiens deinde S. P. Q. R. quum armorum crepitus è cælo auditus, quum prodigiose lapidum, laterum, ferri, carnis, sanguinisque pluuiæ in terram cecidissent, quum clypei ardentes emicuisissent, cælestes coronæ arsisissent, quum è fœminis mutari in mares, quibus omnibus non minima reip. detrimenta imminere sperabantur, nonne his disciplinis cum Sibyllinis versibus vsi perhibentur? neque his contenti, omnia quoque, quod omnibus in rebus plurimum conducere posse arbitrabantur, agendorum singulorum initiis, quod bonum, faustum, felix fortunatumque esset præfabantur. Calchætem scimus tanto honore apud Græcos habitum ob vnam auspicii disciplinam qua profectò excelebat, licet aliis in rebus multis esset inferior, vt petentibus Ilion Graiis, innumeratissimæ classi præfectus memoratur. Amphiaræus verò & Tiresias tam illustres eodem artificio feruntur, vt primum pro deo colerent, secundus non modo viuis hominibus præferretur, sed defunctis etiam, Homero dicente, apud inferos Tiresiam solum sapere, vagarique reliquos umbrarum more. Mopsus & Amphilocheus reges quoque in Græcia auguriorum fama percogniti. Hic verò mirari posse aliquos præclare video, vbinam scilicet urbis Romanæ parentem augurem optimum omiserim: Sed piget reminisci, pudet cogitare urbem Romam omnium terrarum indubitatum caput, auspicio conditam et florentem porro præpotētis populi fortunam aurbus credere maluisse quam deo, quum sub regibus & imperio consulari multis quidem sæculis nihil absque auspiciis fieri solitum sit, neque comitia, neque Patrum prouocationes, nec equitum consilia aut peditum descriptiones, nec tota denique res militaris. Stupet animus recolens viros illos tam celebres ac magnificos, auium volatibus garritibusque succubuisse fallacibus: vbinam Martios dimiserim fratres apud vetustissimos romanorum hoc in genere celebratos, sed de his fateor nihil præter

Galatæ

præter nomen habere me. Prætereo Cassandrâ virginem, Priami regis filiam cuius illustris admodum & magnæ rei nuncius furor, Polybû deinde quædam Corinthium de quo est apud Homerum q̃ multis Achiuorum Troiam petentibus & imprimis filio suo, an furore an aliter incertum est, mortē prænūtiavit. Ego autem omne quod vel fabula est vel fabulâ redolet sciēs volensq̃ prætereo, Athlantem astrologiæ fuisse peritissimum, deq̃ sphaera primum inter homines disputasse, qua ex re visus est orbem suis humeris sustinere: Zoroastrem verò Bactrianorum regem quem primum magicas artes inuenisse nominatissimi testantur auctores, nōne ut Hermodorus etiam tradit & Dion in quinto de philosophia libro, & sui nominis interpretatione astrorum constat fuisse cultorem, mundi principia siderūq̃ motus curiosissime spectasse? qua curiosa siderum cognitione atq̃ contemplatione Pericles Atheniensium animos solis obscuratione territos, eiusce causis redditis quas ab Anaxagoræ institutione perceperat, vano trepidantes metu liberauit. Alexandro quoq̃ Dariū insequente quum lunæ defectus matutinis horis incidisset, Macedones rati numina sibi indignari, tanta seditione commoti sunt ut armis abstinere decernerent, nec eos cohibere potuisset magni ducis imperium, ni Aristander vates, naturæ rationes absolvisset sicut Dion Syracusanus, turbatis primū militum animis cum grauissimo & crudelissimo tyranno Dionysio patriam liberaret, Amylta vate docente & cunctis in medium rationem deficientis sideris reddente, non est tali casu deterritus. Arguuntur quoq̃ dissoni lunæ crepitus, cuius pauoris causęq̃ ignarus Nicias, Atheniensium imperator, veritus, classē & pulcherrimum exercitum portui subducens perdidit, eorumq̃ opes afflixit. Nec alitur L. Sulpitius Gallus qui cos. cum M. Marcello fuit, defectum lunę imminētē in L. Pauli exercitu contra Persē regē militibus metum adiungens fore prædixit. Non me præterit, Iulium quoque Cæsarem Astronomica ratione decem dies obseruationi veterum superadiecisse, quod solis meatum partes cccxv quibus sol zodiacum lustrat efficerent, ut temporum ratio fluctuans facilius congrueret in annum: quam rationem vnico errore comperto, superintercalandis diebus emendauit Aug. & ut est scriptum in Saturnalibus, omnem hunc ordinem æræ tabulæ ad æternam custodiam incisione mandauit. Neronem principem quoque sceleratissimū ac crudelissimū, alioquin artis eius amatissimū fuisse constat, quæ ex ære est et stellis, et aqua & sphaeris, lucernis, ac peluibus, inferorū umbrarūq̃ colloquiis, multisq̃ aliis modis qui diuinationem promittunt, fortuna sua rerum humanarū summa gestiente potissimūq̃ imperare diis cōcupiente: neq̃ sum nescius, Adrianum Matheseos adeo peritū fuisse, ut de rebus suis ad supremum vsq̃ vitę suæ exitum cuncta perscriberet, diceretque de vero Helio Virgilianū illud, Ostendēt terris hunc tantū fata nec vltā Esse finēt. Prætereo Alexandrum Severum Matheseos & aruspiciæ artis peritissimum, Horoscopum quoque summum Auidum Cassium in his quoq̃ nil omittentem. Taceo Variū Antonium Heliogabalum, qui & Magorū colloquio utebatur assiduē. Sunt præter hos qui diuinis numinū præfagitionibus illustres habentur, neq̃ id mirū quidem, quum singulis hominibus in lucem editis (salua tamen firmitate fatali) Genios esse quosdam

quosdā, eorū tutelā, salutēq; assignatos, veluti actionū suarū magistros ac rectores à nōnullis, paucis quāq; visos, multipliciū virtutū suarū splendore cōspicuis, & Theologi, et Socraticorū, Platonicorūq; libri ac auctores celebres, Censorinus, C. Flaccus, Euclides, Apuleius, Trismegistus, Anneus Florus, Ammianus Marcellinus, sed Menāder Comicus imprimis et Homerus docuere, quorū carminibus illud accepimus, Cēlestes deos cū viris fortibus haud quā fuisse locutos, nec affuisse pugnātibus vel iuuisse, cēterū familiares Genios cū iisdē versatos, quorū adminiculis ac prēcipuis admonitionibus freti plurimi dicūtur enituisse, Socrates prēcipue quē sepe dicere solitū nouimus, diuini quiddā numinis secū esse qđ Dæmonion appellat cui sepe paruerit nūq; impellēti, sepe reuocāti, idq; sepe accidisse, tū maxime quū apud duellū infeliciter cecisset Lachetes prētore, vnaq; secū proinde fugā arriperet ac esset in cōpito, nec eò quò reliqui diuerteret: eius rei causā sciscitātibus præmonitū se ac deterritū à deo dixit: tūq; eos q; aliò diuertērāt, in hostiū incursiones incidisse. Nec Socratē solū, vt diximus, in hac diuina pręsagione celebrē fuisse creditū est, sed Zalecū et Minoēm, Cimonē, Zoroastrem, Lycurgū et Numam, vt Pyrrhi bello Curiū Fabriciū Coruncanū: primo Punico caratinū duellū, Metellū Luctatiū, secūdo maximū Marcellum, Paulū Garcchū, Catonem superiorem Africānum, Lēlium, Syllam, Marium, ac vt nōnulli putant, Cēsarem quoque Augustum, multosq; præterea & prætēr hos Romanorum. Respub. & Græcorum tulit singulares viros, quorū neminē nisi iuuante deo talem fuisse credēdum est. Quæ ratio poētas maximeq; Homerū impulit vt principibus heroum, Vlyxi, Achilli, Agamemnoni certos deos discriminū et periculorum comites adiungerent. Præterea ipsorū deorum aliquando pręsentiaē quales suprà commemorauī declarant, ab his singulis hominibus quibusdam consuli, quod quidem intelligitur etiam significationibus rerum futurarum quæ tum vigilantibus tum dormientibus portenduntur. Tamen si quidam talia prorsus tollentes asserant nulli sapientum comparuisse deum vel genios, verū vecordes quosdā ex imbecillitate homines, in animi horrore aut corporis intemperie constitutos, inanes et alienas opiniones attrahere, qui in se ipsis esse genium, superstitionem habent: quibus quidem assentiendum putarem, Epicuri rationibus defensus, nostri mutatiōe atq; deceptione innixus, nisi Dion atq; Brutus, grauissimi viri & sapientiæ studio dediti, nullā p affectiōē morbūve aberrātes haud facile captabiles ab ipso ita dispositi genio fuisset vt amicis ac familiaribus retulerint: quare periculosum iter auertēs haud facile dixerim vetustissimis ne auctōribus hunc sermonē comprobantibus assentiendum sit, an huiusmodi homines regna & exercitus resq; pub. gubernantes atque regentes, familiares genios ac numina sibi adesse dicentes, vt infrenes difficileq; multitudines caperent nouitate ac magnitudine rei, & opinionem dei vere commenti sint quæ ipsis illis quorum gratia fingeatur saluti esset. Quis itaque, nisi mentis inops quispiam dicet, non oraculis fidē daret, quum videret non modo summos philosophos et humanæ magistros vitę, sed latissimas nationes, clarissimos populos & reges apud Delphos et Dodonam & Ammonem concurrētes? quis sperneret Sibyllas quas senatus & po. ro. in extremis periculis consulebant? quis

D

somnia

somnia negligeret quum sciret ut reliquos filia, Lacedæmonios ipsos quos nescio an proximos Romanis fortissimosque omnium & præstantissimos viros iudicare velim, usque adeo somniorum curiosos, ut scribit Cicero, quod qui eis præerant non contenti vigilantibus curis, in Pasyphe fano, quod est in agro prope urbem somniandi causa excubabant: quia vera inquit quietis oracula ducebant. Quis denique Magos non susciperet, sine quorum doctrina neminem quantumlibet talibus rebus ornatum ad Persarum regnum prouehi posse cognosceret? His & aliis eiusmodi ut diximus tunc providentiæ modis agebatur insensata mortalitas, fidens consultoribus infestis, nec dum tempus erat ex tam profundis tenebris emergere, prosequebatur humanum genus tunc diuina ultio, sicque meritum premebat ut (si dici fas est) superstitionibus humanis cælestis patientia faueret. Nos verò quibus diuinæ gratiæ splendor illuxit, aliud vitæ genus aliosque ritus decet amplecti, & modum omnem ut est cuique tributa prouincia in præpetibus gubernandis, erudiendis oscinibus, spectandis extis, somniis conformandis, inspirandis vatibus, fulminibus iaculandis, sortibus regendis, cæteriisque quibus futura dignoscimus demonum obsequio & ministerio fieri arbitrandum est. Etenim deceptionum illudentium plena sunt, quibus ut turbent omnia & errores humanis pectoribus infundant euenit ut istis subdolis & captiosis præscientiæ modis multa futura dicantur, nec aliter ac dicuntur eueniant: quibus impliciti homines curiosiores fiant et sese magis ac magis inferant multiplicibus laqueis perniciosissimi erroris, quod ut facilius valeant leuiusque consequantur quod in nos intendunt, edunt illa persæpe quibus stupefacti homines fidem commovent simulachris diuinitatis ac numinis: inde fit ut vitam sæpe turbent, somnos inquietent, membra obtorqueant, valitudinem frangant, morbos laceessant, mentesque aliquando territent: inde est quod augure Accio Neuiio Tarquinii tempore, lapis nouacula incisus est, hinc nonnullis regni futuri signa procurantur. Quo fit ut. L. Tarquinio Prisco Romam petenti Aquila pileum sustulerit & cum alte subuolasset, dictu vix credibile, capiti reposuerit. Quo etiam regnante tradunt Cressam virginem reliquias quas ex omni regia mensa percipiebat ad virgines vestales ferre consuevisse, obtigisseque aliquando quum igni sacro eas imponeret repente ex foco genitalem cinerem viri insurrexisse eamque que ibi insederat Tanaquil reginæ ancillam Cressam captiuam consurrexisse grauidam, Seruiumque Tullum natum qui regno successit, cui porro in regia accubanti puero caput arsisse visum creditumque laris familiaris filium, Ouidio in fastis dicente, Namque pater Tulli Vulcanus Cressaque mater Præsignis facie corniculata fuit: Hæc secum Tanaquil sacris de more peractis iussit in ornatum fundere vina focum. Hic inter cineres obscæni forma virilis Aut fuit aut visa, sed fuit illa magis. Iussa foco captiua sedet conceptus ab illa Seruius à cælo femina gentis habet. Signa dedit, genitor tunc quum caput ore corusco Contigit, inque coma flammeus arsit apex. Hinc quoque quod Iuno Vegenis migrare sese Romam velle respondit, quod Claudiæ manum navis secuta perhibetur, quod in sacrilegos & Iuno nudata & Locrensis Proserpina & Ceres Milesia vindicauit, Herculesque de apio. Nec aliter Hannibali somnia orbitate oculi comminatur. Flaminio extispicia periculum

lum cladis prædicant: vel serpens, immo verò Demoniarques urbem Romæ pestilentia liberauit Epidauro accersitus, aut Aeneas oraculorum indicio promissam & quesitam inuenit Italiam, & in ea non tã numinũ q̃ demonũ nutu sedem statuit. Quid aliud agit in somnis pater Anchises? Quid Iupiter & Apollo qui ambiguitate student obnubere oracula, vt cum mendaces aut fallaces inuēti fuerint aliquando rationis velamine suam tueri queant fallaciã, sicq̃ perditos perdere & deprauatis errorem prauitatis infundere ac fallere non desinūt donec auditores suos protrudāt in præceps: cui à sæculis vatũ profuere responsa? Cræfōne an Pyrrho vel Laio, aut præcedentiũ aut subsequentiũ cuiquam? Nōne Cræsus opulentissimus Lydorum rex bellũ moturus in Persas, tali responso fertur illus, Cræsus Alyn penetrans magnã peruerterat opum vim. Quo responso, hostium se vim peruersurum putans peruertit suam. Vtrum autem accidisset eorum, verum oraculum fuisset. Nihilo purius egisse traditur cum Pyrrho qui bellũ Romanis illaturus dum Delphos consulit, hoc responsũ vt ait Ennius accepit, Aio te Aeacida Romanos vincere posse. Demēs Pyrrhus si nō intelligeret vtra pars vicisset verum oraculum videri, sic versutus artifex texuerat, sic in omnem euentũ perfugium veritatis occupauerat, hoc inq̃ adeò manifestam fallaciã præfert vt quanq̃ sicut Ennius idē ait, semper fuerit stolidũ genus Aeacidarum, ab eo tamē perpēdi absq̃ difficultate potuerit: illud etiam obscurius quod Cræsum decepit, quod vel Chrysippum potuisset fallere. Sic enim apud Ciceronem scriptum est, cui tamē ad postremum tota res commētitia videtur et hoc à poëta fictum suspicatur, illud ab historico, rationes afferēs: primum enim latine Apollinem nunquã locutum fuisse, deinde Pyrrhi temporibus iam iam verificari desuisse, & hoc vltimũ vt eodem libro permulta irrisue dictum arbitror: tamen vtcunq̃ non multum his rationibus moueor, quoniam in latinum transferri & in carmen inferi potuit ambiguitas oraculi, græcis & solutis primũ verbis edita: nã si ad linguam respicio, quæcunq̃ oraculis dicta sũt, latine quidem apud nostros de his græco fonte descendunt, græce vel ab Apolline prolata vel ab illis memoriæ mandata, nec linguarum varietas obfuit veritati. Alia igitur me Ciceronis ratio violentius vrget, ait enim hoc Pyrrho responsum inauditum græcis, itaq̃ satis credi potest hoc ab Ennio, suo quodam iure fictum esse. De Herodoto autem quem Cicero ipse patrem historiæ vocat, quòd superioris oraculi fictor extiterit non tam facile crediderim. In dubio igitur visum est verũque attingere, & Ciceronianam de hac re non præterire sententiam. Illud etiam anceps & inopinabile, quod Philippus Macedo ex eodem adyto accepit vt imminens sibi à quadriga periculum prouideret, quo audito rex anxius dissolui currus per omnem Macedoniam imperauit. Quin & oppidum Bœotix cui Quadrigæ nomen erat vt fatale sibi perpetuo declinauit, vel vt quidam ferunt iussit euerti, frustra tamen: aliò nanque minarum spectabat oraculum. Capulus enim gladii quo eũ Pausanias transfodit quadrigæ cælaturam fertur habuisse. Itaque Tul. eleganter illudit, Neque enim obscura tantum sed mendax admonitio, quasi rex capulo & nō cuspide moriturus esset. Appius Claudius is qui ciuili bello pōpeianas partes secutus est, de euentu rerũ dubius vicinũ castris

qui iam tunc neglectus obmutuerat retentaui Apollinem . Itaq; Perhemonoe quædam templi vates in antrum compulsa solitoq; æstuâs furore fertur in hanc sententiam respōdisse, Magnas huius minas Romane ne timeas: nihil enim ad te, quoniam in pace Eubœæ cola, vel vt quidam alii, latus euboicum possidebis. Lucanus, Effugis ingentes tanti discriminis experts Bellorum Romane minas solusq; quietem Euboici vasta lateris cōualle tenebis : quo ille responso velut in somnis accepto perplexior discessit inde q̄ venerat, sed non multo pōst apud locum qui Eubœæ cola dicitur ante supremum prælium morbo correptus interiit, ita substractus bellis & sepulchro cōditus Euboico fidem fecit oraculo. Eodēque modo Laio prædictum est ab Apolline , Caue vetatos liberum fulcos feras, generatus ille mactabit te impie & omnis aula respergetur sanguine . Sed ille quidem vtpote præscius quæ sequerentur sementem iuxta fatum fieri vetabat, sciens in potestate eius positum si abstinere vellet . Laius non vt homo nescius futurorum ab eo qui sciret quid agendum sibi esset sciscitabatur, seuit autem non fato eliciente sed victus intemperātia. Similiter Argiuis per oraculum quærentibus an aduersum Persas bellum suscipi conueniret, responsum est, Vici nis offensa deo carissima plebs armorum cohibe numina, corporis omne discrimen sola capitis tutabitur vmbra . Sciebat enim quid esset deligēdum, q̄q; optio penes hominem: id verò quod sequitur optionem penes factum . Nero Cæsar post hos portendi sibi mutationem status à mathematicis acceperat, qui in hoc concordēs in eo discordabant quæ nam fortuna imperio deiectum exciperet: his Neronis animus eger Delphicum oraculum experiri statuit , sic enim sibi visum est hæitationem suam ab humano ad diuinum consilium transferri debere: inde sibi responsum est, Annum tertium & septuagesimum caueret: quod quum audisset, homini incōsiderato & vix trigessimū ætatis suæ annum transgresso , tanta securitas inceserat vt iam nihil metuens & prosperitatem & ætatem sibi integram sponderet, quasi ante prænuntiatum tempus ab Apolline mori non posset, eo deniq; est insolētiæ raptus vt preciosissimis quibusdā rebus maritima tempestate deperditis affirmaret eas ad se vel piscium obsequio reuersuras, talibus intumuerat erroribus quū subito destitutus ab omnibus & ad turpissimam compulsus est mortem , vtique consiliario dignus Apolline, quāuis vanissimus ille spiritus mendaciiq; parens ne quid ineptius videretur consuetis ambagibus atq; arte prouiderit. Quod ipse Nero suprema illa nocte audito clamore militari suum execrante & Galbæ nomen celebrante, serò licet, quiuit intelligere, & ad infelicitatis suę cumulū auctorem oraculum veridicum appellari. Galba enim successor tertium & septuagesimum annū tunc agebat . Admonet nos aliquis obrectator quibusdam consultorem istum consulere, quærentur vtrinq; nostris temporibus sacra sibi interdicta cerimonialq; sublata, et ob hoc ideo maxime nulla vel perplexa & inextricabilia omnia talium rerum consultoribus responsa dari. Cur ergo longe ante imperiū Cæsaris ac Christi dei saluatoris nostri natiuitatem sicut ipsorum auctores attestantur abolita pene fuerat Pythii oraculi fides, abolita autē quia contempta? Porro autem quare contempta nisi quia vel vana vel falsa vel dubia. Vnde poëta prudēter admonuit in-

consulti

consulti abeunt sedemque odere Sibyllæ. Et ne forte parui id pendant quod contemptum, abolitum atque antiquatum fuit, hoc esse aut numen aut sedem, Apollo ille Pythius erat quem ferunt magno Pythone serpente interfecto magnum vatem totiusque vaticinationis auctorem & principem heredem sedis & diuinationis & nominis extitisse, ibique eum reddere responsa elegisse, ubi orta cum auctore ipsa diuinationo videbatur, euasunculas autem quærentes dicentesque vim sedis ac loci euasisse tractu temporis, sic ridet Cicero ut dicat eos non aduertere quod de vi diuina agitur, quæ si est utique æterna est: Sed perinde loqui quasi de vino aut fassamento quæ vim suam imminuunt vetustate & paulatim euanescent. Itaque hæc profitentes philosophos supersticiosos & penè phanaticos appellat qui excusationes friuolas ineptiis suis malunt exquirere euasisse fingentes, quam veritatem ingenue confiteri & errorem suum vel serò cognoscere qui diutissime circumuenti sunt super huiusmodi oraculis, partim falsis ut ipsius Tullii verbis utar, partim casu veris ut fit in omni oratione sepiissime, partim flexiloquis et obscuris ut interpresegeat interprete & fors ipsa ad sortes referenda sit, partim ambiguis & perplexis oraculis: hi maxime fallunt quorum prestigias à veritate profani intelligere non possunt. Ideoque ab ipsis attribui putant et imperia et victorias & opes & euentus prosperos rerum, denique cum ipsorum nutu sæpe reipublicæ constet periculis imminetibus liberatam, quæ pericula & responsis denunciauerunt & sacrificiis placati auerterunt, omnia illa meræ fallaciæ sunt. Nam quum dispositiones dei præsentiant quippe qui ministri eius fuerunt interponunt se in his rebus ut quæcunque à deo facta sunt vel fiunt ipsi potissime facere aut fecisse viderentur. Et quotiens alicui populo vel urbi duci vel principi secundum dei statutum boni quid impendat, illi se facturos vel prodigiis vel somniis vel oraculis vel sortibus cæterisque id genus ut diximus pollicentur, si sibi honores & sacrificia tribuantur, quibus datis quum id acciderit quod necesse est, sibi summam pariunt venerationem. Quotiens autem pericula impendunt ad aliquam ineptam & leuem causam se profitentur iratos, sicuti vno Varroni quod formosum puerum in templo Iouis ad excubias tenendas collocauerat et ob hanc causam Romanum nomen apud Cannas penè deletum: quod si Iuno alterum Ganymedem verebatur, cur iuuetus Romana luit pœnas, vel si dum tantummodo duces vel principes curant cæteram multitudinem negligunt? Cur Varro solus euasit qui hoc fecit, & Paulus qui nihil meruit occisus est? Itaque siue periculum quod imminet vitari potest, videri volunt id placati auertisse, siue non potest id agunt, sicque sibi apud homines qui eos nesciunt auctoritatem pariunt ac timorem, his versutiis & his artibus noticiam veri dei trini & vnius apud omnes gentes inuerterunt. Harum igitur disciplinarum obseruationibus superstitionis, quæ ad cognitionem siderum coniunguntur societas dæmonum formidanda atque vitanda est, neque illos ab hoc genere superstitionis segregandos puto, qui ab ipsa Chaldæorum natione profluxerunt: quod propria est eorum genealogiæ ratio ut possint antea facta futuraque ex ratiocinationibus astrorum explicare, hoc est, quos effectus habent sidera duodecim, stellæ quinque, sol & luna ad humanam rationem conferre: Cuius rei primus Berosus insula & ciuitate

Coho confidens, ibi aperuit disciplinam, postea studens Antipater, iterumque Achinapolus qui etiam non enascentia sed ex conceptione rationes explicatas reliquit. Hi enim quanquam veram stellarum positionem quam quisque nascitur confectetur & aliquando eam peruestigent, per eorum inuentas conscriptasque regulas, tamen quod inde conantur vel actus nostros vel mores vel euenta prædicere, nimis errant profecto, nimisque magna dementia detinentur, & quos non solum christianæ religionis instituta ac fidei nostræ lumina, verum multa quoque veterum poetarum, philosophorumque illustrum, clarissimorumque ducum & imperatorum dicta confutent, ex quibus est illud imprimis sacris in literis ad Moysen annotatum, Quando ingressus fueris terram quam dominus deus tuus dabit tibi, caue ne imitari velis abominationem illarum gentium, ne inueniatur in te qui lustret filium aut filiam suam ducens super ignem, aut qui ariolos sciscitetur & obseruet somnia atque auguria, ne sis maleficus vel incantator, ne pythones consulas & diuinos & ne quæras à mortuis veritatem. Omnia hæc enim abominabitur, & propter huiusmodi scelera delebit eos in introitu tuo, perfectus eris & absque macula cum domino deo tuo: gentes istæ quarum possidebis terram augures & diuinos audiunt, tu autem à domino deo tuo aliter institutus es. Quis ergo dubitet hæc non modo capitalia sed fidei peruerfionem, quæ tanta diligentia diuina explodit sententia? Et illud quidem Leuitici, Non augurabimini nec obseruabitis somnia nec declinetis ad magos nec ab ariolis aliquid sciscitemini ut polluamini per eos: vir enim in eodem inquit, siue mulier in quibus pythonicus vel diuinationis fuerit spiritus morte moriatur, lapidibus obruant eos & sanguis eorum sit super illos. Nec minus ad Romanos apostolicis verbis expressum: Quis enim cognouit sensum domini, aut quis consiliarius eius fuit? Est quoque illud diuinum ac cæleste consilium, Altiora te ne quæsieris & fortiora te ne scrutatus fueris: Sed quæ præcepit deus tibi illa cogita semper et in pluribus operibus eius ne fueris curiosus. Non est enim tibi necessarium ea quæ tibi abscondita sunt videre. Non est vestrum, alibi scriptum, nosse tempora vel momenta quæ in patris potestate posita sunt. Annunciate quæ futura sunt inquit Isaias, & sciemus quia dii estis vos. Simile est illud Ecclesiastici, Ignorat homo quod ante se fuerit & quod post futurum quis ei poterit indicare? Quid aliud illud Sapientiae asserit? Cogitationes enim mortalium inquit timidæ sunt & incertæ prouidentiae nostræ, corpus quod corrumpitur aggrauat animam & terrena inhabitatio deprimit sensum, multa cogitantem: & difficile existimamus quæ in terra sunt & quæ in prospectu sunt inuenimus cum labore, quæ in cælis sunt autem quis inuestigabit: sensum autem tuum quis sciet, nisi tu dederis sapientiam & miseris spiritum sanctum tuum de altissimis: & sic correptæ semitæ eorum qui sunt in terris & quæ sibi placent didicerunt homines. Atqui teste Firmiano non hoc idem faciunt philosophi qui disputant in cælo quid agatur, & eo semper impune id facere arbitrantur quia nullus existit qui errores eorum coarguat: quod si existimarent descensurum aliquem qui eos delirare & mentiri doceret, nunquam quicquam de his rebus quas scire non possunt disputarent. Nec tamen ideo felicior putanda est eorum impudentia & audacia quia non redarguuntur. Redarguit enim

enim deus cui sola veritas nota est licet conuenire videatur eamq̃ hominum sapientiam pro summa stulticia cōputat. Lingo Augustini & Ambrosii operosissimos validissimosq̃ tractatus ac disputationes lōgissimas quas nec tempus exigat nec recipit locus nec requirit quisquis aliquantulum legendo profecerit, notē nempe sunt: vnam Augustini veram nescio an breuem magis proferam sententiam ex eo libro qui de dei ciuitate inscribitur, His omnibus cōsideratis inquit, non immerito creditur quum astrologi mirabiliter multa vera respōdent occulto instinctu fieri spirituum non bonorum quorum cura est has falsas & noxias opiniones de astralibus fati inferere humanis mentibus atque firmare non horoscopi mutati & inspecti aliqua arte quæ nulla est. Alteram Ambrosii ipsius ex eo libro quem de obitu Satyri fratris nobis luculēta oratione reliquit: eius enim verba sunt hæc, De solis cursu cæliq̃ ratione philosophi disputant, & sunt qui putant his credendū quum quid loquantur ignorent, neque cælum ascenderunt axem dimensi, nondum oculis perscrutati sunt: quia nullus eorum cum deo in principio fuit, nullus eorum de deo dixit quum pararet cælum cum ipso eram & eram cum eo cuncta componens. A diuinis præter hæc ad humana descendenti permulta se ingerunt illustrium poëtarū dicta his satis cōsentanea, è quibus illud primum antiquissimum & acerrimum apud Homerum proferendum: Iuppiter inquit non mortalem hominē non è communi grege deum aliquē, sed lunonem illam suam coniugem ac sororem reginamq̃ deūm graui comminatione deterret ne secretum suum intimū auderet inquirere aut sciri posse præsumeret: post hunc duo literis demandata sunt. Duorum quoque in illa prima ætate poëtarum illustrium, Pacuius, Nam si quæ ventura sunt præuident æquiparāt Ioui. Rursum idem poëta istis qui linguam auīū intelligunt, plūsque ex alieno iecore sapiunt quàm ex suo, magis audiendum quàm auscultandum censeo. Accius, Nihil quoque credo auguribus qui aures verbis ditant alienas, suas vt auro locupletent domos. Quartum his Enniū addiderim qui vetusta illa & venerabili facundia hos ipsos eleganter irridet, vt verbis etiam suis vtat, Qui sui quæstus causa falsas suscitant sentētias. Non enim sunt hi aut scientia aut arte diuini sed superstitioni vates impudentesq̃ arioli aut inertes aut infani aut quibus egestas imperet, qui sibi semitam non sapiunt, aliis demonstrāt vias: quibus diuitias pollicentur, ab ipsis drachmam ipsi petūt. De his diuitiis sibi deducant drachmam, reddāt cætera. Addo quinto loco spectatæ authoritatis grauitatisq̃ poëtam doctissimum Flaccum Horatium dicentem, Prudens futuri temporis exitum caliginosa nocte præmittit deus, Ridetq̃ si mortales vltra fas trepidant necnon illud quod adest memento componere æquus, & quid sit futurum cras fuge quærere: Et quem fors dierum quem quæ dabit lucro appone. Est & illud eiusdem quoque poëtæ ad Leuconem, Tu ne quæseris scire nefas, quem mihi quem tibi finē dederint dii Luconoe, nec Babylonios tentaris numeros vt melius quicquid erit pati seu plures hyemes seu tribuit Iuppiter vltimam. Lucanus inter hos sextus his verbis accedit,

Sit subitum quodcumque paras, sit cæca futuri
Mens hominum fati liceat sperare timenti.

Statium

Statum his septimū aggregauerim, Quid crastina voluerit hōsa scire nefas hō-
 mini. Vltimo in loco sequitur hos Iunius Iuuenalis Aquinas & his verbis,
 Spondet amatorem tenerum vel diuitis orbi
 Testamentum ingens calidæ pulmone columbæ
 Tractato Armenus vel Comagenus Aruspex
 Pectora pullorum rimatur & exta catelli.
 Interdum & exta pueri faciet quod deferat ipse
 Chaldaïs. Sed maior erit fidutia quicquid
 Dixerit astrologus credent à fronte relatum
 Amonis: quoniam delphis oracula cessant:
 Et genus humanum damnat caligo futuri
 Hæc religionis nostræ instituta & illustriū dicta poëtarū illis similia subsequun-
 tur & philosophorum sententiæ, Socratis potissimum qui in hoc cælestium scru-
 tinio & causarum abditarum indagatione ceteris cordatior fuit, quum hæc in-
 telligeret non posse inueniri, celebre illud ab omnibus probatum in medium no-
 bis attulit, Quod supra nos nihil ad nos, sicq; proinde ab omni physica quæstio-
 ne disputationem suspendens eò se contulit vt in virtute atque officio omnis eius
 versaretur intentio. Itidem Democriti physici non ineptus præ cæteris contra ta-
 les iocus, quod est ante pedes nemo spectat, cæli scrutantur plagas: facetissimæque
 illa Ciceronis irrisio temere disputantium, nullaq; de re dubitantium tanquàm
 modo deorum ex concilio descendentes quid ibi agatur oculis suis aspexerint
 auribusque perceperint. Sanè vt idē inquit Cicero & in senectute sua horæ qui-
 dem cedunt & dies & menses & anni nec præteritum tēpus vnquàm reuertitur,
 nec quid sequatur sciri potest. Sunt & aliæ contra hæc hominum portenta, phi-
 losophorum clarorum sententiæ, inter quos Fauorini est illa melius & vrgen-
 tius cæteris quos legere potui philosophis futurorum noticiam facillime repudi-
 antis atque dicentis, Nihil enim ab illis audiri posse dicebat nisi graue atque mo-
 lestum: quoniam aut vera respondebunt quod rarissime solent: si quidē mala mi-
 seriam ante tempus afferre & superuacuum solitudinem: posita enim illic veri-
 tate, adest hinc necessitas. Ita nihil præcise nisi dolorē poscenti reddere libet hoc
 loco sustinere, & quod communis rerum natura non patitur tentare maior sine
 offensione possit interseri, hoc est, Fauorini, M. T. cuius hæc sūt, vt omittamus su-
 periores. M. Crasso putas vtile fuisse tum quum maximis opibus fortunisque flore-
 bat, scire sibi interfecto filio Publio exercitūque deletō trans Eufraten cum igno-
 minia & dedecore esse pereūdum? An Cn. Pompeium censes tribus suis consu-
 latibus, tribus triumphis maximarum rerū gloria lætaturum fuisse si sciret se in
 solitudine Aegyptiorum trucidatum iri, amisso exercitu, post mortem verò ea
 consecutura quæ sine lachrymis non possumus dicere? Quid verò Cæsarem pu-
 tasse si diuinasset fore vt in eo senatu quē ex maiori parte ipse cooptasset in cu-
 ria pompeiana ante ipsius Pompeii simulachrum tot centurionibus suis spectan-
 tibus, ac nobilissimis ciuibus, partim etiam à se omnibus rebus ornatis trucidat-
 us ita iaceret vt ad eius corpus non modo amicorum sed ne seruorum qui-
 dem quispiam accederet, quo cruciatu animi vitam acturum fuisse? & certe
 ignoran

ignorantia futurorum malorum utilior est quàm scientia, Hæc Cicero. Possem ego antiquos & fortunatissimos ætatis nostræ viros in huius sententiæ testimoni-um vocare, sed nec necesse, nec locus hic longiorem digressionem recipit, & atti- gisse videtur ille clarissima: sin autē vt ad Fauorini argumentationē redeat ora- tio, bona pronūtiant, duplex incommoditas, expectationis tedium, & præcogni- ti gaudii extenuatio: quod repentinū, gratius ac cumulatiùs obuenisset. Aut fal- sa dicēt, quod q̄ familiare & frequētissimū apud eos est: et si erūt infelicia, ango- ribus falsoq̄ metu: si fœlicia, inani spe & gaudio tristitiaq̄ vbi te delusū senties torqueberis. In omnē igitur euentū hos nugatores sycophātas cōtemnendos fo- re, ad hanc fere sententiam vt præteream Dicearchum qui expedire omnia no- bis futura nescire magno volumine conclusit, Anaxarti philosophi ratione cō- pellor. Is enim quum in Byrsam urbem trans Eufraten omissam traiecisset Ale- xander, ibi eū vt antea persæpe monuit, vt tãquàm falsa & incerta Magorū præ- dicta contēneret: nec ab re. Nam si fatis inquit ò Alexāder cōstent quæ prædicun- tur, ignota esse mortalibus: si vero naturæ debeantur, immutabilia quidē esse. Si- mile & illud Demonactis etiam philosophi qui vatē semel intuens publica mer- cede responsa præbentem, nonne vides, inquit, cuius rei mercedē flagites? Si enim tibi potestas à Ioue est eorum quæ fatali lege sunt constituta aliquid commu- tandi, quodcunque id est quod flagitas parum sane est: sin autem dei nutu & voluntate posita sunt omnia, quid tuum nos vaticiniū iuuare potest? Demosthe- nes Græcorum armis ac tanta & tam prompta virorum potentia confusus, neq̄ mentem adhiberi oraculis, neque vaticinia audiri permisit, Epaminundam me- morans & Periclem illa semper formidinis & ignauix velamenta putasse. Salu- berrimū & memorabile est illud omnibus horis Halicarnasei excellētis in astro- logia, & in regendis suis ciuibz principis præstātissimi, totum id quod est Chal- daicum prædicādi genus repudiantis. Magnus quidam vir ecce superuenit, præ- missis omnibus fide non inferior, Cato ille rigidus qui mirari se ait q̄ non ridet aruspex aruspice quum viderit, quod dictum ad omnes æquē augures, sortile- gos, coniectores, chaldeosq̄ & mathematicos ac totam denique manticen cōuer- ti potest. Spectatis enim tot ineptiis quibus credulis homunculis illudunt, occur- sus profecto memoriam & risum ex mutua conscientia mouere deberet. Quàm illud quoque eleganter? quum esset consultus à quodam, monstrum ne esset à so- ricibus corrosas sibi caligas quum diceret, Respondit non esse id monstrum, sed
verum monstrum habendum fuisse, si sorices à caligis roderentur. Quod sequi-
tur non minus profecto, sed magnificum ac succi & pensi plenum. Nā quū apud
Prusiam Hannibali exultanti & auctori committendi prælii pugnari placeret,
ac ille negaret, quòd exta prohiberent, An tu Prusia inquit Hannibal vitulinæ
carnis mauis quàm imperatori veteri credere? breue sane atque amplissimū tan-
tòque principe dignum verbum, vt pote qui Hispaniam, Galliam, Liguriam, Ita-
liam denique laceratam in faciem eius effuderit, vnius hostiæ vilissimæ ac sordi-
dissimæ exta tot monumentis ac victoriis rerum præponi indignū ferens. Quid
aliud Cæsar quum à maximo augure & doctissimo aruspice præmoneretur ne in
Aphricam ante brumam nauigia transmitteret, non ne illius dictum nihili fa-
ciens

ciens transmisit: quod ni fecisset, omnes aduersariorū copiae conuenissent. E contrario Regulus nonne auguria seruauit & captus est? & Mancinus religionem tenuit & sub iugum missus est: Pullos habuit Paulus, & apud Cannas tamen cæsus est. Hæc & horum similia quæ confirmadis auspiciis & id genus erroribus afferuntur, tam inepta, tam friuola persæpe sunt ut multis quidem M. Marcelli illius quinquies col. probandum summopere consilium videatur, qui quū esset imperator & augur optimus, totum hoc militare auspiciū omiserit: à quo ne præpediretur lectica opertus, nec ab re, iter facere solitus: vir enim fortis & sapiēs desperabat posse inuulgatam diu & imbibitam ac ossibus inherentem opinionem aperta fronte discutere. Non eò vsque tamen Marcello assentiendum, nec auspicia omnino ita repudianda reor ut res magnas nullis vnquam credam signis vel auspiciis præueniri, quum et volatus auisū dirigat deus, ut rostrū sonans, aut præteruolans penna, turbido meatu vel leni, futura præmonstret, ut theologi veteres & clari quidam auctores testes sunt. Ouidius in fastis,

Non ego te quāuis properabis vincere Cæsar

Si vetat auspiciū signa mouere velim.

Sint tibi Flaminius Trasimenaq; littora testes,

Per volucres signa multa mouere deos.

Verū præclare de hoc quoque ut de aliis Cicero, Signa inquit ostendūtur ab his rerum futurarum: in his si quis errauerit, non deorum natura sed hominum coniectura peccauerit. Nec etiam postremo præter hæc rerum futurarū signa est, quod ratione signorum vel planetarum certiores hi futurorū nuncii de singulis quibusq; polliceri possint vel audiri: in sepem nāq; sideribus de quibus antè diximus & quæ ab incessu vocamus errantia quū errent tamen nulla minus, certę cōsiderationis nihil habent nisi secundū cōmune regimē in mūdo eis debitū intelligentiā septuplicē substantia extra consistente virtute sibi coniunctam. Scimus etiam, ne horū audaciam per singula prætereamus intactā, eos fateri solitos quod quisquis aquarii signo in lucem editus sit, piscatoris ministerium sortiretur. Cæterum piscatores quum Getulia non habeat, quis eorum dicere ausit, quia nemo illic in stella aquarii nascitur. Rursum quū plurimos quos nasci signo libræ norint, trapezitas fore prædicent, quos multarum gentium prouinciæ ignorant, fateantur necesse est aut in eis hoc signum deesse, aut effectū fatalem nullo modo haberi. Persarū autem ac Lacedæmoniorū reges quum per genus dominētur, regumq; filii vno eodēq; sidere cum seruis cōtinue degentibus nati ad regnū pficiant, quid rationis habent ut serui qui secū iisdē momentis horarū ac temporū fuerant geniti omnino in seruitute cōmorentur? Homines etiā diuersarum regionum, diuersarū ætatū, sub variis & diuersis siderū motibus geniti, si aut oppidorū expugnationibus, aut collatis signis, eadē classe fluctibus obruantur, vel alio quouis modo, eodem tamen genere mortis eodemq; momento temporis interierunt, ut in Cannēs pugna contigit, quomodo momenta nascendi singulis secundum istos attributa suas leges habebunt? Aduersabitur horum iudiciis vastitas forsan immensa. altitudine, discreta in duo & septuaginta signa per rerum aut animarum effigies, in quas digessere cælum periti. Possē etiam fieri credibile est,

ex infinito stellarū numero, vt alia signa pari, maiore, vel minore potestate sint, sine quibus recta ac perpetua obseruatio perfici non queat : neque eos homines cernere posse, neque percipere exuperantiam vel splendoris vel altitudinis, quum & quædam sidera in quibusdam terris conspiciantur, earumq; terrarum hominibus nota sint, eademq; ipsa ex omni terra alia non videantur, & sint aliis, vt Canopus, omnino ignotissima. Est enim id sidus ingens noctibus lucens, clarum & maxime mirum, cuius si aliunde fides abesset M. Manilius libro primo astronomicon præcellentissimus testis accedit: idcirco inquit, terris non omnibus omnia signa Conspicimus, nunquam inuenies fulgere Canopum, Donec hiliacas per pontum venerit oras. Quum itaq; cõstet rerum ambiguitatem confusionem que dānosam ex taliū potius diuinationis prænunciatione generari, quàm certam, cõducibilem consultoribus cognitionē, quū nihil rite cernant, nihil percipiāt, nihilq; veniat horum quæ isti lubricis & fallacibus cõiecturis delirantes ac velut ebrii pollicentur (nisi rarum forte aliquid, aut fortuitum, qualia etiam aliquādo ementiri volentibus elabuntur & excidunt) nullo pacto, Sigismunde Fādulhe, vtendum esse tibi reor istiusmodi superstitiosis hominum iudiciis: quorum disciplinas tute optime calles, studiis indulges, ingeniis faues, vt argutis apprime delectaris: maxime quum clarissimos quosque ætatis viros mathematicos, horoscopos summos & astronomos more maiorū domi & militiæ ad futura præfagienda te semper penes habueris & habeas. Tantorum itaque virorum, tam eruditum, tam illustrium exemplis & auctoritate, ac rationibus fretus, non iniuria dixerim diuinationis artem qua quis de futuris omnibus soli deo cognitis ad interrogata singula vera respondeat, aut omnino nullā esse (quod Socrates & eum secuti antiqui Academici quos eosdem & Peripateticos nominamus asserunt) aut esse, sed nōdum scitā, aut opinionem quandam, proinde vanam hominum coniecturam atq; iudicia quàm maxime fallentem.

Finis Terti.

ROBERTI VALTVRII

AD ILLVSTREM HERO A SIGIS-

mundum Pandulphum, de re militari

Liber Quartus.

De legibus

Cap. I.



Vim quoque, Sigismunde Pandulphe, necesse est quem aliis ducem & imperatorem præfecimus, non harum quas modo diximus bonarum artium institutis solum, verum & legitimi iuris & more maiorum, cerimoniarum & sacrorū erga deos & contentionum controuersiarumq; inter homines dirimēdarū iudicem, ac belli primum iuste gerendi dominum esse: bellū enim iustum est, vt in repub. inquit Cicero, quod denūciatum & indictum, atque hoc ipsum quod aut repetundarum aut propulsandorum hostiū causa geratur: legitimi iuris munus etiam dicimus ea iubere quæ sunt viri fortis, vt non deserere locum in acie, non fugere, non arma abicere: & ea quæ sunt temperātis, vt non committere adulterium, non flagitiū facere: & ea quæ sunt mansueti, vt non pulsare, non iurgia exercere: eodem modo secundum alias virtutes, & vitia, has iubere, illa vetare. Esse etiam præter hæc quædam belli iura, vt ineundæ pugnae solennitatem seruare, decreta publica, fœderum percussione, religionem sacramēti, militum animaduersionem, dignitatem, ac præmiorum & honorum gradum. Quædam porro esse quæ vti facere ita pati sit fas, vt lata exuri, dirui tecta, prædas hominum pecorumq; agi, aliâque id genus quæ de singulis cauta sunt legibus, in quarum editione sunt qui putent Zeleucum, alii Rhadamanthum siue Lycurgum putant: quidam omnium priorem Cererem, quæ frumenta, quum antea glande vescerentur inuenit: molere quoque & conficere in Attica, & alia in Sicilia, ob idq; dea iudicata, vt Carcinus tragedus in suo poemate affirmat. Hæc alii gloriam illi gentis hæbreorum duci summoque philosopho Moyse tãquam veritati magis consentaneum facile concesserunt. Lycurgus enim & Zeleucus, omnesque qui apud Græcos mirabiles sunt recentes atq; nouelli, quantū ad hunc ipsum Moysen comparati, esse noscuntur, quoniam nec ipsum nomen legis, fuisse olim apud Græcos agnoscitur, & testis Homerus est, qui nusquam in diuino eius opere hoc vsus est nomine. Non enim secundum legem, sed indiffinitiuis sententiis & regum præceptionibus populus regebatur: vnde etiam multo tempore permansere tantum moribus vtentes, & non scripto, & multa horum semper secundum euentum casuum permittentes. Phoroneus etiam ipse secundus Argiuorum rex à quo forum forensēq; dicēdi genus deductum putant, vt Argiui certa lege ac iudiciis regerētur, sexcentis ante bellum Troianum ferme annis inter Græcos primus ante omnes effecit, si modo illa quæ apud Platonem in Timæo Critias

Critias ex Solone commemorat de legibus atticis multis annorum milibus ante Phoroneum, fabulosa & commentitia esse credamus. Nec me praeterit apud priscos Græcos Isidem legiferam appellatam, tanquam primam legum inuentricem. Aegyptiis autē prima scriptarum legū monumenta, Mina rex siue Trismegistus dedit, quem fortasse quispiā in philosophorū numero computet, quamquam in deos relatus Mercurii nomine ab Aegyptiis honoretur. Secundus apud Aegyptios legūlator dicitur, vir prudentia excellens, Salsochis, hunc & ad deū religionē cultumq; multa prioribus legibus addidisse perhibent. Tertium Sesoosim regem tradunt, qui ad rem militārē & belli munera plurima cōtulit institutis suis. Quartus scribitur rex Buchoris tulisse leges sapientia ac vsu rerū expertus, qui & vitæ regum leges dederit, & commercia hominum iudiciāque constituerit: post hūc legibus multa addidit Amasus rex, quem tradunt & de his quæ ad monarchas pertinet, deque omni Aegyptiorum œconomia præcepisse. Minos mare obtinuit & paulo antè Troiam captam Cretensibus leges dedit, ut Paradius memorat, quod Plato falsum esse conuincit. Spartanis verò qui & Lacedæmonii sunt, Lycurgus primus leges ex Apollinis, ut aiunt, auctoritate cōfinxit. Et quanquam leges scriptas nullas Lycurgus tulerit, ut alii perhibent, vnam tamen ex his quæ rhetræ appellantur afferam, quæ in hostes militare prohiberet ne sæpe pugnando consuefacti bellicosi redderentur. Quia in re Agefilaum regē maxime posteriori tempore accusant, utpote qui continuis & frequentibus in Bœotiam incursibus ac præliis Thebanos resistere Lacedæmoniis edocuerit. Quare saucium Antalcides quum intueretur, pulchram tuæ doctrinæ mercedem inquit à Thebanis recipis, qui nolentes ipsos neque scientes pugnandi peritiam docuisti. Huiusmodi sanctiones rhetras libuit appellari, quasi ex deo decretæ deique oracula quædam essent. Epirotis Ariba Epirotarum rex vnus ex posteris Pyrrhi, Achillis filii, leges, senatum, magistratus annuos, & politicę vitæ formā primus instituit. Arianeis Chatharactes, Getis Zamolxis. Pittacus Mitileneis q ad sexcentos elegos versus, & carptim de legibus ad ciues conscripsit. Fuit & alter Pittacus legifer, cuius & Fauorinus & Demetrius meminit. Atheniēsis verò à quibus iura & leges ortæ atque in omnes terras distributæ putantur, tulit rigidissimus Draco, quas & hoc ipso mitior Solon, sapiens vnus è septem, & legū scriptor, propter asperitatem magnitudinēque pœnarum abrogādas curauit: vna enim fere omnibus mors pœna prædiffinita erat, ut etiam qui otii damnati essent capite plecterentur: & eis qui olera aut fructus surripuissent, idem supplicium quod peculatoribus aut homicidis cōstitutum esset. Ob quam causam illud Demadis à doctis probatur, qui Draconem non atramento sed sanguine leges descripsisse dixit. Inter Solonis autē leges quas plures fuisse cōstat, ac omnes quidē sapiētissimè latas, illas præclare statuit, quibus athletarum quoq; præmia castigata moderatione correxit, & ei qui Olympia vicisset quingētas drachmas, qui verò in Isthmo, ei centū dari cōstituit, eadēq; ratione in certaminibus & præliis qui succubuissent præmiis esse illustrandos, eorūque filios publicè enutriendos educādosq; quo sane animati singuli, fortiter ac strenue in bellis dimicabāt: sic Polyzeus, sic Cyneagirus, sic Callimachus, sic omnes qui in Marathonis expu

E

gnatio

gnatione pugnaverunt: sic præterea Armodius, Arostogiton, Mylciades, innumera-
 bilisq; alii: maxime autem Alexis comicus Athenienses inquit, oportere
 ideo laudari, quod omnium Græcorum leges cogunt parentes à liberis ali,
 Atheniensem non omnes, nisi eos qui liberos artibus erudiissent. Fuit etiã quan-
 doque in Macedonia lex, eum qui nullum hostem interfecisset, capistro cingi de-
 bere. Et apud Scythas, in bello ubi primum quis hominẽ deiecisset, eius sangui-
 nem bibere, neque aliter participes prædæ fieri consueuisse nisi ad regem neca-
 torum omnium capita detulissent: quæ nonnunquam (horrendum dictu) pur-
 gantes deaurantesque ad pocula deferabant. Non licere etiam eorum cuiquam
 solennibus epulis pateram circumlatam accipere, nisi ei qui aliquem ex hostium
 quoque numero de medio sustulisset: apud Gallos sic etiam puberes omnes &
 armatos communi lege cogi ad bellum solere, ut qui ex his nouissime adueniret,
 in conspectu circumfusæ multitudinis affectus omni genere cruciatus necaretur.
 Atque ut ab externis ad domestica aliquando redeat oratio, quis nescit Italiam leges
 dedisse Italum quendam Oenotriæ regem, à quo mutato nomine pro Oenotris
 Itali sunt vocati, oramque illam maritimam Europæ quæ est inter Syllaticum
 & Lameticum sinum Italiæ nomẽ primo cepisse? Hunc ergo Italum periti qui-
 dam tradunt agriculturam Oenotros docuisse, quum prius essent pastores vagi
 ac palantes, illisq; comestiones instituisse primum, legesq; posuisse, quas itidem
 nonnulli & quidem docti non Italum Italiam, sed Saturnum: Romanis verò Quiri-
 num. Nam quum agresti quodam more in Italia etiam viueretur, is genus indo-
 cile & dispersum motibus altis Composuit legesq; dedit, Latiumque vocari Ma-
 luit his quoniã latuisset tutus in oris. Hic verò quum post fratrem interemptum,
 solus potiretur imperio, iura dedit populo, nec re aliqua præter quàm legibus co-
 alescere multitudinem vnum in corpus arbitratus est: populum itaq; Ro. qui no-
 ua tunc pastorum conuenarumq; omnium colluione collectus erat, Romulus
 in partes triginta diuisit, quibus quoque additæ sunt quinque, easdemque curias
 placuit appellari, quod publicas curas gerebant, quum in illis vniuscuiusq; par-
 tis populi Romani quid gereretur: ita ut in sua quisq; curia, sacra publica face-
 ret, feriãque obseruaret, quibus singulis curiis, Curiarum nomina virginum imposi-
 ta esse dicuntur, quas virgines quondã Romani de Sabinis rapuerat: qui verò eis
 consulerent, ex populo nobilissimo centum senes delegit, quos ob etatem Senato-
 res, ob pietatem & in similitudinem curæ Patres nominauit, quorumque filii
 Patrui sunt appellati. Tres equitum deinde centurias instituit, quas suo nomine
 Ramnes, à T. Tacio Ticienses, à luci communione Luceres, quaquam huius de-
 nominatio auctore Liuius incerta est, appellauit. Equites item armatos trecetos,
 qui Celeres vocarentur, tum pace, tum bello sui ad custodiam corporis, Tribu-
 num etiam qui eis præerat appellauit. Reliqua verò multitudo regem in bellum
 euntem sequebatur pedes, vniuersos autem Milites appellabat. Non enim uti po-
 stea atque in præsentia ornati aureis calcaribus & aureo cingulo, sed qui erant
 in exercitu equites & pedites, vulgò simul omnes sine discrimine apud vete-
 res sunt milites à militandi consueudine appellati: hunc deinde Romulum se-
 curus Numa Pompilius Pomponii filius, è Curibus Sabinorum oppido accitus
 ad

ad regnum qui Romanum populum vtpote ferreū religione molliuit, fidem pa-
 eis ac belli docens, sacris pluribus per eum institutis: nam Vestæ fecit ædem &
 portas Iano gemino edificauit, augures, flamines tres, Dialem, Martialē & Qui-
 rinalem & Salios Martis sacerdotes: pontificem maximum creauit, leges plures
 tulit, ceremonias cultumq; deorum omnium immortalium, ob quam tantam iu-
 sticiam & religionem nemo ei bellum inferre ausus est. Excipit Numam Pompe-
 lium Tullus Hostilius Romulo fortior, qui populum iam quieti & legibus assue-
 tum ad bella & arma reduxit: idem omnem militarem disciplinam, artemq; bel-
 landi condidit, ac debellatis Etruscis, sellam curulem lictorēque & togam pictā
 atq; prætextam, quę insignia magistratuum Etruscorū erant, primus vt Romæ
 haberentur instituit: huic successit Ancus Martius, Numę Pompilii ex filia ne-
 pos, ac religioni auitę quā similis: hic vt bella geri aliquo ritu, pie ac sancte in-
 dici videretur, ceremonias lege quadam instituit, quibus Fecialis & Pater Patra-
 rus qui essent ad eam rem legati, hoc est, ad res repetūdas quum bellū indicerent
 vteretur. Regnum tenuit post Ancum Tarquinius Priscus, qui omnia quibus
 imperii dignitas eminet decora & insignia sumpsit ex Tuscia: inde namque au-
 reus et triūphalis currus et equi quatuor, tunicę palmatę, fascēs, trabes, curules, pha-
 lera, anuli ac paludamēta sumpta sunt, frequentibus præliis, duodecim Etrurię
 populis per eum subactis. Post hunc Seruius Tullus, quāquā quasi precariō re-
 gnare cōpisset, imperium tamen recte ministrauit, vrbe quadrifariam diuisa, re-
 gionibus collibusq; qui incoluntur, & Tribus eas partes vt ego arbitror à tribu-
 to appellauit. Ab hoc classes centurięq; constitutę peditum & equitum: huius
 tempore Romanorum ciuium qui arma ferre possent censita esse octoginta mi-
 lia, Fabius pictor auctor est: ab eodem census constitutus. Diuisit nanq; ciuita-
 tem non secundum regiones verum secundum censum, vnum corpus faciens eo-
 rum ciuium qui censum habebant supra centū milia gr̄is, aliud corpus censum
 habentium à centum milibus ad septuagintaquinque, tertium eorum qui à se-
 ptuagintaquinque milibus: & ita descendens vsque ad quinque milia peruenit,
 infra eum numerum sine censu reliquit, quasi tenues & impotentes. Ex censu au-
 tem quę domi & militiæ subeunda forent onera constituit. Quia verò patrimo-
 nia vel augentur vel minuuntur singulis quinquenniis, in quinquennium recen-
 seri statuit, idq; quinquennium, Lustrum maiores dixere. Tarquinius cui Super-
 bo ex moribus cognomen inditum est, postremus omnium fuit, vir iniquus, cru-
 entus ad resq; bellicas fortis ac præstans, vtpote qui vrbes euerteret & turpi arte
 in deditionem redigeret. Exactis autem regibus, anno septimo & quinquagesi-
 mo, ab vrbe verò condita trecentesimo & vltra, creati sunt viri decem ad leges
 condendas: nouus quidem ac summi imperii magistratus, à quibus decem ta-
 bulæ primum editæ, centuriatis comitiis perlatae sunt, simulque deinde duæ su-
 peradditæ, vt omne ius Quiritum confectū duodecim illis tabulis ad vnguē ab-
 solueretur: sicq; à decemuiris leges decemuirales, quibus tabulis duodecim est no-
 men, in æs siue ebur incisas in publico proposuerunt, quas tãti fecisse Romanum
 populum memorant vt illis quāmdiu Romę stetit honor & innocētia pudicitię
 contentus fuerit: Sed cum crescente improbitate interpretationes prudentum

per consuetudinem receptę sunt, quas quidem ius ciuile non leges libuit appellare, ex hoc fuerunt actiones, quę ius agendi sunt, solenniter institutę: quibus sicut & interpretationi collegium pontificum pręsidebat. Accesserunt ad hęc populi placita, senatus consulta, scita plebis, edicta prętorū, responsa prudentū: & trāsłata demū in principes lege regia romani populi potestate, cępit quod principi placuit, legis habere vigorem. Hoc legū progressu multi clarissimi romanorum consules tribuni aut censores ferendis legibus auctores fuere, & à quibus leges denominatę, vt consulares, tribunicia, iulia, cornelia. Nam sub Octauiano Cęsare suffecti consules Papius & Pompeius, legem tulere quę à nominibus eorum appellantur Papia & Pompeia: sub eodem quoque imperatore Falcidius tribunus plebis, legē fecit ex cuius nomine lex extat falcidia. Aquilius quoq; legē condidit quę hactenus aquilia nuncupatur, sic Iulia, sic Cornelia, Catoniana regula etiam legibus ab Catonibus inserta quorum nomen quoque adeò clarum, adeò celebre est vt non solum urbem, sed orbem pene totum suis tēporibus pręsentia, postea vero memoria sua ac splendore illustrarint. Nam vt Priscū & Censorinum illum pręteream, tanta fuit posterior ille Vticensis habitus reuerētia, vt eum quum Cęsar à subselliis in carcerem traheret, summa cum męsticia boni ciues vnā cum senatu taciti atq; afflictī omnes sequerentur, vt quę in sacris ludis q; floralibus quibus vulgati corporis metetrices nudę more veterum mimarum fungebantur officio, & in conspectu populi vsque ad satietatem impudicorum luminum cum impudendis motibus detinebantur, veritus sit populus Ro. solitę lasciuia ludum petere, quoniam fortē tum Cato venerat in theatrum, vnde Martialis in epigrammatum suorum limine inquit, Nosses iocosę dulce cum sacrum Florę Festosq; ludos & licentiam vulgi Cur in theatrum Cato seuerē venisti? An ideo tantum veneras vt exires? legimus enim eum plaudēte populo postea quā ex Fauonio familiari & amico vnā sedente pręsentiam suam spectaculi consuetudini impedimento esse intellexit, ē theatro continuo abiisse abeuntemq; populum priscum ludendi morem in scēnam reuocasse, confessum plus se honoris, & maiestatis, & reuerētię illi vni deberi quā sibi vniuerso vēdicare. Equestris autem ordinis & qui sua literis posteritati demandarent, inter alios, iurisperitos plurimos fuisse constat, & quidem celeberrimos, quorum scripta Aufidius Numa quadraginta & centum libris complexus est. Ex his Aufidius & Nerua ambo doctissimi & equestris ordinis ambo fuere, ex his Furius Sabinus quoque fuit & publice primus scripsit. Mitto Tiberium Coruncanum, Labeonem, Trebatium & Alpheum. Prętereo & alios innumeros quibus quasi stellis quibuscūq; leges fulgent, quorumq; cōsiliis multi sane principum suum imperium ad maximum felicitatis cumulum prouexere. Adrianus enim Iulio, Celso, Saluio, Iuliano Prisco atque Neratio vsus est. Antoninus pius Vindio, Vero, Saluio, Valēte, Voluxio, Martiano, Vlpio, Marcello & Iaboleno. M Antonius philosophus Scęuola pręcipuo iurisperito: Alexāder Seuerus Fabio, Sabino, Iulio Paulo atque Vlpiano, quę inter cęteros tanti fecisse constat vt Helius Lampridius literis mandauerit, hūc principē ideo summū impatorē fuisse, q; Vlpiani pręcipue cōsiliis rēpub. rexit. Horū studiis fretus & moribus, iustissime princeps Sigismunde, quantum
semper

semper hæc ætas nostra tulit, regni tui summam, regimen, curam ac gubernationem tanquàm optimus populorum pastor his hominibus cōtulisti qui non calidi, non seditiosi, non ad malum idonei, non virtutis hostes, nō luxu perditī, non truces, non facinorosi, non scelerum ministri, non improbi ac prouincialium ex pilatores, sed senes, sed sapientes, sed sobrii, seueri, pii, sancti, & qui habeant illud semper in animo vetus præceptum, Deum sequere, & qui nihil venderent, nihil mentirentur, nihil fingerent deciperentque existimationem de te bonā tu-ique mandata, more Persarum, qui internuncii sunt aliud quàm respondetur à principe sæpenumero populis referentes: nec Parthorum regum vsum imitarentur, quos non potest quisquam sine munere salutare: & ne posterī silentio obruantur quos consiliis tuis huiusmodi præfeceris, quorūdam nomina ac dignitates recensere non alienum erit. Merito itaque ante omnes præcipuum & primariū magistratus huius nostri decus est Iustus, ex antiquissima, & præcellentissima comitum vr̄bis Romæ familia, ea vitæ sanctimonia, ea integritate, ea religione, ea iuris ciuilis et pontificii cognitione, ea denique eximia & maternę & latinę eloquentiæ copia, ac suauitate præditus, vt hac nostra ætate ea non nisi cælitus per eum nobis transmissa meritō atque optimo iure existimari possit. Effulsit inter hos porrō quasi matutinum quoddam sidus Iacobus Anastaxius Burgēsis, iuris non solum ciuilis & pontificii scientia clarus, ceterum omnium bonarum & optimarum artium studiis peritissimus, ac in maximis quibusq; gerendis rebus quàm aptissimus, vtpote qui vafra ducum ac principum consilia optime norit, & cuius ingenium & eruditionem ita laudem, vt hac laude cū eo neminem comparem, ita admirer vt magnum nescio quid portendere in posterum videatur, quum ad quamcunque animo rem se conferat, in ea facile ac breui sui acuminis ac mobilitate cæteris antecellat. Successit Deindus, equestris ordinis, ex primariis Perusiæ vr̄bis, vir magni ac præstantis ingenii, multaq; lectionis ac literaturæ, sic omnibus cōsiliorū præidiis, virtutis omnis & eloquentiæ splendore conspicuus, vt eo non solum vr̄bs nostra, verum romana etiam, si prisca illa maiorum gloria maneat, non iniuria gloriari possit: accessit quarto loco ex nobilissima vicecomitum familia Frāsciscus vicecomes, equestris & ipse ordinis perpaucorum, vir magni pensī magnōque rerum v̄su attritus, & experientia multa perillustis. Sunt & alii plures equestris ordinis & spectatę nobilitatis viri doctissimi, philosophi & oratores amplissimi ex quibus ad felicissimam regni tui diuturnitatem oportuna consilia, literatę conciones ac docta colloquia facillime possint haberi atque componi.

De Medicina

Cap. II.



Equē tandem medicinę rationem intactam relinquemus, tametsi maiores nostri virtutū omnium cupidissimi, minus q̄ par erat eam celebrasse forsā visi sunt. Est enim, vt doctissimi auctores tradunt, non solum ob morbum ac vulnerum remedia, quoquo modo corpora debilitari contingat, verum sicubi diutius habendus est exercitus, ob salubrem castris locum deligendum, huius rei habenda cognitio, veterū rationem in hac ipsa tēpora reuocādo. In his enim locis quibus superioris ætatis homines aut oppi

E iii

da,

da, stativa, aut castra cōstituebāt, pecoribus imolatis quę ibi pascebātur iecinora inspiciebant, & si integram & solidam eorum naturam inueniebant, ex aqua & pabulo ibi munitiones constituebant: sin autem vitiosa, idem in humanis corporibus ob pestilentem loci cibiq; copiam fieri posse credentes, transmigrabant, ac regiones mutabant quærētes omnibus salubritatem: quā si propter locorum discrepantiam terrarūque dissimiles proprietates percipere haudquaquam poterant, & fama & incolentium dispositione corporum, atque eorum colore facile consequebantur. Magna dehinc etiam industria maiorum institutis quęrendi sunt & deligendi fontes, qui si nusquā pręsto & in promptu sint, pluresq; dies castris immorandum, his signis hisq; notis & rationibus vbinā lateant poterunt internosci. Nanq; virentium imprimis herbarum copia, arborūq; proceritas, vicinitatem indicant aquarum: terris enim quibus dulcis humor nō longe subest, vbertas quorūdū germinum semper arridet, vt iuncus, arundo, rubus, salix, alnus, multūque alicui loco pectore incumbens rana. Sunt illa huiusce rei indicia, quum nocte adueniente, loco in altitudinem pedum quinque defosso, testāque ē figulino opere cruda aut peruncta, pelui area cooperta, lucernāq; ardente concremata, sine defectu olei restincta, aut etiam vellus lanę madidum reperiatur, non dubie promittunt aquas. Addunt, quod certius multo est, ante ortum solis longius intuentibus, quōd ex edito quidam speculantur in columnę speciem quandam, nebulosa exhalatione tenuissimum fumum, qui quanta fuerit altitudine porrectus ad summum, tanto in imum humorem delitescere profiteatur. Orto etiam sole intuentur loca, talium rerum curiosi, & vbinam supra terram viderint volitare spissitudinē muscarum, tunc promittunt facile quod quæritur inueniri. Est & peculiaris existimatio peritis tantum nota, quā feruentissimo æstu sequūtur dieiq; horis ardentissimis qualis ex quocūque locorum percussus splendeat: nā terra sitiente, humidior est ille indubitataque spe promittitur. Sed tanta oculorum intensione opus est, vt indolecant: quo fugiente, ad alia experimenta decurrunt. Prędicunt etiam sapes aquarum, vt nec aspera dispendioso labore debeat quærī, nec dulcis necessariāq; inhonora relinqui. Aquam enim dulcem argillosa terra, limosas exileq; sabulum promittit. Glareā incertas venas, sed boni saporis: rubra saxa optimas. Hanc scientiam sequētib; accuratissime tradidit apud latinos Marcellus, inquit enim aquas quę ad orientem austrūq; prorumpunt, dulces atque perspicuas esse, & pro sua leuitate salubres: ad septentrionem verō atque occidentem quęcūque manant, probari quidem nimis frigidas: sed grauitatis suę crassitudine incommodas. His proinde reperti vt ad humanę vitę salubritatem magna diligentia bonę vtilēq; appetendę, sic non minori cura earum quoque vitia repudianda. Nanque damnantur imprimis vndecūque profluxerint stagnantes, pigręq; & amarę, quibus odor & sapor vllus insit, pręter vnus in toto orbe fontis aquę, vt equidem inuenio iocundę, olentisq; . In Mesopotamia vtiliores quę profluunt & excurrunt existimantur: cursu enim & agitatione sua extenuari atque proficere aiunt, eoque miror cisternarum ab aliquibus maxime probari, quum inutiles aluo duritię, ac faucibus constet. Quōd si rationem afferunt quōd leuissima sit

imbrium

imbrium, vt quæ subire in cælum potuerit, ac pendere in aëre, ideo & niues præferuntur imbribus: leuiore enim his esse, et multo leuiorem aqua glaciem, cuius ac niuis pestilentissimos ac insaluberrimos potus prædicant. Repudiantur deinde aquæ quæ cœnum & limum faciunt, quæq; corpora inualida, malum colorem, crura vitiosa, lippientes oculos bibentibus reddunt. Culpantur etiam si vas ære corinthio, vel nobili sparsæ infecerint, aut si legumina tarde percoxerint, de coctaque crassis obducunt vasa crustis. Non etiam ipsa aqua quæ erit in fonte si fuerit limpida & lucido cælo p̄similis, quodque peruenerit aut profluxerit muscus innascitur, aut iuncus & inquinatus aliquo inquinamento is locus fuerit, minus improbāda videbitur: interest enim plurimum vtrum loca sulphure an vitro an bitumine plena transeat, grauem enim spiritum caloremq; pestiferū aut nimium rigorem ex loci vitio saporis varietate concipit, & sūma celeritate corrūpit, quia protinus hausta duratur, nec aliter quā gypsum sub humore constringitur & alligat viscera: illinc est illud de quo Ouidius ait,
Flumen habent Cicones quod potum saxea reddit

Viscera, quod tactis inducit marmora rebus.

Medicamentum est etiam, & eius naturæ habet limum vt corpora conglutinet & induretur, quemadmodum puteolanus puluis si aquam attigerit saxum est: si contrario hæc aqua solidum quippiam attigerit, hæret & affigitur. Inde est quod res abiectæ in eundem locum, lapideq; subinde extrahuntur. Similem vim habent mero illi lacus quos quisque faucibus hausit, vt idem poëta ait, aut furit aut patitur mirum grauitate soporem. Nam quemadmodum ebrietas donec exciccetur dementia est, & nimia grauitate defertur in somnum, sic huius aque vis habet quoddam acrius ex aëre noxio virus, quod mentem aut in furorem mouet aut sopore opprimit. Contingit etiam non solum confectis de industria venenis plerosq; necari, verum aquas quasdam consueto naturalis ordinis cursu, occultiozem in se pestem seruare. Nanque fertur in Armenia fons cuius pisces in cibo sumpti mortem afferant, in Archadia circa Nonacrina Styx ab incolis appellata mortifera est, aduenasq; fallit: quia non colore nec odore notabilis, nec sapore suspecta est, qualia sunt magnorum artificū venena quæ deprehendi nisi morte non possunt: in eadem regione fontem etiam esse constat, vt epigramma indicat, lapide inscriptum, non idoneum ad lauandum, sed inimicum vsibus, quod apud eum Melampus sacrificiis purgauisset rabiem proci filiarum restituissetq; earum virginum mentes in pristinam sanitatem. Linus etiam ibi fons est, qui abortus fieri nō patitur: ediuerso in Pyrrhea flumen, quod Aphrodixum vocatur steriles facit. Est etiā noxia aqua in Thessalia circa Tempe quā fera & pecus omne deuitat, per ferrum & æs exit, vis illi inest etiam dura molliendi nec arbuta vlla quidem alit, & herbas necat: in Macedonia non procul ab Euripidis sepulchro dextra ac sinistra monumenti aduenientes duo confluunt riui, vnum accumbentes viatores transire solent propter aquæ bonitatem: ad riuum autem qui ex altera parte monumenti, nemo accedit, quod mortiferam aquam dicitur habere. Achaia ex saxo stillantes frigidissimos humores habet, quos neque argenteum neque æneum neque ferreum vas, neque vlla alia mate-

ria quo minus corrodat potest sustinere, dissilit enim & dissipatur: cōseruare autem eam & continere nihil aliud nisi mulina vel asinina, vel vt alii tradunt equina vngula potest, quæ etiam memoratur ab Antipatro in prouincia vbi erat Alexander per Iollam filium perlata esse, & ab eo ea aqua regem non sine magna Aristotelis infamia esse necatum. In Bœotia sunt duo fontes quorum alter memoriam, alter obliuionem affert: In Cilicia apud oppidum Viscum, riuus fluit ex quo bibentium subtiliores sensus fieri Varro tradit. In Co insula fontem esse quo hebetes fiant. Cidnus etiam Ciliciæ amnis podagricis medetur, sicut apparet ex epistola Cassii Parmensis ad M. Antonium: in Germania trās Rhenum castris à Germanico Cæsare promotis maritimo tractu fons erat aquæ dulcis cuius haustu infra biennium dentes labefierent deciderentque ac compages in genibus dissoluerentur: villa etiam ab Antonio lacu Campaniæ Puteolos tendentibus imposita litori celebrata porticu ac nemore quam vocat M. Cicero Academiam ab exemplo Athenarum, exiguo post obitum ipsius tempore, Antistio vetere possidente, eruperunt fontes calidi, perquam salubres oculis, celebrati Laurei Tullii qui fuit ex libertis eius, tali carmine,

Quod tua Romanæ vindex clarissima lingue
 Sylua loco melius surgere iussa viret,
 Atq; Acamedia celebratam nomine villam,
 Nunc reparat cultus sub potiore vetus,
 Hæc etiam apparent lymphæ non antè repertæ
 Languidaque infusæ lumina rore leuant.
 Nimirum locus ipse sui Ciceronis honori
 Hæc dedit, hæc fontes quum patefecit ope:
 Et quoniam totum legitur sine fine per orbem
 Sunt plures oculis quæ medeantur aquæ.

In Italiæ etiam alpibus multis in locis est genus aquæ, quæ qui potu assiduo hauserint, turgidis & prominētibus gutturibus efficiuntur. Scatēt alibi denique in plurimis terris, alibi frigida, alibi calida, alibi promiscue auxilia conferētes, & è cūctis animalibus hominum tantum causa crūpentes: feruntur aliæ quæ aluos inaniunt, capiti, auribus, oculisque priuatim medentur: neruis aliæ profunt & pedibus, aliæ luxatis & fractis adiuuētō sunt ac vulnera sanant. Est autem utilis sulfurata neruis, aluminata paralyticis, aut simili modo solutis bituminata aut nitrosa, maxime calens. Homerum calidorum fontium mentionem non fecisse non demiror, quum aliquos lauari calida frequēter induceret, videlicet quia medicina tunc non erat hæc quæ nunc aquarum profugio vitur. Cæterum quum ad huiusmodi humanæ infirmitatis remedia aquæ præsto semper esse non possint, atque alio in loco inter sese maxime distantes, neque ad omnia omnes valeant, nunc ad reptilium fugam morsusq; & reliqua imbecillitatis nostræ auxilia ex simplici medicina vel composita congeramus: quod in promptu sit & inuentum tam ab ipsa natura quàm ab ipsa arte profectum quàm facile: ab ipsa natura filicem substerni vtile locis suspectis aiunt, quoniam serpentem experientia comprobante non recipit, vstaque fugat nidore: experti quoque prodidere, si serpens

pens ignibus & fraxini frondibus concludatur in gyro, in ignem potius quam in fraxinum fugere: & quod maius est, nec matutini quidem occidentisue solis umbras quamuis longissime sint villo pacto velle contingere: Verum si ex arte ut saepe fit & Maro inquit sub immotis praesepibus aut mala tactu

Vipera delituit, celumque exterrita fugit:

Aut tecto assuetus coluber succederet umbræ

Pestis acerba boum, pecorique aspergere virus

Disce & odoratam stabulis accendere cedrum

Galbanoque agitare graues nidore chelidros.

Vel plenius & vberius ut Pharsaliæ auctor expressit,

Vltima castrorum meditatus circuit ignis

Hic ebullum stridet peregrinaque galbana sudant:

Et larix non læta comis eoaque costus.

Et Panacea potens & thessala centaurea

Peucedanumque sudat flammis ericinaque taxus

Et larices fumoque grauem serpentibus vrunt

Abrotanum et longe nascentis cornua cerui.

Percussis quorundam hominum tota corpora siue partes profunt, ut Ophiogenes olim in insula Paro, Marisque alibi in Italia, siue quodam in terra Aphrica, si modo durēt Psilli qui vocantur à Psillo rege ut Agarchides tradit dicti. Lucanus,

Nam primum tacta designant membra salua,

Quæ cohibet virus retinetque in vulnere pestem.

Nec Marforum solum ac Psillorum sed ieiunam cuiusque hominis saluam contra serpentum ictus praesidio esse non dubium est. Silerem in proferendo percussorum remedia, nisi, M. Varronem scirem, lxxx vitæ annum agentem, Marcumque Catonem Porcium prodidisse, aspidum serpentum ictus, hausta à percussis vrina, vel Melantio in vini veteris hemina contrito & in nares infuso, appositoque ad morsum stercore suillo, efficacissime curari: horum etiam & scorpionum ictibus ipsi medentur, si mortui & attriti ilico superimponantur. Viperam etiam ferunt exustam in cineremque dilapsam mederi eiusdem bestiae morsui. Ad huiusmodi etiam serpentum morsus Nigidius de animalibus libro secundo testis est, gallinam quoque quæ primum deligi opponique debere: ex arte quoque ea maxime probantur quæ in ædis Esculapii dei limine contra animalia virulenta ea, compositione clarissima scripta lapide fuisse inueniuntur, Serpilli videlicet duum denariorum pondus, opoponacis ac milii tantumdem singulorum, trifolii pondus denarii, anethi & fœniculi seminis & anesi & opii duum denariorum semis ex singulis generibus, erui farinae, xii. quæ tusa & cribata ac vino excellenti digesta dari in vini cyathis tribus consuevere. Quo genere antidoti Antiochus magnus rex, aduersus omnia venenata usus perhibetur. In sacruariis Mithrydatis, maximi etiam regis inuentam antidoti quoque compositionem ipsius manu conscriptam legimus, & à Galeno etiam & Dioscoride celebratam, è duabus scilicet nucibus, siccis ficis totidem, foliis rutæ, xx. simul tritis, addito salis grano: hoc effectu denique, ut qui hoc sumeret ieiunus, nullum veneni genus pro-

fecto

fecto sciret illo sibi die nociturum. Porro vulnere remedia in presentiarum attingere, nec absurdum, nec inutile erit, verum quoniam vulnus nequicquā conglutinationē admittit si ferrum intus maneat, infixa & corpori adherentia quoniam modo abstrahi possint primum docebimus, prompta & pauca quædam remedia prosequentes. Infixa quæque cinis abstrahit hirundinis, in olla combustæ cū aceto. Mus similiter dissectus & superimpositus, farina è semine lini cum radice cucumeris sylvestris, fractis ossibus presentaneus, maxillarum apri cinis, costis quoque fractis laudatur vnicè caprinus fimus ex vino vetere: aperit enim & extrahit atque sanat. Sanguinem porro ex vulnere fluentem sistit pulvis olibani, cum pilis leporis & albumine oui facto emplastro, & imposito donec cadat. Aloës etiam pulvis per se vel cum aceto vndecunque fluat sanguis cum sistit: vulnera recentia & vetera si brassicæ decoctione foueantur, & ea trita imponantur, mire sanat: vermes qui in ligno, vlcera sanant omnia: vulnera verò recentia terreni adeò cōglutinant, ut nervos quoque præcisos illitu solidare intra septimū diem Democritus persuaserit, itaque in melle seruandos censuit: inflaturam ex ictu, cicuta trita imposita sanat. Achillea quæ millefolium maius vocatur cum aceto bibita ad plurima quum valeat, ad suspiria præcipuè confert præcipitatis ex alto. Eiusmodi remediis clara Esculapii opera fuere troianis temporibus. Podalirius deinde & Machaon ex eo geniti succedere, qui & bello troiano ducem inclitum Agamēnonem secuti, non mediocrem opem vulneribus tantum medendo commilitonibus suis attulere. Adhibitos in exercitu suo à Cyro medicos, Xenophontis tradit historia. Scimus & Xerxem Persarum regem à Sosthene comitatum esse bello quod Græcis intulit, itemque Alexandrū à Sosthene secundo, nec nisi cura artis huius, ope atque præstantia quā ab inuictissimis maiorum nostrorū ducibus celebratam nouimus. Hanc enim apud nostros M. Cato magister primus, solusque diu paucis duntaxat attigit, ad armentarios morbos medicaminibus haudquaquam omissis, quæ per alios denique diffusius tractanda sunt: post hūc illustriū & clarorum virorum vnus tentauit, C. Eulgius literarum eruditione spectatus, volumine ad D. Cæsarem Augustum de ea edito. Verum enimverò antè condiderat solus apud nostros ut equidem inuenio Pompeii magni libertus Leucus nomine, quo primum tempore hanc scientiam ad nostros animaduersum est peruenisse. Nanque ut ad externos redeam, qui huius disciplinæ multarū rerum inuentione gloriantur, Mithrydates, maximus sua ætate rex & imperator, quem debellauit Pompeius, omnium ante se genitorum curiosissimus medicinæ remediorum indagator, tam argumentis quæ fama nuncia habitus est, cui vni cum veneno sæpe tentaretur excogitatum, quotidie venenum bibere, præsumptis remediis, ut consuetudine ipsa innoxium redderetur: sicque in hunc vsque diem Antidotum eius nomine celebratissimum extat, quod Mithrydaticum vocatur: alterū Antidoti genus Zopyrus regi Ptolomæo dicitur composuisse, atque Ambrosiam nominasse. Præter hunc inuenit Iuba rex, Ptolomæi pater, studiorum claritate admirabilior quæ regni, quamquam primus utrique Mauritanie imperio præfuerit, euforbiam herbam quam medici sui fratris nomine appellant, edito de ea volumine claro præconio. Centaurea

tauræa à Centauro Chirone dicta inuentore, qua curatus Chiron quum Hercules exceptus hospitio pertractanti arma sagitta excidisset in pedem. Achillis quoque, Chironis discipuli Achillea perhibetur inuentum, qua vulneribus mederetur, quæ ob id achilleos vocatur: hanc apud nos millefolium vocant. Alii primum æruginem inuenisse vtilissimam in plastris, ideoq; depingitur ex cuspide decutiens eam gladio in vulnus Telephi. Comperisse etiam dicitur Teucer eadem ætate Teucrion quam quidam germineam vocant. Gentianā quoq; reperisse aiunt Gætium Illyricorum regem vbique nascentem, Illyrico tamen ad plura præstantissimam. Sunt & alia medicamentorum genera quæ diuino quasi quodā numine tactu ipso fiant atque leuentur, vt Vespasiano principi & Epirotarum regi Pyrrho contigit: illum enim publicè sedentem audiētēq; quum è vulgo captus quispiam luminibus, alter quoque cruris debilitate pariter adirent, opem implorantes à se rapide demonstratam illis per quietem, redditurūq; alteri lumen profiteretur si oculos inspueret, confirmaturūq; alteri crus si dignaretur calce contingere, quum ridicula res primum putaretur, nihili pendereturq;, tandem familiarium interuentu et circumstantiū quorundam suasionem vtrunque tentatum est, nec optatæ salutis ambobus defuit euētus. Hunc autem lienosis, hoc est, splene laborātibus resupinēq; iacētibus, dextri pedis pollice pressis medētem accepimus, galli sacrificio albi factō, neque quempiam abiectum ab eo fuisse cui huiusmodi genus medicaminis poscenti abnegaret. Magnā etiam medendo vim verborum inesse infirmitatibus hominum, animalibus languentibus, claudicantibusq; vel etiam moribundis sunt qui putent: & quanquā literæ id nostræ respuant & ad salutis remedium nihil conferre autumēt, profluuium tamen sanguinis vulnerato Vlyxē inhibuisse carmine testis est Homerus. Theophrastus etiā sciaticis prodidit, Cato luxatis membris, Varro podagris carmen auxiliari. Cæsarem quoque dictatorem post vehiculi casum vnū ferunt semper vt primū conscendisset, id quod plerique ea tēpestare facere norant, carmine ter repetito itinerum securitatem aucupari solitum. Infinita huiusmodi exemplorum copia superest, quæ libens ponerem nisi ad gymnasticam & exercitationem reliquam quæ maximum suscepti muneris officium est, ac bellicas rationes festinaret oratio. De bonarum igitur artium studiis hæc exarata sint. Gymnasticam & reliquam huiusmodi militarem exercitationem nunc ordine suo prosequemur.

De Gymnastica equestrique exercitatione.

Cap. III.



AEterū quum plurima sint exercitationū genera, probanda quidem solum illa nobis erunt quæ secundū naturæ vim ac ætatis rationem suscipientur, quo & valitudo bona seruetur & ad labores militares ferendos robustiora deinde membra reddantur. Vtrunque enim primis ab annis non parum referre putandum est quali quisque alimonix assuefiat, quibūque exercitiis durioribus vel mitioribus assuefaciendo vrgeatur, veluti ea quæ in Lacedæmoniorum ciuitate vel sola vel cum paucis cura à legumlatoribus circa educationē & exercitationem publicè videtur adhibita: ex cæteris etiam animalibus & gentibus apparet, quibus cura est assidua bellicæ habitudinis,

nis, nutrimentum lactis fontiumque aliquorum ad validitatem roburque maxime proprium esse corporibus, ut Lucanorum & aliorum plurimorum: ad utrumque etiam confert, & utile putatur à pueritia frigori assuefacere: Quapropter ad amicum scribens monet Flaccus ut angustam pauperiem pati robustus acri militia puer condiscat, & Parthos feroces vexet eques metuendus hasta vitamque sub diuo & trepidis agat in rebus: et quum proclivis puerorum etiam natura sit ad omnia opera & ad omnes actus, illi ea ætate maxime suscipiendi sunt qui per ludos fiunt. Ludi vero ipsi neque illiberales neque illaboriosi esse debent, neque remissi, sed quales Lycurgum in Spartiatarum filiis instituisse ferunt: ipse enim quāprimum septimum ætatis annum exegissent assumens distribuebat in classes, eosque vna socios atque contubernales consuefaciebat in vicē simul legere & simul exercere, quo per dimicationes mutuas & promiscuas contētionē disceret quale cuiusque ingenium esset, qui auderet, neque in certaminibus pugnam detrectaret. Mirides quoque Aegypti rex post ortū filii Sisoosis, ex omni Aegypto omnibus qui eadem die quo filius nati erant infantibus congregatis, nutrirī educarique ac singulos eadem disciplina exercitiōque erudiri fecit, existimans hoc pacto simul educatos atque instructos meliores in bello fore, hos continuo usu ad malorum patientiam exercebat: non enim licebat alicui cibum priusquā cursu centum octoginta stadia confecisset capere, quo exercitio ut omnes viri euaserāt & robusto corpore & animo præstantes, primum Sesoosis in Arabiam cum eorum qui simul nutriti erant exercitu à patre missus assuetusque venatui, ac cibi potusque abstinentiæ, omnemque eam gentem subiecit, liberam antea & seruitio infuetam. Deinde in Libyam profectus maiorem eius partem in deditiōem adhuc adolescentior redegit. Simili modo Alexander xxx. milibus barbarorum puerorum delectis, grecis eos literis & Macedonico more armorum exercitationumque usibus versari præcepit, pluribus ad eam rem institutis magistris, sicque præter literas quas pro necessitate discerant, reliqua omnis exercitatio et disciplina ad recte obtemperandum armorumque laborem tolerandum & prælio vincendum parabatur. Hac in re Lacones quoque quum efferatos laboribus per sepe redderent adolescentes, quasi hoc esset utile ad fortitudinem, maxime falebantur. Nō enim id consequebantur quod intendebant, neque in aliis animalibus, neque in gentibus videmus fortitudinem adesse maxime efferatis, sed potius māsuetioribus & leoninis moribus, multaque sunt gentes, quæ ad cædes hominum & ad eorum comestione insultant, ut circa Pontum Achei & Agniuchi: & ex mediterraneis alia gentes, quæ quidem clanculum per insidias latrocinantur, ad bellica tamen opera nihil valent. Omnes enim istæ feritate liberae gentes, luporum ritu ut seruire non possunt, ita nec imperare: non enim humani vim ingenii habent, sed feri & intractabilis. Lacones præterea scimus dum ipsi exercebantur præstitisse cæteris, postea verò fuisse aliis inferiores. Non enim ob id solum præstabant quod iuventutem exercebant, sed quod ipsi exercitati contra non exercitados pugnaret. Romanæ similiter legiones nisi fuissent primum assidua exercitatione attritæ (Ab exercendo enim exercitus quod exercendo fit melior dictus) nullo pacto in pubertate, ante, vel post pubertatis tempora pedibus agmen præire, subire pondera,

dera, arma deferre, nec præclarum ac memoratu dignum aliquid reddere potuissent. Huius rei ætatisq; huius si alia nobis deessent, Scipionis Aphricani superioris, & Aemilii quoq; Lepidi constare potest exemplis: ille enim dum prætextatus esset, vt Floro placet & Senecæ, pubescens autem vt Liuius, eo prælio quo in Romanos Hannibal ad Ticinum valido statim fragore detonuit, patrē ciuem cōsulem belliq; ducem affectum graui vulnere & ab hostibus circūuentum periculo mortis exemit, seruatiq; parentis cumulatam suis laudem retulit. Hic verò puer productus in pugnam, eodem congressu & hostem occidit & ciuem seruauit, in cuius memoriam rei statua illi prætextata ex S. C. in capitolio posita est, vt & cæteri exemplo eiusmodi accenderentur. Sed neq; & tu quoq; hoc in loco nisi tibi tuas laudes inuiderimus, Sigismunde Pandulphe, silentio obruendus es, aut vlllo pacto his duobus inferior habendus, quum tertiumdecimum ætatis annū pene agēs sub D. fratre tuo Roberto in illa pestifera atq; funesta tumultuantium parricidarū conspirationis eruptione cōsternatis tuorum iam omniū animis, suborta, de tota Malatestarū familia omniumq; ciuiū statu actum esset, nisi protinus hinc te raptimq; surripiens in legionis vnus numerū, conuocatis vñ decunq; subditorū populorum auxiliis tecum vna die confluentibus, ferro, vi, armis cōtra quāplurimos, fortissimos, & ad subuersionem vrbs nostræ immitissimos viros cum maximo capitis tui periculo dimicasses: nisi tu tibi ac fratribus patriam, rerum fortunarūq; suarum pariter ac tuarum incolumitatem deperditam, & penè restinctam vindicasses, illa peste, illo monstro ac portento seditionis auctore atq; flabello à ciuitate reiecto: profligatis cæteris deinde factionis & tumultus illius primoribus atq; complicibus, & quæ ad tertium vsq; lapidem in eorum auxiliū prouenerant, Pisauriensium copiis, plurimis insuper ad custodiam, tutelam firmitatemq; ciuitatis nostræ per te accitis præfectisq; cohortibus. Sicque mirabile dictu, in illa perditorum hominum colluione, vnde veterano, armorum & equitandi totiusq; rei militaris peritissimo euasisse satis fuisset, tu id ætatis ob tuam vigilantiam, ingenii viuacitatem, animique præstantiam, vtriusque fratris seruati & patriæ, publicæ scilicet ac priuætæ pietatis triplicem meruisti coronam, Clarissimum inuictissimū futuri ducis initiū. Quid enim fuit principem in suæ adolescentiæ limine inspicere, tam magnū facinus committere audere? quid eo ipso magnificētius, quid fortius, quid gloriosius & laudabilius? quid in antiquis maiorū tuorū monumentis præclarius? quid famosius tuis potuisses posteris relinquere quàm vna ferè ac omnium voce dici, hanc urbē nobilissimam, vniuersum populum, ius, æquitatem, leges, mores, per te vno tempore cōseruatos fuisse? Neque id sane cuiquā incredibile de te videri debet, qui annos semper tuos longe antecesseris, & omnes virtutum omnium ab ineunte æuo numeros ita colueris, vt in te antè claruerint quàm perspectæ intellecteq; ab aliis fuerint. Sprentis nanque solitis puerilis ætatis illecebris, magna vi astrorum, fortuna tuas res maximas ad imperiū disponente didicisti, non ignauia, non quiete, nō ocio, non desidia, non voluptate torpere, sed membra durare, militares labores perferre, vigilare, esurire, sitire, algere, æstuarè, & cum vltimis militum & equitum dura & aspera quæq; aggredi. Doctus etiam præ cæteris tui temporis regi pariter & re-

gere, exercitus ducere, castra metari, acies instruere, praesidia agitare, hostes ferire, machinas erigere, firmare aggeres, pila torquere, hastilia iaculari, clypeis intonare, ensē vibrādo incredibilia penetrare, in scandēdis equis nō perfico more iuuari, sed instituto sine scāsilis ferri adminiculo, leuiter facilēq; eos insilire, ac reflexis in tergū manibus, velocissimis cursibus ad exemplū ducendi frequēter concitare: nunc item flexis habenis in medio cursu leui momēto prauertere: nunc montes conscēdere, nunc fossas saltu traicere: & ita demū ad omnia rei militaris munia percallere, vt non facile quisquā possit elicere milēsne an eques, tribunus vel imperator maior et instructior accedas vel habearis: pluribus deinde quū adoleueris rerū eiusmodi per vniuersam Italiam inductoribus accitis, qui neque prius à te dimissi q̄ in cāteris quæ modo diximus exercēdo, eos aut æquaris gloria, aut superaris, diuitiis plurimis & honoribus auctos: Alexandrū Severū credo imitatus, quē post literarū studia palēstre operā dedisse ferūt: vel potius P. Rutiliū qui armorū agitatione, vitandorū inferēdorūq; ictuū disciꝑ linā primus miles iussit accipere, & in castra penetrare, vt nedū viribus & audacia quibus antea solis innitebatur, sed etiā arte industriaq; valeret. Iisdē studiis innitentē Paulū Aemiliū legimus, q̄ & filios quorū institutioni frequēter intererat erudiri cēsuit, ac voluit egregiis taliū rerū selectis p̄ceptoribus cōmitti. Marius autē iisdē nec dum iuuenis studiis, verū quū esset annis cōfectus, & multa corporis egritudine grauis quo filiū militaribus officiis obeūdis per reliquū etatis illustrē redderet, quotidie cū adolēscētibus foras prodibat in mediū vnā decertans, nō nescius quātū hoc in pace imaginariæ militiæ genū à teneris annis imbibitē, ad maxima posterorū discrimina, ac vera belli p̄lia inēda conferret. Et licet hoc militiæ genus quod in eiusmodi exercitationibus quaritur longe impar sit ei quod inter bellorū tumultus per indigētiā rerū omniū omnesq; terrores discitur, mirū tamē in modū equitatu facile & armatura leuissimū corpus reddit. Idē expeditionē agēs, copias suas assiduīs laboribus, cursu & lōgo itinere exercuit, eosq; sēpenumero onera iubebat ferre & vasa & cibaria illis in fasciculos cōeuntia furcis imponi, sub quibus & habile onus & reges facilis esset, vnde in puerbiū postea venit, vt q̄ difficultate nulla infractus miles laborū esset patiens, eorūq; nō asp̄nator, sed studiosus ardēsq; imperatoris sui iussa tacitē agēs, Marianus mulus appellaretur. Cato etiā Cēsorinus filio suo magistrū se p̄buit, quippe qui exercēdi corporis, nō modo iaculādi, tractādīue arma, verū equū defricādī, equitādīq; & pugno dimicādī, calorē & frigus tolerādī, ac rapidos gurgites & asperrimos fluuios vi tranādī arte instruxit. Vticēsis autem ille posterior Cato, in gymnasiis se exercens, laboris ita patiens fuisse dicitur, vt detecto capite, seu sol, seu imber esset, cum amicis qui vnā iter faciebant, equisq; veherentur, singulos s̄ape adiens, & pariter cum singulis ambulans loqueretur, pedibus ipse proficiscens. Magnum & p̄clarum quoque erat ad animorum fidutiam, maximum ducem aspicere Pompeium, duo de sexaginta annos natum, saltu & cursu pedites primum, equites armis deinde exercere, nudare ensē, & currente equo vectum peto opportune recondere. In iaculatu præterea, non agitare modo, sed pro tempore robur ostendere, quē talibus insidentem, ex iunioribus plerisque haudquaquam facile superabant.

Neque

Neque enim ille potuisset par esse Sertorio, nisi se militesque suos frequentibus exercitiis præparasset ad prælia, quum ad difficultates ille maximas, ad longas iterationes, per aspera quæque & inuia assuefactus, ex quibuscunque locis inuadendi euadendique ac exercitum ducendi peritiam quandam & summam haberet. Ma-
 finissa, Numidarum rex, nonaginta annos natus, præ cæteris hominibus hac in parte admirabilis fuit, adeo quemadmodum Cicero refert, ut nullo vnquam imbre, nullo frigore caput suum veste tegetet. Eundem constat aliquot horis in eodem vestigio perstare solitum, nec ante moto pede quam cõsimili labore iuuenes fatigasset: ac si quid agi ut sæpe solet à sedente oporteret, toto die sæpenumero nullam in partem cõuerso corpore, in folio durasse: & quum ingressus iter pedibus esset, in equum omnino non ascendere: quum equo, ex equo non descendere: quum nocte diei sic plerumque iungendo ducere, ut nihil ex his quæ adolescētes solent, omittere videretur. P. Scipio contra Numantiam missus, corruptum socordia ducēs exercitum, exercitatione correxit, cogēs niues & frigora pati, vada fluminū pedibus traicere, timidos subinde exprobando, & ignauos, frangendoque dilicatoris lasciuiorisque vite usus, & parum necessaria expeditioni vasa. Curauit præterea Cyrus ut nunquam milites nisi sudore præuio prandium fumerent aut cœnam, idque aut venatione fiebat, aut alio iniuncto opere, quod egens festinatione sudorē eliceret. Mithrydates rex Ponti per hyemem ocio marcere milites nunquam passus est, eos namque ac se ipsum continuo tectis haud quaquā vrbis, sed castrensibus tenuit: neque verò ludis nisi acerrimis membra indies exercuit, assuetus feras cursu persequi & viribus nonnunquam congredi, ne Zephyro ad bella vocante vires per blandimenta languerent. C. quoque Cæsare quæ ultra quam credibile cuiquam videatur laboris patientē fuisse constat, tyrones domi per equites perque etiam senatores armorum peritos, instructos legimus, ad eosque scripsisse persæpe, quo singulorum curam disciplinamque susciperent: nec tyronibus solum, sed militibus etiam suis, ac vniuerso exercitui die noctumque subtrahebat, augebatque iter, quo per segnitiam & inertiam subsequentes defatigaret: quæ omnia silentibus bellis animaduertēs Probus Aurelius, in negotio versari milites suos quam in ocio ne languerent, fatius fore duxit, fabricis nunc vrgendo nouis, altis nunc extruendo turres, nunc aquosa deficcando loca, nunc templa quæ vetustate corruissent restaurando, aut noua & pulcherrima constituendo atque colendo. Saltationem quoque domi à Lacedæmoniis, admissam inter exercitationes ad bella vtilis fuisse, memoriæ proditur, quam Socrates apud Græcos probat: & maiores nostri, nec inhonestam, sed necessariam simili modo putant, quum apud eos saltationem in armis habitam & ab ipso tripudio saltatorios alios denominatos constet. Et quanquam vno eodemque tempore tribus nobilissimis ciuibus, non modo studium saltandi, sed etiam peritiam qua gloriarentur fuisse non dubium sit, Gabinio scilicet consulari, Ciceronis inimico, quod ei etiam Cicero non dissimulater obiecit, & M. Cælio, noto in turbas viro, quem idem Cicero defendit, & Licinio Crasso, Crassi eius qui apud Parthos extinctus est filio, Crispus tamen Salustius, spectata veritate historicus, Semproniam, nobilissimam fœminam reprehendit, non quod saltu valeret, sed quod eiusce rei singulare quandam peritiam & eruditionem habuerit:

& Scipio vt Senecæ verbis vtar, eo in libro qui de animi tranquillitate inscribitur, triumphale illud & militare corpus mouet ad numeros non molliter, sed infringens, vt nunc mos est etiam, in celsu ipso vitra muliebre molliem fluente. Sed vt illi antiqui viri solebāt inter lusum, ac festa tempora virilem in modum tripudiare, non facturi detrimetum, etiam si ab hostibus suis spectarentur, nec tibi, Sigismunde, huius & illorum saltationis studium turpitudini fuit, simili modo exercere prodireq; in medium, ac modo aperta fronte, modo personata nonnunquam populo esse spectaculo, hac ratione tua quod nulla pars corporis in saltatione, vtī sæpe & physice quidem dicere soles, ociosa sit, sed collum vnā & crura & manus exerceatur exerceriq; debeant, per eū qui sit corpus agilius & ad omnem militarem motum ac celeritatem promptius habiturus. Præter hoc Nembroth, vel vt alii perhibent, Apollinis Dianæq; inuentū, venandi studiū summo pere probare etiam soles, quod parum tibi quid à iusto differre bello videatur, quum opus sit feras insequi fugientes, locorum asperitatibus, abruptis & inuiis moueri, maximos labores capiendi studio subire, abstinere à multis, ætus & algores pati, sitim ac inedia tolerare, commoueri deniq; animo quum sint manus conferendæ cum feris, cominusq; congregiendum, his causis honestissimis, nec ad illecebras tantum & animorum relaxationes, antiquorum plurimos ac quidem grauissimos inhæsisse percelebre est: nam fixerit ceruam licet, aut Erimanti nemora placarit victor Alcides, aprum Calydonis regionis vastatorem strauerit Meleager, fuderit auctor romani generis ceruorum corpora, non voluptati suæ sed publicæ utilitati prospexere. Cyrus simili modo publicæ utilitatis militarisq; disciplinæ gratia eos ipsos qui aptiores bellis videbantur, venationi assuefaciebat, propterea quod id genus exercitii plurimum bellicæ rei conducere ad exploranda itinera, & diuersorum locorum anfractus non dubium sit. Prætereo Alexandrum, Sertorium, M. Antonium, Alexandrum item Seuerū, Hadrianum, Tacitum, pluresq; alios superioris temporis imperatores ac duces maximos hoc exercitii genus summo quodam studio prosecutos: quos verò species illa venationis oblectat, vt aues auibus insequatur, si tamē hoc genus aucupii venationi censeas annectendum, mitiori quidem studio exercentur, sed non impari leuitate ac voluptate. Huius autem exercitationis auctorem sunt qui Macchabæum, egregium belli ducem, fuisse confirmant. Ab antiquis autem secularium historiarum scriptoribus fidē sumentes, Vlyxem perhibent, qui primus excisa Troia armatas aues attulit Græciæ, quas sua vi quadam & grata intuentium admiratione, duce natura in cognati generis exitium animauit. Nam quū accipitres passim auibus insidientur, easq; rapiant, alii ex terra solum, alii non nisi circa arbores volitantes, alii sedētes in sublimi, aliqui volantes in aperto, in Thraciæ parte super Amphipolim homines & accipitres societate quadā aucupantur. Hi enim ex syluis & arūdinetis excitāt aues, illi superuolantes deprimunt: rursus captas aues diuidunt cū his, traditūq; est missas in sublime ibi accipere eos, et quū tēpus sit capture, clāgore & volatus genere inuitare ad occisionē. Piscationis autē vsus & modestior est, quē nec aspernati sunt plures & qdē magni viri, Augustus præcipue & M. Antonius, qui ob laxandū animū, piscari sæpius hamo soliti feruntur: quamquam

quanquā & honestior forte, & probāda magis illorū vita fuerit, de qua inquit Na-
so, Piscis adhuc illis populis sine fraude natabat, Ostreaq; in cōchis tuta fuere su-
is: Nec Latiū norat quam prębet Ionia diues, Nec quę pygmeo sanguine gaudet
auis. Natandi peritia propter maritima etiā bella his adhibenda videtur, quū
& periculis liberare milites ac duces plerūque soleat, & ad quęq; clarissima faci-
nora audaciores reddere, ideoq; maiores nostros cāpū martiū Tyberi finitimū
delegere quo & milites tabē omnē sudorēq; illū Martiū atq; squalorem armorū
exercitio cōtractū diluerēt ac natādo laborem deponerēt. Huius rei peritia Serto-
rius, Romanis aduersus Cymbros male pugnātibus, amisso equo & vulnere in-
super accepto, Rhodanū amnē cū thorace & scuto per aduersos fluctus, & flumi-
nis vortices, toto corpore atq; omnibus vngulis vt dicitur plurimū innitēdo tra-
iecit. Simili modo Iulius Cęsar quum Alexandria circa oppugnationem irrum-
pentisq; multitudinis impetum pressus scapham conscendisset, mox pondere se-
quentium pressam ac porròmersam per ducentos passus ad nauem, vna manu
elata qua literas deferebat, natando peruenit, sicq; vt sint qui paludamēto in flu-
ctibus dimisso enataste illum dicant: idq; seu fortuitò, seu consultò, vt hostes in
illud sagittis ac lapidibus intentos faceret: sintq; qui paludamentum mordicus
trahentem, ne hanc quidem gloriandi materiam hostibus reliquisse confirmēt:
hæc tamen vulgarior & certioribus testibus suffulta sententia est. Nā de eo nul-
la est cōtrouersia, eleuata illum sinistra manu natauisse, ne libellos quos ea gesta-
bat, maris aqua perfunderet. Huius discriminis forte memor Augustus, ea in re
nepotes suos ita studuit erudiri, vt & ipse plerunque per sese doceret. Talia porrò
exercitia recipienda sunt quæ ad imitationes eorum quæ postea seriò erunt faci-
enda, accommodari possint, nec faciāt exercentem habentēque, vilis exercitiū
operatorem: vile autem exercitium putandum est quodcunque corpus aut ani-
mum, siue mentem deterius disponit, vt mercenariorum turba plurima, & quæ
sordida nuncupamus: mentem enim non expeditam, nec ad opera bellica vti-
lem, sed vilibus occupatam reddunt. Illud simili modo vnū nec prætereundum,
tanquam omnium vtilissimum, equos scilicet ad equitandum idoneos, sed inex-
pertos laboris, celeriter confici necarique solere, proinde equitem oportere fre-
quenter eos agitare, & quoniam frena & phaleræ ex loris confecta maxime vsui
sunt, nunquā sine illis incedere: sicq; parua impensa permagnum sibi præsidium
comparare poterit, & gloriosius in omni bellico certamine victor euadere

De Ocio militari

Cap.

III



Erūm quoniam clarorum virorum atq; magnorum nō minus ocii
quā negocii rationē extare oportet, quum nihil pene sit in opere na-
turæ quod non exemplo dierum ac noctium, aliquas vices feriarum
velit, huic ipsi modum finemq; præscribamus. Primum itaq; quum
permultæ sint animorum huiusmodi relaxationes quæ aliquo studio fessos leua-
re possint, vigorēq; animi ab omni tristitia & pertinaci laboris cōtinuatione fe-
riatū hilariter discutere, in ocio & cessatione id potissimū erit, ne quid illiberali-
ter, ne quid petulāter, ne quid flagitiose, ne qd obscene, molliter, impudenter ac
improbe suscipiatur. Sec quicquid id erit, sit vrbānum, sit ingenuum, sit facetum,

F iii

&

& eiusmodi denique in quo aliquod probi & generosi animi lumen eluceat, vt quę apophthegmata & scōmata vocant, quibus Augustus Cæs. Adrianus aliique permulti ferocissimi & bellicosissimi viri maxime Lacedæmonii vsi perhibētur. Apud hos enim inter cætera exactę vitę instituta hoc iocandi genus à Lycurgo institutum est, vt adolescentes & scommata sine morfu dicere, & ab aliis in se dicta perpeti discerēt, vnde si quis eorum in indignationem ob tale delictum prolapsus fuisset, vltius ei in alterum dicere non liceret: quæ res quantum sit vtilitatis allatura, qui Lycurgi vitam legerit facile inueniet. Licebit etiam variū vitæ genus habere, modo ruri esse, modo in vrbe, sæpius in agro quiescere ac deambulare, vt Scipio ille qui primus Aphricani nomē gestis rebus & virtute meruit. Quippe qui spiritum domitorem gentium, & aures castrorum strepitu & tubarum fragoribus oppletas huc referre consueuerat, non vt virtus ocio langueret, sed vt sese mens varietate negotiorum discreta colligeret. Quamobrem nec sibi vnquam ociosus, neque sibi solus vnquam videbatur. Huius nepos & ipse Aphricanus Scipio, sicut laboris & exercitii supra fidem patiens, sic ocii & solitudinis cupidus, solus sæpe cum Lelio rusticari peregrinariq; solitus, interdumq; littoribus vagabundus, expugnatricem illam Carthaginis Numantiæq; dextram ad marinas conchulas calculosque legendos inclinasse, eosque, vt Ciceronis verbo vtar, incredibiliter repuerascere esse solitos, quum rus ex vrbe tãquam è vinculis euolassent. Q. Mutius Scevola diuini pariter & humani iuris illa ætate consultissimus, à procellis fori fugiens in ocium, & alæ, & calculorum ludo fertur operam dedisse, eaque vicissitudine rerum mole prægrauatum ingenium releuasse. Quanquam eo in genere probandi forsan magis sint idem Q. Mutius Scevola augur, & Lycon philosophus, qui optime pila luisse dicuntur, quòd forensibus causis interpretandique iuris ac rerum naturalium labore fatigati, ad hoc præcipuum ocii genus recreandarum virium cōfirmandorumq; laterum gratia sese conferebant. Dionysium quoque Syracusum hoc etiam ludo delectari solitum accepimus, & diuum Augustum post finem ciuiliū bellorum ab exercitiis campestribus ad pilam transisse, & M. Antonium, Verum, Augustum, Marcumque Aureliū Antonium, qui vt de eo scriptum est, pila quoq; lusit apprime. Calculorum quoq; lusus quorundam iudicio nec indecens habendus, quum & pugnae bellique speciem præferat hostilisq; certaminis dicente Ouidio,

Discolor vt recto grassetur limite miles

Quum medius gemino calculus hoste perit.

Vt mage velle sequi sciat & reuocare priorem,

Ne cito fugiens incommitatus eat:

Qui ludus proinde q̃ pauculis lignis sit, vagis ac furtim insidiantibus atq; latrocinantibus, Latruncularius ludus apud veteres dicebatur. Vnde Martialis, Infidioforum si ludi bella latronum,

Geminus iste tibi miles & hostis erit.

Et quanquam probent hoc alii, ex eo quòd ingenii multa meditatione excitare acumen videatur, ex eo mihi quidem videtur magis improbandus, quum nihil sit temporis amissione infelicius, nihil deterius eo in quo minimū proficias, plurimum

rimum cum labores. Posset enim motus animi, & mentis agitatio illa quæ ibi frustra distrahitur, rebus magnis, seriis & melioribus accommodari: unde non ab re præter Scæuolam & Augustum apud maiores nostros hoc ludo ludere quoque simias solere, auctore Plinio, memoriæ proditum est. Tabularum verò ludus nec aspernandus nobis videtur, quem Palamedes troiano bello ut Varro tradit, iccirco inuenisse legitur, ut vel hoc negotio milites occupatos teneret, taliq; ludo auerteret à seditionibus exercitum. Iocundum quoque & fructuosum est alearum nosse certamen, cuius similiter studio Claudium Cæsarem libro de ipsi edito teneri quondam nouimus. Legimus & Neronem & Domitianum, Verum, Commodum, & Augustum Cæsarem imprimis, tantum huius rei cupidum fuisse, ut de bello siculo mordax epigramma huiusmodi inuulgatum sit, Postquam bis classe victa naues perdidit Aliquando ut vincat ludit assidue alea. Huius etiam volupate certaminis Ptolomæum & Alexandrum pluresque alios grauiiores curas nouimus delinisse, idq; inter ludendum egisse ut cum laude & gloria maioribus negociis aptiores postea redderentur: quod si aut cupiditatem sequitur, minime liberale: aut indecentem viro mollientem illam quam Athalus Asiaticus dicitur inuenisse, quanquam Asiæ regno exciso inter manubias non sub vna specie migrasse ad Græcos ferunt, damnosum tanquam ac iurgii plenum fugiendum esse, & leges iubent, & his verbis Naso non reticet,

Sunt aliis scriptæ quibus alea luditur artes,

Hoc est ad nostros non leue crimen auos.

Quid valeant tali quo posses plurima iactu

Figere damnosos effugas ve canes.

Alius verò aleæ ludus, cum ære quodam pueri denarios in sublime iactantes capita, aut nauium lusu teste vetustatis exclamant, quid criminis turpitudinis in se habeat nec video neque intelligo. Addit etiam Herodotus Talariū ludum & sphaeræ, Lydos fame oppressos quasi solatia quædam inuenisse. Altera enim die ludebant, alia epulabantur, atq; ita duo de viginti annis fecisse, quæ si non ad voluptatem comparata sunt, similiter improbanda minime puto. Non igitur ad tam varias huiusmodi ludorum species, atque iocorum, tanta clarorum hominum, ducum, ac principum cupiditas tenderet nisi voluptatem quandam

natura insitam, lusus, iocusq; haberent, quum constet vitam in laxa-

tionem & studium diuidi oportere, ob hocque non solum lucu-

brationes & vigilias sed etiā somnos inuentos esse, non tur-

bines & tempestates, sed temperies: nec bellum rursus,

sed pacē & inducias: nec laboriosas semper actiones,

sed celebritates quasdam à legum cōditoribus

institutas quibus ad hilaritatem homi-

nes publice cogentur.

Finis Quarti.

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Quintus.

*De quadruplici uirtutum specie & earum distributione, quibz
in his bellorum duces clarissimi habiti sint.*

Cap. I.



Mnes, Sigismunde Pandulphe, omnium penè disciplinarum institutiones, naturam & exercitationem, quæ sine dubio plurimū iuuāt, in superioribus libris attigisse satis visum est, nunc vberiore quadam comprehensione per omnes quidem species virtutum exemplorūque ire qui poterunt, magis proficient: maxime si ducum atque imperatorum quilibz consilia, quæ Greci stratagemata appellant, multaque multorum grauitè, argutè, facetèque dicta, vt ea quæ à sene Catone collecta sunt, quæ vocāt apophthegmata, & ratione, & loco, & tempore vsus diligenter inspiciet. Nam & omnium quacūque docemus exempla potentiora & efficaciora sunt, etiam ipsis quæ traduntur artibus. In his enim mirabilem quandam ac variam, illis excogitandi generādiq; similia opera nostri duces & imperatores sument alimoniam, quum nihil (vt ita dixerim) ante prælium, in prælio, post prælium, strenuum, memorabile, clarum, vafum, callidum, continèter, constāter, benigne, liberaliter, innocenter, magnifice, sapienter, cum laude & virtute dictum factūue, quod non hinc legentium animos facile possit irrepere. Non alienum igitur erit, ea primum virtutis exempla pertinere, cuius quidē nota omnibus quadripartita distinctio est. Nam & callere ducem oportet & quid agendum, non solum in prælio aduersus hostem, ceterum vbique, & cum omnibus industriū esse: neque enim semper duces pugnant, immo sæpenumero per inducias, aut casu aliquo positis armis, cum amicis aut hostibus colloquuntur: vbi in eligendis aut reiiciendis rebus falli, agreste, vel subrusticum aliquid, & ineptum loqui, imprudentis & insulsi est. Enimvero ne in id plabamur, naturæ comitas, affabilitasq; præstabit: in qua primus omnium Africanus maior, inde Augustus, Vespasianus, multiq; alii ex nostris, Pompilius rex Romanus, & Fabius maximus, & Catones duo clari sunt. Adde his Marcū Antonium, longe prudentissimū: eum inquam qui Physicum maluit quàm Cæsareum cognomen: Ex alienigenis Cyri ambo, Pœnus Hannibal, & Ponticus Mitrydates. Et hæc quidē prudētiæ virtus in tres partes distributa est: memoriā enim, intelligentiā, ac prouidentiā affert, quæ tres oculos in totidē quoq; tempora, mira rerum distantium connexionē defigunt: memoria quæ rerum gestarum, locorum, temporū ac personarum meminit, quis præter ceteros fuerit insignis haud facile dixerim, permultis gloriam eius adeptis. Diuo Iulio Cæsari, hoc imprimis

imprimis ab hostibus datum scio, vt memoria polleret eximia, de quo inquit Cicerone q̄ nihil soleret præter iniurias obliuisci, quippe qui huius rei quoq̄ beneficio, & legere simul & scribere, & audire, & epistolas ex tempore tantarum rerum duobus librariis & pluribus vt Oppius, vt alius historicus quidem & orator insignis inquit, quaternas, vel vbi nil aliud ageret, septenas dictare solitus sit. Mirifica profecto res, tam facile singulis adesse, tam fideliter omnium reminisci. Nec sum nescius huius quoque rei singularem Q. Fabio Max. laudē contigisse: inter multa nimium quæ viri illius gloriam extollunt, hoc non in vltimis posuerim, quòd ingenti quadam fuit notitia vetustatis, de quo est apud Ciceronem, quòd omnia non domestica solum, sed etiam externa bella memoria complectebatur: itaque minime miror, quòd bello punico secundo dicta eius consiliaq̄ tum in populo, tum inter primores patrum pro oraculis habebantur. Vere enim mihi videor dicturus, qui multa superioris temporis memoria tenuerit, fore quodam modo futurorū vatem. Sed quum duplex sit memoria, altera rerum, verborum altera, primam qualem in Fabio modo retuli, talem in L. Lucullo, amplissimo & imperatore & philosopho admirabiliter viguisse comperio. Alterā atque secundam habuisse videtur Scipio. Ex omnibus enim gētibus ac sæculis nullum in hac re facile sibi prætulerim, si modo verum est quod tradunt, ipsum etiam populo Romanum nomina reddidisse: quæ res quidem penè incredibilis est, nisi eam permulti clari auctores, inter quos Plinius secundus in naturali historia, id proprio testimonio confirmassent. Fuit et Adrianus ingentis & mirificæ memoriæ, quippe qui & libros statim lectos & ignotos plurimis memoriter redderet, vnòque tempore confabularetur, scriberet, dictaret, audiret. Ab occasu ad orientem verso, Themistocles, Graiæ gentis primus occurrit, qui inter grauissimas occupationes, publicas & priuatas, cunctorum suorum ciuium nomina Athenis natus, memoria tenebat, stupendum profecto negotium, nisi L. Scipionis mentio perfecisset. Cyneas quoque Pyrrhi regis nuncius, clarissimam excellentiæ huius gloriam consecutus est: legatus enim senatui Romano postero q̄ ingressus est urbem die, nouus homo & ab ea patria alienus, vniuersum propriis senatum nominibus salutauit. Sunt qui equestrem ordinem, sunt qui urbanam omnem circumfusam senatui plebē adiciant. Præclarum sanè facinus, operosum ac diligens, etiam si ob aliud Romanam non venisset. Cyrus porro, Persarum rex, etsi maximis exercitiis præesset, omnium tamen militum nomina meminerat. Mithrydates denique, vt auctori Noctium atticarum, A. Gellio, quinque & viginti: vt Plinio, duarum & viginti: vt verò nepoti eius, eo libro qui de viris illustribus inscribitur, quinquaginta gētium quæ sub imperio eius, linguarum notitiam habuisse perhibetur, & iura cui-libet patrio sermone reddidisse, & in concionibus singularum nationum interpreterem haudquaquam illi fuisse: quæ res & illū militibus, & hunc populis suis acceptissimum fecit. Intelligentia in rerum præsentium cognitione sita est, hac qui fuerit præditus imperator, non aliena sed vera & immortalis mihi laude probandus videbitur, cui consentaneum illud erit quod Accius Vlyxem probas in Philocteta suo, & in eius tragædiæ principio inquit, Inclyte parua prædite patria, nemine celebri claroque potēs pectore, achiuis classibus auctor, grauis Dardanis

danis gentibus ultor, Laërtiade: nouissime patrem memorat, verum omnes laudes eius viri non I aërtes, nec quisquam alius sibi vendicat, sed virtus eius ducis focia: nec aliud in eodem Vlyxe monet Homerus, qui semper ei comitē voluit esse prudentiam, quam poëtico more Mineruā appellauit, quod ea comite Vlyxes horrenda quæque subiit, aduersisq; omnibus præfuit. Ea nāq; adiutrice, Cyclopis antrum introiit, verum egressus est, Charybdim & Scyllam præternauigans nec retentus nec ereptus est, ad Lotofagos profectus est nec remansit, Sirenū cantus audiit, & Circes nouit pocula, quæ si cum fociis delinitus, stultus cupidusque bibisset, Sub domina meretrice fuisset turpis & excors, Vixisset canis immundus & amica luto sus, vt Flaccus inquit. Sic Homeri in cunctis imitator Maro, virum insignem armis & pietate describens, & quem dignum censuit vt patrem faceret Romanorum, in recte gerendis omnibus ei Achatem sociauit, vt circūspecto duci sic negocia procedant, vt nullis insidiarū dolis præpediatur, & quasi inuisibilis, gerendorum via non vulgata ad finem intentionis accedat. Eleganter equidem, quum nec res militaris, nec pietatis opus sine sollicitudine & prudentia exerceri queant, hanc subdistinguere visum est nobis: est enim quoddam hominum genus percipiendis literis quàm aptum, quos præcellenti ingenio, & vfatiori nomine ingeniosos appellamus, quāquam in actibus humanis hebetiores sint nonnunquam mentis acumine: quum alii econtra ad res gerendas acutissimi, perceptioni literarum inhabiles habeantur, quos vel sagaces, vel cautos, vel solertes, vel astutos non alienum est appellare, quibusq; magna pars conuenit eorum quæ græco vocabulo stratagematicon appellant, vbi in re bellica pro negotii qualitate præsens subito capitur consilium, ad effectūq; perducitur. Quod quia negotio perficitur, dixit quidam romanæ linguæ disertissimus auctor, neq; illi tamen ad cauendum dolus aut astutia deerant. Et Crispus, compertum esse in bello plurimum ingenium posse. In hac itaq; ingenii & intelligentiæ parte, si recte diiudicare voluerimus, nec nosmetipsos amore nostri decipere, iam videbimus manifeste tempora nostra haudquaquam antiquis respondere, nisi forte Pyrrho, & Hannibali, aut Fabio Maximo, aut Marcello, aut Iulio Cæsari sæcula nostra pares aliquot aut cōparandos queant afferre. Est autem quū in longum tempus consilii effectus extenditur, vbi locum sibi vendicat prouidentia, quæ tertia prudentiæ pars est, per quam non tam præsentia quàm ex præsentium & præteritorū collatione futura noscuntur. Sequitur fortitudo, viri fortis maxime propria. Sed hæc quoque duplex est, altera animi, de qua sermo nobis post est habendus, altera corporis: sub hac membrorum robur, agilitas & quinque integritas sensuum colligitur: neq; enim dux inualidus, quanquam idem doctus, obeūdis muneribus bellicis aptus habebitur: utilis ille consilio, non pugne: domi verbis aptius, ac fœlicius, quàm in castris decertabit. Quæ res Africani magni filium virtute animi patri æqualem, doctrina verò etiam altiore, inhabilem bello fecit. Contra neque præualidus, si nimia corporis mole grauabitur, repente poterit variis in locis, vbi res exiget, cohortandis militibus, propulsandisq; periculis adesse, neque rursus cæcus, vel surdus, vel hostium, vel suorum statum circumspicere, ex dissonis vocibus clamorēque militum quid in re, quidue futurum, iudicare

care queat. Huius proprium esse aiunt, exercitus ducere, aliena vastare, delere vrbes, oppida excindere, liberos populos aut trucidare aut subiicere seruituti, ex quo plura hominum milia afflixerit, spoliauerit, substulerit, cruore cāpos inundaauerit, fluminaq; infecerit, & maiora quæq; fuerit aggressa, eo magis nomen illius illustrari. In hac præpollentis virtutis parte, apud externos clarum nomen habet Pyrrhus, Hannibal, & Masinissa. Ex his verò hominibus qui prodigiosa virium ostentatione gloriantur, Polydamas & Milo omnium certaminum victores, palmam secum auferunt: horum enim alter ante olympicum certamē, currus sistere currentes, & manibus, contrā nitentibus iumentis, obnixis retinere solitus est: alter in clypeo vncto perstare, neq; solum depelli ab eo vlla vi posse, verum non secus ac statua quædam plumbo affixa resistere. Tritanum quendam etiam legimus, qui ludo Samnitum gladiatorio, leui tactu aduersarios omnes vicit, eius quoq; filium Cn. Pompeii militem, tam parui fecisse hostem prouocantē, vt inermi eum dextra superaret, & digito vno correptū in imperatoris sui castra trāfferet. Firmum Saturnium robustum etiam adeò fuisse ferunt, vt Tritanum huius parentem, cuius Elius in prodigiosa fortitudine meminit, viribus superaret: nam & incudem superpositam pectori, constāter pertulit, quum ipse recliuis ac resupinus, & curuatus in manus, & terga, pēderet potius quā iaceret. Ex regibus verò nostris & ducibus insignes habentur Tul. Hostilius, romanus rex, nec non vterq; Afrfricanus & Marius, Mariusque tyrannus, Iulius Cæsar, & Papyrius cursor deniq; ac Maximus, quorum alter nactus ex pedum pernecitate cognomen, alter ex viribus, quum alii Crotoniatem eum Milonem, alii Herculem, Antæum alii vocarent. Nunc superest vt de reliqua fortitudinis specie differamus, cuius munera hæc maximè sunt, mortis scilicet dolorisq; & asperarum terribiliumque rerum contemptio. Et quanquam hanc multi ducum propriam militarēq; virtutem opinentur, quum sit omnium, in bello tamen clarior inter mortes & vulnera emicat. Huius virtutis ante alios inuictum habitaculū Roma fuit, proximum Lacedæmon & Carthago. Hic ex nostris primus occurrit romanę sapientiæ princeps Cato, cæteris multorum eruditorum sententia maxime præcellens, Cleātem, Chrysippum, Zenonem, Empedoclē secutus credo, qui omnes, alia licet persuasione, sponte sua læto caput obuui obtulere: tametsi nullam in Catone fuisse, verū omnem potius cessisse fortitudinem asserant alii, præclaro ingenio & præstanti doctrina viri: & quū propriū virtutis huius partis sit, à se & à recto rationis tramite non discedere, nec in rebus asperis perturbari, ac deiici, sed persistere, Fortitudinem asserentes non vmbrailem eam esse, quę contra naturā, monstri vice nititur, vltraque modum eius egreditur, aut stupore animi, aut immanitate, aut insania, qualem fuisse accepimus ferum quendam in ludo Cæsaris gladiatorem, qui quum vulnera eius à medicis execabātur eo fuit habitu oris vt superante lætitia dolores, ridentis etiam speciem præbuerit, sed eam veram & probam quam Socrates & maiores nostri scientiam esse dixerunt tolerandarū rerum & non tolerandarum: per quod apparet esse quædam intolerabilia, à quibus fortes viri aut obeundis abhorrent aut sustinendis. In hac etiā ex nostris, Iulius Cæsar, à nobis sæpe dictus dicendusq; nobis occurrit, occurrunt Afrificani duo, Pauli

totidem,

totidem, Macedonicus & Cannensis, Claudius, Marcellus, Claudius, Nero, Tib. Gracchus, C. Marius, Drusus & Germanicus cæsares, Titus & Traianus principes. Ex vetustissimis autē, primus et tertius romani reges, necnon ex equestri ordine Oratius cocles, L. Siccus dentatus, tribunus plebeius, M. Sergius, innumera- bilesq; alii, si singulos quosque prosequi libeat, quum plures vna gens in quocun- que genere eximios tulerit, quā cæteræ terræ. Externi verò Lacedæmonius Le- onidas, Atheniensis Mylciades, supraq; nominati Themistocles atq; Epaminū- das, & ex antiquioribus, Liber, Hercules, Theseus, Achilles, Hector, Tydeus, Dio- medes, Ajax & virgilianus Aeneas: Hannibal quoq; genitorque Amilchar, & germanus Hasdrubal, Alexander Macedo, & huius genitor Philippus, & auun- culus Alexāder Epirensis, & Pyrrhus etiam ipse Epirotarū rex de quo suprà di- ximus. Hebræorum insuper, & imprimis Dauid, Iosue deinde & Iudas porro. Nec me fallit eam licet virtutē Aristoteles ipse pertulerit, quiduisdam videri pos- se ethicum me virtutum perturbasse ordinem, non solum prudentiam his annu- merando, verum etiam fortitudinem iustitiæ præferendo militarem, quum sæ- penumero iustitia longe præfulgens, perfectaque virtus ad alium maxime cen- seatur: quod non ab re, sed de industria quoq; factū esse scito. Est enim viri pro- pria maxime fortitudo, sola inter cæteras mascula, plena spiritus, plena vigoris & animi: honoratissimam verò eam esse omnium virtutum, Aristotelis sentētia ex eo patet, non quia optima sit, verum propter ea quæ in ea sunt optima & vti- lia: quas ob res imperatorum simulachra defunctorum, militari fere habitu insi- gniri, obeliscos, columnas & pyramides arcusq; triumphales erigi, & posteritati consecrari videmus, quasi præcellentissimū sit, in eo genere laudis ac virtutis po- tissimum claruisse, Et quanquam fortitudo hominum cætus maxime protegat, non minus & iustitia vna omnium domina & regina virtutum, etiam ducum propria censeri potest, quod sola hominum cōuentus regit, quod fœdera societa- tis humanæ cōtinet, quod seruare non amicis modo, sed hostibus fidem monet. Quūque nihil fraude vtilius, nec dolo efficacius in his quæ in bellis p̄sperè at- que ex sententia gesta sunt, quæ plurima ac maxima esse comperies, & quorum gratia aut repudianda imperia sunt, aut vnā cum suis artibus obeunda, sunt qui hac Xenophontis sententia frāti, in eo libro qui equitum præfectus inscribi- tur, licere sibi existiment hostē nedum bello fallere, sed à diis immortalibus ipsis vt posse contingat precandum, omniq; studio fraude vel virtute innitendum, iuxta illud Corebi apud Maronem in illa turbulentissima nocte troianæ capti- uitatis post Androgei mortem inquentis,

Mutemus clypeos, Danaūque insignia nobis

Aptemus: dolus an virtus quis in hoste requirat?

Sint licet qui detestādum id omni tempore putent, mutationē illam clypeorum, & reliqua non grauissimi poētæ, sed adolescentis ore dictum censeri debere affe- rentes, quod malum & antiquū et nostri temporis est, seu illa ignauia est ducum, seu militum insolentia, auaritięque rabies, vtraque sentētia militantiū ducumq; animis extirpanda est, vt hostibus seruetur fides, amicis humanitas, vtrisque iu- stitia: vt & illis nō nisi seruato decore noceas, & his nullo penitus noceas modo.

Nam

Nam quid turpius, aut quid usquam sceleratius, quam nō documento his esse quorum tutelae ac praesidio euocatus sis, quam ex custode raptorem, ex cane lupum fieri? Huius gloriae prima in parte clarissimi habentur Fabricius, & Camillus, & Regulus, quorum primi duo quā possent dolo vincere, noluerunt: tertius, ne aut damnosus esset patriae, aut infidus hostibus, crudelissime mori elegit, inter quos hostibus praestitae fidei seruatores, haud praetereundus est Cassius: in altera autem hi sunt quibus modicum fuit à suorum iniuriis abstinere, nisi ultro pro eis morentur. Ex his Romae Curius & duo Decii, Athenis autem Codrus, Carthagini Philenes fratres sese ante alios offerunt, quorum primus ut terrorem publicum sedaret, secundi ut victoriam labentemque aciem firmarent, tertius patriam instanti excidio eriperet, quarti ut fines patrios prorogarent, ad mortem voluntariam sunt profecti, utque ciuibus suis bene esset, ipsi esse noluerunt. In utraque verò Magnus Pompeius etsi ad hunc vnum Cicero omnes bellicas laudes & quaecunque de his quibus egent duces ut summi sint aut diximus aut dicturi sumus, cumulatissime comparat: iure id quidem meritoque, sed si cui maxime suum tribuitur, verè Magni Pompeii laus est bellica iustitia simulque & cognita inter victorias & triumphos continetia, quae ad eam de qua hic aggrediar dicere virtutem referenda est, si vnum quod nunc ad iustitiam spectat adiecero, esse beneficentiam ac liberalitatem pulcherrimas ducum & imperatorum vestes, quibus indecora plurima tegi possunt: hac lul. Caesar praestit cunctos gloria, neque enim quisquam, si Senecae verba teneo, liberalius victoria usus est, ex qua nihil nisi dispensandi, potestatem sibi vindicauit. Apud externos Alexander primum locum tenet, ut Graeci volunt, neque nostri obstant: quanquam Philippus pater in Alexandro qui largitione, beniuolentiam Macedonum sectabatur, profusionem illam pecuniarum his verbis insecutus est, Quid te, malum, rationis, inquit, in istam spem induxit, ut eos tibi fideles putes quos pecunia corrupisses? an tu ideo agis ut Macedones non te regem suum, sed ministrum & praebitorem putent? quod quidem regi sordidum esse non ambigis, & corruptelam quam largitionem potius dici: fit enim deterior qui accipit, atque ad idem semper expectandum paratior. Quid autem est stultius, quam quod facias libenter, curare ut id diutius facere non possis? largitiones immoderatas rapinae sequuntur, quum enim dando egere coeperis, bonis alienis manus coegeris inferre: itaque quum beniuolentiae comparandae causa sis prodigus, non tanta studia assequeris eorum quibus dederis, quanta eorum odia quibus exemeris: quamobrem nec ita claudenda est res familiaris ut eam benignitas aperire non possit, nec ita referenda ut omnibus pateat, sed vtrinque modus adhibeatur, isque referatur ad facultates. Quarta nunc mihi superest Modestia quam temperantiam vocant, cui adiacet ipsa quam paulo antè dicebam continentia, sine qua non dicam dux, sed nec quidem vir bonus usque fuit. Quia verò nunc de ducibus sermo est, quid oratio perita literarumque cognitio, quid magnanimitas, quidue omnes aliae imperatoriae artes profuerint, si auaritia, si libidinis aut gulae imperio dux victus, abiecto freno quo exercitum regat, se suasque legiones praecipitet, & in pestem trahat, quo sepe multi cum omnibus copiis periere? Haec igitur singularis, & propria virtus est Pompeii, in qua si imitari eum

G

collega

collega eius Crassus voluisset, nunquam ipse cum filio, & cum tanta ruina imperii cecidisset. Probat hanc romani ducis cōtinentiam atq; modestiam templum Hierosolymæ opulentissimum, sed ab hoc intactum duce, ab altero spoliatum: probant & alia multa, quorum pars in verbis Ciceronis apparet quæ mox inferam. Accedit his mansuetudo quædā, & suauitas, facilitasq; animi, in qua Aphricanus & Iulius Cæsar excellunt, hac ad conciliandos animos hominū nihil efficacius. Est huic confinis æqualitas quædam, familiaritasq; cum exercitu, quæ res maxime milites ducū amātissimos effecit, in qua notus Valerius Corvus & Marius ex nostris, ex externis Hannibal: & hæ quidem artes beniuolentia & amore, sicut obieciæ, seueritas atque imperiositas exercitum ac subiectos metu frenant. His artibus Mar. Curius, & Q. Cincinnatus, & Papyrius cursor, & Fabius Max. notissimi, sed nullus in ea re Iunio Bruto Manliq; par Torquato, quorum primum publicæ libertatis amor impulit vt proprios filios à se depulsæ tyrannidi fauentes, feruenter virgis cæsos, securi percussos ad mortem ageret: secundum vero castrensis disciplinæ studium coëgit vt præclara indole adolescentem filium quod iniussu eius in hostem pugnasset, quanquam vnicum & victorem necaret. Additur huic seuerissimi facti comes, Posthumius Tiburtus, cuius ego ne prætermissem potius, q̃ vt asseruisse rem tantā videar, mentionem fecerim: apud quosdam enim scriptorum certa res, apud alios facti eius in ambiguo fama est. His tam multis & patientia iungitur eaque multiplex, hæc dolores corporis æquanimitè perfert, illa quasi quoddam vulnus aurium atq; animi, contumelias fert verborum, vtraque ducibus & militaribus curis accommodata: prima quidem fortitudinem, secunda verò ciuitatē respicit, atq; modestiam ipsam de qua sermo est: in prima Mutius, & Marius & Pompeius clari habentur, & Atilius quidam Cæsaris miles Massiliæ spectatus, & M. Sergius cum eisdem quibus supra comitibus: ex externis verò Cynegirus Atheniensis græcis historiis celebratus: In altera verò ro. imperatores Iulius & Augustus ex nostris, ex externis Philippus & Antigonus Macedonum reges, & Pyrrhus Atheniensis tyrannus: deniq; nostros atq; externos Magnus ille Pompeius omnes superat aut æquat, quo admoneor vt ex oratione quæ de eius imperio habita est, ac de imperatorum seu ducum continentia, deque his quatuor quæ in duce requirimus, M. T. Ciceronis verba paulo antè promissa subiiciam, quæ clementissime atq; inuictissime princeps, vel vsui vel voluptati maxime tibi fore, confido. Neq; enim ille, inquit, solæ sunt virtutes Imperatoriæ quæ vulgò existimantur, labor in negociis, fortitudo in periculis, industria in agendo, celeritas in conficiendo, consiliū in prouidendo. Et post hæc, Non enim, inquit, bellandi virtus solum in summo ac perfecto imperatore querenda est, sed multe sunt artes eximiæ huius administree comitesq; virtutis, ac primum quanta innocentia esse debent imperatores, quanta deinde omnibus in rebus temperantia, quanta fide, quanta facilitate, quanto ingenio, quanta humanitate: nec longe post, Propter hanc auaritiam, inquit, imperatorum, quantas calamitates, quocunque ventum sit nostri exercitus ferant, quis ignorat? itinera quæ per hosce annos in Italia, per agros atq; oppida ciuium Romanorum nostri imperatores fecerūt recordamini, quum facilius statueritis quid apud

apud exterarum nationum fieri existimetis, utrum plures arbitramini per hosce annos militum nostrorum armis hostium urbes, an hybernis sociorum ciuitates esse deletas? Neque enim potest exercitum is continere imperator, qui seipsum non continet, neque seuerus in iudicando qui in se alios seueros esse iudices non vult. Quibus dictis, ad Pompeii laudes versus, Et miramur, inquit, hunc hominem tantum excellere ceteris, cuius legiones sic in Asiam peruenerint ut non modo manus tanti exercitus, sed ne vestigium quidem cuiquam pacato nocuisse dicatur. Iam vero quemadmodum milites hybernent, quotidie sermo ac literae perferuntur, non modo ut sumptum faciat in militem, nemini vis affertur, sed ne cupienti cuiquam permittitur: hyemis enim, non auaritia profugium maiores nostri in sociorum atque amicorum testis esse voluerunt. Age vero, ceteris in rebus qualis sit temperantia considerate, unde illam tantam celeritatem, & tam incredibilem cursum inuentum putatis? Non enim illum eximia vis remigum, aut ars inaudita quaedam gubernandi, aut venti aliqui tam celeriter in ultimas terras pertulerunt, sed eum res quae ceteros remorari solent, non retardarunt: non auaritia ab instituto cursu ad praedam aliquam deuocauit, non libido ad voluptatem, non amoenitas ad delectationem, non nobilitas urbis ad cognitionem, non denique labor ipse ad quietem, postremo signa tabulas ceteraque ornamenta graecorum oppidorum quae ceteri tollenda esse arbitrantur, ea sibi ille ne videnda quidem existimauit: itaque omnes quidem nunc in his locis Cn. Pompeium sicut aliquem non ex hac urbe missum, sed de caelo lapsum intuentur. Nunc denique incipiunt credere, fuisse homines romanos hac quodam abstinentia, quod iam nationibus exteris incredibile ac falso memoriae proditum videbatur: nunc imperii nostri splendor illis gentibus lucet, nunc intelligunt non sine causa maiores suos tum cum omni hac temperantia magistratus habebamus, seruire populo Ro. quam imperare aliis maluisse: iam vero ita faciles aditus ad eum priuatorum, ita liberae querimoniae de aliorum iniuriis esse dicuntur, ut is qui dignitate principes excellit, facilitate par infimis esse videatur. Iam quantum consilio, quantum dicendi grauitate & copia valeat in quo ipso inest quaedam dignitas imperatoria, vos Quirites hoc ipso in loco saepe cognoscitis: fidem vero eius inter socios quantam existimari putatis, quam hostes omnium gentium sanctissimam iudicarint? humanitate iam tanta est, ut difficile dictu sit, utrum hostes magis virtutem eius pugnantes timerint, an mansuetudinem victi dilexerint, Haec Cicero, cuius ex officina tanta imperatorum & ducum monumenta posuisse velim, quia nescio an usquam alibi de bonis & praecclaris eorum moribus luculentius & vberius scriptum sit. Superest auctoritas, quae ex praedictis maxime nascitur, augetur autem fama nominis, ex opinione hominum, ex ducum virtutibus & prosperitate concepta: quo in genere Iulius Caesar, Africani maior, & Pompeius Magnus opinatissimi habent, quorum tanta fuit auctoritas, eaque sub istis militum fiducia ut non se ad praedium, ac discrimen, sed ad victoriam & hostium praedam duci crederent, quo nihil utilius ad votiuos ac prosperos belli exitus & quos in contrarium verti solere diffidentia bellatorum, ex leuitate aut inertia ducum orta, saepe compertum est. Postremo denique felicitas, non solum in militia, sed in vita est expetenda. Nepe huc omnia referuntur, hancque nec dare sibi quisquam potest,

nec augere, diuinum fane munus, sed ita duci necessarium ut quanquā reliquis floreat, si hoc vnum desit, nemo censeat eligendum. Nam ut foelicitatem fiducia, sic infœlicitatem ducum, sequitur militum pauor, quo nihil propius exitio est. In hac quidem quum multi celebres sint, longe tamē Titus, & Traianus, & Theodosius, & Sylla, siue ut fama fert Metellus ille foelix dictus, omnes supgreditur: etsi iuxta sententiam vere philosophantium, nullus hic foelix sit: sed de foelicitate bellica sermo est, qua foelicem ducem dicimus vincere solitum, insuetum vinci: in hoc numero ex externis Alexander est Macedo, & Cyrus Persarum rex, nisi in Scythiam perrexisset, & Carthaginensium dux Hannibal, si aut Matherbali credidisset, aut paulo maturius diem obiisset.

Imperatorum consilia quæ Græci strategemata appellant, & quæ ante bellum, in bello, & post bellum sapienter, lepidè, facietè ac moderatius dicta sunt.

Cap. II.



Ost hasce virtutum species & imperatoria munera, quorū illustrem esse constat effectum, ut præclare factorum, ita dictorum quæ ducem moneant, rationes etiam & exempla promissa subiiciemus: quibus egregium primò ac sanè præcellens sit illud quod ab Hesiodo usurpauit Aristoteles, ab Hesiodo vel Aristotele Liuius, dum salutem suam exercitusque sui M. Rufus Minutius, beneficio Q. Fabii Max. cognouisset, eum videlicet optimum & primum sese virum qui quæ gerenda sunt conspicietur & cōsulat: sequenti autem gradu eum, qui aliorū bene monentiū consilia sequatur: extremi autē ingenii & penitus inutilis illum esse, qui cōsulere nesciat alteri nec parere.

Gymnosophista quispiam acri & perspicaci ingenio ad succincte respondendum, ab Alexandro interrogatus, quonā pacto quis late imperitans, magnam sibi beniuolentiam comparare posset. Ne sit terribilis inquit. Ab eodē interrogatus item, quomodo mortalis quispiam se in deorum numerum reciperet, Si humanis, subiunxit, maiora viribus opera gesserit.

Agis rex, quū Atticus quidā in Laconicos enses cauillaretur q̄ parui essent, diceretq̄ facile eos absorberi à circulatoribus in theatris posse: Et tamē vix nos inqt attingimur hostiū gladiis lōgioribus. Ego verò & laconicā orationem intueor, quæ breuīs videtur esse, maximas res cōplecti, & auditorum mētē attingere. Cyrus conspecto Centurione prope se discumbente, graui turpiq̄ corpore, iocādi gratia adolescentem ne ponē assidentem ob pulchritudinem more græco secum duceret rogauit, annuente illo dicēteq̄ se aspectu eius oblectari admodum, conicere in eum oculos qui vnā cōnabant, visq̄ viri inhonesti nimium facie, risere omnes, subinde querētes, qua sibi in re vsui talis vir esset: is Ceturio quotiens die noctuq̄ ab se appellaret, ait nulla vnq̄ excusatione vsū, citò semp obteperasse: quū quid ei demādasset, nūq̄ absq̄ sudore mādāta executū, reddidisse quoq̄ cōmilites suo exēplo sollicitos. Idē quoq̄ ad impii magnitudinem hoc adiecit inuētū, ut quicquid etiā in remotissimis ageretur locis q̄ primū sciret. Cognito nā q̄ quantū die noctuq̄ eques itineris cōficere posset, dispositis in loco equitibus, ut recēs literis receptis succederet fesso, velociter qd ubiq̄ accideret noui pcipiebat, p̄uidebatq̄ put necessariū esse videbat: hęcq̄ causa extitit, quīs procul absit à vero, ut velocius q̄ grues iter facere putarētur, idq̄ ppter velocitatē eūtiū creditū est.

Aeschylus

Aeschylus in Isthmo certamē spectans, vbi altero vulnerato theatrum exclamauit, Ionem Chium tangens, Vidēsne inquit quid exercitatio sit? vulneratus enim tacet, spectantes verò clamant.

Agésilas interrogatus quid facturi Lacedaemonii victores essent, Si prudentissimus, inquit, imperator rem gereret. Hoc item praesente duce, quū quispiā Lacedaemoniis muros deesse questus esset, Dic, inquit, meliora: ciuitas enim ipsa nostrę vrbis munitissima moenia sunt: par siquidē est, nō lignis aut lateribus, sed virtute patriā, deos penates, aras, focos, parentes, cōiuges, liberos, tueri atq; defendere.

Brasidas quū in caricis murem cōprehēdisset, morsus eum dimisit: deinde ad astantes conuersus, inquit, O Hercules, nihil est tam parū neq; tam imbecillum, quod si ausit vlisci, & inuadentibus repugnare, non se incolumem seruet.

Chabridas dicere consuevit, formidabilius esse ceruorū agmen ductu leonis, quā leonū ceruo duce. Idem eos dicebat pulcherrime officio imperatoris fungi, qui res hostium maxime noscerent.

Selostris Aegyptiorum rex, quum eos qui iuxta mare rubrū sunt homines classe subdidisset, & in Aegyptum rediens per terram, omnes gentes quę sibi impedimēto erāt expugnasset, harū quęcunq; sibi fortis & libertatis cupida visa est, in eorum regione colūnas erigens, in eis & nomen eius, & patrię hominūq; verēda incidit, & vt sua potētia eos vicerat: quos autē sine praelio & facile superasset, ibi colūnis positis ea scripsit nomina, addens ad ea mulieris pudibūda incisa.

Q. Mutius legatus à romanis ad Pœnos, duabus tesseriis positis, altera pacis, altera belli, optione sibi collata utrā S. P. Q. R. referri mallet, vtraque sublata, Pœnorum, inquit, nō Romanorum vtram vellent esse debere.

Q. Fabius, Romanorum imperator econtra, simili modo ad Carthagenenses misit epistolam, in qua vtriusque populi sententia par vigor amplitudoq; quondam fuisse deprehendi potest: ibi enim scriptum quum esset, po. ro. misisse ad eos hastam et caduceū, signa duo belli aut pacis, ex quis vtrum vellent eligerēt, quodque elegissent, vt vnū id esse missum existimarent, Carthagenenses responderunt sese neutrum velle eligere, sed posse cogitare qui attulissent, vtrum mallerent relinquere: quodq; reliquissent, id sibi profectō gratū futurum: hæc tametsi ab elegantissimis rerum gestarum scriptoribus dicta sint, M. tamē Varro, certissimus auctor, non hastam ipsam, neque ipsum caduceum missa dicit, verum duas tesseras, in quarum altera caducei, in altera hastę simulachra fuerint incisa.

Carthagenenses quia spartum & nerui deficiebant ad sagittas emittēdas, tonfarum crinibus mulierum ad funes efficiendos vsi sunt, quod aliquādo & apud Massilienses, & Rhodios, & Aquilegienses, & Romanos in capitolio obsessos vrbe à Gallis occupata factū est: vnde & in honorem matronarum, templum Veneri caluę senatus decreuit.

Tarquinius Priscus, Quiritibus, operis tædiū periculūq; fugientibus, nouū & inexcogitatū antea, posteaq; remediū inuenit. Sex enim hominū vita defunctorū figere crucibus corpora spectāda ciuibus, simul à feris volucribusq; lacerāda iussit, quāobré pudor romani nominis, qui prius res sepe perditas seruauit in pręliis, tūc quoq; subuenit: iā erubescēs, cū puderet sic viros, tāq; puditurū esset extinctos.

Cæcilius Metellus Pius proconsul, Trebiam urbem Hispaniæ primariam quum subigere nequiret, ac vagantem fluctuantemque exercitum duceret, hosque modo adoriretur, modo ad illos se transferret, & iunior quidam tribunus militum quid sibi vellet tam crebra locorum mutatio peteret, Si hanc respondit interiorem tunicam existimarem mentis meæ consciam esse, exutus eam, in ignem continuo mitterem: sicq; sceleribus cœptis, post tam longa itinera, tam varia peragrata municipia, ad Trebiam inopinatam denuò conuersus eā oppressit, & non sine omnium admiratione, voti sui compos factus est.

Scipio cui primum Aphricano cognomentum extitit, vt Valerio Maximo, vel Fabius, vt Senecæ placet, Turpissimam aiebat & ignauiae plenam imperatori excusationem esse, Non putauit: consultè enim quæ armis geruntur tractari debere opinabatur, quum præteri a præcipitataq; magis reprehendi, quàm reuocari vlla vi humana, vel ratione in integrum restitui corrigiue possint. Is etiam Scipio quum à re militari atque vrbana studium ad literas conuerteret, dicebat quum ociosus esset, plura tunc negocia à se geri. Inde vbi Carthaginem in deditionem vi accepisset, ac milites quidem quam cepissent captiuam præstanti forma virginem adueherent, atque illi darent, Libenter, inquit, acciperem, si priuatus, haudquaquam imperator essem. De eodem itidem licet inuulgatū sit, in aciem nunquam descendere imperatorem debere nisi aut occasione se præbete, aut necessitate impellente, ex Sempronii tamen Asellionis veteris scriptoris quarto historiarum libro de P. Aphricano, Pauli filio ita proditum est, Se patrem suum audisse dicere, L. Aemilium Pau. nimis bonum imperatorem, signis collatis non decertare, nisi summa necessitudo, aut summa ei occasio data esset: & sapienter quidē vtrūque. Nam ad totius exercitus salubritatem nihil efficacius quàm quod viri & ducis est, non deesse fortunæ præbenti se, sed oblato casu ad consiliū flectere: nihil perniciosius quàm in angustiam rei bellicę compulsum, imbellem fieri; quod nec euentus modo docet qui stultorum magister est, sed eadem ratio quæ sapenumero fuit futuraque est.

Augustus quum decimum octauum annum agens hostiliter urbem inuaderet, ex ipsius exercitus legatis qui sibi eius nomine consulatum exposcerent, cunctante senatu, Cornelius Centurio legationis princeps reiecto sagulo, ensis capulum detegens, haudquaquam dubitauit in curia dicere, Hic faciet, si vos non feceritis. Idē Augustus saxo in expeditione percussus, ac notabili cicatrice in fronte deformem nimium, tamen sua opera iactantē, sic leuiter castigauit, At tu cū fugies, inquit, nunq̃ post te respexeris. Ad eum itē veteranus quispiā, quū die sibi dicto piclitarē, accessit in publicū rogauitq; vt sibi adesset, Augustus aduocatū quē ex comitatu suo elegerat sine mora dedit, cōmēdauitq; ei litigatorē: exclamauit ingenti voce veteranus, At nō ego, Cēsar, piclitate te Actiaco bello vicariū quesiui, sed pro te ipse pugnaui, detexitq; impressas cicatrices, qbus erubuit Cēsar venitq; in aduocationē, vt qui vereretur ne supbus tantū, sed etiā ingratus videri posset. Imperatori quoq; bono insuper neq; quicquā minus quàm temeritatē congruere arbitratus est, satisq; celeriter fieri quicquid commodè gereretur, quod à Catone licet prius dictū sit, crebro tamen & familiari tanquā suū solitus erat vsurpare

pare sermone. Occurrit illud eiusdem August. Cæs. postremo, qui quum Alexandri esset & antrum ubi Aegypti regum cineres preciosis pyxidibus seruabantur ingressus esset, corpus quidem Alexandri Macedonis libenter aspexit, interrogatus verò num & Ptolomæi reliquias vellet inspicere, Reges se inquit velle videre, non mortuos: atqui rex fuerat Ptolomæus, sed quantum inter veros reges, eòsque quos regum nomine vulgus appellat intersit, breui diffinire voluit elogio sapientissimus imperator.

Scipio iunior Polybii præceptum obseruans studebat non prius efforo abire quàm aliquem ex abeuntibus familiarem sibi atque amicū quouis pacto effecisset. Idem quum pulcherrime ornatū quispiam scutum essetaret, Heus, inquit, adulescens, scutum certe pulchrū est, verum decet romanum virum in dextra potius spes suas quàm in sinistra collocet.

Scilurus quū relictis maribus filiis octoginta, diē esset obiturus, hastarū fascē cuique ostendēs, vt illū confringeret iubebat: id autem singulis se posse negatibus, sigillatim hastas eductas, facile omnes confregit: ita docēs illos, vbi vna esse perseuerarent, firmos ac potentes fore: imbecillos verò, si separarentur ac dissiderent.

Tigranes vrbani, facetūque quippiam in Romanorum exercitum afferre cupiens, vulgatissimum illud dixisse fertur, Eos si legati venirent, satis multos quidem: si verò pugnaturi, perpaucos admodum esse.

Amasis Aegyptiorum rex, quum contemneretur ab Aegyptiis quòd obscuro loco natus, & paulo antè regno potitus, vas aureum quod habebat lauādi gratia ad turpēsque vsus, fregit, deiq; simulachrum ex eo confecit, idque in celeberrimo vrbis loco statuit, quumq; religiose coleretur ab Aegyptiis, huius rei certior factus eos cōuocauit, remque docuit, vt ex eo vase simulachrum erat in quod prius Aegyptii vomebant, meiebantque, & pedes lauabant: nunc verò venerabātur, eodem sibi modo euenisse, siquidem prius plebeius erat, nunc eorum rex, proinde sibi honores haberi iussit, sic Aegyptios induxit ad sui venerationem.

Agathocles figuli fuit filius, qui Siciliae dominationē adeptus, rexque appellatus, fictilia pocula consuevit inter aurea ponere eaque iunioribus ostendens dicere, Ego quum huiusmodi pocula consuesssem, in præsentiarum quoniam diligentiae ac fortitudini studuerim, hæc facio. Insuper quum urbem obsideret & quidam e mœnibus per conuiciū dicerent, O figule, quo pacto militibus stipē solues, mansuete is atque subridens ait, Quum hanc cepero: quum autē viribus in suam redegisset ditionem, captiuos venundabat, inquiens, Si conuicio me rursus affeceritis, querar apud dominos vestros.

Antigonus quum milites quosdam esset intuitus qui thoracibus & galeis ad pilam luderent gauisus est, eorumque duces accersuit quos laudaret: vt autem audiuit eos bibere, illorum ducatus militibus dedit. Is etiam posteaquàm longam ægrotationē euassisset cōualesceretq; nihil ait deterius accidat: hæc enim aduersa valitudo nos monuit, vehementius nobis efferendum non esse, quoniā mortales sumus. Idem nocte quadam quum nonnullos ex militibus suis exaudisset omnia mala imprecantes regi qui ipsos in illud iter inextricabileq; lutum deduxisset, accessit ad eos qui maxime laborabant, & quum ignorantes à quo adiuuaretur
expli

explicuisset, Nunc, inquit, maledicite Antigono, cuius vitio in has miseras incidistis: ei autem bene optate, qui vos ex hac voragine eduxit. Insuper tam miti animo hostium maledicta quam civium tulit. Itaque quum in paruulo quodam castello Græci obsiderentur & fiducia loci contemnentes hostem, multa in deformitatem Antigoni iocarentur, & nunc staturam humilem, nunc nasum colossifum deriderent, cū gaudio inquit, Bene spero, si in castris meis silentiū habeo: quum hos dicaces fame domuisset, captis sic usus est ut eos qui militię utiles erāt in cohortes describeret, cæteros præconi subiiceret, idq̃ se negavit facturum fuisse nisi expediret his dominum habere, qui tam petulantem linguam haberent. Rursus quum seua tempestate iactaretur, ac in eadem naui secū suos omnes habuisset, præcepisse liberis dicitur, ut & ipsi meminissent, & ita posteris proderent, ne quis cum tota gente simul in rebus dubiis perichitari auderet. Cuius præcepti memor Philippus, quum duos simul filios secum haberet, ambos se non commissurū in aleam eius qui præponeretur casus: & quoniā maiorem filium secum duceret, minorem ad subsidia spei, & custodiā regni remissurū in Macedoniā esse.

Dum Antagoras poëta congrū elixaret idemq̃ patellā quateret, Antigonus qui post eum staret, Homerū ne, ait, putas Antagora quum Agamemnonis res gestas scriberet, congrum elixasse? & Antagoras, Tu autē rex, ait, existimas Agamemnonem quum illas res gereret, curiosum ad eō extitisse, si quis in castris congrum elixaret.

Lamachus quum manipularem præfectū quendā reprehenderet, quoniā deliquisset, isq̃ diceret nūq̃ fore ut id amplius faceret, bello enim bis errare nō licet.

Memnon qui cōtra Alexandrū pro rege Dario bellū gereret, quendā qui sub se merens multa de Alexandro maledicē, petulanterq̃ loqueretur, ubi lancea percussisset, Ego te, inquit, alo ut pugnes, non ut Alexandro maledicas.

Dum Medis irruentibus Persarum acies pulsata in fugam ageretur, ac omnino deficiens, nec victorem aspicere auderet, matres familias eorum & vxores passim obuiam fugientibus occurrerunt, & earum densata acie orant ut, eiusce fuge notam haudquaquam subeant, sed fortiter in prælium reuertantur: nolentibus sublata veste obscœna corporis ostendunt, rogantes ne in vteros matrum vel vxorum velint refugere: hac repressi castigatione, in prælium redeunt, & facta impressione quos fugiebant fugere compulerunt.

Themistocles adhuc iuuenis, quum Marathonis victoriam & Milciadis imperium animo celebratum repeteret atque versaret, infomnēsque noctes proinde duceret & solita respueret conuiuia, interrogantibus admiratibusq̃ vitę mutationem, eum dicere solitum ferunt, quod Milciadis victoria sibi somnos eriperet. Interrogatus etiam, vtrum Achilles mallet an Homerus esse, Tu autem ipse inquit, vtrum victor in Olympia esse mallet, an victorum præco? Rursus quum Adimanthus qui nauale prælium formidaret diceret aduersus eū qui ad id Græcos adhortaretur suadendōque incitaret, o Themistocles, eos qui in certaminibus primi irruperint cedunt semper, Ita est inquit, Adimante, verum eos qui manserint haud coronant. Quum item ad interfectorum cadauera ad mare visenda se contulisset, ut armillas passim & torques abiectas aspexit, præteriens ipse amico

amico qui eum sequebatur, Collige tibi, inquit, tu enim nequaquam Themistocles es. Eundem etiam dicere solitum ferunt, se neque honoribus ab Atheniensibus affici, neque apud eos in admiratione esse, sed procella vexatos, imminente periculo, se veluti platanum subterfugere: reddita autem serenitate, euellere atque deiicere.

Cum Antiochus rex, posteaquàm Romani aduersus eum traiecissent in Asiam, pro soluendo bello ad Scipionem misisset, eiusmodi respōsum accepisse fertur, Prius enim oportuit, non nunc quum frenum & fessorem susceperis. Idem cum ingenti exercitu Græciam petiturus esset, cunctis ob militū multitudinem & armorum varietatē, quæ paulo antè iactabantur perterritis, huiusmodi ad Achæos dictione est vsus, Quum enim apud Calchidensem, bonum quidem hospitem & scitum conuiuatore solstitiali tempore comiter accepti miraremur vnde illi eo tempore anni tam varia & multa venatio, homo gloriosus ridēs varietatem, ait illam speciem ferinæ carnis, ex mansueto mansuefactam, sed condimentis & apparatibus solū differre: Proinde nec vos vlla teneat admiratio circa hæc varia nomina gentium inauditarum, Dacas, & Cadusios, & Elimæos & multa genera armorum, hastatos, cataphractos & pezeteros, hoc est, pedestres socios, cumq; pedestribus sagittarios auditis: nam homines omnes esse, armis inuicem differentes, aut paulo mancipiorum melius propter seruilia ingenia quàm militum genus.

Lucullus in Armenia, quum cataphractos Tygranis maxime milites sui metuerent, bono animo esse iussit: futurum enim plus laboris in illis spoliandis, quàm in vincendis.

Lucius Sylla qui Præneste obsidebantur occisorum in prælio ducum capita, hastis infixæ ostendit, atq; ita obstinatorum peruicaciam fregit. Sylla item cognomēto felix, inter suas maximas fœlicitates duas existimabat, Pii Metelli amicitiam, & quòd urbem Athenarum non æquasset solo, sed seruasset potius.

Eumenes quum in castra reuerteretur, & epistolæ passim in ipsis castris abiectæ inuenirentur quibus his qui eius caput ad Antigonom detulissent magna præmia diffinirentur, vocatis ad concionem militibus, gratias primò egit, quòd nemo inuentus esset qui spem cruenti præmii fidei sacramentis anteponeret, tū deinde subiecit callide confictas has à se literas ad experiendos suorum animos esse, cæterum salutem suam in omnium potestate esse, nec Antigonom nec quēquam ducum sic velle vincere vt ipse in se pessimum exemplum statuât: hoc factō in præsentilabantiū animos coërcuit, & in futurū prouidit, vt si quid simile accidisset, non se ab hoste corrūpi, sed à duce tentari milites arbitrentur. Insuper quum intelligeret si copiæ suæ cognoscerent aduersus quos ducerentur, non modo non ituras, sed simul cum nuncio dilapsuras, hoc eius fuisse prudentissimū fertur vt deuiis itineribus milites duceret, in quibus vera audire non possent, & his persuaderet se contra quosdam barbaros proficisci: itaque tenuit hoc propositum, & prius in aciem exercitum duxit præliumq; commisit, quàm milites sui scirent cum quibus arma conferrent. Effecit etiam illud locorum præoccupatione, vt equitatu potius dimicaret quo plus valebat, quàm peditatu quo erat deterior.

deterior. Hunc item Eumenem persequens Antigonus, cum omni genere copiarum saepe abundaret, neque vnquā ad manus accedere liceret nisi his locis quibus pauci multis possent referre, extremo tempore cum consilio capi nō posset, multitudine circuitus est: hinc tamen multis suis amissis, se expediuit, & in castellum Phrygiæ quod Nora appellatur confugit, vbi cum videret se fortunam obsidionis subiturum, maiorem exercitus partem dimisit, ne aut consensu multitudinis hosti traderetur, aut obsidio ipsa multitudine grauaretur, in hisq; qui remanserant quū vereretur ne vno loco manens equos militares perderet, quod spatium non esset agirandi, callidum fuit eius inuentum, quemadmodum stans iumentum concallescere exerceriq; posset, quo libentius & cibo vteretur & à corporis motu remoueretur: substringebat caput loro altius quàm vt prioribus pedibus planè terram posset attingere, deinde posterioribus cogebat exultare, & calces remittere: qui motus non modo minus sudorem excutiebat, quàm si spatium decurreret: quo factū est, quod omnibus mirabile est visum, vt æquè iumenta nitida ex castello educeret quum complures menses in obsidione fuissent, ac si in campestribus ea locis is habuisset. Demades posteaquā ex hac luce migrasset, Alexander aiebat videre se Macedonum exercitum excæcato Cyclopi per similem, quoniam tali principe esset orbatus. Artaxerxes quum aliquādo fugiens, cōmeatu impedimentisq; direptis siccis ficis vesceretur ac pane ordeaceo, Cuius modi, inquit, voluptatis rudis eram?

Aurelium imperatorem, ne vti statuerat in urbem Tyanam desæuaret placauit Apollonius, maximæ famæ & auctoritatis homo: quippe si vis o imperator, inquit, vincere, nihil est cur sæuias in ciues istos: si vis imperare, abstineas à cruore innocentum oportet: si vis viuere, clemēter age. Idem Tyanam quidem rebellem urbem obsidens iurauit se neque canē in ea vllum si caperet relicturum, ac probe id quidē: ea nanque res militibus prædæ auidis spem dedit, & animum capiendi, obsessis verò desperationem fecit: at verò vi capta vrbe, quum milites iuxta illud dictum quo canem se relicturum apud Tyanæos negarat, euerfionem vrbis exposcerent, respondit his, Canem, inquit, negavi in hac vrbe me relicturum, canes ergo omnes occidite: quod dictū quo præda negabatur ciuitasque seruabatur, totus exercitus quasi dictaretur accepit. Insuper Manlio Chiloni cuiuspiam forsan iurganti hominē ab eo de medio sublatū, quo peruadēdæ vrbis suæ consiliario vsus maxime fuerat, in hunc modum respondisse fertur, Occidi passus sum, cuius quasi beneficio Tyanam recepi: ego verò proditorem amare non potui: & libenter tuli quod eum milites occiderunt, neque enim mihi fidem seruare potuisset, qui patriæ non pepercit.

Exercitum ducens in Persas Iulianus apostata, quem occuparat pontē quum transissent copiae omnes, igne combussit vt pugnaretur fortius, militesque in hostium terra aut mori aut vincere oportere.

Lacedæmonii magna bellicæ rei gloria cæteris præstantes, natorum suorum verberibus publice ad moris experiebantur indolem, exhortabanturque ut flagellorum ictus fortiter ferrent, & laceros & semianimes rogabant perseveranter vulnera præbere vulneribus. Nec aliter matres pugnam inituros filios admonebant

bant quàm vt eam minus detrectantes, aut superstites armatiq; coram reuerterentur, aut exanimés vnà cū armis referrentur: vt enim eorū epigramma ostendit, & viuendum libenter & moriendum, sed vtrunque cum virtute, censebant. Lacedæmoniorum etiā quispiam quum præsens hostis inter loquendum gloriabundus assereret, solem telorum copia suorum & sagittarū multitudine Spartiatas non visuros in vmbra, immo inquit melius pugnabimus.

Cymbrorum probanda etiā ac Celtiberorum animi præstātia qui inter arma, sanguinem, & vulnera exultabant tanquam beati vitam relicturi: egrè ferebant, vt cæteri mortalium, aliquo morbi genere confici, tanquam turpissimum id esset & miseriæ plenum. Hi etiā ignominia non paruæ esse putabant, præliis superesse, quum is oppetisset, pro cuius salute se deuouissent: proinde, quod mirū dictū est, læti ferebant vulnera, enumerabant cicatrices, & telis traiecti morientes etiā amabant pro quo caderent imperatorem.

Alexander animo semper ingenti, quāquam matris legisset epistolā qua ad-monebatur vt à veneno Philippi medici præcaueret, acceptā potionē tamē bibit nō deterritus: & quia plus sibi de amico suo credidit, dignus fuit q̄ innocētē haberet, dignus q̄ faceret. Is etiā instructo exercitu, quū militē quēdā intueretur qui iaculū amētaret, ex acie vt inutilem repulit: quippe qui nunc instrueretur, quū iā armis vtendum esset. Insuper quum ad Arbelas aduersus decies centena hominum milia de summa rerum, acie dimicaturus esset, & amici eum adirēt qui milites subaccusarent quòd intra tabernacula inter loquendum paciscerentur, vt nihil omnino spoliū in regiam relaturi forent, sed sibi ipsis comparaturi, at ille subridens, Bona, inquit, nunciatis omnia: audio enim his viris vincendi, non fugiendi consultationes esse. Sagittæ quoque ictu in crure vulneratus, vt eorum multi concurrissent qui eum appellare deum consueissent, læta hilariq; facie, Hic quidem sanguis est, ait, vt videtis, & non cruor calicolæ qualem diuī misere fluentem. Idem, præceptorem suum credo secutus Aristotelem, aenea concha supposita, brachio extra cubile protento pilam tenebat argenteam, vt quum neruorum vigorem sopor laxasset infusus, gestaminis lapsi tinnitus somnum abrumperet. Rursus qui inter Indos optimus arcu videretur, dicereturq; per anulum sagittam emittere, eum quum haberet captiuū vt id ostenderet iussit: quod quum ille nollet, iratus Alexander hominem imperauit interimi: ille verò quum ageretur, vbi ad eos à quibus agebatur cōuersus diceret, multos se dies ei rei non studuisse, proptereaq; ne aberraret timuisse: id postquam Alexander audisset, & miratum esse, & muneribus donatum hominem liberasse. Laboranti item ob sitim, Macedonum manus aquam vtribus ferēs, impletā galeæ aquam obtulit, quam accipiens sitientemq; exercitum circumspectēs, demisso capite & fixis in potum oculis ingustatam hisce probandis verbis reddidit, Si bibero, inquit, hos meror instigabit: quo audito, milites adesse eum cernentes, magna cum voce ingētiq; spe certatim acclamauere. Non enim laborem perferre, non morti se obnoxios putare, donec talem eis regem ac ducem adesse contingeret. Cuidam etiā ciuitati, partem agrorum ac dimidium omnium rerum pollicenti, Eo, inquit, Alexander, proposito in Asiam veni, vt nō id acciperem quod dedissetis, sed vt id haberetis

beretis quod reliquisset. Illud etiam eiusdem regis, dictu sane ac factu memorabile, qui quum Darii filias captiuas haberet, & mirum in modum forma prestantes, nec aspicere quidem voluit, indignu ac turpe regi ac duci esse ratus, eos qui viros vincerent, a mulieribus vinci. Hoc loco denique non videtur praterendum, Sigismunde, consiliu tuum, Alexandri consilio quam similitimu, qui non solum ultro oblatas hostium epistolas Caesaris more no combussit, sed suorum callide perquisiuit: quanquam quid Alexandrum teq nomino, quum omnium penè hominu consilia hac de re paria, & Alexadrea Sigismudeaq potius quam Cæsarea vel Pompeiana esse conspiciantur?

Caius Pompilius, vt ferè omnes tradunt, vt Plinius, P. Octavius cos. legatus a Romanis missus ad Antiochum regem, qui abstinere illu Aegypti, & ab Alexandria discederet quam obsidebat, ne Ptolomæi filiorum qui pupilli essent regnum occuparet, aut si iam cepisset excedere iuberet, quum in Aegypto Pompilium per castra aduenientem eminus Antiochus quam humanissime salutasset, osculumq ei postea rex obtulisset, non seruata salutandi vice (nam coluerat inter cæteros Antiochus multum Pompilium, quum obses Romæ fuisset) tum Pompilius facessere interim priuatam amicitiam iubet, quum mandata patriæ intercedant, prolatoq senatus decreto, & tradito ac perlecto, quum rex dixisset cōsultaturum daturuq responsu, Pompilius rege in gyrum virga circūscripto, Hic ergo stans, inquit, consulta & responde. Cunctis autem viri grauitatē atque animi magnitudinē admirantibus stupentibusq & Antiochus se senatui pariturū respōdit, & ita Pompilius & salutauit eū, & gratissimis vlnis cōplexus est.

Hadrianus qui reges omnes muneribus suis penè vicit, quum quodam tempore veteranum quempiam notū sibi in militia, dorsum & reliquū corporis in balneis vidisset atterere, percunctatus cur se marmoribus detergedum daret, vbi audiuit hoc idcirco fieri, q seruum non haberet, & seruis eum donauit & sumptibus: verum postridie quum plures senes ad prouocandam liberalitatem principis parieti se simili modo attererent, euocari eos iussit, & alium ab alio inuicem defricari. Idem familiaribus quibusdam facilitatem comitatemq suam nimiam in omnes obiurgantibus, eiusmodi subiecit, Imperatorem singulis esse debere, cuiusmodi esse sibi singulos imperator optaret.

Fauorinus philosophus quum pro verbo quopiam quod elegantissime protulerat ab Hadriano inepte reprehenderetur atque cessisset, arguentibus ac egre ferentibus ob id illum familiaribus suis, subridens, Non rectè quidem suadetis, inquit, qui nō patimini me illū doctiorē omnibus credere q habet xxx, legiones.

Antonius post Mutinensem obsidionem fugiens, seu q naturali more sui corporis laboribus exhaustis creberrime bibebat, vbi bibēdi facultas afforet, per singulosq passus subsistebat, ē vestigio deinde fugā præcipiti consternatione reassumebat, interrogatus ex familiaribus eius quispiam quidnā Antonius ageret, subiecit, Quod canis in Aegypto, bibit enim & fugit: memorię enim pditū est canes ægyptiacos crocodiloru contactu anxios atq lunaticos, bibere & fugere.

Theocritus ille nō Syracusius, sed Chius, ad infensum sibi regē Antigonum altero captū oculo quū traheretur, spē præbētibus suis fore vt quū ad oculos regis peruenisset

peruenisset misericordiam inueniret, respōdit, Impossibilis ergo est ista cōditio, actum est, perii. Verumenimvero hæc intempestiua mordacitas, & Theocrito mortis, & Antigono homicidii simul ac periurii causa fuit: iurauerat enim sibi parcere, sed ioci asperitate motus non pepercit.

Mithridates Ponti rex, Ariaracti regi Capadocum sub simulatione colloqui insidias tendens, gladiū sub fasciis abdiderat, crudelis licet adolefcens, & ad interitū destinatus, regio tamen illorum more temporum, scrutatorē permisit: qui dū Mithridati curiosius manū in secretiores partes corporis immitit, iocabundus ille, Caue, ait, ne aliud telum quàm quod quæris inuenias: ecq̃ modo suspicione detracta iocis textit insidias, euocatumq̃ regem ab amicis velut ad secretum sermonem, vtroque inspectante peremit exercitu.

Cicero quum diutius ad castra Pompeii aduenisset, in primordio ciuilis belli reprehendentibus amicis q̃ nimis distulisset, Minime, inquit, serius adueni: nam nihil hic paratum video, Pompeii tarditatem in apparatibus bellorum ledens. Idem Cicero cum post Pharsalicum prælium, fugiente Pompeio Nonius quispiam dixisset, adhuc aquilas septem apud ipsos esse, & ob id vt bono animo esset hortaretur, Recte, inquit, moneres, si cum graculis nobis pugnandum esset.

M. Crassus perquirenti cuiquam quo tempore moturus esset exercitum, respondit, Vereris ne tubam non audias?

P. autem Licinius Crassus coff. & pon. max. aduersus Aristonicū Athali fratrem cum instructissimo missus exercitu, maximis insuper copiis & regum præfidiis fultus, conferto tamen bello victus est, isq̃ ne seruiret barbaro victori, virgam qua vsus fuerat ad equum regendum impegit ad oculum Thracis cuiuspiam, vt ipsum in necem suam irritaret: quo ita sibi adueniente, morte sua dignitatem reipub. & libertatem suam seruauit.

Pelopidas domum egrediens, lachrymante vxore & exhortante ac rogāte se ipsum saluum redderet, inquit, O mulier priuatorum semper est admonere, ducum autem ac imperatorum alios saluos facere. Idem cum primum cognitum est per difficilia arctaq̃ loca iter habituros esse aduersarios, & accelerans quidam o Pelopida, inquit, incidimus in hostes, Quid, ait, in illos nos magis incidimus, q̃ in nos illi? quibus dictis tanquam futuri belli præludium, equam à cauda impelli iussit. Rursus quū in Pharsalū venissent aduersus Alexādrū, dicēti cuidā tyrannum cum ingentibus copiis aduentare, Eo melius, inquit: nam plurimum victoria nobis aderit.

M. Porcius Cato coff. quum Celtiberos domuisset compertūque haberet experientia rerum magistra & illustrium auctorum sententiis, eam gentem locorum natura & hominum ingeniis ad rebellādum non solum omnibus aliis provinciis, sed ipsa etiam Italia aptiorem esse, quominus id facere posset, literas ad singulas ciuitates dedit, vt muros diruerent: quod præceptum tam immite, ad rebellionem hortari potuisset potius, quàm ad eam sedandam, si generale id quidē esse cognouissent: verū quum qualibet sibi soli imperari, non aliis putaret, metu omnes imperii paruere. Hæc & Plinii & historicorū penè omniū habet assertio, apud historię autem Romanę patrem T. Liuium cōuocasse Catonē con-

stat omnium urbium legatos, atque eis ostendisse, eorum rebelliones Romanis quàm laboriosas, Hispanis discriminū plenas, pestíferas, atque funestas esse: hortatum deinde ut rebellionibus abstinere, utque quoniam id modo fieri melius quiret in commune consulerent: nil respondentibus illis, aliquot dierum spacium dedisse, quo exacto, reuocatis iterumque silentibus, ipsum consilio quod ab illis quæsuerat in se assumpto misisse per vniuersum orbem nuncios edictaque ut vno die Romanis qui in urbium praesidiis erant muri omnes euerterentur: quo facto, ipse ilico ad eos qui adhuc rebellarēt cū exercitu se conferens, omnes ferme metu territos in deditiōem accepit. Idem quum Eumenes rex Romam profectus esset & à senatu comiter & honorifice susceptus, & clarissimorum circa eum ciuium frequentia certatim versaretur, Cato non obscure tantum erga regem studium suspectum habens, eum declinabat, verum quum ipsi diceretur, Eumenem frugi virum, amicissimo animo in rempub. Romam venisse, Esto, inquit, ceterū hæc ipsa Belua, Rex scilicet, natura vorax canis est. Rursum quum animaduertisset in Hispania potiri se quodam oppido posse, si inopinatos inuaderet, quadridui iter biduo per confragosa & deserta emensus nihil tale metuētes oppressit hostes: victoribus deinde suis causam tā facilis euentus requentibus, dixit, tum illos victoriam adeptos quū quadridui iter biduo cōfecisset.

Epaminundas uxorem quum nunquam nouisset reprehendereturque quod liberos non relinqueret à Pelopida qui filium haberet infamem, maleque eum in eo patriæ consulere diceret, Vide, inquit, ne tu peius consulas qui talem ex te natum relicturus sis. Neque verò stirps potest mihi deesse: namque ex me natam relinquo pugnam Leuctricam, quæ non modo mihi superstes, sed etiam immortalis sit necesse est.

Pomponius, vir insignis, cum in Romanorum cōgressu acceptis vulneribus ad Mithridatem ductus fuisset rogareturque ab eo si curatus sibi foret amicus, Si tu, inquit Pomponius, Romanis amicus fueris: sin autē, me quoque inimicum habebis. Mithridates clarissimam viri constantiam admiratus, ab omni penitus in eum iniuria temperauit.

Lycurgi exemplis huiusmodi ad ciues responsa feruntur, quoniam pacto hostium impetus repellere possent postulantes, Si pauperes, inquit, manseritis & contemptions mutuas omiseritis. Et rursus de muris, nequaquam ea urbs minus circumdata muro fuerit, si quis eam viris fortibus non lateribus cinxerit.

Paulus Aemilius cos. quū in Lucanis iuxta littus angusto itinere exercitum duceret, & Tarentini agmen eius scorpionibus adorirentur, captiuis euntium latera prætexit, quorum prætectu hostes tela inhibuere. Idem nocturnas excubias iussit sine hasta & sine ense asseruarent, quò desperantes qui hostibus repugnarent magis somno resisterent.

Tyberius Gracchus Lusitanis asserentibus in decenne tempus alimoniam se habere, & obsidionis incōmoda non reformidare, Vndecimo, inquit, anno vos capiam: quo dicto perterriti Lusitani tametsi comineatu muniti se dederunt.

Lyfander postquam incumbentibus Corinthiis mœnia prætergrediens, languidiores ad inuadendum Lacedæmonios cernit, & interim lepus fossiam transfilire

filire visus esset, Non pudet vos, ait, eius generis hostes pertimescere, quorum mœnibus per secordiam lepores indormiunt?

Pompeius Luculli facta detractans, illum dicebat tragicum & umbratile quoddam bellum cum regibus gessisse: sibi verò certam atque sobriam hostium vim ad expugnationem referuatam esse, quū Mithridates ad enses & equos confugisset. Ad quæ Lucullus, simulachra & umbras belli immo Pompeium accessisse expugnatum aiebat, suctum veluti volucrem alieno cadaveri celerem aduentare, reliquīsque bellorum insurgere. Sic enim Sertorio & Lepido & Spartanis insurrexisse eum dicebat, quum illa Crassus, alia Metellus, alia Lepidus bella strenue gessisset. Ad hæc Sertorii scripturis in Hiberia potitus, inter quas erant multorum ducum epistolæ quibus ad mutandam perturbandamque rempub. Sertorium Romam accersebant, illas omnes concremauit, facultatem his quidem præbens ut mali ad sanitatem redirent ac meliores fierent. Idem quoque Pompeius quum omnes factiones suæ vno pene ore, tanquam diuino quodam oraculo moniti, ad furem Cæsaris inuasionem pronunciarent nulla ratione posse concipere quo se modo tueri posset, cum tanta veniente belli tempestate delectum ad resistendum neque haberet vllum, neque pararet, respondisse fertur, fore quum Italiæ solum pede quateret, ut pedestres copiæ equestresque scaterent: paulo verò post, fama increbescente & nuntiis, quum percepisset Rubiconem flumen transiisse Cæsarem Ariminumque egregiam tunc & amplam urbem ilico subegisse, ac palam magisque ac magis in dies increbesceret rumor Cæsarem iratum & insensum Pompeio & patribus esse, atque eo animo aduentare ut consulatum aut sponte datum acciperet, aut negatum, vi, armis arriperet, proindeque copias quæ Picenum, quæ Umbrum, quæ Hetruscum agrum occuparent, omnemque exercitum suum Romam traicere (quanquam id falsum erat, quum maiorem non haberet manum quam trecentorum equitum & quinque milium peditum) metu tumultuque huiusmodi præiudicio qualis nunquam antè urbem inuaserat ita sunt Pompeianæ factionis omnium deterriti animi, ut ciuitas tota trepidaret, nec venire ad urbem Iul. Cæsar Ro. ciuis ac legiones romanæ, sed Pœnus ille ferusque hostis Hannibal, ac omnis barbaries videretur: futurus quidem si vinceret Cæsar nec Cinna clementior in principum cæde, nec Sylla moderatior in diripiendis expilandisque locupletum fortunis, coniectura & opinione omnium putabatur.

Aulo Torquato græcam urbem oppugnanti quum diceretur, iuuentutem ibi iaculis ac sagittis studiose exerceri, Pluris eam, inquit, vendam.

Iugurtha Numidarum rex corrupta muneribus senatus parte atque auro victis belli ducibus, sæpe votorum iniquissimorum compos, quum tandem pecuniæ & artibus suis fidens Romam sub fide publica venisset, atque inde præter spem verecundia vincente cupidinem iussus excederet, portas urbis egressus crebroque tacitus subsistens & in tergum versus, in fine dixisse traditur, O urbem venalem, & maturè perituram, si emptorem inuenerit: quod verbum ab hoste prolatum, dictu mirum est quam latè ad infamiam Romanorum inuulgatum est.

Philippus Alexandri pater quum munitissimum castellum quoddam capere

H ii vellet

vellet, vbi exploratores retulissent quàm difficilimum esse & nullo modo posse, rogauit itane difficile esset, quò ne asinus quid auro onustus quiret accedere.

Cleomenes Atheniensis trecentos qui praesidium Craterium tenebant aggressus, tela quaedam in quibus scriptum erat venisse se ad liberandum eorum rem publicam inter muros iecit, & eodem tempore captiuos quosdam conciliatos sibi remisit, quorum consilio seditione intestina apud obsessos conciliata, admotus exercitu, ciuitate potitus est. Idem quum quis se Gallos ei daturum polliceretur qui pugnando interirent, Istos mihi des, inquit, nolim, sed illos potius qui pugnando interimant.

Lycenes Sicyonius ductum aquarum in oppidum Chryseorum labentem rupit, mox factis suis restituit aquam elleboro corruptam, qua videntes profluvio ventris correptos cepit.

Pyrrhus quum ex Antigona quidem Ptolomæum, ex Ianossa verò Alexandrum, ex Tircenna Helenum filios suscepisset, omnes manu promptos & bello feroces, statim à pueritia ad hoc ipsum innutritos, dicitur cuidam ex filiis puero patrem roganti cuius regnum relinqueret, respondisse, ei ex vobis qui gladium acutiorē habebit. Sed hoc nihil differt ab illa tragica detestatione, Acuto ferro diuidant fratres domum. Idem ex Ambrachia ut quendam maledicum pelleret precantibus respondit, Potius apud paucos illic manens, quàm currens apud multos de nobis obloquatur.

Darius ut Scythas discessu falleret, asinos canesque in castris reliquit, quos quum rudentes latrantisque hostes audirent, remanere Darium credidere. Eodem modo Ligures per diuersa loca buculas laqueis ad arbores alligauere, qui diducti, frequentiore mugitu speciem remanentium praebuerunt hostium.

Leonidas rex intempestiue quodam de rebus militaribus verba faciente, O hospes, inquit, non opportune quod oportet vteris. Eius quoque ducis contra Persarum exercitum quàm fortiter commilitones suos hortantis elogium est, ut non aliter pranderent quàm si apud inferos cenaturi essent. Mirum dictum, non in ore creuit cibus, non hesit faucibus, non elapsus est manibus, cæterum alacres & ad prandium illi promiserunt, & ad cenam.

Periandri consiliū Thrasybulo datum est, supereminentes spicas decerpere, tamquam opportunum fuerit eminentiores ciuium de medio tollere. Idem Tarquinius Superbus pater, apud nostros Sabinorum principes necandos censuit.

Theopompi regis dictum probari etiam solet, qui dicente quodam eo seruari Spartam quòd reges imperare didicerint, Quin propterea, inquit, potius quòd ciues imperio parent: non enim parere illis patiuntur, qui nesciunt imperare, sed subiectorum obedientia disciplina est principis: nam qui recte ducit, ut recte sequatur efficit. Atqui sicut equestriis artis est, mansuetum praestare & obsequentem equum: sic & regiae disciplinae munus, obedientes efficere.

Helius Commodus Cæs. cursoribus suis exemplo cupidinum alas frequenter apposuit, eosque à ventorum nominibus sepe vocitauit, Boream, Notum aliū, & item Aquilonem aut Circium ceterisque nominibus appellans, & indefesse atque inclementer facies cursitare.

M. Sertorius acie decertante barbarum qui ei nunciauera Hyrculegiū periisse pugione traiecit, ne in aliorum notitiā pueniret, & ob hoc animi suorum infirmarentur.

Antoninus

Antoninus Pius pacem eousque dilexit vt Scipionis sententiam vsurpare sæpe solitus sit, qua ille profitebatur, malle se vnum seruare ciuē quàm mille hostes occidere.

Hannibalem venientem in Italiam cum tria milia Carpentanorum relinquerent, callidissimo ille astu ne & cæteri mouerentur edixit, à se esse dimissos & insuper in fidem eius rei paucos leuissimæ operæ domū remisit. Eiusdē quoq; ducis clementissimum sane salubreq; in suos consilium : nam quum milites eius gelu ac frigore torperent, ignibus ante tentoria factis vt epularentur edixit, oleumq; per manipulos impartendum vt vngerentur mollirentq; artus misit : & scitè id quidem ac sapienter. Nam vt physicis placet, oleo nihil si corporibus exterius admoueatur salutarius : si interius, nihil perniciosius est. Rursus quū apud Aufidum, fluuium prope Cannas castra haberet & orto die extemplo belli signum extulisset (Nam erat rubra quædam vestis supra consulis tentorium protensa) Carthaginenses prospecta imperatoris Romani audacia, & copiarum hostilium multitudine, quum ipsi haud medium numerum attingerent, principio, ingenti trepidatione perculsi sunt : Hannibal iubens exercitum arma capere, eques ipse cum paucis ex quodam humili tumultu hostes qui iam legiones in acies struxerant, speculatur, quūq; quidam ex his qui circa ipsum erant, vir haud inglorius Gisgo diceret admirabilem sibi hostium multitudinem videri, contrahens faciem Hannibal, inquit, Alterum te vidisse puto hoc admirabilius, quod è memoria tua excidit : interrogante Gisgone quidnam illud esset, respondit Hannibal, quòd inter hos tot homines, nemo præter te sit qui Gisgo appelletur : hæc scōmata præter opinionem accidentia, omnes in risum milites coniecerunt, & qui ex colle digrediebantur, & qui circa eum erant : quare quum Carthaginēses prospicerent imperatorem eorum in periculo iocari, & rem parui facere, in confutando bello audentiores facti sunt.

Claudius Nero victis Pœnis quos Hasdrubale duce in Italiam ex Hispania traicientes exceperat, caput Hasdrubalis in castra Hannibalis eiecit : quo factum est vt Hannibal (nam frater occisus erat) exercitus desperatione aduentantis præsidii affligeretur.

Camillus disceptantibus Romanis obsessis cū Gallis de pecunia pēdenda interveniens, cū optimatibus aurū arripiens, ministris dedit, trutinā reddidit hostibus, abire iubens, proprium inquiens esse Romanis ferro non auro patriam seruare.

Domitius Corbulo quum Cretam obsideret & Armeni pertinaciter viderentur tolerare obsidionem in Vaduadum ex megistanis quos cœperat animaduertit, caputq; eius in balista excussum intra munimenta hostium misit : id fortè decidit in medium concilium quod tum maxime habebant barbari, ad cuius conspectum velut ostento consternati ad deditonem festinauerunt.

Gallorum equites pectoribus equorum ad terrorem suspensa Romanorum gestarunt capita, & lanceis infixæ, ouantēque moris sui carmine : quanquam sint qui Vmbros fuisse non Gallos tradant.

Appius Claudius, in ōni sermōe negociū Romanorū ocio præferre solitus fertur, atq; nemo tā demēs est q̄ ocii dulcedinē, negociorū curis, si securitas cū ocio con-

tingat nō præferendā censeat: sed in anteriora prospiciens vir cautissimus, videbat id qđ exitus appbavit, Romanā virtutē negotiis ali, segnicieq; marcescere.

Q. Metellus bello punico secundo, pulso tādē ex Italia Hannibale ac subacta Carthagine, cunctis gaudio exultantibus solus in senatu graui ac circumspecta sententia vsus est, Ignorare se asserens ea victoriāne lætabilior an formidabilior esset reipub. Sicut enim Hannibal Alpes ingenti strepitu transgressus, concussa Italia dormitantem populum Ro. excitasset, securus torpor opprimeret.

Scipio Nasica vir optimus à senatu iudicatus, tertio bello punico dum à sententia Catonis Censorii, qui vir omniū sapientissimus habebatur acerrime constanterq; dissensit, & illo censente inexorabiliter delēdam esse Carthaginem aduersatus est, non quòd urbem infestissimā parcius odisset, sed quòd patriam diligeret cuius mores præuidere se dicebat in luxuriam abituros amoto emulę vrbs stimulo. Atq; vtinam eius tunc consilium valuisset, longioris eui forsan Romana felicità fuisset, nec vitis propellentibus corruisset, pace bellorum gloriā inquināte, atq; orbem domitum vindicante luxuria.

Melanthus Atheniensium dux quum prouocatus à rege hostiū Xantho Boëtio, descendisset ad pugnā, vt primum cominus stetit, Inique, inquit, Xanthe & contra pactum pacis, aduersus enim vnum cum altero processisti: quumq; admiratus ille, quisnam se concomitaretur respexit, adortus hominē vno ictu cōfecit.

Dionysius senior cum sorte concionatores pro literarum ordine traherentur, vbi, D litera forte ipsi obuissset, ad eum qui dixisset deliras Dionysi, dominabitur immo respondit, atq; vbi concionem habuisset, continuò à Syracusanis prætor designatus est: accusantibus verò quibusdam, hominem à se honorari & ad dignitatem prouehi, qui & improbus foret & molestus ciuibus, At volo, inquit, eum esse quem magis quàm me oderint.

Leon Byzantius, gibbofo, sibi oculorum vitium obliicienti, Humanū, inquit, malum reprehendis, quum ipse tergo supplicium luas.

Hermocrates Syracusanus superatis acie Carthaginensibus, veritus ne captiui quorum ingentem manum in potestatem redegerat, parum diligenter custodirentur, quia veritas euentus dimicationis in epulas, in securitatemq; compellere victores poterat, finxit proxima nocte equitatum hostilem venturum: qua expectatione affectus est, vt solito attentius accuratiusq; vigilię agerentur.

Caius Pontius Samnitum imp. ambos coff. atque omnem exercitum Ro. forte præruptis & angustis locis incluserat, miserabile spectaculum, tot fortissimos viros, adēpta pugnæ copia, & armatos simul & captiuos cernere: quum interuentus noctis animos ab operibus in curas traduxisset, nec minus lætitia victoribus, quàm inclusis dolor consilium ademisset, visum est Herenniū Victoris patrem, virum & ætate & sapientia prouectum consulere, (Neque enim aberat) senex audito rerum statu consilium dedit vt abire permitteret, insuper honorificis verbis & omni obsequiorum genere prosequeretur: quod vbi in consilio castrensi apud feroces animos iuuenum agitari cœpit, nimis molle ac prorsus senile consilium de tam infestis hostibus, & indignum omnibus videri: proinde iussus nuncius reuerti, ac virilius responsum petere. At ille omnes ad vnum occidendos censuit

Romanos

Romanos: enimvero tum cuncti, præcipue imperator delirare iam senem arbitrati sunt, quippe qui de eadem re tam pugnantia suaderet: quia tamen fama hominis præclara erat, placuit rursus exquirere, si quod forte medium consilium haberet: tum verò senior stratis sese iussit attolli, & vehiculo impositum se ad castra filii perferri, cuius aduentum circūfusus omnibus, Nihil, inquit, noui consilii daturus venio, sed eorum quæ dedi dicturus rationem: Primū quidem est, Romanos bello clarissimos & optimos mortaliū viros, grandi & insperato beneficio astrictos ex inimicitis ad amicitiam attrahere, & vobis ac posteris vestris tam validæ gentis præsidium promereri: quonam enim modo vnamquam odisse poterunt, aut eos aut eorum sobolē qui ab eis nascentur per quos se meminerint vita ac libertate donatos? Secundum, si hoc vobis displicet, reor vti præsentī fortuna, & gentem inimicam extirpare funditus placeat: sic enim in longum non tantum vobis consulitis, sed natorum natis, & qui nascentur ab illis. Tertium sane quod ex me petistis consilium nullum est: nam quos, inquit, in manibus habetis dimittere contumeliis affectos, ea demum summa dementia est, quæ nec hostem tollit nec amicum parat: verumtamen cæcus & insolens victoris animus utroq; cōsilio despecto, tertium quod ille dānauerat amplexus, exercitum & consules exarmatos & sub iugum actos relaxauit, armis etiam vestimentisq; sublati, tantum singulis vilioribus operimentis ob pudibunda corporis tegenda concessit, quod quum nunciatum esset Herennio, ut audiuit eos mœstissimos abire, nec amicum, nec hostem posse à quoquam romano verbū extorquere, Ei, inquit, misero quàm graues minæ sub hoc silentio premuntur: id quoque quàm vere prodiderit subsecuta Samnitū strage duce Papyrio Cursore repositumq; iugum Pontio & legionibus testatur. Eiusdem etiam Caii Pontii Samnitum imperatoris dictum illud memorabile fuisse aiunt, Vtinam, inquit, ad id tēpus me fata reseruassent quo Romani dona accipere cœpissent: non essem passus eos diutius regnare. Sapienter id quidem hostis optabat: videbat enim imperium donis corruptibile, diuturnum esse non posse.

Xerxi quum exercitus sui magnitudine multa vndique iactarentur quæ hominem nimia exultatione sui furentem concitarent, aliisq; diceret Græcos quibus bellum illaturus esset, non laturos nuncium belli, & ad primam aduentus famam terga versuros, alius nihil esse dubii quin illa multitudine non vinci solum Græciam, sed obrui posse, alius vix illi rerum naturam sufficere, angusta esse classibus maria, militi castra, explicandis equestribus copiis campestria vix patere, cælumq; haud satis ad emittenda omniū manu tela multaq; in hunc modum, Demaratus Lacedæmonius solus dixit, Ipsam illam quæ sibi placeret multitudinem indigestam & grauem metuendam esse ducenti: non enim vires habere, sed pondus: verumq; esse quod diceretur, maiorem belli apparatus esse q̄ qui recipi ab his regionibus possit, quas oppugnare constituisset: quæ res contra te est, ob hoc ipsum te Græcia vincet, quia non capiet, & vti toto te nō poterit. Præterea quæ vna rebus salus est, occurrere ad primos rerum impetus & inclinatis opem ferre non poteris, nec fulcire aut firmare labentia, multò antè vinceris q̄ victum esse te sentias: sic denique ut Demaratus prædixerat, stratus per totam
passim

passim Græciam Xerxes intellexit quantum ab exercitu turba distaret.

Hanno Carthaginensis, vir apud suos spectatæ providentiæ, perferuidû Hannibalis ingeniû ab infantia contemplatus, semper suavitè continendum domi sub legibus, docendû ex equo cû ciuibz suis vivere, abstrahendû ab exercitiis ne intempestiuo assuefactus imperio, postquâ cervicem dedisset, tyrannum ageret: id salubriter ne præmoneret declaravit exitus. Quanta enim cum Aphricæ, Hispaniæq; & Italiæ ruina, quantoq; populorum cum gemitu ac sanguine imperitandi dulcedinem semel degustatam perpetuam reddere puer ille nixus sit, tam notum est vt commemoratione non egeat.

Periclem Atheniensium ducem, quem virum cautissimum fuisse constabat, Aristophanes comicus ab inferis reuertentem finxit, concives suos monentem, non oportere in ciuitate leonem educari: verum si educatus fuerit, obsequi oportere: persuadere volens hoc figmento, adolescentibus generosis ac præferocibus habenas substringi debere: postquam laxatæ sint, serò contrahi, immodica frenum recusante licentia. Posse igitur inimicû libertati nimium fauorem petentibus negare, consecutis verò eripi non posse. Idem Pericles cum à Themistocle vehementer dissideret, multeq; inter ipsos & graues essent, & dissonæ contentiones, dicere in concione solitus fertur, nunquâ salutem Atheniensium rebus fore, nisi se ac Themistoclem in barathrum coniicerent.

Cimon Atheniensis, Peloponnesiaci belli tēporibus qui fuisse dicitur, inhumanus admodum & hominum congressus fugiens, & colloquia omnia præter vnus Alcybiadis qui ea tempestate adolescens erat, & præstanti forma, & lingua maxime promptus, quum eum libentissime amplecteretur osculareturq;, interrogatus ab Epemanto quid ita faceret, ideo se adolescentem amare respōdit quòd intelligeret illum multorum malorum causam Atheniensibus fore.

Iulius Cæsar ciuili victoria clementissime vsus, quū scrinia deprehendisset epistolarum ad Pompeium missarum ab his qui videbantur aut in diuersis, aut in neutris fuisse partibus, igni tradidit, & quāuis moderatè soleret irasci, maluit tamen non posse: maximum putauit genus veniæ, nescire quid quisque peccasset: satiufq; esse ratus, in quibusdam rebus decipi, quàm fallacissimis suspicionis & coniecturæ iritamentis posse decipere. Idem Pomponio ostendēti vulnus ore exceptum in seditione Sulpitiana, quod ipse passum pro eo pugnante gloriabatur, Nunquam fugiens respexeris, inquit. Huius paterni verbi etiam postea forte memor Augustus, in quempiam simili modo iactitantem, & cicatrices ostentantem inuectus est.

Antigonus secundus, Demetrii filius, quum bello nauali aduersus Ptolomæi prætores pugnaturus esset, gubernatorq; dixisset hostiū naues multo plures esse, At me, inquit, præsentem aduersus quot naues opponis? Inuadentibus verò hostibus, quum aliquando cessisset, ait nequaquam se fugere, sed ipsum vtile quod retro positum esset insequi.

Alcybiades canem quum haberet optimum quem nummûm septem milibus emerat, ei caudam abscidit, dicentibusque id vile inclyti ducis ministerium fuisse, Hoc ideo feci, inquit, quò Athenienses hac de re loquentes, de me aliud
nihil

nihil curiosius quæritent.

Thymoleon quū Demenatus in concione populi de rebus gestis eius detrahere cœpisset, ac nōnulla inueheretur in eum, dixit nūc demum se voti factū competentem, nanque hoc à diis immortalibus semper precatum ut talem libertatē restitueret Syracusanis in qua cuiusliceret de quo vellet, impune dicere.

M. Bruto quum se penè tota Lusitania dedidisset ac sola gentis huius Citania ciuitas pertinaciter instaret, tentata redemptione propemodum vno ore legatus eius respondit, ferrum videlicet sibi à maioribus quo urbem tueretur, non aurum quo libertatem ab imperatore auaro emerent relictum.

Timotheus fortunatus imperator quum putaretur, atque qui ei inuiderent pingerent vrbes quæ illo dormiente ad rete ultro se implicarent, Itaque dicebat Timotheus, si huiusmodi vrbes capio dormiens, quid me facturum arbitramini quum vigilauero? Ad hæc quum ex audacibus prætoribus quidam Atheniensibus vulnus ostenderet, At me, inquit, puduit quòd me prætor vestro in Samo catapulta propè concidit.

Lyfimachus in Thracia superatus à Dromachea, quum & sese, et exercitum suum præfidi dedidisset, vbi bibisset in captiuitate positus, O dii, inquit, ut paruæ voluptatis gratia memet seruum ex rege feci.

P. Syllanus quum maxima apud hostes dignitate ac potentia præstans, Mario in bello ciuili fossa circumdato & oblesso occasionem & tempus operiens dixisset, O Mari, si magnus imperator es, descende in aciem & pugna, respondisse Marium ferunt, At tu si clarus imperator es, certare me nolentem coge. Iterum quum aliquando hostes sibi congregiendi præbuisent causam Romanusque certamen detrectauisset, ut abiere, vtrinque militibus in concione habitis, Ambigo, inquit, an hostes, an vos magis eneruatos appellem: non enim vestra illi, nec vos eorum terga intueri potestis.

Laberius quum vitam omnem honesta militia exegisset, sexagesimum vitæ annum agens, ad extremum lul. Cæsaris blanditiis ac precibus quæ de ore principum armatæ prodeunt productus in scenam, de Romano equite factus est minimus: quam iniuriam ipse quidem non tacitus tulit, immo multis & inter cætera his questus est verbis, Ego his tricenis annis actis sine nota, eques Romanus lare egressus meo domum reuertar, minimusque: nimirum hoc die vno plus vixi quàm mihi viuendum fuit. Idem diu antè clarissimus & inuictus, tandem à Publio victus extitit, quippe à quo ea tempestate nemo non victus extitit, quod & Iulius Cæsar diffiniuit his verbis, Fauente tibi me victus es Laberi: & Laberius ipse tam æquo tulit animo ut victum se sine altercatione fateretur, his sapiētiae plenis & memoratu dignis versibus, Non possunt primi esse omnes omni in tempore, Summum ad gradum quum claritatis veneris Consistes egre & citius quàm descendas Decides, cecidi ego, cadet qui sequitur, Laus est publica.

Athenodorus singularis & vita & doctrina philosophus, quum aliquandiu in instruendo Augusto dedisset operam & vrgente senectute facultatem in patriam redeundi ab imperatore oraret, ac tandem impetraret, discessurus ut aliquod quasi pignus & perpetuum sui recessus monumentum relinqueret, in extremo

tremo abeundi gratificandique officio quum irasci, inquit, Cæsar, tibi contigerit, nihil prius dixeris fecerisue quàm quatuor & viginti literas mente percurras: quod à philosopho summo inuentum proinde puto, quò concitatio illa vehemens animi aliò traducta, parui temporis momento languesceret: sapiens profectò præceptoris dictum. Non minus benignum illud Octauiani Cæsaris factum: apprehensa enim Ahenodori dextra, Tua mihi & adhuc opus est præsentia dixit, hominemq; apud se annum postea tenuit, præfatus taciturnitatis, quia sine periculo sit, tutum, nec mediocre præmium fore.

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Sextus.



Belli gerendi indicendiq; aut ferendi fœderis antiquorum rationes.

Cap. I



Vnt aliæ bellorum rationes atq; consilia permulta, Sigismundi Pandulphæ, quæ tradere, ardua res quidem erit & operosa nimis, quoniam quod vtile quisq; probat dux & imperator id & sequitur: & quanquã nouis ingeniorum inuentis occurrere difficillimum etiam sit, quum non præmeditata sepe numero casus afferat, dabimus tamen operam ex his quæ prioribus ad gloriam successerit viâ aperire posteris, vt ex similibus elicere similia queant consilia: instituti nanque veteris ac probati quàm diu fuisse legimus nullum bellum geri, neque indici debere, neque solere, nisi quicquam prius hostibus à sacerdotibus fœcialibus denuntiatum esset, apud quos belli æquitas pacisque sanctissimo Ro. populi iure perscripta erat. Formula autem indicendi belli aut ferendi fœderis per fœcialem huiusmodi erat: & qua nulla, vt Liuius placet, vetustior esse memoratur, Fœcialis inquit, regem Tullium ita rogauit, lubesne me, rex cū patre patrato populi Albani fœdus ferire? iubente rege, Saginia, inquit à te rex posco. Rex ait, puram tollito: Fœcialis ex arce graminis herbam puram attulit, postea regem ita rogauit, Rex facis ne me tu regium nuncium populi Romani, vos comitesq; meos, Rex respōdit, quod sine fraude mea populi que Romani Quiritum fiat facio, multisq; id verbis quæ longo effata carmine non operæ precium est referre, peragit: legibus deinde recitatis, Audi inquit, Iupiter, audi Paterpa-

trate

trate populi Albani, audi tu popule Albane, vt illa palam prima postremâe ex illis tabulis cerâe recitata sunt sine dolo malo, vtiq; ea hic hodie rectissime intellecta sunt, illis legibus populus Romanus prior non deficiet. Si prior defecerit, consilio publico, dolo malo, tu illo die Iupiter populum Romanum sic ferito, vt ego hunc porcum hodie feriam, tantôque magis ferito quanto magis potes pollésque: id vbi dixit, porcum saxo filice percussit. Sua item carmina Albani suumque iusiurandum per suum dictatorem suosq; sacerdotes peregerunt. Ancus autē Martius Numæ Pompili ex filia nepos, æquitate ac religione aui persimilis, qui Latinos bello domuit, ius fœciale quo legati ad res repetēdas vterentur ab Equiculis transtulit, quod prius Hesus fertur excogitasse. Patrispatrati vsus eodem tempore quo Fœcialis apud Ro. prodiit. Nam & in feriendis à fœcialibus fœderibus, Patrispatrati opera auctoritasque exigebatur. Legatus igitur idemq; Paterpatratus vbi ad fines eorum venit vnde res repetūtur, capite velato filo, lang velamē est, Audi Iupiter, inquit, audite fines cuiuscūq; gentis sunt, numina audiāt fas, Ego sum publicus nūcius populi Romani, iuste pieq; legatus venio verbisq; meis fides sit. Peragit deinde postulata, inde Iouem testem facit, Si ego iniuste impieq; illos homines illâsque res dederit, populo Romano mihiq; exposco vt patriæ compotem nunquam me finas esse: hæc quum finiit supra scandit. Hæc quicumque primus vir ei obuius fuerit, hæc portam ingrediens, hæc forum ingressus, paucis verbis carminis concipiendiq; iurisiurâdi mutatis peragit. Si non deduntur quæ exposcit, diebus tribus & triginta (tot enim solennes sunt) peractis bellum ita indicit, Audi Iupiter, & tu Iuno, Quirine, diiq; omnes celestes, vósq; terrestres vósq; inferni audite, Ego vos testor, populū illū, quicumque est nominat, iniustum esse neque ius persolvere. Sed de istis rebus in patria maiores nati consulemus, quo pacto ius nostrum adipiscamur. Quum is nuncius Romam ad consulem rediit, confestim rex ex his ferme verbis Patres consulebat, quarum rerum, litium, causarum, cōdixit Paterpatratus po.ro. Quiritium Patrispatrato priscorum latinorum, hominibusq; priscis latinis, quas res dari, fieri, solui oportuit, quas res non dederunt, nec soluerunt, nec fecerunt, Dic inquit ei qui primum sentētiā rogabat, Quid censes? Tum ille, Puro pioq; duello quærendas censeo, itaque cōsentio, consistôque, indeq; ordine alii rogabantur. Quandôque pars maior eorum qui aderant in eandem sententiam ibat, bellum erat consensu fieri solitum, vt Fœcialis hastam ferratam aut sudem præuistam ad fines eorum ferret, & non minus tribus puberibus præsentibus diceret, quod populi priscorū Latinorum, hominésue prisci Latini aduersus populum Romanum Quiritium fecerunt, deliqueruntq; Po. Ro. Quiritium bellum cum priscis Latinis iussit esse senatúsue po.ro. Quiritium, fecerunt, deliquerūtq; Po. Ro. Quiritium censuit, consensit, consciuit vt bellum cum priscis Latinis fieret ob eam rem: Ego populusq; Romanus, populis priscorum Latinorum hominibusque priscis Latinis bellum indico, faciôque: id vbi clara voce denunciasset, clarigationem quasi claram actionem veteres dixere, hastā in fines eorum emittebat, quæ sic denique missa, belli principium erat: quod nec dissimulasse visus est Maro, quum inquit, Et iaculum torquēs emittit in auras principium pugnae

gne erat. Erat & ante Bellonæ templū, Bellica (colūne id nomen est) supra quam hastam etiam iaciebant bellū indicturi. Ovidius in fastis, Prospicit à tergo summum brevis area circum Est ubi non paruae parua columna notæ. Huc solet hasta manu belli prænuncia mitti, In regem & gentes quum placet arma capi. Hoc itaque tum modo repetite primum res à Romanis ac bellum indictum, morumque eum posterius & si absoleuerit acceperunt.

De euocationis & deuotionis formula

Cap. II.



Elebres deinde auctores habemus, quæ vel vi vel arte excogitari ac machinari possunt ad capiendū opprimendūque hostem, nutu deorum & auspicio fieri solere, ut his propitiis & auctoribus arse efficacior esset. Simili modo in oppugnationibus urbium ante omnia solitum à Romanis sacerdotibus euocari deum constat, in cuius tutela id oppidum sit, promittiq; illi eundem aut ampliorem honorem apud Romanos cultūque, quod haud aliter urbē capi posse non crederent: aut etiā si posse, nefas existimarent deos habere captiuos. Propterea durauit in pontificum disciplina quādiu id sacrum, cōstatque ideo occultum & multis sæculis ignotū urbis latinū nomen tutelari sue dei. Sed Dei quidē nomen nonnullis antiquorū inter se dissidentium libris insitum est. Alii enim Iouem crediderunt, alii lunam, alii opem consciniam: & horum quidem fides firmior videtur quibusdam. Sūt qui Angeronam: inter antiquissimas sane religiones, huius deæ sacellum colitur, cui sacrificatur ante diem xii, Kal. ianuarii, quæ Diua præsul silentii ipsius, prænexo ore, digitosq; ad id admoto simulacrum habet, quod silentium denūciat. Ipsius deinde verum urbis nomen & vnde deductum sit, inter doctissimos non satis cōstat. Ut enim Varroni placet & Liuius, potito imperio Romulo siue Remo condita urbs est, & conditoris sui appellatione nominata. Alii sunt qui videri velint Romæ vocabulum ab Euādro primum datum quum oppidum ubi sita nunc urbs est, ibi offendisset, quod extructum antea latino nomine Valentia dicebatur, cuius vocabulum Arcades vertentes in græcum, iuxta prioris verbi significationem *populus* pro Valentia vocauere. Heraclidi placet, Troia capta quoscūq; ex Achivis in ea loca per Tyberim deuenisse, deinde suadēte Roma, nobilissima captiuarum quæ his comes erat, incensis nauibus posuisse sedes, struxisse mœnia, & oppidum ab eius nomine vocauisse. Agathocles scribit Romam non captiuam fuisse, sed Ascanio natam Aeneæ neptem eiusce denominationis causam extitisse tradit, & Romæ nomen verum, vetitū tamē publicari quò minus annūciaretur cerimoniatum arcana, neque quod sæpe aduersus vrbes hostium fecisse se nouerant, idem ipsi quoq; hostili euocatione paterentur. Sed videndum ne quod nonnulli existimauerunt, nos quoq; confundat opinātes vno carmine & euocari ex vrbe aliqua deos, & ipsam deuotā fieri ciuitatem. Est autē carmē huiusmodi quo dii euocantur quum oppugnatione aliqua ciuitas cingitur, Si deus, si dea est, cui populus ciuitasq; Carthaginensis est in tutela, teq; maxime qui urbis huius populiq; tutelam recepisti precor, venerorq; veniamq; à vobis peto, ut vos populū ciuitatemq; Carthaginensium deferatis, loca, templa, sacra, urbē eorum relinquatis, absque his abeatis, eiq; populo, ciuitati, metum, formidinem, obliuionem

obliuionem iniiciatis, proditiq; Romam ad me meosq; veniatis, nostraq; vobis loca, tēpla, sacra, vrbs acceptiora probatioraq; sint: mihi quoq; populoq; Romano militib; meis præpositi sitis, vt sciamus, intelligam; q; : si ita feceritis, vobis vobis tēpla ludosq; facturū. In eadē verba hostias fieri oportet; auctoritatēq; videri extorum, vt ea promittāt futura: vrbes verō exercitūq; numinibus iam euocatis, his verbis sic deuouētur, Dis pater veiouis, manes, siue quo alio nomine fas est nominare, oro vt omnes illā urbē Carthaginem exercitūq; quē ego me sentio dicere, fuga, formidine, terrore cōpleatis: quiq; aduersus legiones exercitūq; nostrum arma, telāq; ferent, vtī vos eū exercitū, eos hostes, eosq; homines, vrbes, agrōsq; eorum & qui in his locis regionib; agris, urbib; habitant abducatis, lumine supero priuetis, exercitūq; hostium, vrbes agrōsq; eorum quos me sentio dicere, vtī vos eas vrbes agrōsq; capita, ætatēq; eorū deuotas cōsecratāq; habeatis, illis legibus quibus quandoq; sunt maxime hostes deuoti, eosque ego vicarios pro mea fide magistratūq; meo po. ro. exercitibus legionib; que Do deuoueo, vt me meāq; fidē imperiumq; legiones exercitūq; nostrum qui in his rebus gerendis sunt, bene saluo nos iri finetis esse. Si hæc ita faxitis, vt ego sciam, sentiam, intelligāq; tum quisquis votū hoc faxit, vt vbi faxit, recte factum esto, ouibus atris, Tellus mater, teq; Iupiter obtestor, quum Tellurem dicit, manibus terram tangit: quū Iouem dicit, manus ad cælum tollit: quum votum recipere dicit, manibus pectus tangit. Hæc est euocationis deuotionisq; forma ex libro rerū reconditarum v. Sāmonici Serrani vtrūq; carmē hoc cōtinentis, quod etiā ille in cuiusdā Furii vetustissimo libro se reperisse p̄fessus est. Liuius autem libro octauo ab vrbe cōdita trepidationem Decii consulis se deuouentis, alia deuotionis forma his verbis expressit, Agedum pontifex publicus populi ro. prei verba quibus me pro legionibus deuoueam: Pontifex eū togam prætextam sumere iussit, et velato capite manu subter togam ad mētum exerta, super telū subiectum pedibus stātem sic dicere, Iane, Iupiter, Mars, pater Quirine, Bellona, lares diui, numen similes dii indigetes, Diui quorum est potestas nostrorū hostiumq; diūq; manes, vos precor, veneror, veniam peto feroq; vt Po. Ro. Quiritium vim victoriāq; prosperetis, hostesq; Po. Ro. Quiritiū terrore, formidine, mortēq; afficiatis, sicut verbis nūcupaui, ita pro Po. Ro. Quiritiū exercitu, legionibus, auxiliis Po. Romani Quiritiū, legiones, auxiliāq; hostium mecū diis manibus tellurique deuoueo. Hæc ita precatus, lictores ire ad T. Māliū iubet, maturēq; collegæ se deuotum pro exercitu nunciare, ipse incinctus cinctūq; gabino armatus in equum insiliit, ac se in medios hostes immisit, cōspectus ab vtraq; acie aliquāto augustior humano visu, sicut à cēlo missus piaculū omnis deorum iræ qui pestem à suis aduersam in hostes ferret: ita omnis terror pauorq; cū illo latus, signa prima Latinorū turbauit, deinde in totā penitus aciem puasit, euidentissimū id fuit q; quocūq; equo inuectus est, ibi haud secus q; pestifero sidere icti pauebant, vbi verò corruit obrutus telis, inde iam haud dubie cōsternatæ cohortes Latinorum fugam ac vastitatem late fecerunt. Illud etiam adiciendum videtur, licere Consuli Dictatoriq; & prætori quum legiones hostium deuouerit, non vtique se, sed quem velit ex legione Romana scripta ciuem deuouere.



Eque etiam sermo ille quem de Zaleuci, Minois, Lycurgi, Numæ aliorumque similium virorum religione deorum narrant historia, in-
eptum quicquid habet, qui ut infrenes difficilesque multitudines gubernarent, componerent, caperent, magnasque rebus publicis nouitates afferrent, deorum opinionem commeti sunt, quæ ipsis illis quorum gratia finge-
bantur salutis essent: in qua re præter hos quos modo diximus, nec externorum, nec nostrorum similium virorum desunt exempla. Nanque Epaminondas ille Thebanus, non aliter aduersus Lacedæmonios quam religione fidutiam suorum adiuuandam censuit, è vestigio enim arma quæ in templi ornamentis affixa erant nocte subtraxit, persuasitque militibus deos iter suum sequi, et præliantibus ipsis adiumento fore. Pericles Atheniensium quoque dux initurus prælium, quum animaduertisset locum ex quo utraqque acies conspici poterat densissimæ opacitatis, vastum alioquin & Diti patri sacrum, ingentis illic stature hominem altissimis cothurnis & veste purpurea venerabilem in curru constituit, qui dato pugnae signo prouheretur, & voce Periclem nomine appellans cohortaretur cum, diceretque deos Athenienses adesse: quare subito demissis ac consternatis animis, hostes in fugam versi sunt. Thymoleon Corinthius, magnus etiam omnium iudicio vir & dux, humanarum rerum nihil quod faustum, felix, fortunatumque esset sine deorum numine geri posse putabat: proinde suæ domi facellum constitue-
rat idque sanctissimè colebat. Ad hanc quoque hominis excellentem probitatem & religionem, mirabiles accesserant casus: nam prælia maxima natali suo die fecit omnia, quo factum est ut eius diem natalem festum haberet vniuersa Sicilia. Syrus nomine quispiam Eunus, fanatico furore simulato, dum Syriæ deæ comas iactaret, ad libertatem et arma seruos quasi numinum imperio concitauit, idque ut diuinitus fieri probaret, in ore abdita nuce quam sulphure & igne stipauerat leuiter inspi-
rans, flammam inter verba fundebat, hoc miraculum primo, Il. M. ex oculis, mox iure belli refractis ergastulis, lx. amplius milium fecit exercitum: regis, ne quid malis deesset, decoratus insignibus, castella, vicos, oppidaque miserabili direptione vasta-
uit. Utque ad nostros, vnde paululum discessit, redeat oratio, Scipio maior clarissimum hac in re præ ceteris sibi locum vèdicat, quippe qui ab adolescentia supra quam credi posset mira quadam arte in ostentatione virtutis ac sanctimonie instructus erat: percrebuerat enim fama, seu consultò, seu temere, incertum, non humana sed diuina eum stirpe progenitum, cui quidem in tali re usu euenit, & fabularum ambages aderant, visum serpente insuetæ magnitudinis in lecto matris, sibi infanti draconem circumfusum nihil nocuisse, multa id genus, in vulgus indoctum matu-
ra: Hanc de se opinionem hominum tali ingenio nutriuit ut de origine quidem sua nihil sponte loqueretur, & interrogatus an vera essent quæ passim ferebantur, nec affirmaret ne quæ exinde vanitatis notam incurreret, nec negaret quod credi ab omnibus gratulabatur: hac taciturnitate plus affectus, quam si palam Iouis se filium prædicasset. Addidit etiam aliud religionis genus, per singulos dies antequam quicquid publici priuatique muneris ageret, in capitoliū ascendens, cellam Iouis solus intra-
bat, ibique aliquandiu perstans, veluti diuino colloquio frueretur, quod vulgo per-
suaserat,

suaserat, inde spei plenus ad gerendas res digrediebatur, idq; in multis bellis, repletis superstitione ac spe militum animis, quasi è caelo promissis prosperis euentibus ad victoriam eis contulisse certū est. L. Sylla quò paratiorem militem ad pugnādum haberet, prādicti sibi à diis futura simulauit. Postremò etiā in conspectu exercitus priusquā in aciem descēderet, signum amplitudinis quod Delphis sustulerat orabat, petebatq; promissam victoriā maturaret. C. Marius mulierem quandam Syram, nomine Martam habuit, vaticinii (vt dicebatur) gnaram, quā lecticæ incubātem compositè ornatēq; circumducebat, à qua se dimicationum euentum prādiscere insimulabat. Q. Sertorius cum barbaro & rationis & cōsiliū experti exercitu, in religionē tamē prono vteretur, ceruā cādidi coloris per Lusitaniam ducebat, tanquā donum id esset Dianæ sibi transmissum, & ab ea quæ agenda quæue vitāda erant pernoscere se asseuerabat: nam quotiens hostium copias fines ingressos, aut oppidum aliquod cepisse occultè persenserat, in somnis sibi dictum à cerua insimulabat, vt suos in armis haberet. Rursū verò, si victoria aliqua ducū suorū deferēbatur, occultato nūcio ceruam coronabat, si biq; ab ea quoq; faustè nūciatum, & ob id diis supplicādū esse dicebat, quasi aliquid fœliciter gestū audituros: hac ratiōe illos sibi magis ac magis parere cōpellebat, veluti nō hominis alienigenæ, sed dei cōsiliis ac religiōe summa duceretur. Post hos deniq; intueri si libet, M. Furium Camillum, virum religione pace ac bello verè vnicū, ceterosq; Romanorū et exterarū gētiū illustres, ab ætatis nostræ memoria remotos, maximarū pfectò victoriarum et optatę glorię cōpotes fuisse eos semp inuenies, q res præ ceteris exactissimo deorū cultu auspicioq; gessissent.

Quòd religiosa usque adeò res Militia erat, ut non nisi sacramento miles fieret. Cap. III.



Sque etiam adeò religiosa res Militia fuit, vt non nisi sacramēto fieret miles, & qui miles non esset, ei militare munus obire non liceret: cuius rei fidē si queris, in primo Offic. libro M. T. C. opulētissimus testis est, Pompilius inquit imperator tenebat prouintiā, in cuius exercitu Catonis filius tyro militauit: quum autē Pompilio videretur vnā dimittere legionem, Catonis quoq; filium qui in eadem legione militabat dimisit: sed quum amore pugnādi in exercitu remansisset, Cato ad Pompilium scripsit, vt si eum pateretur in exercitu remanere, secūdò obligaret militiæ sacramento, quia priore amisso iure, cū hostibus pugnare nō poterat. M. quoq; Catonis senis ad M. filium extat epistola, in qua scribit se audisse, eū dimissum esse à cōsule quum in Macedonia bello Perfico miles esset, monet igitur vt caueat ne prēlium ineat: negat enim ius esse cum hoste pugnare, quasi miles non sit: ecce q; vir sapiētissimus militem non credebat, nisi eum qui sacramento ad militiam esset adaçtus.

Quando ex uoluntario inter ipsos milites fœdere militare sacramentum ad tribunos ac legitimam iurisiurandi adaçtionem translatum sit, quidq; iurarent se facturos. Cap. V.



Vcio etiam Flac. & C. Varrone cōss. milites primo iureiurādo facti sunt: antea enim sacramēto tantūmodo à tribunis rogabātur, ipsiq; inter se cōiurabāt ducis aut tribuni parere edicto, militiā nō deferere, strenue pugnare, defendere signa, nō vitare mortē, tenere pugnādo locū, eūdq; inter eūdū seruare, succurrere fessis, ptegere saucios, die inscripto adesse,

& citanti imperatori respondere: quod & Liuium, xxii. ab vrbe cōdita minime præterit, Delectum, inquit, profectō cos. paucos morati dies, dum focii ab nomine latino venirent, nunquā quod antè factum erat, iureiurando à tribunis militum adacti milites, iussu cos. conuenturos neque iniussu abituros. Nam ad eam diem nihil præter iuramentū fuerat, & vbi ad decuriatum & centuriatū conuenissent, sua voluntate ipsi se equites, decuriati, cēturiati, pedites, coniurabāt sese fugæ atque formidinis causa non abituros, neque ex ordine non recessuros, nisi teli sumendi aut petendi, aut hostes feriendi, aut ciuis seruandi causa, id ex voluntario inter ipsos fœdere ad tribunos ac legitimā iurisiurādi adactionē trāslatū.

Tribuni Militaris uerba cum delectus antiquus fieret.

Cap. VI.



incius verò de re Militari quū delectus antiquus fieret & milites scriberentur, iusiurandum eos tribunus militum adigebat in verba hæc, in magistratu verba hæc, C. Lelii, C. F. cos. L. Cornelii, P. F. cos. in exercitu decēmque milia passuum propè, furtum nō facies dolo malo, solus, neque cum pluribus pluris nummi argētei in dies singulos, extrāque hastam, hastile, pompabulum, vtrem, follem, faculam, si quid ibi inueneris sustulerisue quod tuū non erit, quod pluris argentei nummi erit, vti tu ad C. Lelium, C. F. cos, L. ue Cornelium, P. F. cos. siue ad quem virum eorum iusserit proferes, aut profiteberis in triduo proximo quicquid inueneris sustulerisue in dolo malo, aut domino suo cuium id cēsebis, reddes, vti quod recte factum esse voles. Militibus autē scriptis tempus præfiniebatur quo die adessent, & vt citanti consuli responderent: deinde ita concipiebatur iusiurādum vt adesset, his additis exceptionibus, nisi harunce aliqua causa erit, funus familiare, feriæ vindemiales, quæ non eius rei causa in eum diē collatæ sunt, quo is eo die minus ibi esset, morbus fonticus, auspiciūve, quod sine piaculo præterire non licet, sacrificiūve anni uersarium. quod recte fieri non posset nisi ipso die. Si harunce aliqua causa erit, tum postridie licebit: quum autem miles die quæ prædicta erat aberat, neque excusatus erat, cæterum infrequens dabatur: iurabāt autem milites teste Plinio per Iouem Martemq̃.

Quòd imperium belli habentibus, sceptri eleuatio iusiurandum erat.

Cap. VII.



Imperium autem belli habentes apud veteres, de controuersis iudicabant, atque hoc alii iureiurando, alii sine. Erat autem illis iusiurandū per sceptri eleuationem, vt Aristoteles auctor est. Et hæc de militaris ac imperatorii forma iuramenti dicta sunt.

Gentium diuersarum ratio in deligendis militibus.

Cap. VIII



Vum autem duo sint quæ militem efficiunt, delectus scilicet & sacramētum, de sacramētoq̃ dictū satis superq̃ sit, de altero nobis differendum superest: in hoc itaq̃ militum delectū, primo cuius gētis sint, ipsius deinde regionis spectāda natura, quū & vario & diuerso terrarum situ celiq̃ aspectu, & facies hominum, & voces, & colores, & corporū lineamēta, & qualitates, animorūq̃ diuersitates prodeāt: nec dubiū sit effici minari animos, locorum amœnitate nimia, aliquidq̃ ad dandū animis vigorē corrūpēdūq̃ posse regionē. Hinc enim Aegyptios esse suapte natura leues, ventosos, pēdulos, furibundos,

furibundos, iactantes, iniuriosos, nouarū rerum cupidos, & ad omnia famę momenta volitantes, Romanos graues, Græcos superbos, auaros, & leues, expeditiore ingenio Athenienses, callidos Pœnos et versipelles, insensatos Galatas, & si Diodoro credimus molles, minaces, detractores, opinioneq; inflatos, acutos ingenio, & à doctrina minime alienos, mobiles & infidos Numidas, Seres, Persas & Allobroges, horridos Hispanos, furentes Cymbros, animosos Germanos & feroces procero corpore, animoq; magno magis q̄ firmo Gallos, quorum Iulio Cel. belli gallici libro tertio auctore, vt ad bella suscipienda alacer nō solum sed prōptus est animus, sic mollis ac minime resistēs ad calamitates perferēdas mens eorum est, vtq; inquit romanæ pater historiae, Horum etiā quidē corpora intolerantissima laboris atq; aestu fluere: primaq; eorū esse pręlia plus q̄ virorū, postrema minus q̄ fœminarū, iamq; cognitum est si primū impetū quem feruido ingenio & cęca ira effundunt sustinueris, fluūt sudore & lassitudine membra, labāt arma, mollia corpora, molles vbi ira consedit animos, Sol, puluis, sitis, vt ferrū non admoveas, prosterñūt. Quid de nōnullis Asiæ partibus, Phrygia Cariāq; dixerim? nōne si Ciceroni credimus, & veteri prouerbio, Phryges plagis fieri solere meliores? quid de tota Caria? nōne prouerbio etiā increbuit, si quid cum periculo experire velis, in Care potissimū id esse faciendū? quid porrò de Cretensis dicam quos Epimenidis poëtę sententia quā postea Callimachus vsurpauit, & mendaces, et malas bestias, et vĕtres pigros semper fuisse cōstat? deniq; qui proximi sunt ad axem meridianū subiectiq; solis cursui, vel ad oriētis plagas vergunt, breuioribus corporibus sunt, ob cęliq; tenuitatē ex acuto feruore ad cōsiliorū bellicorū cogitationes incredibili solertia expeditius celeriusq; q̄ ceteri mouētur, atq; vt ingenii & artis plurimū, ita & animi parū habēt. Propter sanguinis enim exiguitatē, solis calore exhaustā, ferro resistere formidolosiores sint cōsequēs est. Lucanus,

Quicquid ad eos tractus mundiꝑ teporem

Labitur, emollit gentes clementia cęli.

Illic & laxas vestes & fluxa virorum

Velamenta vides.

Sub septētrionibus autē quę nutriūtur gētes ac nationes, immanibus corporibus & sanguine plurimo ab humoris plenitudine & crassitudine cęli perfusi hebetes ac tardas vt habēt mētes, ita & animo quidē magno sunt & elato, proinde ad armorū vehementiam procliuiiores sunt: sanguinis enim copia, sine timore in ferrum ruunt, & vulnera. Quod si in dubium cuipiā forte veniat, ardētissimus duobus in locis testis Lucanus accedit, in altero quidem his verbis,

Certe populi quos despicit arctos

Fœlices errore suo quos ille timorum

Maximus haud vrget læti metus: inde ruendi

In ferrum mens prona viris animæq; capaces

Mortis & ignauum est redituræ parcere vitæ:

Omnis in arctois populis quicunque pruinis

Nascitur indomitus bellis & Martis amator.

Alpina etiam corpora humecto cęlo educata, simile quidpiam niuib. suis ha-

I iii bent,

in altero,

bēt, suoq; similima cēlo vtūtur vt ait poēta. Quū enim mox pugna incaluerint, statim in sudorē eunt, et leui motu quasi sudore laxātur. Quū igit acutiores et ad motū p̄niores efficiat calidus aēr hominū mentes, refrigeratus autē cōtrā tardiores, q; pigrū cōtractūq; est frigus, vt in serpētibus est videre, quē solis incendio explōsa humoris refrigeratione, cursu et corporū dimicatione mouētur acerrime: hyberno autē tēpore ab humectatione cēli refrigeratē, immobiles, p̄p̄modū sūt atq; stupentes, ex his itaq; qui mediā quandā locorū regionumq; qualitātē ab origine nacti erūt, eligētur, q; vtriusque naturæ participes sint, ad eēdem mortisq; contemptum, ad intelligentiā vigoremq; animi, dimicationibus impartendum idonei. Adde quōd salubris hęc vtrinq; mixtura, ad omnes actus, ritus, mores, sensus fecunda efficit ingenia, imperii omnis totiusq; naturæ capacia, vt Italorum omnium qui contra barbarorum virtutes, forti manu: consiliis verò contra meridianorum cogitationes, orbis terrarum imperio potiti inuictas & immortales laudes consecuti sunt: quas etiam inter hos vt facile consequamur, adhibendi erunt pręstanti ingenio viri, militaris disciplinæ gnari, quos summa cura & diligentia niti decet ne quis militū etate minor, aut quā virtus poscat, aut maior q̄ patiatur humanitas, contra morem veterem deligatur: ætatis autem huiusmodi initium ad finem Tubero in historiarum primo scripsit, Seruium Tullum prudentissimum Ro. Po. regem à XVII. ad annum vsque quadragesimum sextum milites scripsisse, quōd idoneos tunc esse populos Ro. arbitraretur. Similiter senatum triumuiros binos creare in hoc militum delectu solitum accepimus: alteros qui citra, alteros qui vltra quinquagesimum lapidem in plateis, foris & conciliabulis omnem copiam ingenuorum inspicerent: & si qui roboris satis ad ferenda arma habere viderentur, etiam si nondum militari ætate essent, milites facerent: tribuni plebis, si his videretur ad populum ferrent, vt qui minores septem & decē annis sacramento addixissent, his perinde stipendia procederent, ac si septem & decem annorum aut maiores milites facti essent. Nec aliter Dictator ex auctoritate patrum dictus, Iunius & T. Sempronius magister equitum, delectu edicto, iuniores ab annis decem & septem & quosdam prętextatos scripsere, quatuor ex his legiones & mille equites efficientes. Macedonū regum Philippus primo, ac mox Alexander non prętextatos & impuberes, nec spectati roboris iuuenes tantum sed veteranos etiam qui superiori tempore sæpe ac diu in castris versati essent ad exercitum deligēdos censuit, quosque non tam milites quā in militum pręfectos & tribunos virtutis veneratione & sapientiæ magnitudine delectos iure diceres. Proceritatē sunt deinde qui in hoc delectu spectari debere maxime putent, fortitudinem nanq; & virium magnitudinem consistere quemadmodum formæ pulchritudinem in magno corpore aiunt. Non ab se igitur delectori suo Pyrrho dixisse ferunt, Tu grandes elige, ego eos fortes reddā. Nec multū tamen id refert, si cætera probitatis insignia cōeant, procerine sint an statura breuiore. Pręstat enim virium quā stature rationē habere, vnde equites ro. binū fuisse cubitorum, clari nec desunt auctores, vt C. Marium quum facultatem haberet deligēdi exercitus ex duobus q; sub Rutilio quiq; sub Metello, ac postea sub se ipso meruerant, Rutilianum quempiam minorem, quoniam certioris disciplinæ

næ arbitrabatur, militem præoptasse. Idem Marius declaratus cos. militū agens delectum, capite censo militiæ ascriptum, quod genus hominū ab imperatoribus cæteris antea nūquā receptum fuerat: arma enim veteres illi, non nisi cum ingenuis hominibus, cuiusdamq; census & benemeritis partiri soliti sunt, iudicantes censum ad res bene gerēdas ut pignus esse: id autē ab C. Mario præter legem morēque maiorum, alii per ambitionem consulis, alii bonorū inopia factum memorant: veritus autem postea, hanc militum electionem in sui nominis fūgillationem verti posse, & veluti capite censum imperatorem compellari, eiuscemodi militiæ genus obliterandum duxit: & quanquam ad hunc usque diem capite censum militem etiam nobilem romana res publica deligendum egre tulisset, cælis tamen servilibus ē pastorum casulis, mancipiorum, ut ita dixerim, colluvionem quandam deligere & tanquam validissimū robur legionibus suis adiciere coacta est. Bello etiam punico secundo quum deessent qui scriberentur, servi pro dominis pugnuros se polliciti in civitatē recepti sunt: & Volones, quia sponte hæc voluerunt, appellati. Eiusdem etiam belli punici tempore, infelicibus quibusdam præliorum successibus confectis, imminutisq; Romanorum legionibus, senatus censuit, ut publice servi emerentur: proinde quatuor & viginti milia servorum empta fuisse constat, hosque iureiurando adactos, fortiter strenuēque quoad Pœni vexarent Italiani laturos arma in castra transmisit. Ad Cānas quoque victis Romanis, similem formam novi delectus inopia liberorum capitum ac necessitas dedit: octo milia namq; iuvenum validorum ex servitiis, prius sciscitantes singulos vellēntne militare empta publicē armaverunt, quumq; sex milia Romanorum quæ in castris Hannibalis captiva erant, minoris redimi possent, maluit se res publica servis in tanta tempestate cōmittere, in qua & prætextatorum plurimos arma tulisse & abdicatorum, & ultimo supplicio plectendorum sex milia etiam cōscripa fuisse memorant. Sed post calamitatē apud Trafinenū nocte cladis acceptam, libertini quoq; in sacramētū vocati sunt: bello sociali cohortum XII. milia ex libertinis conscriptarum opera memorabilis virtutis apparuit aduersus Gallos. L. Furio duce quū Latini qui à Romanis subiugati erant milites præstare nollent, ex Romanis tantum tyrones delecti sunt factaq; legiones decem, qui modus LX. vel eo amplius armatorum milia parvis adhuc rebus Romanis efficiebat. Cæsarem quum milites in amissorum locum substitueret, servos quoq; ab amicis accepisse & eorum forti opē usum esse comperimus. Cæsar Augustus in Germaniis & Illyrico cohortes libertinorum complures legit, quas voluntarias appellavit. Ac ne putes hæc tantū contigisse reipub. nostræ, Boristenedæ oppugnante Zopyrione servis liberatis datāque civitate peregrinis & factis tabulis novis hostem sustinere potuerunt. Cleomenes Lacedæmonius quum mille quingenti soli Lacedæmonii qui arma ferre possent superfuissent, ex servis manumissis bellatorum novem milia conscripsit. Athenienses consumptis publicis opibus, servis libertatem dederunt. Cato Censorius eo item milite quisquis ille esset sibi opus non esse aiebat, qui ut inter eundem manus, ita inter pugnandum pedes agigaret, quicq; in stertendo hostibus quā in clamando longius sentiretur. Rursus hic se iuuenibus dicebat magis oblectari qui rubesce-

rent

rent quàm qui pallore perfunderentur. Idem in pinguem quendam acerbè maledictis inuectus, quibus enim in rebus huiusmodi corpus ciuitati fructuosum fore putas interrogauit, cuius inter guttur & inguem cuncta sub ventris ditione posita essent. Neque aliter magnis atq; præpinguibus dux ille Thebanus Epaminundas infestum se præbebat, quippe qui & talem quempiam amouit exercitu, inquiens, vix tribus quatuorve clypeis tegi eius ventrè, cuius magnitudine suam ipsius mentulam ne videre quidem posset. Nimis similiter pingui homini & corpulento militi censores quondã equos adimere solitos legimus, minus idoneum scilicet ratos esse eum tanti corporis pondere ad equitis munus obeundum. Cæsar militem neq; à morum vrbānitate neq; à formæ dignitate, neque ab externorum bonorum copia, sed à viribus corporis tantum deligendum probat, maiores suos credo secutus: vera enim illa Romuli proles agris villisq; exercitata vt firmissimis perualida corporibus, sic ad militiam quum opus esset semper fortissimos viros & milites strenuissimos ex rustica plebe deligens præposuit vrbānæ, vtq; omnem villam ortū veteres appellant quod ibi qui arma capere possent orientur, sic finitis quoq; bellorum operibus, augendæ reipub. causa vrbes instituerunt, quas victoribus militibus pro eorum meritis assignarent, & ab incolendo Colonos appellauere. Hinc etiã ciuitates à maioribus ciuitatibus veluti populorum examinibus conditæ, Coloniae nuncupantur. Sic Iulius Cæsar militem à colendo rure deductum intra stipendiaria merita detinuit, veteranosq; in coloniis dimisit. Diuus æque Aug. exercitus qui sub Antonio aut Lepido militauerant, pariter & suorum legionū milites, colonos fecit, alios in Italia, alios in provinciis quibusdam, deletis hostium ciuitatibus nouas vrbes constituit, quosdam à veteribus oppidis deduxit & colonos nominauit. Illas quoq; vrbes quæ deletæ à regibus aut dictatoribus fuerant, quasiq; ciuiliū bellorum interuentus exhaurerat, dato iterum coloniae nomine numero ciuium ampliavit. Romana quoque respub. quum necessaria admodum esset militia in vrbe ad vim vi hostiū propellendam vixq; fieri posset quo idem semper militiae munus obirent, rem vt omnibus conducibile in vrbe retinuit: munus autē huiusmodi pro cuiusq; hominis cōditione, intercapedine, ac vicissitudine quadã curauit. Quapropter & agricola quum vicissitudo & reipub. necessitas aderat, relictis agris ad arma proficisceretur, omissoque agricolationis artificio quasi alius factus militabat, rursusq; ad artificium redibat, non vt miles vel belli dux, sed vt artifex: Nec erat illis pudor, depositis armis angustia rei familiaris coactis, agrestem vitam repetere: ea namq; ætate ciuitatis proceres in agris versabantur, & quum consilium publicum fieri solitum erat, à villis accersebantur in senatum, quod vsque adeò verū esse constat vt Attilium Serranum imperium populi Ro. suscepturum, dati honores seren-tem inuenerint, vnde & cognomentum postea. Aranti etiam illa quatuor sua iugera in Vaticano quæ prius prata Quintia dicebātur P. Quintio Cincinnato viator attulit dictaturam, ex qua obsessi consulis & exercitus liberator, depositis fascibus rursus ad eosdem boues rediit bubsequusq; denuo factus est. C. item Fabritius & Curius Dentatus, alter Pyrrho finibus Italiæ pulso, domitis alter Sabinis, nō minori industria agros coluit quàm strenue ac fortiter armis hostes que fuit.

fuit. Nec aliud de M. Furio Camillo multisque aliis Romani generis memorabilibus ducibus ad hoc semper duplex studium vel defendendi vel colendi patrios quasitoe fines incumbētibus coniectari licet, teste Lucano quum inquit,
 Paupertas fugitur totoque arcessitur orbe,

Quo gens quæque petit nunc longos iungere fines

Agrorum, & quondam duris sulcata Camilli

Vomere, et antiquos Curionum passa ligones

Longa sed ignotis extendere rura colonis?

Quum distinctio honoris que ciuitatis ipsius non aliunde esset, nec prima maiorum cognomina: non aliunde enim Fabios quam ab agrorum fossione Fodios quidam non incelebres primum dictos putat, mutatisque geminis literis Fabios deinde cognominatos, vel à fabarum exactissimo cultu. Fabiorum enim, Lentulorum, Ciceronumque cognominationem admittebant, ut quisque aliquid optime genus sereret. Sic Iuniorum familiam bubulcum nominarunt, qui bobus utebatur, nec solum semina ac boues, sed scrofam etiam & asinam viris non mediocribus Tremelio & principi Corneliae gentis ceterisque Corneliis & Scipionibus cognomenta præbuisse non est obscurum. Syluius denique à quo omnes Albanorum reges Sylui sunt vocati, non aliunde quam quod syluis & rure fuerat educatus, hoc sibi apud latinam gentem nomen asciuit: & quoniam rusticæ tribus laudatissimæ eorum qui rura haberent, urbanæ verò in quas transferri ignominia esset desidiæ probro, ea porro ratione ut ex agricolis milites deligerentur factum esse reor: quoniam minime male cogitantes duratis ad omnem malorum tolerantiam membris, & æstum, & puluerem, & frigora, & niues pati, vada fluminum traicere, celeribusque plantis montes superare aptissimi sunt. Adde quod deliciarum omnium ac voluptatum contemptores iure videtur non multifacere oportere in bello, cum tot laboribus tantisque malis affecti liberentur. Nescio enim quo pacto fit ut is mortem minus reformidet, qui laute minus vixerit. Neque tamen inficiandum reor, fortissimos ac optimos Grecorum Romanorumque milites cum laude & dignitate ex urbibus ad militiam fuisse delectos, verum quia hi tunc non otio, non languore, non desidia, non luxu, non umbris, non delitiis, ceterisque voluptatibus infrangebantur pericula subire soliti, ex infamiæ pudore & gloriæ cupiditate, quales Homerus aliquot ex ciuibz etiam facit, ut Hectorē, & Diomedem Ro. reipub. regni que illius amplissimi salus ac fundamentum erant. Nostræ autem ætatis milites urbani & vernæ, splendido apparatu, vincti & nitidi ac urbium illecebris deliniti, cum loci disciplina seuerior firmet ingenium, aptumque magnis conatibus reddat, si manus conferere debeant, quum in leui armatura parum habeant fidutiæ, in graui minimum alacritatis, crebro non tam ducibus suis conferre ad victoriam quam hostes irritare ad prædā solent: vnde & Hānibal quum apud regē Antiochū profugii causā diuertisset, facetissime cauillatus est, eaque cauillatio huiusmodi fuit, Ostendebat ei Antiochus exercitum ingentem quem bellum Po. Ro. facturum comparauerat, purpura, insignibus auri & argenti, fortunæ apparatibus florentem: inducebat etiā falcatos currus, & elephātos cum turribus, equitatumque cum frenis, monilibus, falerisque præfulgentem, atque
 vbi

vbi rex contēplatione tanti ac tam ornati exercitus gloriabundus Hannibalem aspicit, Putasne, inquit, conferri posse, ac fatis esse credis Romanis hæc omnia? tum Pœnus illudens ignauiam imbelliâque militū eius preciosè armatorum, Plane fatis esse credo, ait, Romanis hæc omnia, etiâ si auarissimi sunt: nihil prorsus, nec tam lepide, nec tam acerbe dici poterat. Rex enim de numero exercitus sui, ac de existimanda æquiparatione quæsiuerat, respondit Hannibal de præda, tanquam ad eam huiusmodi homines expositi soleant esse. Doctus enim erat Pœnus horridum militem ferro & armis fretum esse debere, non cælatum purpura, auro, atq; argento, illumque insignium armorum apparatus prædam veris quàm arma esse, utq; nitentia ante rem, sic deformia inter sanguinem & vulnera virtutēque esse militis decus, & omnia illa victoriam sequi, & ditē hostem quàmuis pauperis victoris præmium esse: eos si denique milites Naso à militari re sua, nedum arcet, sed esse procul tanquam pestem & labem quādam iubet, quis eos credet ad robustā militiam admittendos, nisi forte cum Dario vel Thrasōne potius ad imitationem expugnandæ Thaidis, lenonum, mulierū ac spadonum agmine cæterorumq; qui ministri sunt voluptatum, & sordidi questus, ac vilissimarum artium, Veneri militiam suam deuouerit, Marte contempto non solum contra Hannibalis, sed Catonis quoq; ac veteris militiæ institutum: quod Lucanus breui quodam præconio his verbis expressit,

Hirtam membra cuius Romani more quiritis

Inclusisse togam:

Hoc profecto tantus auctor haudquaquam extulisset, nisi durioris etiam togæ vsus de quiritorum consuetudine processisset. Tales denique ex omni genere hominum deligi debent, qui non uti Sānites vibrent hastas ante pugnā quibus in pugnando nihil vtantur, sed qui ipsis qbus præluferint pugnare possint & valeant.

De delectu Equorum.

Cap. IX.



Vnc quoniam de militum delectu abūde satis dictum est, equorum ad pugnam deligendorum rationem & signa ineamus, per quæ militiæ incumbentes excellentis equi notas intelligant, ne fallatur empturi & operam simul & impensam perdant in ignauo. Hic probatur natura, moribus, colore, forma, & educationis loco. Natura probatur si hilaris, si lasciuus, & alacer, si intrepidus, si nouæ rei haudquaquam terretur aspectu. Ex moribus, qui ex placido & concitato mitissimus fit, quiq; ex summa quiete facile commoueatur, vel excitatus festinatione non difficili teneatur, hoc est honoris appetens cum temperantia ac pudore, promptus, cohortatione solum & ratione regatur. Alter econtra improbandus qui intortus & multiplex, inglorius, & contumax vix flagello stimulisq; obtemperās, nec habenis nec verberibus coerceri potest, sed inter equitandum calcitratur, ac domitis frenis ne regi possit, violentia equitem aurigamque suum mordet & in præceps quo per se timuisset descendere, proturbat & rapit: quo fit ut si quando hostibus obuiam sit eūdem, necesse sit equites aut postremos in agmine consequi, aut eorum malignitate inutiles reddi. Colores inter multiplices eorum mixtas facies hi duo tantum reuera potissimum spectandi, Candidus quadam nitēti luce perfusus, ex omni quoq; parte

parte niger intermixtus: albus deinde nigris punctis interuenientibus, & spadix glaucusque, hoc est, exuperantia & splendore ruboris, quales sunt fructus palmæ arboris non admodum sole incocti: unde spadici phœnicei nomen est. Forma deligetur, ut sit arguto & breui capite & sicco, pelle propemodum ossibus adhaerente, ceruice ardua & erecta, auribus breuibus & acutis, oculis magnis & prominentibus nigrisque, siue fellineis, id est, quasi quodam splendore perfusis, naribus patulis, duobus utrinque foraminibus quibus auras captare uberius faciliusque recipere animam possint, coma densa & in dextrum latus protendente, pectore lato, ventre substricto, paribus & exiguis testibus: rotundis clunibus, promissa cauda, mollibus altis erectisque cruribus, pedibusque siccis, altis, concauis, atque rotundis, vniuerso corpore composito, articulatim distincto, grandi, sublimi, erecto, & in aspero loco (ut Xenophonti placet) educato, ut autem Satyra inquit, Nempe volucrem

Sic laudamus equum, facili cui plurima palma

Feruet, & exultat rauco victoria circo.

Nobilis hic quocunque venit de gramine, cuius

Clara fuga ante alios & primus in equore puluis.

Rationes gentium in deligendis ducibus

Cap. X.



Electis militibus & equis ad pugnam idoneis, quis potissimum illis præficiendus sit dux quærimus, voluntates & gentium studia in his declarantes. Iudæis alienigenam lex præfici vetat, ne auctoritas imperio religionis suæ cultum inuertat, in aliis duces & imperatores externi, patria & natione nobilissimi reperti sunt, unde & ex oraculo Aegyptiis dictum est ut auxiliatore Hebræo contra Aethiopas vterentur. Carthaginenses infracti bellis & cladibus multis exinaniti, Xantippum Lacedæmoniorum regem cum auxiliis ducem bello præfecerunt, qui fortiter ac strenue pugnantes Romanos euerterunt. Tarentini Gilippo duce & ipso Lacedæmonio Athenienses vincere. Galli Brëno duce Britanno Italiam cepere, Roma insuper incensa. Romanos tamen quos labore & industria armis quoque ac bellicis institutis cæteris nationibus, Græcorum pace dixerim, præfloruisse constat, multi opinione ducendi regendi que exercitus in cælum extulerunt: unde vir præcipuus Cyneas Pyrrhi legatus, quum Romam iugrederetur, regum patriam se vidisse testatus est: quam sententiam video poetico illi nimium conuenire,

Excudent alii spirantia mollius æra,

Credo equidem viuos ducent de marmore vultus,

Orabunt causas melius cælique meatus

Describent radio & surgentia sidera dicent,

Tu regere imperio populos Romane memento,

Hæ tibi erunt artes, pacisque imponere mores:

Parcere subiectis & debellare superbos.

Cæterum in hac ipsa sententia præ se ne ipsi Romani fauisse ulli reperti sunt, quando externos quorum virtute romanam creuisse constat, in supremos dignitatum gradus admiscere. Sunt qui astruunt solas diuitias esse quæ ducum & impera-

torum

torum gloriam concomitentur & illustrent, quibus deficientibus volunt ac prædicant nihil arduum, nihil magnificū & excellens geri posse, sic Persas, sic Græcos, sic Romanos non sine diuitiarum copia orbis terrarum potitos esse. Alii putant ad laureas & triumphos habendos, felices duntaxat, fortunatosque duces semper præfici debere. Aiunt enim, quæ diuitiæ vel copię gentium Romanos fere subactos aduersus Hannibalem erexissent, nisi Cornelium Scipionem, fortunatissimum imperatorem, qui illum apud Carthaginē relicta Italia solus fudit, habuissent? Quid profuissent, inquiunt alii, Carthaginēsis thesauri exuberantissimi aut exercitus amplissimi ad oppugnandam diruendamque tot annos Italiam, nisi ipsum Hannibalem callidissimum audentissimumque belli ducem gentibus suis præfecissent? Sic Epaminundam Thebani, Leonidam Lacedæmonii, Themistoclem Athenienses, fortissimos duces sortiti sunt. Alii & qui tecum rectius sentiunt, Sigismunde, non diuitiis affluentibus, non fortunatis, non callidis & audentibus ducibus tantum, cæterum ingenio atque animi virtute præditis decernenda imperia, summos credēdos magistratus esse putant. Parum enim, ait Cicero, sunt fortia arma, nisi consilium sit domi: neque fortuna, aut viribus, aut velocitatibus, aut celeritate corporū, aut excursionē, aut saltu, aut eminus hastis, aut cominus gladiis tantū res magnę gerūtur, sed cōsilio magis, sed ratione, sentētia, auctoritate atque sciētia. Quę omnia siue deorū seu naturę munere quum in te esse omnes intelligant, prædicent, admirētur, quid mirū, si te ducē ad omnes bellorum euentus & magnifica quæque conficienda, vniuersa hinc inde delegit Italia? Quod de te autem reformident singuli, refellerēque palam audeant, vnum hoc est, Aiūt enim quod tamen Epaminūdę, quod Sertorii, quod Cæsaris, quod Augusti, aliorūque plurium & maximorum ducum proprium fuisse legimus, strenui militis officio fungi, fortitudinis opera manu propria edere, ac sine vlla te exceptione periculis nimis ingerere: quod quā gloriosum sit quāque perniciosum ad maxima & plurima bellorum munera obeunda, quum cōsilio polleas, viribus præstes, & cunctis tam ducibus quā militibus in vtriuslibet officiis antecellas, tuo prudētissimo iudicio existimandum relinquo. Rarissimum quidem decus, & quod inquit Crispus de Iugurtha, de te imperatorū nostri æui gloria, omnium consensu dici potest. At sane, inquit ille, quod difficillimum imprimis est, & in prælio strenuus erat & bonus consilio: & quoniam alterum ex prouidentia timorem, alterum ex audacia temeritatem afferre plerunque solet, gloriosum nomen tuum non tam fortuna & opinio, quā virtus, & consilium circumferat periculisque obiiciat. Caue itaque oro, ac ducis & militis officia distinguas obsecro. Tu enim longe melius nosti quæ sint ducis partes, & quæ militum fortitudo atque professio debet, quæ seorsum à duce exigenda, præstandaque non sunt nisi forte cum summa necessitas incumbit. Legimus fortissimum ducem Marium prouocāti ipsum ad singulare certamen respondisse, se si mori voluisset multoties suspendio potuisse, & sapientem non quærere pugnam, sed potius cogitare victoriam. Ecce virum glorię cupidissimum & romanum discernentem quid inter ducis & militis officium interesset, & reputantem sapius ducem sine exercitu saluum euasisse quā exercitum sine duce. Vides, inclyte dux,

Marium

Marium declinauisse singularem cōgressum quem nullum ferme militum legimus recusasse, vt eius exemplo discas quę sunt militis spernere, & quę imperatorię maiestati conducant adimplere: q̃ si te parum mouet ob sanguinis ignobilitatem Marius, audi de gente Cornelia Scipionem, non quēlibet, sed illum qui virtutibus suis Aphricani cognomē adeptus. Hic enim quum à quodam q̃ parum pugnax foret argueretur ignauia, crimē lepida responsione submouit: inquit etenim, Recolo matrem me imperatorem peperisse non militem. Metellum quoque quum multi clamarent vt ipse singulari certamine cum Sertorio prouocante dimicaret, dux cum duce, & romanus cum romano, detrectantem verò pugnam vt ignauum aspernabatur: sed ipse Metellus hæc dicentes meritò cōtemnebat. Ducem etenim vt inquit Theophrastus, non militis, sed ducis obire mortem decet. Nec te moueat, dux præcellentissime Sigismunde, q̃ Alexandrū Magnum legamus & imperatoris & militis impleuisse munus, sed memet o quod à principe rei militaris peritissimo atq̃ probatissimo laudatus sit solum, q̃ parua manu aduersus maximos exercitus steterit viceritq̃, & in extremas mundi partes peruenerit pugnās vltra spem, existimationemq̃ mentium humanarū. Nam quod manu promptus & pugnacissimus fuerit, quum & gregarii militis laus sit, glorię illi principi non ascripsit: tantus iudex ac testis, quantus Hannibal cum Scipione conferens fuit. Neq̃ Catilinam pessimę factionis tibi imitandum proponas velim, de quo Salustius scriptum reliquit, Interea Catilina cum expeditis in prima acie versari, laborantibus succurrere, integros pro sauciis accersere, omnia providere: & præter hæc imperatoris officia quod militis est subdit, multum ipse pugnare, sæpe hostem ferire, strenui militis & boni imperatoris officia simul exequabatur. Alia quidem ratio est eius quod fieri debet, alia eius quod ille faciebat: pugnabat enim desperatione plenus, postquam, vt ille ait, videt montibus atque copiis hostium sese clausum, in vrbe res aduersas, neque fugę neque præsidii esse sibi vllam spem, optimum factu ratus in tali re fortunam belli tentare statuit. Promittebat enim cuncta sibi, si vinceret: & desperabat omnia, si vis hostium præualeret. Nam nec ego velim te penitus non pugnare, sed tunc te manum conferere probo, quum de summa rerū agetur, quum cuncta sicut optimū ducē decet prouideris, quū necessitas tulerit, quū cuiuspiam ingenti periculo vt sæpe soles, videris occurrendū. Audi Craterū Alexandrū suum admonentem, Quātalibet, inquit ille, vis omnium gentiū cōspiret in nos, impleat armis virisq̃ totum orbē, classibus mare cōsternat, inusitatas beluas inducat, tu nos præstabis inuictos: & subdit, sed quis deorū hoc Macedoniae columen accitus diuturnum fore polliceri potest, quū tam auidē corpus periculis offeras, oblitus tunc tot ciuium animas trahere te incassum? ac post plura, quocūque iusseris ibimus, obscura pericula, & ignobiles pugnas nobis deposcimus, temetipsum ad ea ferua quę magnitudinē tuam capiunt, citò gloria abolefcit in sordidis hostibus. Vidēsne qua regula ducis pugna limitetur, et vbi cōueniat imperatorem manus iniicere? Et qd, putasne si quotidie te periculis obiiicies, nō aliquādo fortunā inuenire tuā? Tragicum est, iniqua rarò maximis virtutibus fortuna parcat. Nemo se tutò diu periculis offerre tam crebris potest, quem sæpe transit casus aliquando inuenit.

Noli itaq; in paruis ac minimis experiri fortunam, satis enim periculo tuo, im-
mo nostro quantum ad gloriam attinet, Sigismunde, te pluribus ostendisti, satis
Picentibus, satis Etruscis, satis Insubribus, satis Latinis ac Barbaris ducibus, sa-
tis amicis, satis deniq; hostibus te mortis omnisq; periculi contemptorem, ma-
nu ac corpore strenuum & ad horrenda omnia quisquis casus immincat expe-
ditum. Fauit deus, nunc exhibendum prudentię temperamentum, & cautionis
modus, vt quæ gessisti consilio & animi magnitudine, non impetu, non temere
gessisse videare. Deniq; corporis habitudo & integritas, formæq; dignitas, non
munditiis culta, sed virilis & pene militaris, vt Liuius inquit, non nihil etiam du-
cibus solet conferre, quæ si desit, non vsquequaque tamen expetenda est, vel quo
minus militent aliisve præficiantur omnino repudianda, modo animo præstent
& harum rerum quas modo diximus cognitione ornentur. Iure etiam diui Tra-
iani sententia militabāt qui aliqua corporis parte debilitati vel minuti sunt, idq;
in multis sane vrbis Romæ exterarumq; gentium ducibus est intelligere. Nan-
que præter Marium, præclarum ducem, varicibus laborantē, legimus & Camil-
lum quum Prænestinos & Tyrrhenos prælio vicit, senem pariter & ægrotum,
& Iulium cæsarem dictatorem semel atque iterum inter res gerendas comitali
morbo correptum. Q. quoq; Ciceronem, magni Ciceronis fratrem, tenuissimę va-
litudinis, multa, & grauius bella sub hoc duce in Gallia prudenter ac perstrenue
administrantem. Apud Lacedæmonios nec minus Lyfandrum, sæpenumero
vi morbi ac magnitudine, mentis viribus & corporis destitutū. Agesilaum quo-
que eorum quōdam regem claudum, proinde summę an eum rei præficeret, diu
multumq; deliberaſſe, deniq; statuerūt satius esse ingressu regem quā imperio
regnum claudicare. Vtq; Scyllam & Cottam, nō obscuros sane duces, eo habitu
fuisse naturæ perhibent, quod vno tantum testiculo nati memorentur, sic Serto-
rium, Oratium Coclitem, Philippum, Antigonum, & Pænorum ducem Han-
nibalem, qui omnes maxime bellacissimi fuere, altero non testiculo caruisse, sed
oculo alię fideles tradūt historiæ. Quod autē ad formę dignitatem spectat, Sci-
pio Aphricanus & Iul. Cæ. etsi procero corpore fuerint, breui tamē Antigonus,
Alexander Macedo, & Augustus, nec tamen eorum magnitudini breuitas, nec
breuitati magnitudo obfuit, nec detraxit famæ. Et ad tumulum Archemori
dū ludos solēnes Græcia celebraret, Tydeū Capaneo præstitisse poëtico præconio
percelebre est, à quo humili admodū statura & exigua Thebanos omnes certa-
minibus lōge superatos fuisse traditur. Gerēdæ igitur huius rei dignitas & sum-
ma meritō illis tradetur, quibus explorata sint omnia, quicq; cōsili, auctoritatis,
sciētix, multarūq; rerum gestarū titulis illustrati præſentes non modo prouocent
ad victoriam, sed eorum commemoratione posteros imitatione succendant.

Agminis siue incedentis exercitus ordo secundum græcam romanamq; disciplinam Cap. XI.



Vperest nunc agminis, hoc est, incedētis exercitus ordo, circa quem
summa imperatorum ac ducum versanda consideratio est, quum sit
pariū impariūq; rerū sua tribuēs cuiq; loca dispositio: qua spreta, ne-
que miles, neq; imperator quicq; valet explicare, quū pedes equitē, pe-
ditemq; eques, si sint promiscui, sæpenumero se præpediant, ac veluti ex theatro
confuse

confuse abeuntes, se inuicē affligerent atq; opprimant. E contrario verò, vbi sit ri-
te dispositū agmen, suūq; quidq; ordine locatū, sine trepidatione Imperator vi-
ctoriam ab omnibus optatā promittet. De hoc itaq; ipso breuiter à nobis secū-
dum græcam rationem primò differēdum est, ab Romana traditione deinde su-
mentibus. Quum igitur ciuitas in Tribus distributa sit, ex his Decuriones pri-
mū, de cuius tribuni sententia ex ipso iuuētutis flore deligēdi sunt: ex his qui
ætate & prudentia, qui pulchrū aliquid & gerendi & audiēdi studio flagrēt, hos
anteire oportet. Post hæc totidem deligēdi sunt ex his qui ætate & prudētia ma-
xime antecedant, qui postremi in ipsis cēturiis collocabūtur. Decurionum verò
ordo ob has præcipue causas probatur, q; qui priori loco collocati sunt, omnes
principes sūt: quūq; in dignitate sunt magis q̄ quū priuati, impositū sibi esse
existimant præclari alicuius facinoris gloriam quærere. Deinde quū quidpiam
agendū instet, efficacius est magistratū imperiū q̄ priuatorū, primorum etiam
manus promptiori alacrioriq; se animo offert, siquidē à fronte periculū ingru-
at, quū eam minime lateat, eū locū suæ virtuti creditum esse. Et postrema, si qua à
tergo maior vis premat, quū eam haudquaquā etiā fugiat, deserere ordinē tur-
pissimum esse: qui etiā postremum agmen ducit, hunc omni laude cumulatū vi-
rum esse cōuenit. Si enim præstati virtute erit, quū tempus instabit, iubens in ho-
stem inuadere prioribus vires adiiciet: sin rursus pedē referre opus erit, prudēter
abducens suos profecto magis seruabit incolumes: & hic secundū Græcorum
rationē agminis ordo. Secundū Romanā autem eiusmodi erat, Namq; auxilia-
res leues, & sagittarii præibāt primò ad festinas hostiū incursiones coercēdas, vtiq;
suspecta insidiis loca scrutaretur: post hos viarū scrutatores, qui aggerum mali-
gna corrigerēt, syluāq; præciderent, ne pplexo itinere fatigaretur exercitus, de-
inde sua superiorūq; sibi rectorū impedimenta ferētes, & defensionis ergo pluri-
mi cū his equitum, post quos princeps ipse equitatus peditatusq; hos postea se-
quebātur, qui remouēdis vrbibus machinarū ac reliquorum tormētorum gene-
ra deferebāt. Chiliarchi deinde atq; præfecti, & post hos circa Aquilā cætera si-
gna militaria, postq; serui singulorū ordinū cū peditatū erant, agminis postrema
multitudo mercenaria quā armorū factores sequebātur, & armati equites pedi-
tēsq; non pauci. Cæterum pro tēpore & causis occurrētibus, lul. Cæsar octo legi-
ones hac ratione et ordine inter eundū disponebat, quū hostē cominus sentiret,
sex legiones expeditas præponebat, post has totius exercitus impedimēta, inde du-
as legiones quę minus firmæ ad dimicādū putabātur, vt agmē clauderēt præsi-
diōq; impedimētis essent: minoribus autē expeditionibus tres legiones expeditas
premittebat, deinde impedimēta, nouissime legionē vnā quę agmē clauderet. Ita
quadrato ferè agmine incedere, vbi hostis ab omni parte suspectus esset. Et hæc
de agminis dispositione secundum vtranque disciplinam dicta sunt.

Acierum instruendarum uaria ratio.

Cap. XII.



Aeterum si conflicturæ coeant vtrinque hostium copiae, primum op-
timi & sapientissimi ducis munus esse videtur, constituere atq; dispo-
nere qui prudenter, fideliter, strenue ac viriliter hostē inuadāt. Quod
si omnem ciuium equitatum celeriter ad mille equitum numerū com-

K ii pleri

pleri necesse sit, ad ducentos, præterea peregrini constituendi sunt equites, & inter ciues collocandi: hi enim adiuncti videtur mihi, & firmiorē vniuersum equitatum præstare: & magis emulatione quadam ad laudis & gloriæ cupiditatem incendere, vt certatim se inuicem virtute superare nitantur. Nec vero me præterit Lacedæmonios, rei militaris peritissimos bellicosissimosq; tum primū equestri gloria maxime clarere cœpisse, quū peregrinos equites asciuerint. Et in aliis quoq; bellorum euentibus diuersisq; nationibus constat, peregrinas copias magnum sibi & præclarum nomen peperisse, vltus enim ad promptitudinem plurimum confert. Videtur præterea peditatus equitibus adiunctus ad rem gerendam efficacissimus esse, maxime si his hominibus constituatur qui hostibus infensissimi sint. Sunt qui putent pro ratione acierū illud Nestoris apud Homerum esse qui iubebat per tribus atq; partes eorum, cohortes aciesq; Græcorum coordinari, vt & tribus tribubus & pars parti auxiliaretur. Satius & salubrius alii censent, amatorem iuxta amatum collocari debere: nam ordo secundum tribus non multū rationis in periculis habet, verum si cuneus ex amicis inter se amantibus existit, indissolubilis & inseparabilis ad perferendos inferendosq; ictus efficitur, quum hi amatorum mirabili amore, ferrea et adamantina, vt ita dixerim, cathena teneantur, & sacram, vt aiunt, cohortem efficiant, quēadmodum Sesoosis in Arabiam, vt antè diximus, cum eorū qui eadem die geniti qua ipse simulque nutriti erant exercitu à patre missus. Atq; in hoc quoq; ad primos ictus sustinendos sunt qui suos cohortentur, & eo ipso superiores se putēt quod non inferiores in occurſu primo reperiūtur. Hac arte siue ratione vltus Pompeius Pharfalicis in campis: acies enim ab equo animaduertens, vt hostes nouit cum silentio congeriendi tempus ex ordine expectare, suūq; exercitū sine strepitu non esse: immo turbulentum & imperitia tumultuantē, extimuit, ne in ipso pugnae initio penitus dissolueretur: vnde quum vtrinq; concurrendi signa danda essent, acierum primos monuit vt in locis suis starent, & densa confertaq; manentes serie hostilem incursum donec intra pili iactum essent solidissime exciperent. Quaidē in re si Lucano creditur, steterit licet ordine certo infelix acies, Cæsar tamen errasse Pompeium asserit. Plagarum enim ictus impetu cursuq; illatos subsistendo restingui inquit, feriēdo enim & initio configēdo, magnas vires impetu & cursibus adiici, & animos perinde ac flatibus excitatos omni ex parte succendi. Cæsar itaq; quum sinistrū Pompeii cornu conspexisset, tot munitū equitibus, timens armaturæ splendorem, quinq; siue sex, vt alii ferunt, obliquas post signa cohortes, quibus cum orbem terrarum congressus est ē legionibus eductas legioni decimæ à tergo locauit, iussitq; eas quietem agere, hostibusq; ignotas esse. Sed quum irrueret, equites admonuit, quod neq; vt solitum esset iacerent pila, festinarēntque quemadmodum robustissimi ad perstringendos enses, sed ferire eos altius iussit, oculosque, frontēque hostium ad vulnera impetere. Non enim permansuros eos fulgentes floridosque insultatores, inquit, neque contra ferrum inspecturos in oculos illatum, illos iuuenes parum bellis ac vulneribus assuetos. Hoc itaq; impetu, hac acierum serie, ratione & ordine instruitur vtrinq; acies. Pompeius octoginta & octo cohortes triplici ordine locauit, fuerunt autē peditum,

tum, xl. milia, equites in sinistro cornu, DC. in dextro D. præterea reges multi, senatores, equitesq; ro. plurimi absque levis armaturæ magna copia. Cæsar similiter octoginta cohortes triplici ordine disposuit, cui fuerunt minus xl. M. peditum, equites mille. His explicitis obsecrâtibusq; militibus Cæsar pugnae signum dedit. Erat forte in exercitu eius, C. Crastinus, qui priori tempore honesto gradu sub Cæsare militasset, tunc verò non militiæ sacramento quo solitus erat, sed iure quodam amicitiae euocatus aderat, vir bellica fortitudine memorabilis. Cæsaris namq; concione intellecta, & ut ab his vtrisque signa dari vidit, alacri vultu è Cæsaris phalange procurrens, Sequimini me inquit manipulares olim mei, & imperatori nostro quā debetis operā exhibete, vltimū hoc prælium est, quo peracto ille suam dignitatē, nos nostram recuperabimus libertatē. Dehinc versus in Cæsarem, Faciam, inquit, hodie imperator, vnde vel viuo mihi vel mortuo gratias agas: hæc dicēs in hostes irrupit, eumq; delecti milites circiter cētum viginti sua sponte persecuti sunt. Erat nempe ut aliqui tradidere, nec dissimile veri est, quidam vtrinque in ipso pugnae principio pius torpor, qui strictos iam gladios contineret, quum germani suos fratres ab aduersa acie, patres filios, & parentes filii viderent, donec Crastinus hic præcipitanti rabie vocem tolleret, pilumq; torqueret itaq; prælium cœptum est, quod nisi huius furor hominis acies miscuisset, poterat fortasse ducibus ipsis patientibus, circa Romani imperii humaniq; generis excidiū mutua pietate cōponi. Sed proh dolor, inuentus est qui Cæsare ipso differente properaret, imperiumq; supremū irreparabili clade protereret. Steterunt enim acies antè magno ordine vtrinque, & bello cœpto, quum aliquādiu equis viribus hinc inde dimicaretur, & Pompeius multitudine fissus ad circūueniendum Cæsarem equitatū effunderet, ab vtroque cornu Cæsar suis equitibus quos intentos in hanc rem fecerat subito signū dedit: qui dicto citius in effusos facto impetu, vere illos effuderunt ac dare terga cōegerunt, & secuta est equitatum ardētissima legionum, adeò cōglobata ut quasi vna manus omnium videretur. Accessit & magni instar exercitus Cæsar ipse vbique præsens, vtrinque simul exhibens, & fortissimi militis & summi ducis officium, & feriens, & exhortans. Duæ ex omnibus illius per omnia discurrentis voces annotatæ literisq; mandatæ: ferox altera, sed ad vincendum utilis, Miles faciem feri: altera autem pia, & hanc licet ad iactationem Cæsaris compositam in hunc modum Florus dicat, Miles parce iam ciuibus, Pompeio tamen inter hortandū tribuit Eutropius. Illa enim ut Floro assentiatur, Cæsaris vincere satagentis, hæc eiusdem vincentis, seu iam victoris miserētis, vox fuit: illa in medio prælii ardore, ac iam victis & in fugam versis hostibus vsus est. Ille etiam piæ non consentaneus actus fuit quod cuilibet suorum vni, hostium quem oprasset vitam dare permisit. Nec minus ille, quod in tanto conflictu nullus inuentus est nisi armatus in acie cecidisse. Pompeius turbatis ac territis suorum ordinibus tantæ ruinæ molem nec sufferre valens nec attollere, tanquàm infano attonitoq; tantum similis abiicit pondus imperii, seque in castra recepit, nimis illi quod de alio est carmini cōueniēs, Iupiter ipse pater currus exterruit altos Aiæcis, stetit ille amēs clypeūq; tumentē Tergore septeno post terga immania iecit, Hincq; oculos voluēs mæstus

se auertit ab armis. Hæc ubi ingressus est castra, tamdiu secum tacitus perstitit quamdiu confligendo plurimi cum fugientibus simul in eadem corruissent, ruptoque silentio tandem vocem hanc vnicam emisit, Ergo ad congressum, aliudque nihil locutus, surgit, vesteq; sumpta, præsentī cladi accommodata castra excessit, seque fugæ credidit, non tam viuere cupiens quàm metuēs mori, ne secum reliquæ legiones incassum traherentur: quo submoto, nemo amplius in acie stetit, sicq; vniuersus Pompeii fugit exercitus, cladēque in castris permagna facta ministrorum, eorūque qui contubernia defenderent: & quanquam facta cæforum ratione, milites tantū ad sex milia cecidisse clarissimus testis sit Asinius Pollio qui tunc cum Cæsare militauit, compertum est tamen per alios nobilissimos auctores de legionibus & equitatu Pompeii XV. M. cecidisse: nam exterarum gentium & auxiliorum quæ ex magna orbis parte confluxerant, innumerabilis strages fuit, & eorum qui vagi, & inermes nullo ordine ad satietatem cædentium sunt oppressi. Eorum verò qui deditiōe in potestatem Cæsaris venerāt numerum XXIII. M. & eo amplius fuisse literis traditum est, signa militaria centum octoginta & LXXX. aquilæ. Inter cæsos fuit Crastinus ut dictum est ardentissime dimicans, quē Cæsar eo prælio mira virtute rem gessisse & de se optime meritum prædicauit, atq; ita ut prædixerat vel mortuo gratias egit. Pompeianorū enim multos quum strauisset, in confertissimam aciem inuectus, vnius gladio per ora illi ad oppositum latus adacto perfossus occubuit, notatūque oris vulnere, oris imperum punitum, ultione iustissima. Periiit Domitius is qui ad confiniū captus fuerat ac dimissus: ex his qui Cæsaris partes secuti non nisi ducenti milites sunt desiderati. Cæturiones XXX. viri excellētes. Mirū dictū, Romanis ab utraq; parte pugnantibus, eā fuisse cladis imparitatem: sed puto diis placuisse ut Pōpeium sua illa vetus fortuna relinqueret. Pyrrhus in instruenda acie apud Asculum, Homerici versus sententiam infecutus fertur, quo equidē minus bellicosi in medio collocantur, elephantos & equitatū omnē in subsidiis esse iubens. Xantippus Lacedæmoniorū rex in auxiliū aliquando euocatus à Carthaginēsis quos Romani sæpenumero protriuerant, inspectis Pœnorum copiis atq; in campum deductis, quum in percunctando quemadmodum Romani secum pugnando semper superiores euasissent percepisset, ac errata subinde quibus res eorum subuersæ forent quasi disciplinam quandam aperiens edocuisset, in instruenda acie, sic equitum, sic peditum, sic elephantorum ordinem disciplināq; digessit, ut qui modo ne conspectum quidem Romani exercitus sustinere possent, ultro iam postularent ut ad hostes ducerentur. Cognito igitur militum ardore Carthaginēsiū fortunam prælii ratus Xantippus, aduersus Romanos Carthaginēsiū acies sic instruxit. Prima enim fronte elephantos constituit, paulo post vrbana multitudinem dextro ac læuo cornu, deinde mercenarium militem veteranorūq; robur distribuens, expeditos quosq; ac celeres vtrinque inter equitum alas certare iussit. E contra ut solidam Romanorum aciem perspexisset, qui aduersus elephātos ex omni exercitu expeditos & delectos opposuerant, multipliciq; subsidio firmauerunt, equitatu in utroq; cornu diuiso ne ab elephantis perrūpi agmē posset, Xantippus quo Romanorum aciem labefactaret, circumire equitatum ac extremos à tergo

tergo laceſſere iuſſit: hoc quū pluribus in locis faceret, ac legiones Romanæ neceſſario extra equites conuerſæ illis reſiſterent ac propellerent, interim rarefacta acies ac diſiuncta, ab elephantis perrumpitur conſligiturq̃: quo in conflictu XXX. Romanorum milia cecidere. Regulus dux eorum cum quingentis interceptus, & duo milia in Clypeam urbem fugata ſunt. Hannibal imperator maximus, directâ acie ad Cannas milites fortiores bellicoſioresque in extremitatibus diſponens, ipſe cum debilioribus medium, vbi multi ex fortibus & ſtrenuis viris præerant, tenuit: ſexcentos deinde equites Numidas tranſfugere iuſſit, qui ad fidem faciendam gladios & ſcuta Romanis tradiderunt, & in vltimum agmen recepti, vbi primum cōcurri cœpit, ſtrictis minoribus quos occultauerāt gladiis, ſcutis iacentium aſſumptis Romanorum aciem cecidere. Ad hoc etiam miſcendarum acierum diſcrimen, Scipio aduerſus Hannibalē in terra Aphrica quum ordinaret exercitum, haſtatos prima fronte locauit: principum deinde cohortem, quam quidem triariis deniq̃ clauſit, nec deſas ſuorū acies inſtruxit, ſed quodam interuallo diſtantes, quò elephantis recepti abſque vlla ſuorum permixtione ac ordinis perturbatione tranſmitti quirent. Velitum etiam plurimi præſtò erant, iuſſi in ipſo beluarum impetu eorum terga dextrum læuūque latus telis confodere: equites deinde diſtinxit in cornua, & cū italis equitibus Lelium ab læuo, Maſiniſſam verò Numidis inſtructum dextro cornu oppoſuit, quæ ordinatio magnam ſibi peperit victoriæ laudem. Hannibal verò econtra cum decernendum ſibi neceſſario eſſet, & ad illud ſupremum gloriæ certamen quo nullum vnquam pernicioſius, nullum magis terribile vel memorandum quoque, quum vel omnium gentium imperium, vel perpetuum ſeruitutis iugum ſuis fore videret, ex Scipionis hoſtis ſui ſententia omniumque qui armorum vel militarium rerū gnari erant, id laudis aſſecutus, vt ſuorum cohortes mirabili aſtu & diuina potius quàm humana ratione diſponeret: elephantos enim octoginta trementes in terga turres, militibusque reſertos, habentes, in proſpectu Romanorum exercitus præſepſit, vt inde ſuo terrore, impetu atq̃ vi, hoſtium ad ſuos tãquam clypeus & murus aheneus acceſſum prohiberent, auxiliariis, Gallis, Lyguriis, Mauris atq̃ Balearibus ante Pœnorum ſuorumq̃ ciuium cohortem deinde ſubſequentibus, ne mercenariis diuerſarum nationum militibus, quos non fides, non patriæ pietas vlla fortes ac ſtrenuos redderet, fugiendi facultas daretur: vtq̃ primo poſt elephantos loco poſiti pugnæ impetum admittentes extinguerēt tum ſuorū ac Macedonum multitudinem, vt integri cum feſſis hoſtibus pugnando victores euaderent. Italicos verò & Brutios, tãquam infidos, q̃ mœſti coactiq̃ magna ex parte terra Itala excedere, imperium ducis & caſtra ſequerentur, in poſtremam ſum mouit aciem: ad ſuos poſtea quum ambo ſe duces vtrunque recepiſſent, hortarenturque varie & ignauitiæ notas & præmia militibus præponerent, interim ad initium pugnæ clafſica Romanorum cecinere, tanto quidem omnium clamore, vt elephantis quos primo agmine anxia tanti ducis cura in præſidium locauerat, fortuna conſilium peruertente, in ſuas acies redirent, impetuq̃ ſuo loco adeò turbarent vt equitibus in fugam verſis primam tãtæ ruinæ tantæq̃ ſtragis cauſam præbuiſſent. Equitibus enim imminuta Pœnorum

acies

acies, pedes in hostes concurrunt, primoque nixu loco moueri contigit: hos ut motos Romani sentire, partim sese ad suos recipientes ac terga dantes, Carthaginiensium aciem adorti sunt. Re autem bene ac feliciter gesta, tot iam fugatis equitibus, tot elephatibus fuis, primisque ordinibus in secundos iam pulsus, inter pugnandum Laelius ac Masinissa qui pauloante pedem referentes aliquantisper profugos insecuti fuerant opportune redeunt, & quidem equites hostilis exercitus quotquot supererant a tergo incursant, isque quasi inopinatus impetus hostilem aciem tanta compleuit formidine ut ancipiti undique pugna circumuenti funderentur caederenturque, nullo pudore, nulla reuerentia tanti ducis valere fugam sistere. Et quanquam sane ab utroque ipsorum ducum, & ab aliis saepenumero maiores alibi strages editae sint, grande tamen praedium in primis meritoque seu ducum claritate, seu gentium potentia, seu militum virtute, seu ancipiti caesorum discrimine, seu denique victoriae effectu inter illustria referendum, quum auctore etiam Floro non fuerit maior sub imperio Ro. dies quam ille quo haec gesta sunt. Ex Carthaginensibus & sociis xx. M. & eo amplius hac in pugna cecidere, totidem fere capti, signaque militaria c. xxxii. cum elephantis xi. intercepta. Romanis vero qui superiores euasere, nec incruenta victoria fuit: decem namque milia periere. Dux autem ipse Hannibal moestus, & equitibus paucis admodum comitatus, Hasdrumetum, id oppidi nomen est, fuga se contulit, singula tam ante praedium quam in praedio quae quemlibet magnanimum principem decent priusquam inde abiret expertus. Carthaginem patriam deinde suam profectus vel reuocatus, coram primoribus & summatibus urbis se non praedii modo, sed belli vniuersi gloria inferiore euasisse, & a Scipione victum & superatum esse non iuit inficias. Cornelius Scipio cognomento Africanus, aduersus Hasdrubalem Paeorum ducem in Hispania bellum gerens, quum per aliquot dies non quo dimicaturus esset ordine duxisset exercitum, ac hostes pari ordine seruato proficiscerentur, eodem die quo manus conferere instituerat instructionis mutauit ordinem, & quibus ipse preualebat infirmissimas hostium partes vna acie aggressus facile fudit. Theogenes Atheniensis, quum exercitum Megaram duceret petentibus acierum ordinem respondit, ibi se daturum: deinde clam equites praemisit, eosque hostium specie impetum in socios retorquere iussit: quo facto tanquam ad hostium occursum praepararetur, permisit ita acies ordinari ut quo quisque loco voluisset consisteret, ut inertissimus quoque quisque retro se dedisset, strenui autem in fronte profiliissent, ut quemque inuenerat stantem ita ad ordinem milites prouexit. Adderem his ego Arcturi regis placita, cuius apud nos nescio quae verax, sed noua utique, & ob id ipsum suspecta mihi est fama: et quaequam historiis miscere fabulas nihil sit aliud quam mendacio veri fide imminuere, eius tamen hac in re gesta, vel quae geri potuerunt, concludibilia plurimum, non fuisse equidem quae affirmasse maluerim. Hic enim in acie, ut aiunt, instituenda peditatum quidem omnem per se ponebat, equitatum quoque: quumque pedites pugnam iniissent, equites superuenientes aduersam aciem dissipabant. Praeter hos autem seorsum quosdam manipulos militares collocabat, qui praedio feruescente superuenientes, hostes impeterent. Ita cum fessi integris a tergo vrgerentur, suo commento nunquam non vi-

ctor in omni prælio fuit Alexander, peditatum in mediam aciem equites à dextro læuoq; cornu disponens. Idem aduersus Archelaum quum hostium copias multitudinemq; vereretur, virtute autem suorum fideret, aciem in omnem partem spectantem ordinauit, vt circumuentis vndiq; pugnandi facultas esset. Hic idem aliquando omnibus ad pugnam structis, quum prætores militum interrogassent, ad hæc aliudne quicquā iuberet, Nihil, respōdit, nisi vt barbæ Macedonū abraderentur. Parmenone verò admirante, an ignoras, inquit, ansam in prælio nullam esse quàm barbæ meliorem? M. Antonius aduersus Parthos qui infinita multitudine sagittarum exercitum eius obruebant subsidere suos & testudinem facere iussit, supra quam transmissis sagittis sine militum noxa exhaustus est hostis. Quòd si hostilis acies insolubilis sit, vt plerisq; mos est, scutorū testudine cuneos insolubiles efficere inuenti sunt aliquando iuuenes militiæ Romanæ qui supra insilirent & scuta manibus euellentes desuper vulnerarent. Scipio Aemilianus ad Numantiam non cohortibus tantum, sed centuriis sagittarios & funditores interposuit. Fuit & mirabilis Romanorum aduersus Latinos Latinorūq; aduersus Romanos in omnibus penè par in instruēda acie ratio, cum equis ante omnia vtrinq; viribus, eodem animorum ardore, iisdem militaribus institutis, eodem armorum genere congruentes, milites militibus, centuriones centurionibus, tribunos tribunis cōpares collegissent: quūq; in vnum manipuli plures coisissent plures hastati, & scutati, & principes, antepilarii, vexillarii, triarii, rorarii & accēsi, hisq; omnibus quū munitus esset exercitus, hastati omniū primi prælium inceptarunt: qui si hostibus pugnando inferiores reddebantur, ipsi sese ad suos recipientes à principibus excipiebantur, tuncq; principes qui dicti sunt decernebant, & subsequebantur hastati: q; si à principibus quoq; infelicitè dimicatum esset, ad Triarios qui postremos claudebant pedetentim referebantur. qui quū in acie tertio ordine extremis subsidio locarentur cōsurgentes, hostes incescebant: hi quanquam spei nihil suis post relinquerent, hostibus tamen formidinis plurimum afferebant, quum velut fusos profligatosq; hostes insecuti, & victoriæ compotes, inopinatam extemplo aciem scutis & hastis horridam munitamque & militum numero auctam intuerentur. Instructis itaque, sicut antè dictum est, ordinibus, aduersus Latinos Romani in acie processere, & Manlius & Decius eorū dextro ac læuo cornu præfuere. Adiectū est aliquid Romana disciplina per Q. Neuium centurionem in exercitu Fuluii Flacci procos contra Campanorū multitudinem ad instruendam aciem præter eam quæ est ex equitibus peditibūsq; pugna: lecti namq; agilitate corporis iuuenes, leuibus armis tecti, galeiculis gladiisq; ac septenis hastis quaternorū circiter pedum armati, post terga equitum insidebant, & cum ad hostem ventum erat equis desilientes hostem ex improviso confodiebant, Velites ipsi huiusmodi pugnatōres appellant. Samnites præter ceteros belli apparatus, vt acies sua fulgeret nouis armorum insignibus fecerūt: duo namque illis exercitus erant, & scuta alterius auro, alterius argēto cēlata, spōgia pectori tegmentum, et sinistrum crus ocrea tectum, galeæque cristatæ quæ speciem magnitudinis corporum adderent, tunicæ auratis militibus versicolores, argentatis linteæ quibus apparatibus formidinis plurimū & terroris aduersæ parti

redde

redderetur. Fidenates, & Falisci, Veientes item et Tarquinienſes quia pares armis non erant ad terrorem in acies hoſtiles mouendum, cum plurimis ſuorum noua acie irrumpente, & inaudita & ante id tempus inuſitata, in habitu ſacro ſacerdotibus faces & angues fanatico velut inſtructa curſu præferētibz, Romanorum pari modo aciem exterruere. Scythicæ gentis Amazones exercitum ad pugnam ingreſſuræ tegmenta corporum pro armis habuere, ſerpentū magnorum coria, quorum & quidem præter fidem ingentium copia in Libya ſuperſt: utebantur longis enſibus, haſta & arcu, quo non ſolum exaduerſum pugantes vulnerabantur, ſed fugiendo ſeriebant inſequentes. Aduerſus Carolū quoq; in Hiſpaniis Arabes mirabili arte in inſtruēda acie uſi perhibētur: equitatu nāque in acie directo, Arabes contrā laruarum inſuetam faciem obiiicientes, ſimul & tympanorum ſtrepitus concitantes, equis pauefactis equitatum omnem pepulerunt: nec fuit reſiſtendi facultas, donec equorum facie velata auribz obturatis milites rigidis perſonarū ſimulachris repugnarent. Baleares tribus fundis quibz in præliis armantur, vna caput cingunt, altera ventrem, tertia in manibus geſtatur: in prælio multo maiores lapides quā reliqui ita iactāt robuſte, vt ab aliquo tormento lapis videatur emiſſus, in urbium expugnatione lapidum iactu eos qui deſuper ex propugnaculis tuentur mœnia vulnerant, in pugna vero ſcuta, galeas, omneq; armorum genus confringunt, tantāque vis ac peritia his eſt vt creberrime grandinis modo in aduerſam partem & propinquantē iam terre claſſem effuſa intrare portum ſinant neminem: quodcūque enim volunt lapide miſſili facile contingunt. Nec eſt quod gentis huius quiſpiam certiſſimos miretur ictuſ, quum hæc ſola gentis arma ſint idq; vnum ab infantia ſtudium: nam cibum puer à matre non accipit, niſi quem ipſa monſtrante, funda percuſſit. Troglodyte Aethiopum gens tantę velocitatis quum ſint vt feras curſu pedum aſſequantur, in aciem arma hæc ferunt hi, ſcutum ex corio crudo bouis rotundum, & ferratam clauam: arcus alii lanceaſque, nec vt Græci ob irā aut ambitionem, ſed pabuli gratia belligerantur inuicem. In eorum concertationibus primū iactis lapidibus quoad aliqui vulnerentur concertant, cum arcu quo admodum exercitati ſunt pugnantes, mutuis vulneribus cadunt, eorūq; certamina dirimūt quæ ætate præcedant fœminæ, quibus nullo periculo in medium prodeuntibus (neſas eſt enim has vlllo pacto ledere) extēplo à certamine ceſſant. Macæ qui circa Syrtes habitant inter cæteros Libyos quum ſint corporibus etiam agiles, patria verò vt plurimum plana, neq; enſe, neq; galeis, neq; aliis armis inter pugnandum vtuntur, tantum ferunt haſtas, lapidesq; in vaſis ex corio factis delatos, cum his certantes, tum in congreſſu, tum etiam abeūdo primo hoſtem ferire conantur, ad curſum & lapides recte iaciendos longo uſu edocti, ergaq; externos nullū ius, nullam omnino fidem ſeruant. Germani acies ſuas rhedis circundare ſoliti ſunt ne cui ſpes in fuga relinquatur, hiſq; impedimēta imponūt. Iidem equeſtrē aciem ſic ſtruunt, equitum quot milia lectiſſima ſunt, totidem numero pedites velociſſimi & fortiſſimi, quos ex omnibus copiis ſinguli in ſingulos ſalutis ſuæ cauſa delegerint: cū hiſ in præliis verſantur et ad eos ſe equites recipiūt, hi ſi quid ſit durius, concurrunt: ſi quis grauiori vulnere admiſſo equo deciderit, circumſiſtunt:

stunt: si quò sit longius aut celerius recipiendum, prodeundi tanta est celeritas, horum exercitatione ut iubis equorum subleuati eorum cursum adsequant. Celtiberorum quidem scutis leuibus certant, alii rotundis umbonibus magnitudine clypei cruribus ocreas ex pilis factas inuoluunt, galeas ferunt æneas cristatas plumis, gladios insuper ex ferro puro ad palmæ mensuram: qui in conferta pugna ferrum suo more ad conficienda arma præparantes (nam ferreas laminas in terra abscondentes ibi tam diu esse sinunt quoad debiliore parte ferrugine absumpta validior supersit) ex eo tum enses fortissimos, tum cætera ad belli vsum arma necessaria componunt: hoc pacto fabricata adeò cædunt omnia ut neque scutum, neque galea, neque aliud quid eis obstat: duobus gladiis fulti cum equestri certamine superiores euaserunt, ex equis desiliunt pedestremque adiuuant pugnam. Sueuorum gens quæ longe maxima & bellicosissima Germanorum omnium est, equestribus præliis sæpe & equis desiliunt ac pedibus præliantur, equosque eodem remanere vestigio assuefaciunt, ad quos se celeriter quum usus fert recipiunt. Galli equitum aciem instructuri, inter equites raros sagittarios expeditosque leuis armaturæ interponunt, qui suis auxilio sint, atque impetum equitum sustineant: pedites autem pugnaturo nudabantur, vel nudi super umbilicum vastis scutis & prælongis gladiis accincti in pugna persistebant. Adhæc cantus inchoantium prælium & ululatus, & tripudia, & quatientium scuta in patrum quendam modum, horrendos armorum crepitus, omnia de industria composita ad terrorem: verum hæc quibus insolita atque insueta erant aduersus Græcos, & Phryges & Cares multi ad victoriæ momenti erant: aduersus autem Romanos quibus gallici tumultus vanitates notæ erant, nullius vel quàm parui. Nam tametsi semel atque iterum ad Cremeram et ad Alliam cum fuderint maiores nostros, in deterius tamen eorum quotidie data res est, quum ex eo tempore per ducentos iam annos pecorum in modum consternati, cæsi, fugatique sint: ac plures quoque de Gallis victoriæ quàm de toto orbe terrarum per Romanos habite, ac literarum custodiæ traditæ memorentur. Galatæ in pugna iugis vtuntur quæ rhedarius & affessor ducunt, in bellis obuium hostem iaculo ex curru primum appetunt, tum relicto curru pedites ensibus certant. Quidam adeò mortem contemnunt, ut pugnent nudi: custodes corporis ex liberis hominibus pauperes eligunt, qui & pro aurigis in pugna seruiant, & ferant scutum: instructa acie præire consueuerunt, & ad singulare certamen hostium fortissimos prouocare arma ut hostem terrent quatientes, capita hostium in acie cadentium abscissa equorum alligant collo, hostium spolia sanguine perfusa famulis tradunt, in foribus domorum cum cantu atque hymnis affigenda, quemadmodum feras solent venatu captas: hostium nobiliorum capita aromatibus vincta in terris condunt, summa diligentia ostendentes ea hospitibus, nulloque precio ea vel parentibus vel aliis reddunt. Britannis vel Belgis Galliæ populis sua cura hæc inuenta etiam sunt, essedis & carris apud ipsos primum repertis struunt genus pugnae, quod eiusmodi est, Equis enim huiusmodi curribus iunctis & bellatoribus impositis, omnes primò partes perequitant, inter media equitum agmina tela iacientes, atque ipso terrore equorum & strepitu rotarum superstitans hostis, insolitusque eius tumultus, nonnumquam Roma-

norum

norum contreruit equos aliorumq; ordines plerunque perturbavit. Caterum hi
 quum se inter turmas immiserint, effedis defiliunt & pedites praeliantur. Interea
 aurigæ paululum è praelio excedentes, ita se locant ut si ab hostibus suis preman-
 tur, tutum receptum ad eos habeant: ita mobilitatem equitum, peditum stabili-
 tatem in praeliis præstant, usu quotidiano & exercitatione instructi, ut & declivi
 & præcipiti loco equos sistere, moderari, ac flectere per temonem, percurrere &
 iugo insistere, & in currus quàm ocissime se recipere consueverint. Quod ge-
 nus pugnae ab orientalibus sumptum puto, qui curribus falcatis utuntur in præ-
 liis, ex quibus est pugna haud dissimilis. Multa in his spes orientalibus fuit. Fi-
 lii Ioseph multo tempore ab hæreditate prohibiti sunt curruum falcatorum
 metu. Sisara noningentos in expeditione contra Israhelitas produxerat. Da-
 rius eam speciem obiecit Alexandro, quos ille laxis ordinibus suos iussit excipe-
 re, & non impune vagari. Hos in bellis & rex Mithridates, & rex Antiochus, ali-
 ique plurimi nobilissimi duces habuerunt. Ex equo acies ubi armis ad pugnam
 instruere Thessali prius docuere, hos postea omnes pene secutæ nationes, equis
 ad certamina usæ sunt, ac in dies magis magisque utuntur: verum Scythæ non
 equos pro bello, sed equas malunt: quoniam vrinant cursu non impedito. Colo-
 phonii & Castabolæses canibus in bella ductis primas acies instruebant, tutissima
 ac fidissima hominum auxilia, non eris alienæque stipsis indiga, nec dominorum
 fidem detrectantia. Dominos enim constat canum auxilio à crassatoribus sæpe
 defensos, & pugnas eos aduersus hostes pro dominis Garamætum regis exem-
 plo quem ducentorum canum acies obiicentes sese contra resistentes propter bella,
 ab eo quo detinebantur exilio reducere. Seianus perfidus miles, acerrimos canes
 ut sibi vni mansuetos & mites, hostibus verò in acie feros & immanes habere pos-
 set, sanguine pascebat humano: Bactros, credo, secutus, qui canibus humana car-
 ne nutritis obiiiciunt fenes: quod quum Alexandri præfectus Siasanor emenda-
 re voluisset, pene amisit prouintiam. Aduersus Amilcarem Hispani, non canes,
 sed boues vehiculis adiunctos in prima fronte locarunt, vehiculæque rhēsinæ, sul-
 phuris, ac sæpi plena, ubi æneatores pugnae signum dedere incēderunt: actis de-
 inde & exagitatis sic bobus, consternatam ac dissipatam hostium aciem relinqui-
 re: neque enim ludibriis præcipitiq; furore, sed alta consilii meditatione his inuen-
 tis maiores bella tractabant, deserta quoque requirentes, ut elephantos ac terrificas
 feras etiam ad pugnam cogerent. Equidem de natura elephantorum non ope-
 rose tractandum, quoniam in remotis orbis partibus reperiuntur: quæ autem ad
 bellorum usum attinent, his instandum. Capti quàm ocissime mitificantur or-
 dei succo, truncos gratissimo in cibatu habent: palmas quoque celsiores fronte pro-
 sternunt, atque ita latentium fructum assumunt manduntque: & si pabulum in
 præsepio positum attingi cōtingat à mure quæ maxime animalium odere, fastidiunt:
 in potu quoque hausta hirudine, quam Sanguisugam vulgo appellat, cruciatum
 maximum sentiunt: & quod ad docilitatem attinet, minimi Aethiopis iussu di-
 scunt subsidere in genua, ambulare per funem, militare, turres armatorum in dor-
 sis ferre, magna ex parte Persarum & orientalium regum bella conficientes. Ad
 acuendos verò eos in prælium, linteum vix vel mori sanguine tinctum eis ostendunt:

& prosteruant licet acies, proterant armatos, suis tamen & muris animantis exigui stridore ac visu (tanta est rerum natura) terrentur, territi vulneratique retro semper cedunt, haud minore quandoque suarum partium pernitie. Semiramis bellum Indis motura, inferior illis elephantorum apparatu, rem excogitauit qua terreret Indos cogitantes nequaquam extra Indiam elephantos esse. Occisis igitur ccc. bouum milibus, carnes operariis distribuens, coria insui fecit elephantorum instar, quæ postmodum fœno referta veri elephantis specie præ se ferebant: intus hominem, camelumque super quo sedens formam beluæ duceret, inclusit, hæc in loco semoto occultoque acta, ne qua exterius emanare possent, utq; inde improvisa re perculsi, veras bestias existimarent: his biennio confectis, tertio in Bactris coëgit. Fuerunt præter aliam infinitam multitudinem currus ad milia centum, erant totidem numero homines supra camelos cum gladiis cubitorum quatuor: assuefecit autem equos ne eis simulachris terrentur, quod & Perseus Macedonum rex multis post annis in eo bello imitatus. Verum neque illi in bello, neque Semiramidi profuerunt: audita enim rex Indorum tum exercitus magnitudine, tum ingenti apparatu belli, conatus est excedere Semiramidis vires, accitis maioribus quam quæ erant Semiramidis copiis, elephantorumque syluestrium venatione facta, plurimos ad bellum instruxit, ut verum terrorem quem intulerunt aspicientibus iniicerent. Pyrrhi bellis hi primum in Italia visi fuerunt, quippe qui usque ad id temporis inuisos Romanis, numero xx. in Italiam primus inuexit. L. Metellus pontifex victoria de Pœnis captos xlii. ut quidam clx. transtulit ratibus, quas doliorum confectis ordinibus imposuerat. Antiocho regi, Antipatre auctore, duo fuere celebres in bellicis rebus, cognominibus suis appellati atque distincti: etenim nouere ea. Certe Cato quum imperotarum nomina annalibus describeret, eum qui in acie punica fortissime præliatus est, Sutrum tradidit appellatum, altero dente mutilato. Antiocho vadum fluminis eis aliquando reuinit experienti. Ajax aliquando dux agminis semper tunc pronuntiatum est eius fore principatū qui transisset, ausumque Patroclum, ob id phaleris argenteis, quibus maxime gaudent, & reliquo omni primatu donauit, ille qui notabatur inedia vitam finiens, mortem ignominie prætulit. Mirus namque his pudor est, victique vocem fugiunt victorum, terramque ac verbenas porrigunt pudore. Idem rex quum in præalti fluminis transitum elephantos compellere non posset, nec nauium copiam haberet, iussit ferocissimum elephantum sub aure vulnerari, & eum qui vulnerasset statim transnato flumine procurrare, elephante exasperatus ad sequendum doloris sui auctorem tranauit amnem, reliquisque idem audendi fecit exemplum. Antiochus quem Eupatorem dixerunt xxxii. in acie contra Iudæos produxit, in subsidium cuiusque bestie quingentis equitibus deputatis, in singulis turribus fuere pugnatōres xxxii. electi. Hannibal aduersus Scipionem in Aphrica quum exercitum dirigeret, elephantos octoginta in prima fronte locauit ut auxiliares Gallos & Lygures, Mauros & Baleares Pœnis à tergo stantibus à fuga arcerent, hostiumque aciem terrore peruerterent. Cæsare dictatore, tertio consulatu suo viginti etiam elephantum contra pedites quingentos pugnauere, itemque totidem turriti cum sexagenis propugnatoribus eodem quo

L priores

priores numero peditum & pari equitum ex aduerso dimicante, prima inter regem Pyrrhū & Leuinum consulem apud Heracleam Campanie vrbein, fluuiumq; Lyrim pugna commissa, introducti inter concurrentia agmina elephantum forma truces, odore graues, mole terribiles, vt videre Romani, nouo pugnandi genere circunuenti, & territi, equis maxime pauitantibus diffugerūt: sed postquā Minutius Centurio quartæ legionis primus hastatus protensam in se, haud improprie belluæ manū appellatam gladio defecuit atq; in suos sæuire coëgit, eius immoderato discursu perturbari ac permisceri ordines cœpere, finisq; pugnae beneficio etiam noctis impositus est. Secunda inter Pyrrhū eundem & Romanos pugna fuit P. Sulpitio, Decio Murena consulibus, vbi elephāti qui prima pugna vulnerati atq; in fugam posse cogi deprehensi fuerant, subiectis inter posteriora & molliora ignibus exagitati, ardentes insuper machinas furore trepidi circumferentes exitio suis fuere. Tertia inter Pyrrhū & Romanos pugna fuit Curio Dentato consule, vbi elephantibus in subsidium missis Romani assueti iam pugnare cum belluis, cum malleolos stuppa inuolutos ac pice oblitos insuper aculeis tenaces præparauissent, eosq; flagrantem in terga belluarum turrēque vibrassent, non difficile furentes, ardentesq; belluas in eorum excidium quorum subsidio fuerant retorserunt: Eisdem aliquando Velites à volitando dicti vel à græco βέλλω, id est, iaciēdo, quod genus militiæ paulo antè repertum fuerat, fabrilis scalpro inter aures adacto, retrò agebant, & quū à suis regi non possent, necabantur. Id genus occidendæ belluæ cum opus esset, Hasdrubal Hānibalis frater primus inuenit, vnumq; vno ictu confectum accepimus telo in vitalia capitis per oculū recepto: ipsi tela cæteraq; quæ hæserint corpori, olei potu decutiunt. Contra hos diuersa resistendi ratio fuit, bini equi cataphracti ad currū iungebantur, quibus insidentes longissimas sarissas in elephantos dirigebant: muniti enim ferro, nec à sagittariis quos elephanti vehebant lædebantur, & ipsorum impetum equorum incurfatione vitabāt. Cataphractos alii mittebāt milites, ita tamen vt aculei ferrei vndecunque in eorum armis prominerent, ne venientem in se militem sine vulnere elephanti possent excipere. Alii velitum aciem his obiecere, dato eis præcepto vt quā primum elephanti ab hostibus acti spatio intermisso reciperentur, ad elephantorum impetum vel retrò, vel post, vel ad latus contunderent equitatum. Per multi quoq; quo nihil tutius erat, eminus fundis eos per quos regebantur elidebant, sicq; in suos plerunque lapidibus adactæ belluæ, & amissis rectoribus sæuire cogeabantur. Venientibus nonnulli quasi terrore quaterentur, continuas detrahebant cohortes: manipulisque inter se distans spatium dabant, cumque agminis medium attigissent, circumfusa militum multitudine obruebantur, illæsi que vnà cum rectoribus aliquando intercipiebantur. Camelos Vitelliani in terra Aphrica, & aliquot clari etiam duces in aciem produxere, qui ante legiones positi, aut cum legionariis mixti, cum cominus pugnaretur, hostiū sæpe acies puertere. Cræsus numero so ac præpotēti hostium equitatu eos obiecit, quorum nouitate aspectus, odore, atque horrore trepidantes equi, nedum equitum, verum etiā peditū suorū acies peruerterunt, vincēdosq; hostes præbuerunt. Cameli itē cū Scipione Antiochū deuicere, & cum Archelao

item

item ad Orchomenum & Cheroniā conseruisse camelos memoriæ proditum est. Horum qui in pugna præstent nonnulli gibbum duplicē in dorso habent, duos quoq; in bello in certamen sagittarios ferunt dorso, inuicem contrarie resistentes: alterum à fronte versus hostem, alterum contra persequentem pugnātes. Tentarunt etiam Pœni, vt Lucretius inquit, tauros in munere belli, Expertiq; suos scæuos sunt mittere in hostes, Et validos partim præ se misere leones, Cum ductoribus armatis scæuisq; magistris, Qui moderarier his possent vincisq; tenere. Nequicquā quoniam permixta cæde ruentes Turbabant scæui nullo discrimine turmas Terrificas capitis quatientes vndique cristas: Nec poterant equites fremitu perterriti equorum Pectora mulcere & frenis conuertere in hostes

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Septimus.



De Religiosis, hoc est, infaustis uel infamibus mensium quorundam diebus ac tempore ad bellum idoneo

Cap. I



Actenus, Sigismunde Pandulphe, de instruēda acie secundum diuersos ducum astus, variāsque rationes de impugnatione huiusmodi atque expugnatione, si quando usus tulerit, ad præsentium ac posterum instructionē dicta sint: deinceps vt erat propositum, de religiosi temporis diebus ac mensibus præsentis materiæ subiacentibus, quos infames, atros, vel infaustos in xi. commentariorum grammaticorum Nigidius appellauit, pauca memorare exempla forsā nō incongruū erit, seu recte seu perperam id fiat. Mensis itaque octobris pridie nonas Romanos primo quidem à Cymbris sub Scipione exercitu priuatos fuisse constat, postea verò imperatore Lucullo Armenios & Tygranem viciisse. Lucullus enim in Armenia cum decem milibus peditum & mille equitum aduersus Tigranem qui centum quinquaginta milia hominum in expeditione haberet hoc die profectus cū esset quo Scipionis copiæ consumptæ sunt à Cymbris, & quidam dixisset Romanis illum diē infaustum esse atque formidabilem, Pugnemus igitur, inquit, hodie impigre, quo hunc quoq; Romanis diem ex atro

L ii &

& tristi hilarem iocundumque reddamus: atque quum pugnasset illosque fugasset, Romanos quinque leto interceptos amisit, hostium vero supra centum milia occidit. Mensis nouembris clades Barbaris magnas euidenter intulit: hoc namque mense Alexandri regis ductores ad Granicum vicit, & Carthaginenses septima & vigesima die apud Siciliam à Thymeleote victi sunt, sub quam diem Ilion captum videtur sicuti Ephorus, & Callisthenes, & Damascus, & Philarchus perhibent. Boeotii quidem contigit mensis Ianuarii quinta die binas praeclaras & insignes victorias cepisse, utpote quibus Graeciae libertatem restituerent. Februarii Graecis haudquaquam aequus extitit, huius septimo die pugna cum Cranone, ab Antipatro victi funditus periire, & in Cheronia aëtea aduersus Philippum haud feliciter pugnauere. Hac eadem die februarii eodemque anno qui cum Archidamo transire in Italiam, ab illius loci Barbaris foede consumpti sunt. Vigintiannam Carthaginenses obseruant, ut quae plurimas eis & maximas calamitates intulerit. Mensis Martii sexta quidem die Marathone, tertia vero in Plataeis simul & apud Michalem Persae à Graecis deuicti sunt: quinta vero & vigesima die, Arbelis Athenienses nauali pugna circa Naxon victores fuere, sub ipsam praeterea eiusdem mensis vigesimam diem Macedonum Athenienses praesidium cepisse, quo die mystico lustrant Baccho. Apud Romanos praeliares etiam dies sunt, qui ab iustis non segregantur: siquidem iusti sunt continui xxx. dies, quibus exercitui imperato vexillum rufi coloris in arce positum est: praeliares autem omnes, quibus fas est res repetere, vel hostem laceessere: eligendi enim ad pugnandum diem Romanis tunc fuisse licentiam constat, si ipsi inferrent bellum. At cum exciperent, nullum obstitisse diem quo minus vel salutem suam, vel publicam defenderent dignitatem: vitabant & ad viros vocandos dies qui essent notati rebus aduersis. Dies autem qui sunt postridie Kal. nonas, idus, quantum ad rem sane militare nihil attinere notet Varro, sed ad solas actiones respicere priuatas, ad omnia tamen maiores nostri cauendos putauerunt: quos etiam atros, velut infausta appellatione damnarunt: ob hanc causam dictos habitosque atros Seruius Flaccus scribit, quod vrbe à Gallis Senonibus recuperata L. Atilius in senatu verba fecit, Q. Sulpitium tribunum militum ad Alliam aduersus Gallos pugnaturum, rem diuinam dimicandi gratia postridie fecisse, cum exercitu populi Romani occisum. Item apud Cremeram multisque aliis temporibus & locis post sacrificium die postero celebratum male cessisse conflictum, & post diem tertium eius diei urbem praeter capitolium captam fuisse, quam pluresque alii senatores recordari se dixerunt, quotiens belli gerendi gratia res diuina postridie Kal. nonas, idus populi Romani facta esset, eius belli proximo deinceps praelio rempublicam male gestam esse, tumque ea re per senatum in pontifices reiecta ut ipsi quid videretur statuerent, pontifices decreuerunt ut hi dies neque praeliares, neque puri, neque comitiales essent, nullumque his diebus sacrificium recte futurum: quod nec doctissimum poetam Ovidium praeterit, primo Fastorum dicentem, Vendicat ausonias Iunonis cura Calendas.

Idibus alba Ioui grandior agna cadit.
Nonarum tutela adeo caret omnibus istis

Ne fallare caue proximus ater erit.

Omen ab euentu est illis : nam Roma diebus

Damna sub aduerso tristia Marte tulit.

Hæc tibi dicta semel totis hærentia fastis,

Ne feriem rerum scindere cogar erunt.

Ante diem tertium nonas octobris & ante diem sextum idus nouembris nihil in repub. maiores nostri geri voluerunt. Itaque per hos dies non cum hoste manus conferebantur, non aliud quodcumque in repub. non exercitus scribebantur, non comitia habebantur, non aliud agebatur, nisi quod vltima necessitas exegisset administrabatur. Ante diem quoque quartum Kal. vel nonas, vel idus, tanquam inominabilem diem plerique vitant, cuius obseruationis an religio vlla sit, memorie proditum nihil inuenio, nisi quod Claudius annaliu quinto, cladem illam pugnae Cannensis vastissimam factam dicit ante diem quartum nonas sextiles. Ante diem insuper xv. Kal. sextiles à Romanis haud procul fluuio qui Allia nuncupatur ac xi. milibus passuum via Sabbaria ab vrbe distat, instantibus Gallis male pugnatum est, fusaque ex templo Romana acies, ad ripam fluminis quo sinistrum cornu defugerat à Celtis tanta strages facta ut vrbi subito subsecuta ruina, & patrum cædes, atque capitolinae arcis obsidio. Eorum fuga verò nocturna fuit, eo tempore quo commissæ est, pugnatumque est circa æstatis finem circaque plenilunium, quo die ingens & antea clades in Fabios ad Cremeram flumen inter urbem & Veios acciderat : sex & trecenti namque patritii, milites omnes ex eodem genere eademque familia vna die à Veientibus cæsi sunt. Pompeius etiam fugientem Mithridatem ad prælium compellere cupiens, noctis tempore expugnationem fieri statuit : quem Pompeius insecutus, ut luna tunc orta à tergo Romanis erat, Mithridates exercitus longitudine umbrarum, proximitatem hostium ratus, cuncta in irritum tela fudit : illi inermes aggressi, sine labore certaminis vicerunt, & castra ceperunt. Hannibal apud Cannas hac militari temporis ratione & astutia usus non noctis tempore, sed orto iam sole aduersus Romanos dimicaturus, ita suos ad pugnam struxit ut contra solem orientem exercitum romanum pugnare cogeret, contraque Eurum ventum quem nostri Vulturum vocant : nam in morem ardentis fulminis mane more suo perflare solitus tunc flabat, rapidumque puluerem ex patentibus torridisque campis eleuabat, & supra Carthaginensium phalanges ad ora Romanorum impellebatur : sicque cum Euri vel Vulturini veteri adiutorio, ac fulgoris oculos hostium perstringentis, Hannibal illam memorabilem & immortalem Cannensis pugnae gloriam sibi adeptus : ubi ipse quum esset crudelissimus Romanisque infestissimus, tanta tamen inimicorum atrocissimorum cæde satiatus, parci iussisse perhibetur. Par postea ratio Romanos iuuit. Marius enim & Catullus coss. contra Gallos pugnaturi, virtuti dolum addiderunt : primum nebulosum nacti diem ut hosti inopinanti occurrerent, tum ventosum quoque ut puluis in oculos utraque ferretur, tum acie conuersa in orientem, ut, quod ex captiuis mox cognitum est, ex splendore galearum ac percussu ex aduerso visum eorum puluis oppleret, & splendor hebetaret, totam terribilem Gallorum multitudinem minima Romanorum clade profligauere. Est etiam

præterea sua sabbatismi ratio Iudæis, qua quum eis nefandum sit quicquid seriae rei facere, Diuus Augustus Vespasianus adortus eos superauit. Eisdem alia atque huic dissimili ratione subegit Antiochus: is enim quum Hierosolymam obsideret, Iudæis ad maxima in la solennia petentibus dierum septem inducias, non eas modo dedit, sed etiam tauris auratis cornibus odoribusque & pigmentis affatim preparatis, ad portas usque pompam egit, atque sacrificio illorum sacerdotibus tradito, ipse in castra rediit: Iudæi verò admirati, continuo sese post solennitatem dedidere. Est & aliis gentibus alia quoque temporis ratio. Nam Mylciades quum Persas triduam religionis ocio teneri didicisset, improvisos inuasit & obtinuit. Athenienses quum subinde à Lacedæmoniis instarentur, diebus festis quos sacros Mineruæ extra urbem celebrabant, armis veste celatis, peracto ritu suo, non statim reuersi Athenas, sed potius inde raptim acti Lacedæmonem versus agmine, eo tempore quo minime timebatur, agros hostium quibus subinde præde fuerant ultro depopulati sunt. Athenienses simili modo ubi aduentare Darium compererunt, quanquam auxilium à Lacedæmoniis poposcissent, tamen quum detineri Persas quatrduanæ religionis ocio compertum haberent, spem religionis occasione sumentes, instructis tantum decem milibus ciuium & Platensis auxiliariis mille, aduersus sexcenta milia hostium campis Marathoniiis perruerunt, Mylciade eius belli duce, qui celeritate magis quam virtute fletus, alacri satis expeditione prius hosti cominus hesit, quam posset expedito sagittarum ictu propulsari. Tanta in eo bello diuersitas certandi fuit, ut ex alia parte viri ad occidendum parati, ex alia pecudes ad moriendum præparatæ putarentur. Ducenta enim milia Persarum apud campos Marathonios ea tempestate ceciderunt. Germanorum etiam animos quum sortilegarum vaticinia mulierum obtunderent, ut puta quæ fluuiorum cursus, vortices, strepitumque coniectantes futura prædicerent assererentque siue Ariouisti eorum regis instituto, siue lege non esse fas superari eos si ante lunam nouam contenderent, Cæsar satius esse duxit circa tempus inuadere, quam idoneum illis tempus expectando cedere: facto itaque in eorum munitiones & tumulos impetu, non antea stimulare ac incessere destitit quam ira deducti pugnam capefferent. His hac de re denique in fugam versis, Cæsar stadiis cccc. ad Rhenum usque persequens, terram omnem cadaueribus spoliisque referat. Ariouistus cum paucis præueniens, Rhenum traiecit: cæсорum numerum lxxx. milia fuisse perhibent.

*De locometationis insidiisque, hostium deligendis: quid speculator,
& quid explorator, in quoque differant*

Cap. II.



Idcirco deinde locus castris idoneus deligatur necesse est: ea enim res maxime rationis est bellicæ, ut hostis hostem si petierit è sublimi repelli non possit, aut sane collectis viribus excipi: siue igitur ex itinere quiescendum sit, siue castra castris obicienda, in deligendo loco hanc rationem haberi oportet, ut locus arte vel natura munitus sit, & necessariis sufficiens: arte, veluti fossa, vallo, vel aggere: natura munitus, ut sunt tumuli ascensu difficiles, colles ardui, locaque edita & aspera quæ verrucas Cato appellauit, ut loca fluminibus vel paludibus cincta, necessariis sufficiens, ut materies, aqua, frumentumque

tumq; de proximo peti possint. Quòd si & horū cōparatio habenda sit, loca munita q̄ opulēta viros illustres quēsisse magis inuenio, quod & Mario venit in successum. Is enim tertio cōsulatu suo, bello Cymbrico quū collē occupasset qui cāpo & fluuio imminēbat, vbi hostes se diffuderant, quūque aqua exercitui deesset ad potandum, querelisque omnium coargueretur, aquam in prospectu esse respondit, sed eam ferro vindicandam. Primis itaque calonibus in pugnam cum clamore ruentibus, subsecutus exercitus, mox iusto certamine compositis agminibus, bellum gestum est, & vicere Romani. Iulius Cæsar loca eminentia in omnibus approbavit, quæ si negasset facultas, irrigua præferebat. Inuenitur etiam Gallicis expeditionibus aliquando iuxta fluuium Axonam castra posuisse, quæ res & latus vnum castrorum ripis fluminis muniebat, & post eum quæ erant, tuta ab hostibus reddebat, & commeatus vt à proximis ciuitatibus sine periculo aduehi possent, efficiebat. Cn. Pompeius in Capadocia locum delegit castris ponendis editum, ab imo paulatim procliuē: vnde adiuuante procliuī impetum militum, facile ipso decursu Mithridatem superauit. Q. Metellus in Hispania citeriore in castra hostiū humili loco posita ex superiori parte flumen immisit, & subita inundatione turbatos per dispositos insidiatores cecidit. Tanto itaq; locus vtilior iudicabitur, quanto fuerit editior: in subiectos enim vehementius tela torquentur, maiorique impetu pars editior obnitētes propulsat, & impellit, quum hi qui humili sunt loco castrametati, duplex subeant cum loco primum, deinde cum hoste certamen.

De oppositi loci positione, multitudine, uoluntate, studijs, ac consilijs.

Cap. III.



T quoniam præcellentis est ducis munus, tum pace, tum maxime bello hostium regionem exploratam planeq; cognitā habere, ne omnes ordines temere vagari errareq; contingat, considerandum quoq; oppositæ ipsius regionis quæ sit naturalis positio, rupibus ne inuia aut fluminibus cincta, vel paludibus impedita: inhabitantium præterea multitudines quantæ, quæ voluntates, quæ studia, quæ consilia perquirēdum: firmis, an infirmis, natura vel arte munitis præsidijs contineantur: quæ singula in ducis considerationem deducta, si minus per se præstare queant, alios quorumcunque locorum peritissimos adiungere oportet. Hæc autem tutè ac commode poterit, si ex utrorumq; amicis ciuitatibus atq; mercatoribus futuri sunt qui explorent. Ciuitates enim, omnes qui importent aliquid quàm liberaliter semper accipiunt. Sunt qui hæc per hostes, aut per suos, vel etiam per seipsos imperatores quidam scrutati sunt. M. Cato in Hispania, quia ad hostium consilia alio ingenio peruenire nō poterat, iussit trecētos milites simul impetum facere in stationem hostium raptumq; vnum ex his in castra perferre incolumem, tortūque ille, omnium suorum archana confessus est. Iulius Cæsar missis equitibus his quos in agris reperisset, hostium res & consilia scrutabatur: & vt concordie eorū sententia reperisset, quid agendum in consultatione deliberabat, & scitè ac sapienter id quidem. Speculatores deinde exploratoresq; de suis mittere vniuersorum ducū institutum esse: & quanquam duo hæc vsus sæpe confundat, discernit tamen ratio, & doctissimorum hominum auctoritas, vt speculator is sit qui hostilia silen-

tio

tio perspiciat, quā explorator clamore peccata cognoscat. Explorare enim antiquos pro exclamare legimus vfos, sed postea prospicere, & certum cognoscere cœpit significare. Per se quoq; nullo extrinsecus adminiculo, explorandi modus quidam est, quo & ipsi duces vfi sæpe perhibentur, sicut Aemilius cons. bello Etrusco: hic enim dux apud oppidum Coloniam, multitudinem auium procul contemplatus citatiori volatu ex sylua consurrexisse, intellexit illic aliqd insidiarum delitescere, quod & turbatae aues & plures simul euolarent. Præmissis igitur exploratoribus, decem milia Coloniorum comperit, excipiendo ibi Romanorum agmen in itinere, eaq; alio quā expectabatur itinere latenter missis legionibus circumfudit. Thianicus Horestis filius similiter quum audisset iugum ab hostibus munitum, præmisit sciscitatuos quid rei foret, referentibusq; non esse verum quod opinarentur, ingressus iter vt ex eo loco vidit magnam vim auium simul euolasse, arbitratus est ibi hostium agmen residere, itaq; circumducto exercitu illulit insidiatores. Per sese autē hostium res scrutati sunt Alexander, Sertorius, M. Volusius, ædilis plebis & Maximianus quoq; qui cum Diocletiano postea imperauit, & mutato habitu quidem. Iulium verò Cæsarem & habitus mutatione & per alium, & per sese etiam explorasse constat. Nam quum Britanniam expugnare illi mens esset, & insulae statum morēque hominum percunctari, explorasse per C. Volusē, vt cōmunis habet historia, sunt tamē non ignobiles auctores qui Cæsarem per seipsum portum & navigationem, & accessum ad insulam explorasse confirmant: & quanquā illi fortunam suam experti forte probauerint, omnino tamen audaciæ & temeritatis mihi maxime esse videtur, consilium & subsidium totius exercitus periculis obicere, quum hi omnes aut vitæ suæ, aut alienæ necis cupidi sint, qui huiusmodi vel ipsi sustinuerint, vel alios perpeti cōegerint: maxime quū id quod Scipio et Valerius Laevinus coss. & Xerxes pro sua nobilitate memorabile posteris reliquerūt exemplum, non sæpe sed per raro contingat. Ille enim captus tres Hannibalis exploratores circumduci per castra iussit, ostēditq; his totum exercitum nihil de hostibus percunctatus: mox etiam prædiū dari iussit, eisq; relictis, impune redire, vt quæ apud Romanos vidissent Hannibali renunciarent. Hic verò quum nō secus intra castra sua exploratorem hostium deprehendisset, magnamque copiarum suarum fiduciam haberet, circumduci eum iussit, terrendiq; hostis causa exercitum speculatoribus eorum quotiens voluisset patere. Postremo Xerxes similiter Darii filius quos in castris speculatores Græcorū deprehendisset nullo affecit supplicio, quin vbi iussissent eos circumduci, vt audacter intuerentur exercitum cuius gratia venerant, libere quod voluerunt dimisit incolumes. Præterea non vsquequaque etiam obuiis & transfugis quibusque credendam salutem suam plurimorū periculis edocemur. Babylon enim ingens, quam exercitus capere nulla vi poterat, Zopyri arte capta est: se nanq; plagis affici, auribusq; ac naribus mutilari consulto iussit, ac deformis veluti transfuga urbem ingressus, se cum omnium audientium intuentiumq; consensu ita Darii iussu cæsum mutilatumq; finxit: inde populum cohortatus forti animo vt esset, ac mœnia tueretur patereturq; se vnā cum suis recentiore ira & iniuria laceffitum, bellum contra Darium inire. His nanque

que & aliis huiusmodi Babylonii decepti fraudibus, summam gerendarum rerum omnium curam & potestatem liberam Zopyro tandem omnium transfugio tribuerunt: augendam verò ad fidem sæpe is profligauit hostes, ac postremo creditam multitudinem in hostium manus duxit: sic vrbs Babylonia, quæ vi non poterat, fraude capta est. Quum autem Darius postea punicum malum quoddam, & id quidem permagnum aperuisset, quærenti cuidam quidnam tantum habere vellet, quanta esset granorum multitudo, Zopyros se velle respondit. Erat autem Zopyrus non modo comes illi, verum vir tum probus, tum amicus, qui vbi sese ipse cecidisset, naræmque & aures obtuncasset, & ita creditus Babylonios fefellisset ac Dario tradidisset urbem, sæpe dicebat Darius, Zopyrum malle integrum quàm centum capere Babylonias. Iulianus quoque in Parthos expeditionem agens, quum in desertum primo captiuorum habuisset ductorem, postea quidam senior transfuga sub schemate proditoris ei se compendiosum iter ostendere pollicitus, quum triduo ambulantes ad maiores solitudines peruenissent, in insidias inciderunt: & mox quidem illum senem fustibus occidere, confidentem se hoc pro patriæ libertate fecisse, & libenter aspera quæque pati velle: in quo bello imperator concidit, & exercitus in conditionem adductus est. Valerianus item Augustus doctrina & eloquentia clarus, ingentem exercitum in Persas agens, & incaute quidem suorum ac aliorum ductu à Sapore Persarum rege captus, ignominiosa apud Persas seruitute consenuit, donec damnatione sortitus ut ipse accliuus humi, regem ascensurum equum non manu, sed dorso semper attolleret. Ad postremum quum nulla præda hostibus pulchrior nec præstantior quàm exploratorum, vel speculatorum, si capi eos contingat, quod sæpe fit, quum persequantur quodcunque se illis peruium obtulerit, non usque ita fides habenda illis ut custodia negligatur, sed instructa semper omnia et parata esse oportet, æque ac si hostem instare vel imminere nunciatum sit.

Castrorum forma officiorumque castrensiū ritus

Cap. III.




Is pro loci qualitate hinc inde rite peractis, castrorum formam secundum maiorem disciplinam officiorumque castrensiū ordinem, ritus, ac rationes ex reliquo prosequamur, quattuor nanque anguliseorum dimensio designabatur. Nam & fabrorum multitudo & ferramentorum copia quæ usus extructionis poscit sequitur exercitum, & interior quidem pars castrorum tabernaculis distribuitur, ambitus autem eorum extrinsecus muri faciem præferbat, ordinatis etiam turribus pari spatio dispositis, quarum intervalla telis atque balistis aliisque machinis saxa torquentibus, omnibusque instrumentis missilium complent, ut cuncta scilicet iaculorum genera in promptu sint. Ex omni denique muri parte, quattuor portas ædificant, tam iumentis aditu faciles, quàm ipsis si quid urgeat intro currentibus latas. Intus autem castra vici spatiis interpositis dirimunt, mediâque castrorum tabernacula collocant, & inter hæc imperatoris ac ducis maximi mediū templo similimum, ut quasi repentina quædam ciuitas existat, forumque & opificum stationes, & sedes militum, primatibus ordinumque principibus, vbi si qua sit inter illos ambiguitas iudicet: ipse vero ambitus, & omnia quæ in eo sunt, multitudine simul & scientia, & frabrican


fabricantium opinione quum opus est dicto citius communitur, qui si res vrgeat, fossa extrinsecus cingitur depressa cubitis quattuor, parique spatio lata. Castris etiam sic munitis aut muniendis armata custodia deesse non debet. Numerus cohortis extimatione nunquam inferior, per singulas portas si periculum immineat ducis arbitrio augetur, hiq; per vices quaternis horis die noctuq; sibi succedunt. Horarum autem discretionem veteres aqua & umbra denunciarunt, & ad posteros in hunc modum noscenda transmiserunt. Duo namq; illis vasa erant aenea, siue vt Clesbicus Alexandrinus primum instituit, ex auro perforata, aut ex gemma terebrata: ea enim nec teruntur percussu aque, nec sordes recipiunt vt obturentur. Non vbique tamen ea vsui: nam alibi alteri fundus erat in modum clepsydræ foratus, et quod erat integrum vacuum subiecerunt, pleno aque altero superposito: alibi superioris vasis vacui fundus erat simili modo perforatus, alterum quod subiecerunt integrum ac aquæ plenum, altero superaddito & aquam contingente, sed aquæ meatu antè hinc inde munito, quæ vbi primum cœpit sursum vel deorsum emergere, vel effluere, vel influere, mox munitione subducta permiserunt influere vel effluere, fluxitque in noctis ipsius & sequentis ipsius diei finem, atque id usq; ad principium noctis secundæ: sic sibi mensuram temporis in aquæ de illo fluxu susceptæ quantitate posuerunt, ac in partes quas xii. sub fida dimensione diuisa decreuerunt in ipso ciclo constituere, & diuisionibus annotauere, vt certi essent horarum numeri, in quos eas ingredi, morari & egredi nunciarent. Tuncq; post Aegyptiorum retrò maiores quos constat primos omnium cælum & temporis momenta scrutari & ausos metiri, siue Horus ille fuerit quem solem appellant, & vnde horæ dictæ sunt, siue quod Horus Apollo sit qui præ cæteris horas inuenisse perhibetur, Scipio Nasica collega Lenati pri-

mus apud nostros aqua diuisit eas æqua noctium ac dierum
idq; horologium in hunc modum sub testamento dicauit

Anno vrbs quingentesimo quadragesimoquinto.



Mbrarum autem rationē apud Græcos Anaximenes Mileſius Thaletis diſcipulus inuenit, primuſq; horologium Lacedæmoniis oſtendit: hæc ipſa ratio interdiu, modo horoſcopi inſtitutio die nubilo nō vacet, per ſolem internofci maxime poterit, ſi in loco plano ſtās quiſpiam dorſum contra ſolis rectitudinem poſuerit, ſuiq; vmbra corporis pedibus metietur à xxiiii. die menſis decembris cum ianuario inchoando, in quo eſt numerus in ſua hora prima, & in decima pedum xxix. Nam decēbrem cum ianuario in horis cauſa diſpar adiūxit, cum linea ſimili alter augeatur, alter vero decreſcat. Nouembrem & februarium ratio temporis per horas duxit equaliter. October martium concordibus vmbriſ aſciuit, & parem ſibi fecit: ſeptembris & aprilis dies horis ſimilibus conferuntur, auguſtū maio par ſolis curſus æquabit, iunius & iulius horarum ſibi æqua ſpatia contulerunt, vt de ſingulis menſibus in huiuſmodi circunſcripta numerorum deſcriptione continetur.



Ac horarum vicissitudine vigilum fors successiue per omnes æqualiter currat, in hos acerbissima sanctio ut qui loco qualibet causa cesserit de medio tollatur: & die quidem pro portis armatæ statione disponuntur, nocte autē per castella vigilare mos est, sed & præter publicas custodias aliquot in castris disponere, non erit inutile, ne quid tecti facinoris admittatur. Brutus enim ex captiuitate Græcorum quum pernotos sibi vigiles euocasset totum exercitum suū in castra Græcorum induxit, hostesque cōfecit: ideo prudētoribus consuetū fuit ut circitores castris præficerēt, quos olim circuitores appellabant, qui vigilias circuirent ac renunciarent, si quos immerse rit culpa vel aliquando per se vigiles reuifere. Titus Hierosolymorum obsidione primam vigiliam noctis per castra & castellorum spacia circuiēs explorabat: secundā secūdo à se principi Alexandro permiserat, tertiam agminum ducibus. Alcibiades Atheniensis ciuibz suis à Lacedæmoniis obsessis, veritus negligentiam, vigilū his qui in stationibus erant denūciauit, ut lumem obseruaret quod nocte

nocte ostensus esset ex arce, & ad conspectum eius ipsi quoque lumen attollerent, quo munere qui cessasset, pœnam passurum: dum solícite itaque expectaretur signum ducis, peruigilatum ab omnibus & suspectæ noctis periculum euitatum est. Iphycrates Atheniensium dux, quum sub aduentu hostiũ ipse vigilias circuiret, vigilem quem dormientem viderat teli cuspide perfodit, quod inclemẽtiũ factum nonnullis increpantibus, Qualem inueni, inquit, talem reliqui. His itaque omnibus simul somnum & excubiarum & vigiliarum tempora buccinæ significet, nec quicq̃ præter ordinem sine ducis geratur edicto: summo manẽ officiis p̃ religione celebratis, mox milites ad centuriones, ad chiliarchos illi veniant, cum quibus ad summum omnium ducem vniuersorum ordinum principes, quibus ille signa det, aliaq̃ pro negotio præcepta perferenda subiectis, quæ cum in acie fuerint recognoscant: vt si res exigat incurſibus, itemq̃ reuocationibus vniuersi obsecudent & pareant. Signum ab imperatore dandũ quod deferant subiectis, quod nemo non sciat in ordine constitutus, nemo sciat externus, eiusmodi est, quum quid memoriter tenendum indicitur, vt in bello Marii, Bardeus: in Syllæ, Apollo Delphicus. in Cæsaris, Venus genitrix: Græcorum Christianorum Kyrieleson & alia atque alia, prout cuique visum est: id enim quo se hostibus discernant, maximi vsus in bellis est, siue in luce pugnetur, siue in tenebris. Nam si hostis in armis domesticis latere velit, signum interrogatus focium vel hostem illico se prodit: id alii symbolum vocant, prabati auctores Liuius & Maro tesseram.

Legationes cum hostibus si agenda sunt, quales esse debeant.

Cap. V.



Legationes cum hostibus si agenda sint, illud animaduertendum, vt hi mittantur qui astu vel multarum rerum cognitione hostium latebras atque consilia metiri queant. Scipio enim Aphricanus occasione mittendæ ad Syphacem legationis capto cum Lælio seruorũ habitu, tribunos & centuriones electissimos ire iussit, quibus curæ esset regiones viros inspicere: qui vt liberius castrorũ positionem scrutarentur, equũ de industria dimissum tanquã fugiẽtem persecuti, maximam partẽ circuierunt munitorum: quæ quum nunciaſſent, incendio confectum est bellum. Itidem Carthaginienses misere qui per speciem legatorum Romæ morarentur, exciperent consilia Romanorum Cato autem Censorius postquã tres in Bithyniam legati Romæ delecti quorum articulare morbo & podagra vnus, capite alter vulneribus confosso, tertius vecordia laborare videbatur, ridens, Populus romanus, inquit, legationem mittit, quæ nec pedes, nec caput, nec cor habet. Apud eũ populum autem legati si quando incogniti venire nũciabãtur, primò quid vellẽt ab exploratoribus requirebãt, postea ad cosegrediebãtur magistratus minores, & tunc demum senatus extra urbem postulata noscebat: & ita, si visum fuisset, admittebantur.

Qua cautione consultationes cum hostibus habendæ.

Cap. VI.



I autem consultationes hostiũ admittendæ sunt, qua cautione id fieri debeat, Cæsaris & Ariouisti Germanorum regis monemur exemplo. Hi enim quum occurrisset dies colloquii vtriusque consensu indicta, placuit equitatu tantum armato conuenire. Cæsar quum salu-

M tem

tem suam non omnibus committere vellet, Gallis auxiliaribus equis subtractis, milites eis legionarios decimæ legionis, cui maxime propter virtutem confidebat, imposuit, hos ducentis passibus ab Ariouisti præditiis in tumulto collocans, ut ex equis colloquerentur, pari quoque interuallo aberant equites Ariouisti: ubi verò inter loquendum, Cæsari nuntiatur Germanos ad equitare lapidesque & tela in suos conicere, loquendi finem fecit, seque ad suos recepit. Nam & si sine ullo periculo decimæ legionis præstantia hostes superari videret, à suis tamen prælium committendum non putauit, ne posset dici pulsus hostibus à se per fidem in colloquio circumuentos. Castris item & loco et manu munitis, si ex consultatione similiter cum hostibus agendum, sapientis ducis esse statuo, ne se incaute illis ingerat ad loquendum. Agrippa enim rex cum Gamalæsis de traditione loqueretur, Vespasiano iubente, ad dextrum cubitum lapide ictus ægre de medio sublatus est. Titus quoque ad Hierusalem, quum putaret Iudeos hominis gentilis oratione posse flecti, Iosephum misit oraturum, qui grauer in capite ab eis saucius, nisi mature ab ipso Cæsare in castra subreptus fuisset, oppetisset.

Armorum hostilium ratio habenda.

Cap. VII.



Dhuc armorum habenda ratio: eorum enim habitus plerisque gentibus alio atque alio tempore noxius est, uti Numidis hastilia telorum, quæ manu sine amentis intorqueri solent, pluuiis ingruentibus lubrica ac per hoc inutilia fiunt. Scuta etiam quæ elephatorum corio extecto atque durato habilia & tuta gestabant, quorum ea natura est ut acceptum imbrem tanquam sponsa ebibant, ac per hoc intractabilia repetino potere fiant, quia circumferri non poterant, defendere nequiverunt. Orientales qui maxime sagittis bella conficiunt, oderunt ventos & imbres, qui inter illos pacem esse cogunt: proinde P. Scipio in Lydia quum die ac nocte imbre continuo vexatum exercitum Antiochi videret, nec homines tantum aut equos deficere, verum arcus quoque manantibus nervis inhabiles factos, cohortatus est suos ut subsequerentur, quamquam religioso, die committerent prælium, quam sententiam secuta extemplo victoria est.

Multitudo partium spectanda, quia maximi exercitus præter hominum opinionem à minimis fusi profligatiq; sint. Cap. VIII.



Vrsus in multitudine partium disciplinæ studium vel ratio utrinque animaduertenda, ne pugnantibus & disciplinæ tenacioris militibus, rude & indoctam multitudinem misceas, putas in vniuerso exercitu, Xerxis exemplo, belli robur consistere. Hic enim præclarus Asiæ rex cum armorum septingenta milia Persarum, trecentaque de auxiliaribus præter classem maximam vixque credibile habuisse narretur, meritoque inopinato exercitui vix ad potum flumina, vix terra ad ingressum, vix maria ad cursum, cælum ipsum vix patere sagittis putaretur, huic tam incredibili temporibus nostris agmini, cuius numerum nunc difficilius est astrui quam tunc fuit vinci, Leonidas rex Spartanorum cum quatuor milibus hominum in angustiis Thermopylarum obstitit, triduo continuo manum conferens: quadriduo deinde cum iugi bello videret hostem undique circumfundi, dimissis sociis auxiliaribus ut ad meliora se tempora reseruarent, hortatus Spartanos suos admonet de gloria plurimum, de vita nihil sperandum, neque expectandum, vel hostem, vel diem, sed occasione noctis perumpenda castra, commiscenda

miscenda arma, conturbāda agmina fore, nūquāq̃ victores honestius q̃ in castris hostium esse perituros. Persuasit igitur plus se patriæ debere quā vitæ, ac mori malle cum gloria q̃ superesse sine. Mirum dictu, sexcenti viri castra sexcētorum militum irruerunt. Postremo inter stragem & cadauerū aceruos, inedia, vigiliis, & labore longæ cædis fessi, cū duce suo multo cruore graues inuicti æterna viuentes gloria cecidere. Xerxes verò eo tumultu terrestri ac perturbatione territus, & à Themistocle nauibus quibus omne mare compleuerat spoliatus, incognitus & saucius fugit: nec aliter sane, vt Satyrus inquit, q̃ vna naue cruētis fluctibus, ac tarda per densa cadauera prora. Xerxes itidem à trecentes Lacedæmoniorum ad Thermopylas vexatus, cum vix eos confecisset, hoc se deceptum aiebat, q̃ multos quidem homines habebat, viros autem disciplinæ tenaces nullos, vel q̃ pauciores: à xiiii. milibus Græcorū, qui numerus in auxiliis Cyri aduersus Artaxarxem fuit, centum milia barbarorū superata sunt. Cyrus bello aduersus Persas, xiiii. milibus armatorū immensas difficultates superauit. Alexāder Macedo, xl. milia hominum iam inde à Philippo patre tantæ disciplinæ assuefecit, vt terrarū orbem aggressus, innumeras hostium copias superarit. Primo nanq̃, cæteris omiſſis, Alexandri cum Dario rege congressu, sexcenta milia Persarum in acie fuere, quæ non minus arte Alexandri superata, quā virtute Macedonū terga verterunt. In exercitum Alexandri cxx. equites, et ix. tantū pedites defuere. Secundo prælio à Dario cum ccc. milibus peditū & centum milibus equitum in Alexandrum pugna cōmittitur, quoad Darius fugeret & Persarum cædes secuta: ibi enim tunc peditū octingēta milia, equitum x. milia cæsa sunt, capta autem xl. milia fuere: ex Macedonibus verò cecidere pedites cxxx. equites cl. inter captiuos castrorū, mater & vxor, eadēq̃ soror, & filia duæ Darii fuere, quarum redemptionem Darius tum etiam oblata regni dimidia parte non impetrasset. Tertio cunctis Persarum viribus sociorumq̃ auxiliis contractis, bellum instaurat spe pacis amissa, & cccc. milia peditum & c. milia equitū Alexandro ab Aegypto reuertēti apud Tharsum bello opponit: sed Darius post anceps diu prælium cum vinci suos videret, mori in bello paratus, persuasū suorum fugere compulsus est: quo prælio Asiæ vires & regna ceciderunt, totusq̃ oriens in potestate Macedonum esse cœpit imperii: atq̃ ita attrita est in hoc bello Persarū omnis fiducia, vt post hoc rebellare ausus sit nullus, æquoq̃ animo Persæ post imperiū tot annorum, iugum seruitutis acceperunt: in tanta malorum multitudine difficillima dictis fides, tribus præliis totidemq̃ annis quinquies decies centena milia peditum equitumq̃ consumpta, & hæc quidem ex eo regno illisq̃ populis vnde iā ante annos nō multos plures decies nouies centena milia profligata referuntur. Epaminūdas Thebanorū dux quatuor milibus hominū, ex quibus quadringenti equites erant, Lacedæmoniorum exercitum vigintiquatuor milium peditum, equitum mille sexcētorum, vicit. Mylciades Atheniensium dux in paucis suorum omnibus Persarum copiis occurrens, prius hosti cominus hæsit quā posset sagittarum ictibus propulsari: itaque in xi. milibus suorum, ducenta milia Persarum occidit. Lucullus in Armenia cum decem milibus peditum & mille equitum aduersum Tygranem, qui centum quinquaginta

milia hominum in expeditione haberet, nemine illorum suorum impetum sustinente dum illos fugat, Romanos quinque læto interceptos amisit, hostium verò supra cētum milia occidit. Idē Lucullus trāsgressus Eufratem & Tygrim cum Mithridate & Tygrane cōgressus minima suorum manu magnum numerum hostium occidit, triginta milia hostiū in eo bello cæsa referuntur. Tygranes vix cū cl. equitibus aufugit, diademate ne agnosceretur abiecto. Fabio Maximo, Decio Murena cōf. quatuor fortissimi florētissimiq; Italię populi, Etrusci, Vmbri, Samnites & Galli in vnum agmē fœdusq; conspirantes Romanos delere conati sunt. Cumq; cū Samnitibus & Gallis bellū inirent, & in eo bello Gallorū impetu Romani premerentur, Decius cōf. occisus est. Fabius cum magna Decianę partis strage vicit, eo prælio xl. milia Samnitum & Gallorū cæsa. Romanorū verò septem milia, ex Decii tātummodo parte qui occisus est referūtur. Fuisse autē absq; Etruscis & Vmbriis quos astu Romani bello auocauerūt Gallorū & Samnitum peditum cxl. milia & cccxxx. equitum verò xlvii. milia Liuius refert, & carpentarios mille in armis cōtra aciem stetisse Romanam. A Romanis aduersus Mithridatis exercitum in minore Armenia quadraginta milia hominū cæsa vel capta sūt, Romani vulnerati mille, vix autē quadraginta interfecti. A Romanis item penes Metaurum flumen victus est Hasdrubal caputque eius ante Hannibalis castra proiectum, deq; exercitu suo sex & quinquaginta milia occisa: capta autem quinque milia & quadraginta cum ab exercitu Romanorum sociorumq; octo fermē milia cecidissent. Cum Teuthones & Cymbri Italię plana peruassissent, Marius & Catulus aduersus eos missi ita pugnarunt, vt tanta tāque terribilis multitudo minima Romanorū clade, sua autē vltima internitione caderetur, cl. milia eorū tunc in bello cæsa, quadraginta milia capta dicū-
L. Aemilio Catullo, C. Accilio Regulo cōf. formidine magna consternatus senatus defectione cisalpinę galliæ, cum etiam ex vltiore gallia ingens aduentare exercitus nunciaretur maxime Gersatorū, quod nomē non gentis sed mercenariorum gallorum est, ita permoti consules totius Italię ad præsidium imperii cōtraxere vires, quo facto vtriusque cōsulis in exercitu octoginta milia armatorum fuisse referuntur, sicut Fabius historicus qui eo bello interfuit memorię demandauit, quæ nec saltem tanta quanta eos terrere debuit, cæsa sui parte, fugerunt, nam tria milia eorum tunc interempta historici tradiderūt, quod ideo ignominiosius turpiusq; est tam paucis amissis tanta agmina diffugisse. Sylla post partam Atheniensium vrbem cum Archelao conflixit. cx. milia cæsa, vix decem milia superfuisse referuntur, hac comperta clade Mithridates lectissima septuaginta milia militum in subsidiū Archelao misit ex Asia. Secundo prælio sexaginta milia ex his interfecta sunt. Tertio bello omnes copię quas Archelaus habebat extinctę sunt, nam viginti milia militū eius in paludē pulsa quū Syllæ fidē implorarent insatiabili victoris ira interfecta sunt, totidēq; alia in flumē coacta ac necata, reliqui miserorū trucidati sunt. Prasodes Persa dux belli exercitum maximū ad cc. milia hominū cōegit, castrisq; in finibus Cadusiorū positis Arseum Medorum ducem se aduersus cum octingentis milibus hominum profectum pugna inita superauit, ad quingenta milia interfectis, reliquos extra Cadusiorū

Cadusiorū fines abigēs hac victoria insignis à Cadusiis rex creatus in Mediam transit, omniq; provincia vastata magnā gloriam assecutus est. Crotonienses Italiæ quōdam potētissimi populi, bello sunt à Locresibus fusi, quāq; militum illis centūviginti milia, his nō milia xv. modo essent. Heraclianus cui immēsam & satis incredibilē classem nauīū fuisse perhibent, quippe qui tūc tria milia septingentas haberet, quē numerum apud Alexandrum magnū vel quenquā alium regem præter Xerxē fuisse historiæ nō ferūt, simul vt cum agmine militū ad urbem pergēs littore egressus est, occurſu comitis marini territus, & in fugam versus, arrepta naui solus Carthaginem rediit, atque ibi conto militari interemptus est.

Obsessorum exploranda studia.

Cap. IX.



Nobseſſis item studia multitudinis exploranda, si enim diſſenſorum partes intercidant auditus, aperitur viro forti, dum trepidant, ait ille, nullo firmatæ robore partes Tolle moras ſemp nocuit diſſerre paratis. Titus proinde dū Taricheas bello fugasset in ciuitatem, regressus aduenas cum indigenis diſſidētes audiens, mox armato milite ciuitatem ingreſſus obtinuit. Itidem si ad deditionem offeratur aſſenſus, cauendum ne ſententia plurimorum in dolo obtineat, P. Licinii proconſulis exemplo: nam quum pagos ſub ſpecie deditionis oblatos accepisset, qui in poſtrema recepti acie collocati ſunt, Romanorum terga ceciderūt: proinde Cæſar nunquā dedititiis credidit, niſi armis obſidibusq; traditis, & iſſis ex nobilioribus lectis veluti filiis ac fratribus principum, numero pro amplitudine loci plerunq; ad quingentos, quo & fidutiam hoſtibus adimeret & ſibi munimenta conquireret.

Quid agendum ſi oppugnari caſtra contingat.

Cap. X.



Ioppugnari caſtra varia ſorte plerumq; cōtingat, qua id ratione fiat horū monemur exēplis. Scipio Aphricanus aggreſſus hyberna Pœnorum, caſtra atque munitiones nocte cōcubia fecit incēdi, Pœni trepidi quum caſu ignem accidisse vel aſſuisse putarent, inermes ad extinguendum aduolarunt, qui facile ab armatis oppreſſi ſunt, in vtriſque caſtris xl. milia hominū igni ferroque conſumpta, capta quinque milia, duces iſſi miſerabiliter aduſti ægre effugerunt. Crassus ex ducibus Cæſaris hoſtium caſtra hac arte expugnauit, Ipſe in Aquitania res gerens, quum aduerteret hoſtes conſuetudine rei publicæ, loca capere, caſtra munire, cōmeatus ſuos includere, non cunctādum eſtimauit quin pugna decerneret: hac re ad conſilium delata, quum omnes idem ſentirent, poſterū diem pugnæ conſtituit: prima luce productis copiis auxilia in mediam aciem coniecit, ſicq; acie inſtituta, quid hoſtes conſilii caperent expectabat: illi eſſi multitudine ſua & Romanorum paucitate tutō ſe dimicatuſ arbitrarētur, tutius tamē eſſe rati ſunt, obſeſſis viis, cōmeatu intercluſo, ſine vulnere victoria potiri: quōd ſi ſe Romani recipere cōpiſſent, firmiori animo ſub ſarcinis adoriri cogitabāt. Hac re pcepta, Crassus cum hoſtiū cunctatione ſuos alacriores effeciſſet, ad hoſtium caſtra contendit: vbi quum alii foſſas complerent, alii telis coniectis hoſtes repellerent, auxiliares quibus non multum confidebat, lapidibus telisque ſubminiſtrandis & ad aggerem ceſpitibus

M iii deferendis

deferendis constituit, quum his intenderet, equitesq; Crasso renunciarent, nō eadem diligētia ab decumana porta castra munita, illi Crasso iubēte, eductis quatuor cohortibus, quæ præsidio castris erant, in hostium castra peruenerūt: quumque bellum anceps esset, & vltro citroque ferirentur, hostesque per munitiones eiciētes fugam peterent, equitatus eos a pertis campis conſectatus ex hominum milibus quinquaginta vix quartam partem reliquit. Propter huiusmodi casus, animaduerto Cæsarem satis cauisse, ne castrorum munitionibus ampliores vniquam latitudines includeret, quàm suis copiis implere sufficeret. Eidē vna consuetudo etiam fuit, nunquam castra deferenda esse, nisi cum munitionibus effractis, hostes vallo prohibere non possent: ast eruptio quādo necessaria sit, Galba eiusdem Cæsaris dux, documentum nobis sit. Hic enim quū ad radices Alpium hyberna castra locasset, & commeatus causa plurima pars suorum abesset, Galli subito Alpium culmina occupare cœperunt: Rebus cognitis, Galba concilio conuocato perquiri, placet interim rei euentum experiri, & castra defendere. Tunc signo dato, hostes ex omnibus partibus concurrunt: hi quum primo integri viribus, & qua parte castra nudata defensoribus erant, concurrentes auxilium ferrent, tandem hostium multitudine, & suorum paucitate, languidiores effecti sunt: vallum hostes scindere, fossam complere cœperunt, vt res ad extremum casum perducī visa sit. Primorum ordinum principes ad Galbam conuenientes, experiri extremum remedium suadent, atque eruptione pugnare: principes suos subiectos centuriones faciunt vt paulisper missa tela excipientes, sese ex labore reficiant: postea verò signo dato, atque omnibus portis eruptione facta, nulla sui colligendi facultas hostibus fuit: sed circunuēti omnes, fusi q; sunt. Romani verò se incolumes receperunt. Aemilius similiter Paulus vniuersis Lyguribus ex improviso adortis castra eius, simulato timore diu militem tenuit: fatigato deinde iam hoste, à quatuor portis eruptione euestigio facta, strauit, cepitq; Lygures. Titurius quoq; Sabinus aduersus amplum Gallorum exercitum continendo militem intra munimēta, q; metuerit, suspicionem eis præstitit: cuius augendi causa per fugam, misit qui affirmaret exercitum Romanorum in desperatione esse, ac non nisi de fuga cogitare. Barbari oblata victoriæ spe concitati, lignis onusti, quibus fossas implerent, ingēti cursu Romanorum castra petierunt. Vnde in eos Titurius vniuersas immisit copias: multisque Gallorum caesis, plurimos in deditiōem accepit.

Quod rebus bellicis quisquis finis obuenerit, nunquam negligendus.

Cap. XI.



D hæc rebus bellicis quisquis finis obuenerit, nunquam is negligendus. Si enim pari sorte discessum est, paribus animis repetere licet: Si autē hostilis pars superior sit, rebus labentibus, & in fugam versis, maturo consilio succurrendū est. Sertorius enim à Q. Metello Pio acie pulsus, quum neque fugam sibi tutam arbitraretur, milites dispersos abire iussit, admonitos in quem locum vellet cōuenire. Viriatus dux Lusitanorum Romanorum copias, locorumque iniquitatem euasit, eadē qua Sertorius ratione sparso exercitu primò, deinde collecto. Tryphon autem Syriæ rex victus, per totum iter fugiens pecuniam sparsit: eūque sectantes Antiochi equites morando effugit.

git. Rex item callidus Mithridates, Romanæq; avaritiæ gnarus, quū sequentes moraretur, spargi similiter à fugientibus sarcinas & pecunias iussit. M. Marcellus cos. quum in manus Gallorū incidisset, omniāque infesta videret, in medios hostium irrupit: quibus inopinata audacia exterritis, regem eorum occidit, atq; vbi spes salutis vix fuerat inde maxima spolia reportauit.

Quid agendum si bello pulsi munitionibus recepti sint.

Cap. XII.



Vòd si bello pulsi munitionibus recepti sint, vbi deliberatiōe opus est, nunquam animus dimittendus: nanque Carthaginenses quum Syracusanos graues infestōsque paterentur, ab Atheniensibus auxilia impetrare. Athenienses magna classe instructa Lysia & Lamacho ducebant, tantis viribus Siciliā petunt, vt suffragia sua ipsi timerent: duobus præliis secundis successibus factis hostes in urbem concludunt, & obiecta classe terra mariq; cingunt. Syracusani fractis fessisq; rebus, auxilia à Lacedæmoniis petunt, à quibus mittitur Gylippus solus quidem sed in quo omniū præsidiorum instar præferebatur, qui veniens vt audiuit inclinatum iam belli statū, auxiliis contractis opportuna bello præoccupauit loca: deinde duobus præliis victus, in tertio Lamachum congressu occidit, hostes in fugam vertit, socios ab obsidione liberauit. Athenienses nauali certamine congredi parant. Gylippus classem instructam à Lacedæmoniis accersit, auxiliaq; sociorum. Athenienses prima cōgressione vincuntur, castra cum omni pecunia publica vel priuata amittūt. Sic Gylippus optimus dux licet bis victus, nec animo tamen consternatus, nec fractus, in statū optimū res reduxit: & si quidē viribus dissipatis, nulla manus bello superfit, hoc ipsum sociis rei gerendæ occasionem offert. Aristonicus Asiæ rex Licinium Crassum cum multis auxiliorum copiis bello obtinuit. Huic Crasso Perpenna cos. successor veniens Aristonicum recenti victoria exultantē, improviso bello adortus, nudatum omnibus copiis in fugā vertit. Cumq; Stratonicen urbem ad quam ille confugerat obsidione cinxisset, cruciatum fame ad deditiōnem cōegit.

Quid agendum si hostes bello sine munitionibus pulsi.

Cap. XIII.



Erum si hostes bello sine munitionibus pulsi fuerint, omnino instandum erit ad reliquias cœpti prælii consumendas, vt Marius qui deuictis prælio Teutonicis, eorum reliquias quia nox bellum circumuenerat, continuis subinde circumsedens clamoribus, perpaucis suorū perterruit, infomnēque hostē detinuit, ex eo assecutus vt postero die irrequietum facilius hostilem debellaret exercitum: infinita hæc negligentibus damna cōtingere. Ethius cos. Romanus dum Hunnorum cētum octoginta milia vnius diei quota parte prostrauisset, facillimūque sibi foret reliquos conficere, bellū consilio nimis imprudenti diremit, ac totius Galliæ excidium hoste impunito reliquit. Par huic Pompeio contigit, quo sibi ipsi mortē consciuit. Nam cum Cæsar Torquatum eius legatum, legionemq; vnā vt expugnaret aggressus est, hoc periculo sociorum Pompeius cognito, omnes eō copias contraxit, in quas se illico Cæsar omiſsa obsidione conuertit. Torquatus autem è vestigio prorūpens auersum insecutus est: ita Cæsaris milites ancipiti periculo territi, ipso Cæsare frustra

frustra obsidente fugerunt, euasit tamen Cæsar, quia nocte interueniente Pompeius prosequentem reuocauit exercitū, qui Cæsar's testimonio victor tunc erat, cum diceret, Erat hodie profectò victoria apud hostes, seque tantum ea die ab eis potuisse superari, si vincendi gnarum ducem habuissent: deniq; dilapsus contractis copiis cum Pompeium Pharsalicis campis vicisset, fugientem insecutus est, protinusque obtinuit. In omnibus bellorum negociis semper in consummationem intendebat, nil actum credens cum quid superesset agendum: ipse namq; cum Heluetiorum trecenta quinquaginta octo milia bello cecidisset, centum triginta milia quæ superfuerant nulla noctis parte itinere intermisso, die quarto in fines Lingonum peruenerunt, cum Romani propter vulnera & occisorū sepulturam triduo remorati fuissent, Cæsar ad Lingonas literas nunciūque misit ne cōmeatu, né ve alia re adiuuēto illis essent: qui si iuuissent, se eos hostiū loco habiturum. Ipse autem triduo intermisso, cum omnibus copiis insecutus est. Heluetii rerum inopia adducti, deditionem sui obtulerunt, atq; ad pedes Cæsar's obortis lachrymis prouoluti pacem petiere: quibus cum obsides armæque tradere præcepisset, dum ea conquiruntur nocte intermissa sex milia diffugerunt, quos ille insecutus hostium numero habuit, reliquos in deditionē accepit ac suis locis restituit. Idem cum Belgas bello fugasset, illi in finibus suis pugnaturi domū reuerti statuerunt: quibus secunda vigilia profectionem parantibus, Cæsar veritus insidias, quòd causam nondum cognouerat, exercitū cōtinuit. Prima luce re ab exploratoribus confirmata, equitatum præmisit qui nouissimum agmen moraretur, ipse cum instructis legionibus insecutus, tantam multitudinem interemit, quantum diei spacium sufficit. Mox antequam hostes se ex fuga reciperent in fines eorum progressus, sine difficultate vlla munitiones eorum obtinuit. Omni Gallia deuicta cum quædam ciuitates belli consilia renouare nuntiarentur, in eorum fines exercitum traduxit, repentino eius aduētū accidit vt prius ab equitatu opprimerentur quàm diffugere in oppida possent. Nam & illud incursionis signum quod incendiis ædificiorum fit, Cæsar edicto fieri vetuit, tum ne præcaueri non posset, ac ne pabuli frumentique copia deficeret. Itaque Cæsar omnibus hostium consiliis, magnis itineribus aduolando contendens, occurrebat, nec dabat vlli ciuitati spacium de aliena potius quàm de domestica salute cogitandi. hac celeritate & fideles amicos retinebat, & dubitantes terrore ad conditiones pacis adducebat.

Non esse multorū ducū sentētia, pertinaciter neq; omnino usque ad perniciem fugientibus instandū Cap. XIII.



Contra verò non esse etiam pertinaciter neque omnino vsq; ad perniciem hostibus instandum, multorum ducum sententia perspicuū est. Namq; M. Licinius fuso Hasdrubale, hortātibus eū quibuscūq; vt hostem ad interemptionem vsq; prosequeretur, respondit, Aliqui vt supersint qui de victoria nostra hostibus nuntient necesse est. Scipio Africanus dicere solitus est, hosti non solum dandam viam, sed etiam muniendā. Pyrrhus quoq; Epirotarum rex inter cætera præcepta imperatoria memoriæ prodidit non esse pertinaciter neq; vsq; ad perniciem fugientibus instaturos victores, quod stratagematis genus & ab ipso, & ab aliis etiā plerisq; clarissimis ducibus

in expugnandis quouis modo hostibus obseruatum inuenio : ipse enim cum ciuitatem quandam accepisset clausisque portis ex vltima necessitate fortiter dimicantes eos qui inclusi erant animaduertisset, viam illis ad fugam dedit. Hannibal cum inclusi Germani ad Trasimenum acerrime pugnarent, deductis suorum ordinibus abeundi facultatem reliquit, abeuntesque sine suorum cæde & sanguine strauit. Agesilaus Lacedæmonius aduersus Thebanos cum acie confliget intellexissetque hostes locorum conditione clausos ob desperationem fortius dimicare, suorum ordinibus aperta Thebanis ad euadendum via, rursus in abeuntes cōtraxit aciem, & sine iactura suorum cecidit. Aduersos ob desperationem fortius dimicare suos pontē irrumperē prohibuit, cum docuisset satius esse eum expelli ab Europa quàm cogi ex necessitate pugnare, misitque idem ad eum qui indicaret quo in discrimine sua res sita esset, nisi fugam maturaret. Antigonus Macedoniæ rex ex Aetolis qui in obsidione ab eo compulsi fame vrgebantur statuerantque eruptione facta commori, viam fugæ dedit, atque ita fracto impetu eorū insecutus aduersarios fudit. Titus eques romanus & cui duobus Scipionibus occisis exercitus imperium detulit, cum circūuenti ab eo Pœni ne multi morerentur acius pugnarent, lassatis manipulis ex concessio fugæ spatio dissipatos sine periculo suorum trucidauit. C. Cæsar Germanos inclusos ex desperatione fortius pugnantē emitti iussit fugientēque aggressus est. C. Manlius cos. cum ex acie reuersus capta ab Etruscis Romana castra inuenisset, omnibus portis statione circūdati inclusos hostes in eam rabiē efferauit vt ipse in prælio caderet: quod animaduertētes legati eius, ab vna parte remota statione exitū Etruscis dederunt, & effusos persecuti occurrente altero consule ceciderunt.

Dolabra hostem esse vincendum nullamque rem summo duci magis conuenire quàm moram cunctationēque, nullam minus quàm festinationem ac temeritatem. Cap. xv.



Ccedit ad hæc Domitii etiam Corbulonis consiliū, qui Dolabra hostem dicebat esse vincendum, quod multis non secus præclaris ductoribus id seruantibus in successum & nominis sui gloriā venit, & Fabio maximo imprimis. Nam cum aduersus Hannibalē missus nollet cum eo acie configere, sed cunctando exercitum eius terere, qui tum pecuniæ tum annonæ premeretur inopia, per summa montiū iuga & abditos nemorum saltus castra ponēs Hannibalem sequebatur, & sese è latere egressus opponebat: cūque à multitudine rideretur, & Hannibalis vocaretur pædagogus, id minimi pendens cogitatibus suis atque consiliis utebatur, & ad amicos sæpe conuersus dicebat, eum sibi timidiore videri qui cauillationes conuitiaque timeret, quàm qui hostē fugeret. Insuper cū de collega Minutio quoniā hostes aliquot prostrasset magnus rumor esset, quasi vir esset romano nomine dignissimus, Magis se inquit secundam Minutii fortunā quàm aduersam pertimescere, pauloque post cum in insidias incidisset Minutius & simul cum exercitu periret, vbi ipse auxiliū tulit, tum magnum hostium numerum perdidit, tum illum seruauit, vnde & Hannibal victus & impetu suo fractus ad suos & amicos dixisse fertur, Nunquid non dixi vobis fore aliquando vt hæc montana nubes maxima nos in campo vi tempestatis obrueret? Eodem modo aduersus Philippū Sertorius cum trans Hiberum

rum amnem ad eum conflueret vndique multitudo, & barbara turba quæ feritate & superbia sua cuncta turbaret, nec ducis iussu expectaret sed temeritate in hostes ferretur, primum rationibus & verbis instruere eos conatus est, deinde ut vidit eos nihilominus temere properantes, statuit sic eos obicere hosti ut non omnino frangerentur sed vulnera acciperent, sperans per hæc ipsis in reliquum tempus mansuetioribus usurum. Gesta itaque re ut ipse cogitauerat, opportune affuit, & fugientes suscepit reduxitque in castra, ac paucis post diebus ut eorum mentes erigeret consolareturque, aduocata totius exercitus concione, duos equos in medium adduci iussit: alterum macie senioque confectum, alterum fortem & nitidum, caudamque promissam habentem: astabat autem iuxta gracilem illum vir magnus & robustus admodum, iuxta nitidum & præpotentem vir parvus & imbecillis: dato autem signo vir ille magnus ut ei mādātum erat caudam vniuersam gracilis equi ambabus manibus captam auellere temere ac vno conatu adnixus est, parvus etiā vir præpotētis equi caudam paulatim depilabat: tandem verò ille frustra simul totam caudā trahens, sibi quidem molestias inanes, circumstantibus verò risum præbens defessus est: & ille parvus euellendo paulatim feras, caudam equi fortis spatio perbreui nudauit. Tunc assurgens Sertorius, Videtis, inquit, commilitones ingenium plus posse quàm vires, multaque quæ vno impetu superari non possunt, sensim paulatimque superari? Scipio iunior cū effrenatā hostium demētīā esset intuitus, dicebat tēpore securitatē emi. Nam boni imperatoris veluti medici officium esse ut ferri curatione utatur ad postremum. Veruntamen tempestiue adortus Numantinos, in fugam vertit: cūque victos grauiter seniores ferrent, exprobrātes quid eos fugissent quos toties fugassent, Numantinum quempiam dixisse fertur, Pecudes quoque easdem nunc esse, at pastorem alium. Proinde nullam rem summo duci magis conuenire quàm moram & cunctationē, nullam minus quàm festinationem temeritatēque: his duabus maxime contrariis rebus omnes qui diuturno bellorū usu peritissimi hoc tempore iudicantur, magnis, imo ingentibus te, Sigismunde Pandulphē, laudibus in cælum tollunt: utpote qui duos florentissimos potentissimōsque regios apparatus mora ac celeritate protriueris. Alphonsum enim clarissimum & illustrissimum Taraconensem regem cum plurimum vigeret, & Francisci Sphortie soceri tui copias primo persequeretur, tu pii filii functus officio, socerum gentēque eius omnes intra munitiones phani fortunæ & mœnia positis castris recipiens, id mora cunctandōque affecutus es, quāquam hostes portas vr̄bis sapenumero excurrerent, obsessoque similis viderē, ut & soceri tutela fueris, & huiusmodi vires regis conatūve omnē sapiētia tua & animi magnitudine faciliter eluseris, & irruptione tandem in eum facta, ex Piceni finibus exegeris: eundēque quinquennio post Regem, Populonia expeditione, longa & graui illius metatione aggressus, non armis & gentibus, sed armorum umbra potius, ignium nocturna significatione illucescentium, transfugarūque crebro rumore nuntiātium, auxiliorū populorūque totius Hetruriæ tecū, ne id oppidū dederetur, cōfluentiū, forti denique & animosa repentināque tuorum militum eruptione muros habentem exultantēque iamiam & spoliāntem, vno, ut sic dixerim, non toto incurso, more

more fulminis obtriuisti, quod vno eodemque momēto adiuisti, percussisti, abscel-
sisti: nec vana de te prædicatio est, regem abs te antè victum esse, quàm visum:
sicque, quod paucis vnquam ducibus conduxisse accepimus, Fanestrium, Sphor-
tientiūque expugnatione ad agendum cunctatione, Populonia ad tuendum
succurrendūque audacia, irruptione, ac festinatione vsus es.

Cauendum ne successu rei quispiam elatus, in periculum pernitiemque trahatur. Cap. XVI.



T quanquam audentes deus ipse iuuat, vt Naso inquit, & vsu sæpe-
numero comproberetur, illud tamen summo opere cauendū est, ne suc-
cessu rei quisquam elatus, in periculū suorum pernitiemque trahatur.
Hoc quidam imperatores consilium minime seruantes dum auda-
cter magis quàm cautè feruntur in hostes, in magnam se ac suos ruinam cla-
demque propè miserabilē iniecerunt: quod si non aliunde constaret, Cyri potentis-
simi & præclarissimi Imp. ac Afrorū monemur exemplis. Cyro enim Scythiam
ingresso, Thomiris regina quæ genti præerat, transitum Araxis fluminis cum
posset prohibere, transire permisit: primo, propter fidutiam sui, deinde propter
opportunitatem obiecti fluminis & hostis inclusi. Mittit igitur tertiam partem
copiarum cum filio ad insequendum hostem. Cyrus castra instructa vino epulis-
que deseruit, quasi territus refugisset. Barbari quasi ad epulas inuitati, primò ebbri-
etate vincuntur, mox reuertente Cyro vniuersi obrutuntur. Thomiris exercitu
ac filio amisso, vel matris vel reginæ dolorem sanguine hostium diluere potius
quàm suis lachrymis parat. Diffidentia igitur dissimulata desperatione cladis
illatæ, paulatim cedendo superbum hostem in insidias vocat, cui cū inter mon-
tium angustias occurrisset, ducēta milia Persarum cum ipso rege deleuit, addi-
ta super omnia illius rei admiratione, que nec nuntius quidem tantę cladis super-
fuit. Aduersus Afros rebellantes Hannibal à Carthaginensibus missus cū sciret
gentem auidam esse vini, vinum quod illi erat in castris mēdragora permiscuit,
cuius inter venenum & soporē media quædam vis est: tunc prælio leui cōmisso,
ex industria cessit: nocte deinde intempesta, relictis intra castra quibusdam sar-
cinis, & omni vino infecto fugam simulauit: cūque Barbari occupatis castris in
gaudium effusi medicatum vinum haussissent & in modum defunctorum strati
iacerent, reuersus cepit eos & trucidauit. Idem cum sciret sua & Romanorum
castra in eis locis esse quę lignis deficiebātur, ex industria, regione deserta, pluri-
mos armentorum greges intra vallum reliquit, quibus velut præda Romani
potiti in summis lignationis angustis insalubribusque se cibis onerauerunt.
Hannibal autem reducto nocte exercitu, subito oppressit. Histri cum sequeren-
tur Aetolos qui bellantes eos nuper adiuuerāt, initia pugnæ prospera hosti fue-
runt, eadēque exitii causa. Nam cum Cn. Manilii castra cepissent optimæque præ-
dæ incubarent, epulantes & ludibundos plerosque ac vbi essent nescientes præ-
poculis Appius pulcher inuadit: sic cum sanguine & spiritu male partam reuo-
muere victoriā: ipse rex epulo, equo impositus, cum summa subinde crapula &
capitis errore lassaretur, captū sese vix & egre postquam experrectus est didicit.

De



Curationes proinde cōuiuiorum & apparatus, nobilissimi duces ca-
strensibus prohibuere. Sic Masinissam po. Ro. amicū centesimum
vitæ annum agentem, stantem vel ambulātem meridie ante taber-
naculum solitū cibos sumere nouimus. Hannibal ne quam diei par-
tem intermitteret, nō nisi crepusculo cœnabat. Scipionem & Alexandrum sim-
plici pane in itinere cum amicis contentos fuisse tradūt. Vrius fortissimus dux
romanus, qui validissimam Italiæ gētem, qui dicissimum Græciæ regem vicit,
vt de eo scriptum est, Paruo quæ legerat orto, ipse focus breuib. ponebat olu-
scula. Eadem leguminū ratio permultis placuit, quibus Seuerum principē inter
tot diuitias vti solitum accepimus, singulas etiam delicias fastidiētē Seuerum
Septimium nobilem ducem legimus cum esset in castris. Nam cum vinum ius-
sisset in expeditione neminem bibere, sed aceto vniuersos esse contentos, pisto-
resq; sequi castra prohibuisset, buccellato iubens omnem militarem turbā con-
tentam esse, ante omnes ipse communi & militari cibo vsus, corāmq; & ante pa-
pilionem, nec sibi vnquam vel contra solem, vel imbres, tecti quæsiuit suffragia.
Pompeius vero cum aduersa valitudine laboraret, & vt turdo vesceretur medi-
cus iuberet, illumq; sui frustra tunc quærerent (erat enim præter anni tempus)
dicerētq; quidam fore vt apud Lucillum turdi quem penes annum integrum
nutrissent inuenirentur, Ergo, inquit, ni Lucillus studeret delitiis, viuere Pom-
peius non posset, ac dimisso medico paratu, facillimis vilib; cibis vsus est. Iu-
lio Cæsari facilitas circa victum tanta fuit vt cum appositis asparagis pro oleo
vnguentum instillaretur, idq; quamprimum animaduertisset facile commandu-
casset, increpuissetq; qui id moleste tulisset. Milites eius radicem cuiusdam herbæ
euellentes, ea lacte commixta vescebantur, factūq; ex ea panem intra hostium
stationes præcurrentes iaciebant, addebantq; se quamdiu herbam huiusmodi
terra nutriet, obsidionem Pompeii haudquaquam deserturos. Eum autem pa-
nem eumq; sermonem, ne hostium patientia ac pertinacia suorum animi fran-
gerentur, asportari in mediūq; proferri vetuit Pompeius. Augusto etiā quem
minimi cibi fuisse constat, & ferè vulgaris, secundarium panem, pisciculos, case-
um manu pressum ficūsq; biferas & virides placuisse legimus. Trans Rhenum
etiam Tyberiū, id vitæ genus obtinuisse ferunt, vt sedens in cespite nudo cibum
ceperit, sine tentorio pernoctarit. Diuus Adrianus cibis castrensibus, caseo & la-
rido in propatulo libenter est vsus, Scipionis Aemiliani, Metelli & auctoris sui
Traiani frætus exemplo. Cambysi non prouisis com meatibus, non exploratis
itineribus, per inuia & arentia suum trahenti exercitū, cum deessent necessaria,
nec quicquam subministraret sterilis & inculta humanoq; vestigio destituta re-
gio, tenerrima primò frondium cacumina, deinde coria igne mollita necessitas
cibū fecit: postea cū inter harenas, radices quoq; & herbæ defecisset, apparuissetq;
inops etiā animalium solitudo, decimū quēque sortiti alimentum habuerunt:
cūq; partem exercitus amisisset, partē comedisset, timuissetq; ne vocaretur ad
sortem, proindeq; tunc demum signum receptui dedisset, seruabantur interim
generosæ illi aues & instrumenta epularum camelis vehebātur, cum sortirentur
illos

illos milites eius, qui male perirent peiusque viuerent. Illud denique, Sigismunde Pandulphæ, non filuerim, inter hæc summa ducum & imperatorum vitæ ornamenta tantâ videri in te similitudinem ac consonantiam ut nihil excogitari possit si milius, nihil maius dici, cum omne genus hoc hominum, ducum et imperatorum, laborum patiens, vigiliarum, sitis, inediae et omnis angustiae, imitatio aut æquaris aut excefferis. Quis, n. nescit cum per omnem vitam nullum vilissimi cibi genus aspernatus sis, una cum tuis militibus Populonia expeditione, non secundo, istorum more, non cibario tantum pane te usum, sed atro, sed duro saxi instar virentisque quadam lanugine atque mucore, quæ canes animalia ad cibum semper prona, ac iumentum singula fastidirent? Prætereo glâdes esse subere quæ tibi tuisque militibus in tanta famis acerbitate, tanquam sapore & condimento quodam immixto, opes regiae videbatur, taceo stagnantium fontium calentes ac sulphureas aquas: & quando vini habendi facultas omnis abesset, ac eiusmodi aquæ nauseam prius quandam afferret, quam sitim restingeret, nihil tamen tibi ac tuis cum omnium admiratione incontentum, visum est unquam illis aquis bibisse iocundius. Maxime igitur rationis est bellicæ sese deliciis continere, maxime rursus in prædam leui momento non ruere, ambitiosa licet ac certa videatur: sepe numero enim fit ut dum deliciis, dum exuviis hostium, dumque spoliis miles occupatur, hostem in se reuocet, sicque quam multos præclaros duces cum ingentia prælia maximosque exercitus confecerint, huiusmodi rerum voluptate subactos confectosque fuisse.

Quæ usui videatur utrinque ad danda vel euocanda subsidia, si exercitum nostrum castris aut locis munitis obsideri contigerit aut alios obsidere, deque nouis militaribus, quòue tempore qui notarij appellantur denominationem acceperint.

Cap. XVIII.

Sane post hæc quas modo diximus bellorum rationes, si exercitum nostrum castris aut locis munitis obsideri contigerit, aut alios obsidere, quæ usui videatur utrinque ad danda vel euocanda subsidia, vel certe ad hostium artes clandestinis consiliis & rationibus deprehendendas, non erit inutile scire, & maiorum exemplis euoluere. Cicero Cæsaris dux castris hybernis obsessus, nuncios attentius de statu rerum significare cupiens, mittit ad Cæsarem, et cum aliqui in hostium manus lapsi et sub oculis suorum crudelibus suppliciis affecti, reliquos merito terrore compleuerint, inuentus est tamen seruus unus ex Gallia qui libertate et magnis præmiis & pollicitationibus literas iaculi ameto insertas, quia gallus et gallis minime suspectus, tulit ad Cæsarem. Illius ergo sollicitus Cæsar, gal lum equitem quandam promissis ingentibus impellit, ut literas suas ad Cic. referat, & si castra ingredi nequeat, alligatas iaculo intra vallum iaciat: paret ille, & ad castra cum venisset, accedere metuens, ut iussus erat literas iaculatur, quæ casu quandam in turrim inciderunt, neque à quoquam ante diem tertium visæ sunt. Tunc conspectæ à quodam milite detrahuntur et ad ipsum cui inscriptæ erant Ciceronem perlatae, atque in concilio militum recitatae, magna omnes fiducia & gaudio replevere. Erat autem perbreuis epistola, ne à barbaris posset intelligi, literis græcis in hanc sententiam perscripta. Ego iam cum legionibus iter arripui, confestimque adero: tu virtutem tuam pristinam ut retineas quaeso. Vale.

Iosephus velleribus ouium nuntios tegens, multo tempore vigiles Romanorum fefellit,

N specie

specie canum deceptos. Fuerunt qui inflatis vtribus literas intus infutas habentibus per nunciū mitterent, qui cruribus velut gubernaculis cursum dirigentibus, procul aspiciētes qui in castris erant maxime specie belluæ deciperēt. Arpagus occasione vindicandæ iniuriæ querens, literas Cyro nepoti apud Medos in exilio demorāti, exenterato lepore per seruū misit, rete quoq; deferre iussit, quo suspitionē viarū custodibus vmbra venatus auferret, factūq; est vt secreta hinc inde missis epistolis, Cyrus auū Astyagē regno & Cyro & Medo priuaret. Non nulli vaginarū interiora scripserūt, arūidine alii dolonibusve & baltheo, alii clandestinis nūtiū sui corporis iumentorūq; suorum partibus circūplicatam mittunt epistolā. Columbæ quoq; internunciæ in magnis rebus fuere, epistolas annexas collo vel earū pedibus, obsidione Mutinensi Hyrcio cōsule ad Decium Brutum: ac Decio Bruto rursus ad Hyrciū mittente, vbi disposito cibo quibusdā eminentissimis locis, colūbas tenebris prius inclusas & fame plurima affectas illinc inde volare instituerāt. Cæcilius Volateranus equestris ordinis, hirūdines cōprehensas in urbē secū afferens, victoriæ nuncios amicis mittebat in eundē nidū remeantes. Tradit Fabius Pictor cū obsideretur præfidiū Romanorum, à Lygurtinis ad se allatis lino ad pedes alligato nodis significare, quo die adueniēte auxilio eruptio fieri deberet. Est literarū græcarū vsus inter Latinos, Latinorū & aliorum inter Græcos. Græcis. n. literis scriptas epistolas Symmachus Dionysio regi mittens, patefacit Carthaginenses duce Hannone ad bellū arma parare, ob quā rem insidiis cognitis, Carthaginenses edicto publico vetuere ne quis suorum græcè loqueretur aut scriberet. Est Aegyptiorū quoq; vsus, atq; qui hunc sequūtur, varias animalū species pro literis notant eorū more. Non enim syllabarū compositione aut literis verba eorū exprimūtur, sed imaginū huiusmodi forma, earum significatione vsu memoriæ hominū tradita. Nam vt Lucanus inquit, Nondum flumineos mēphis contexere biblos Nouerat, & saxis tātum volucresq; feraq;, Sculptaq; seruabant magica animalia linguas: vt & in obeliscis adhuc Romæ stantibus est videre. Per vulturē nanq; naturæ vocabulū indicant. Nam mares nullos posse inter huiusmodi volucres inueniri physici tradūt: ac per speciem et figuram apīs mella cōficiētes regem, aculeosq; per accipitrem rē denotant cito factā, quoniam hæc aliarū fermē omnium auis sit velocissima, transferturque hæc notatio ad domesticas res quę velociter fiant. Crocodilus malū significat: dracone autē caudā suā mordente et in sese recurrēte, annus per eosdem indicatur, sicut apud nostros clauum indicē annorum numeri fuisse, diligēs taliū modo numerorū auctor Cincius affirmat. Leonis etiam capite apud eos mōstratur præfens tēpus, quia conditio eius inter præteritū futurūq; actu præsentī valida feruensq; est: sed præteritū tempus lupi capite signatur, q; memoria rerū transactarum rapitur & aufertur. Canis itē blandientis effigies futuri tēporis designat euētum, de quo nobis spes licet incerta blanditur. Terram insuper Aegyptii significare cum volunt, bouis figurā ponūt. Osirim cum solē esse asserūt, sceptrum sculpūt: inq; eo speciem oculi exprimunt: & hoc signo Osirim mōstrant, significantes hunc deū solem esse, regaliq; potestate sublimē cuncta despicere, quia solem Iouis oculū appellauit antiquitas. Oculus itē iusticiæ seruatur, & totius corporis

poris interpretatur custos : reliquarum corporibus partiū dextra manus dgitis passis liberalitatē designat, sinistra verò cōpressis tenacitatem atq; auaritiā : eodem modo & cæterarū corporis partium figuræ atq; instrumenta aliquid certū notabāt, quę memoria hominū longa ac meditatione obseruata, è vestigio quid ea exprimerent internoscebāt. Sunt & iuris militaris notæ, de quibus dicere necessarium esse duximus: in breuiculis enim quibus militū nomina inscripta cōtinebantur apud veteres, quo inspicerētur quanti ex militibus superessent, quantiq; in bello oppetissent: T. litera in capite versiculi posita superstite designabat, Thita verò defunctū vnde illud, Θ primū ante alias infelix litera Thita. Cum autem imperitiā significare vellent, huiusmodi nota, A, vñ perhibētur: cum verò silētio quid agendū, S. Notas etiam literarū inter se veteres facitabant imperatores ac magistratus, vt quicquid occultē inuicem in scripturis significare vellent, mutuo scriberēt, ceteris ignorātib; quidnā eiusmodi sibi literarum vellet ordo: huius rei testes sunt libri epistolarum C. Cæsaris ad C. Oppiū, & Balbum Cornelium, quibus rerū gerendarū eius in remotis præsentia exhibere cura erat. In eiusmodi. n. epistolis inuenire erat literas absque vlllo syllabarum coniugio, cum occulto tamen ipsarū literarum permutationis ordine, vt in scriptura quidem alterius altera & situm & nomē occuparet, vt in Bartus & Felipo vocabulis, his ad cuiusq; notādi nominis integritatem literis quæ deessent ex reliquo elementorum numero superadditis, aliisq; pro scribentiū arbitrio nihil significantibus. Iulius itē Cēsar in his quæ aperta non omnibus esse voluit, per notas scripsit, atq; eo elementorū situ vt dictio nulla cōponi quiret. Hūc verò literarū ordinē si quis imitatione dignū censeat, D pro A, et sic deinde reliquis cōmutabit & trāsferet. Super eodē Augusti quoq; Cæsaris ad filiū extat epistola in hūc modū: Quoniam quidem innumerabilia assidue quę scribi alterutrū oporteat, et ea secreta habeamus inter nos notas, si vis, tales vt cū nobis aliquid scribendū erit, pro vna quaq; litera scribamus sequētem hoc modo, B pro A. C pro B, ac deinceps eadē ratione ceteras, pro Z, litera redeundum ad duplex A A. Sed & ipsa charta in ratione est: Ea enim si succo cæpæ inscribatur, igni opposita reddit literas. Tithymalli quoq; quā nostri lactariam herbā, alii lactucam caprinā vocant, albissimo succo inscripto corpore cum inaruerit, si cinis spargitur apparere literas, & eis quidē alloqui maluisse veteres quā codicillis. Simili modo alii alios fallunt, lacte recenti chartis inscriptis, fathiscentibus deinde literis, asperse carbonis puluisculo, quales apud ingeniosum poetā in sua re militari dicentem inuenies: Cum possit cruri chartas celare ligatas, Et iuncto blādas sub pede ferre notas, Cauerit hæc custos, pro charta conscia tergum Præbeat inque suo corpore verba ferat. Tuta quoq; est fallitq; oculos è lacte recenti Litera carbonis puluere tange leges. Fallit et humiduli quæ fiet acumine lini, Efferet occultas pura tabella notas. Chartam alii callidissimo astu nullius momēti verbis de rebus seriis ac familiaribus atramēto primū inscribunt, cū alia quę cupiūt esse secreta vrina notet: quę desiccata vt intuentiū oculos fallit, cum literarū perspicue etiā intuentibus nihil cōspiciatur: si sic igne cale scat, literas oboriri vndiq; ac legi posse non dubiū est. Legimus quoq; Demaratū lacedæmonio regno pulsum et apud Per-

fas degentem, paratum exercitum contra Græciam à Xerxe Persarū rege Lacedæmoniis callido studio patefecisse: scriptas nāq; tabellas superducta recēti cera textit, easdēque per seruum nesciū facti misit: delatæ autē magistratibus stuporem attulerunt: scriptum enim videntes, nihil quā delusionem esse putabant: alii mittentis ingenium suspicati sunt, ac eo rem maiorem quo esset occultior arbitrati sunt, demum rem omnibus dubiam Leonidæ regis soror aperuit: ceræ enim tegmine abraſo et ſublato, literas occultas inuenit, ac Xerxem vii milia trecentaq; de auxiliis regno armaſſe. Nec aliter Pœnorum quiſpiā à Carthaginensibus miſſus ad conſilia hoſtium exploranda, fingēs ſe patria pulſum militemq; ſe expeditionis offerens, pugillaribus vacuis noua deſuper illita cera ciuib; ſuis omnia perſcribebat. Quidam barbarica calliditate & aſtu pluſq; punico uſi, abraſa hominum capita inſcribunt, domiq; quādiu capilli frutiſcent eos obſeruant, qui tandem ad amicum ſecreti illius conſcium miſſi abraſiq; deliteſcentes crinibus literas produnt. Lacedæmonii autem & Ephori cū reipub. ſecreta nō omnibus eſſe communia, literis publicis aut ad claffis præfectos aut ad imperatores ſuos miſſis volebant, ne ſi in manus hoſtium inciderent, arcana publica proderentur, ea hoc modo in ſcripta mittebant, Haſtilia duo teretia erant eadem longitudine, pari craſſamento, ornatūque conſimili, adeō vt viciffim coniuncta cōgruerent: ex his alterum cum domi ſibi reſeruent, alterū tribuant præfecto vel imperatori in bellum deſcendenti, cum arcanum quicq; & arduum inſcribere cupiunt, chartam lori inſtar prolixam & anguſtam haſtili ſuo circumplicant & inuoluunt, nullum oris coherentibus facientes interuallum, haſtilis ſuperficiem vndique charta occupāte: quod vbi factū eſt, in circumplicata charta per tranſuerſum iuncturarum, verſibus à ſummo ad imum proficiſcentibus, deſcribunt: dempto dehinc codicillo ad præfectum vel imperatorem commenti illius conſcium abſque ligno ſcripta mittunt: quæ cum is accepit & lectione nihil valeat, literis truncis & mutilis & ita vndique hinc deinde ſparſis & diſſipatis, vt nullius prorfus ſenſus coniecturā habeāt, ſuo quod penes ſe habet ſumpto haſtili, codicillum ſic præciſum à ſummo ad imū, vt fieri debere ſciebat, circumplicatum inuoluit, adeō vt eiufmodi circunductione ſimilem in ſeriem conſtituta verborum continuatio reperiatur. Eſt & circa perſcribendas voces, vel paucioribus literis notandas ſtudio neceſſarium: quod partim prout cuiq; viſum eſt fit, partim pro uſu publico & obſervatione communi. Nanque apud veteres cum uſus notarum nullus eſſet propter ſcribēdi facilitatem, maxime in ſenatu, vt hi qui ſcribendo aderāt celeriter dicta comprehenderent, quædam literis notabant, & ſingulæ literæ quid ſignificarent in prōptu erat. Hoc modo vnicam Catonis orationem vt de coniuratis ſupplicium ſumeretur ſeruata, & literis demandata ferunt Cicerone conſule velociffimos ſcriptores diſponente, atque docente vt per ſigna quædam breuesq; notas huiufmodi multarum literarum vim habentes dicta colligerent, quo tempore nondum reperti erant hi qui notarii appellabantur: ſed tunc primum huius rei veſtigia ferunt extitiſſe, auctoreque ad Lucilium Seneca, viliffimorum mancipiorum commēta fuiſſe hanc. Itaque publicam et occultam literarum ſignificationē quæ in monumentis veterum

terum curiarum, tribuum, comitiorum, potestatum, magistratuum, praefecture, sacrorum ludorum, rerum urbanarum, rerum militarium, collegiorum, decuriarum, fastorum, numerorum, mensurarum, historicorum denique & oratorum libris sparsim reperitur, qui latius & vberius scire volet, Probi Valerii grammatici, Tullii Tyronis, Ciceronis Liberti, Philargii Samii, L. Annei Senecæ, & Petri Diaconi commentarios de ea re satis curiose conscriptos inquirat. Sunt & aliæ quædam digitorum notæ, & oculorum, aliarumve partium quibus secum taciti, proculq; distantes colloquuntur: sicut militaris etiam mos est, ut quotiens consentit exercitus, quia voce nō potest, manu promittat. Alii quia voce non possunt, gladiatorum motu saltant. Ennius de quadam impudica, Quasi in choro pila ludens, datatim dat sese, & communem facit, alium tenet, alii nutat, alibi manus est occupata, alii peruellit pedem, alii dat anulū, alium inuocat, cum alio cantat, attamen aliis dat digito literas. Ovidius similiter more maiorum apud quos hoc loquendi genus frequentissimum fuisse comperio, impudicam aliā & amicā suā his notis & nutibus monet in virum, Cum premit, inquit, ille thorum vultu, comes ipsa modesto

Ibis ut accumbas, clam mihi tange pedem.

Me specta nutusq; meos vultumque loquacem,

Excipe furtivas & refer ipsa notas.

Verba superciliis sine voce loquentia dicam,

Verba leges digitis, verba notata mero.

Cum tibi succurrit veneris lasciuia nostræ

Purpureas tenero pollice tange genas.

Si quid erit de me tacita quod mente loquaris,

Pendeat extrema mollis ab aure manus.

Cum tibi quæ faciam, mea lux, dicamve placebunt,

Versetur digitis annulus usque tuis.

Tange manu mensam, tangunt quo more precantes,

Optabis merito cum mala multa viro.

Idem poeta lasciuissimus alibi & impudicā aliam & amicā ab alio corruptam,

Ipse miser vidi cum me dormire putares

Sobrius apposito crimina vestra mero.

Multa supercilio vidi vibrante loquentes,

Nutibus in vestris pars bona vocis erat.

Non oculi tacuere tui, conscriptaq; vino

Mensa, nec in digitis litera nulla fuit.

Sermonem agnoui quod non videatur, agentem,

Verbaq; pro certis visa valere notis.

Finis.

N iii

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Octauus.

*Vocabula rei Militaris, publici honoris prisca atque præclara.*

Cap. I.



Vanto ingenio ac studio, Sigismunde Pandulphe, apud plerosque sparsim publici honoris rei militaris principatuum magistratuūque mentio habita sit, tanto labore sum prosecutus eorum vocabula, origines, & officia, locis permultis sic diffusa in vnum hunc sequentēque librum, quasi vnum in corpus redigens, ne quid tuæ cognitioni professionique deesset, quod dignum scientia videretur. Et quoniam regia quidem dignitas ex augurali familia primū constituta, suprema est omnium dignitatum humanarum, poëtæ veteres Iouem non imperatorem appellant sed regem, tribuentes deo id nomen quod est apud homines maximum atq; amplissimum. Respub. ciuitates, & gētes, tanquā omnium supremi, ac dii quidam inter homines excellentes bonitate, sapientia, & virtute reges rexerunt: sicq; reges à regendo & recto, quod reges maximè decet dicti, non vt quorundā temeritas vsurpauit à regnando. Horum plura sunt genera, nec est regū omniū modus vnus potestatis. In Lacedæmoniorum enim repub. videtur esse maximè secundum leges, neque enim potestatem habet omnium, sed cum egreditur extra regionem, imperium habet eorum, quæ pertinet ad bellum, præterea sacrificia deorumq; cerimoniae ei commissa sunt. Hæc igitur regia potestas, est quasi auctoritatem belli perpetuam habere: vitæ enim necisque alicuius non habet potestatem, nisi dum bellum gerit, vt etiam apud antiquos fuisse videtur, quod ostēdit Homerus. Nam Agamemnon in concionibus maledictis & iurgiis vexabatur, sed cum à concione digressus in prælio erat, occidendi habebat potestatem. Est alia insuper species regni, qualia sunt apud quosdā Barbaros regna vim habētia proximā tyrannidi, licet sint legitima & secundum morem patriæ: ob id enim quia magis aptæ sunt ad seruiendum nationes Barbarorum, quàm Græcorum: & eorū qui incolunt Asiam, quàm eorū qui Europā, perferūt seruire iugum æquo animo. Tertia est species vt antiquitus in Græcia fuere, quos vocabant Eſegetas: est enim hæc vt simpliciter dicamus electiua tyrannis, differens à Barbarica, non eo quòd legitima, sed eo quòd non consuetæ: potestas autem huiusmodi aut viuentē durabat, aut tempore aut rebus gestis finiebatur, qualem elegerunt quandoque Mitilenei Pitacum aduersus exules suos. Quarta species est quales erant heroicis temporibus spontaneæ, & secundum morem & legem: propter beneficia enim à primis collata in populos, vel per partes, vel per bellum, vel per congregationem in vnum, vel per acquisitionem regionis, delatū fuit eis regnum de populorum voluntate,

&

& successoribus, id erat secundum patrię morem: secundum patrium etiam morem apud Taprobanem, alterum terrarum diu existimatum orbem, eligi regem à populo, senecta, clementiãque insigni, liberis carentem solere, cæterum si postea gignat abdicari, ne fiat hæreditarium regnum: rectores quinetiam ei dari à populo xxx, nec nisi plurium sententia quenkam capite damnari: sic quoq; appellationem esse ad populũ, lxx iudices dari, si libertus: si rex, amplius triginta. Ex Aphricę quadam etiam parte sunt, qui secundum morem canem pro rege habent, motu eius impia augurãtes. Primo autem regia potestas fuit apud Cretam teste Aristotele, Diodoro licet vbinam cæperit incompertum sit, cum nulli omnino historici eam tradant. Illam postea sustulerũt imperio in bello ad Cosmos translato: ad alias deinde atq; alias nationes defluxit, inter se habitu, cultuq; distantes, vt ad Persas, à quorum regibus mos erat thiaram geri, in cuius summitate gemma erat permagna & lucens in auro illigata. Aegyptios verò apud reges mos erat, aut leonis, aut tauri, aut draconis priorem partem in capite ferre, insignia principatus: quandoq; verò arborem, aliquando ignem, quandoq; redolentia supra caput vnguenta. Aethiopum reges sceptrum in aratri formam gerunt, ac pileos oblongos circa finem, vmbilicum habẽtes serpentibus, quos aspidas vocant circumuolutum, monumentum insigne, eos qui contra reges insurgere audeant, mortiferis moribus subesse. Apud Romanos autem insignia erãt Sella currulis & Trabea: iuxta maroneum illud,

Et Sellam regni Trabeãque insignia nostri.

Nam diadema vt aliarum gentium reges, primò non habebãt: cæterum hastis, quas Græci sceptrã dixere, pro diademate vsi perhibentur: atq; hæc apud excellentissimũ quoq; vatem Homerũ non omnes reges à Ioue sumebant, sed solum qui bonum & qui summum studium adhiberent vt subditi quã beatissimi essent. Hæc diuersa regum insignia, tum ad decorem spectabant, atq; ornatũ, tum stuporem ac superstitionem quandã aspicientibus iniiciebant. Ad postremum quoniam rex in tyrannũ, regni transgressione prolabitur, tyrãnusq; & rex non nomine sed factis distant auctore Seneca, fit vt regis appellatio quandoque in tyrannum cadat, tyranniq; in regem: inde est illud,

Quo potuit ciuem populus perducere liber

Ascendi, supràq; nihil nisi regna reliqui: & illud,

Spes mihi pacis erat dextram tetigisse tyranni.

Interregnum deinde appellatum id tempus quo regia vacabat sedes: nam cum primũ initum est post Romulũ regem vita functum, totus ille annus per quinos dies cẽtum senatoribus deputatus est, decem decuriis factis singulisq; in singulas decurias creatis, qui summæ rerum præessent, ne aliquis sub equali dignitate romani expers remaneret imperii: decem itaq; imperitabant, & vnus dũtaxat qui & lictores haberet, dicẽdique iuris potestaté, ac regis & imperii insignia, idq; imperium quinque dierum spacio finiebatur, ac per omnes in orbem ibat, annũque interuallum regni fuit id, ab re quod nunc tenet nomen interregnum appellatum. Huc accedit quòd etiam sub consulibus præditi imperio consulari si quando interregnum initum est, interreges fuerũt, nec unquam ita vacua fuit

fuit hoc nomine respub. vt nullus interrex biduo saltē triduove crearetur. Video mihi hoc in loco posse obiici currules magistratus apud maiores nostros quadrienniū in repub. non fuisse, sed erant tribuni plebis cū tribunitia potestate quę pars maxima regalis imperii est, tamen nō est proditū interreges eo tēpore non fuisse, quin etiam verioribus historicis referētibz declaratū est, consules ab interregibus procreatos qui haberent reliquorum comitia magistratuū. In hoc autem regis delectu decreuerunt vt cum populus regem iussisset, id sic ratū esset si patres auctores fierent: tum interrex cōcione vocata, Quod bonum, faustum, fœlixq; sit, inquit, Quirites regem create, ita patribz visum est: patres deinde si dignum qui secundus à Romulo numeretur crearetis auctores fient. Dictator Etrusco more creatus, tremēdus profectō magistratus atq; seuerus summāq; potestatis erat, quippe quod ceteros omnes magistratus dissolueret præter tribunitiam potestatem, auctore Plutarcho, quodq; dicto eius parendum esset, nec ab eo ad populum vti à consule prouocare liceret: insignia erant huic consularia omnia, ac speciem quodammodo regiæ potestatis præferebat: verū rege existente cōs. prætores ac ceteri magistratus in repub. manere nō poterant. Dictatura autem simulac inducta fuerat in rempub. ceteri magistratus omnes interibant, & abrogati per creationē dictatoris præter tribunos plebis censebantur: & in hoc differebat dictatura à rege, quod rege regnante tribunitia potestasq; plebis auctoritas omnis omnino soluebatur: dictatore manente, plebis plebeiq; magistratus vim auctoritatēque suam retinebant. Dictator idem nec alio quidem pacto creari consuevit siue ad bellum designari, quā cum vis aliqua maior de improviso oborta, ingentem vrbi cladem minitare videretur, sicq; duos quondam vno tempore in vrbe fuisse dictatores, quod immoderata fors, necessitas, & tempus effecerunt xxiii. vrbs cōdita, auctor est Liuius. Huic equitare fas non erat, sed veteri lege prohibitum, siue quod maiores vires inesse pedes manum conferere debentibus arbitrarētur, siue propter hoc imperatorē in phalange permanere oportere nec locum deferere, siue quod ad alia etiam tyrannica magnāq; sit principatus potentia. Fabius autem dictator designatus magistrum equitum, L. Minutium primum à senatu petiit, vt equo vti sibi dictatori liceret. Præterea eum quem nos dictatorem diximus, in historiis ita nominari, legimus apud antiquos magistratum populi vocatum, posteaque in auguralibus libris ac in bonorū finibus scriptum esse, & Cicero, & Seneca ad Lucilium clari testes non desunt, testimoniumq; est quod qui ab illo nominatur, magister equitum est, quem vti volebat ipse dicebat. Non autem post reges exactos anno dignitas hæc siue potestas pro tempore maior quā consulatus, cum magistro equitum qui ei obsequeretur creata est, & apud patres esse cœpit nec amplius quā semestri tempore duratura, nisi si qui forte illam potentiam adepti per vim diutius tenuerint, vt L. Sylla, & C. Cæsar qui perpetui dictatores, tyrannidis odiosum atque infame nomen vitare volentes rempub. oppressere. Quis autem primus dictator creatus sit non satis constat auctore Liuiio, apud vetustissimos tamē auctores siqua eidem auctori fides est, & Eusebio Cæsariensi, T. Largium dictatorem primū, Sp. Cassium magistrum equitum, creatos inuenio: quod autem vel futuros dictare hic magistratus

magistratus solitus sit, vel à consule diceretur, cui dicto obedientes omnes essent, M. Varrone teste dictatorem appellatū constat: vel ut inquit Plutarchus in vita M. Marcelli, cum dictator à populo aut à senatu deligi non possit, verum alter consulum aut imperator progressus ad populum quem censeat dictatorem dicit, & quia dictus sit dictatorem appellant. Nonnulli ab eo dictatorem dictum aiunt, quod non populi suffragio aut assensu, verum quod is censeat, imperat siquidem iussa magistratuum quæ Græci *δόγματα*, Romani vocant edicta: & imperiosissimi duodecim fasces licet fuerint utpote penes quos senatus & equestris ordinis & vniuersæ plebis summum decus esset, quorumque nutu Latium ac totius Italiæ vires regerentur, contusi tamen atque fracti dictatoriæ huic se animaduersioni persæpe substrauerunt: ac ne multa foret læsa gloria militaris, cōsul delicti omnis vindex à dictatore nonnunquam punitus est.

Magister equitū dictus, quod ut est summa populi dictator, sic summa huius potestas in equites & accēsos, siue quod in bello equestres ipse copias duceret: qui verò dictator esset etsi præesset omnibus, legiones tamen solū pedestres more maiorū ducendas haberet. Reliqui quidem minores quàm hi magistri dicti magistratus, ut ab albo albatu.

Magistri appellantur quibus præcipua cura rerum incumbit, quique magis quàm cæteri obligantur. Nec solum doctores artium sed etiam pagorum, societatum, vicorum, collegiorum, equitum, magistri dicuntur, quia omnes hi magis cæteris obligantur & possunt, quinetiam & ipsi magistratus qui per imperia potentiores sunt quàm priuati, per deriuationem à magistris cognominatione asciscunt. Est enim magistratus potestas vni vel pluribus hominibus à populo vel à principe commissa. Vnde prætores, proconsules. Tribunos plebis, & ædiles curules, & præfectos annonæ aliosque qui maiorū, ut diximus, arbitrio prouincias regunt, non principatū dicimus habere, sed magistratū. His enim datū est deliberare de quibuscumque & statuere, & iubere, & intelligere se gerere personam ciuitatis, deberique eius dignitatē & decus sustinere, seruare leges, iura describere, & ea sue fidei commissa meminisse. Ad hos palatii quoque pertinet disciplina, per quā insolētium mores, percellosi, multorumque ordine moderatione sua sine aliqua confusione componuntur, per eos legatorum, quanquam festinantium, prænuntiatur euentus, his potestatem eam decernit antiquitas ut nemo iudicium per prouincias fasces asumeret nisi hoc & ipsi fieri decreuissent, tantaque eorum officium auctoritate decoratur, ut militiæ perfunctus muneribus ornetur nomine principatus, miroque modo inter prætorias cohortes & vrbanae præfecturæ milites primatū inuenisse videantur. Principatus autē maior est quædam supereminetia cui cæteræ omnes potestates parent, sic Octavianum, Claudium, & Vespasianū principes fuisse dicimus: Senecam verò qui cōsul fuit temporibus Neronis, nemo principem appellasset. Erat enim Nero princeps non Seneca, neque consulatus Senecæ principatus erat, sed magistratus: & neque imperium Neronis magistratus dicebatur sed principatus. Cum verò quidam magistratuum & non omnes pertractent multa negotiorum publicorum, necesse est esse alium magistratum qui rationes repetat atque corrigat, ipse verò nihil tractet: vocant vero hos alii correptores, alii rationa

tionales, alii scrutatores, alii procuratores: præter verò hos omnes magistratus vnus est maximè principalissimus omnium: idē enim plerūq; habet finē et introductionem, qui præsidet multitudini vbi populus dominatur: oportet autē id quod cogit summam habere in repub. auctoritatē. Appellāt verò quibusdam in locis præconsultores, ex eo quia ante deliberant: vbi verò multitudo est, consilium magis. Ciuitatum igitur magistratus tot aliqui sunt. Nec id præterea subticendum Marci Varronis sententia libro rerum humanarum vigesimoprimo, In magistratibus, inquit, habent alii vocationem vt consules & cæteri qui habent imperium, alii præfessionem vt tribuni plebis, et alii qui habent viatorem, alii neq; vocationem neque præfessionem, vt questores & cæteri qui neq; licetorem habent neque viatorem. Qui vocationem habent iidem prendere, tenere, adducere possunt: & hæc omnia siue adsunt quos vocant, siue acciri iusserint. Tribuni plebis vocationem habent nullam, neq; minus multi imperiti perinde atq; haberent ea sunt vti. Huius ergo iuris quod M. Varro tradit Labeonem arbitror vna tunc fiducia cum priuatus esset vocatū à tribuno non isse. Sed quærentibus quam ob causam tribuni qui haberent summam coercendi potestatem ius vocandi non habuerint, facile est respondere: quòd tribuni plebis antiquitus creati videntur, non iuridicando, nec causis querelisq; de absentibus noscendis, sed intercessionibus faciendis: quibus qui præfens fuisset, vt iniuria quæ coram fieret arceretur, ac propterea ius aduocandi ademptum, quoniam vt vim fieri vetarent assiduitate horum & præsentium oculis opuserat. Moris porrò erat magistratum petentibus, prehenso dextra ciues benignis orare verbis, & absq; interiore tunica in forum opertos veste descendere, siue vt eo habitu ad supplicandum humiliores accederent, siue vt qui cicatrices haberent manifeste signa fortitudinis aperirent: hæc cum plura ostenderent, quæ assidue multos per annos egregii bellatores exceperant, vniuersi illorum virtutem tacita veneratione prosequerentur, magistratum deniq; vltra quinque dies nisi qui iurassent in leges non licebat gerere. Legati teste Varrone sunt qui lecti publicè quorum opera cōsilioque vteretur peregre magistratus, quive nuntii senatus aut populi essent.

Imperatores semper multi quotannis re bene atq; feliciter gesta aduersus hostes à militibus honoris causa appellabantur, vnde & inter cæteros ætatis suæ duces & imperatores cum circumfusa multitudo Hispanorum & antè deditorum, & pridie captorum regem Scipionem ingenti plausu ac consensu appellassent: tum Scipio silentio per præconem facto, sibi maximum nomen imperatoris esse dixit quo se milites sui appellassent, regiumq; nomen alibi magnum, Romæ exosum & intolerabile esse, regalem animū in se esse, si id honoris ingenio amplissimum ducerent, taciti iudicarent vocis usurpatione abstinere. Inter principes etiam ciuitatis M. T. Cicero procos. dum Parthos tripartito exercitu hostes inuaderet, ac post magnam eorum cædem Amanum eius gētis caput, Sepiram item & castella cōplura vi cepisset, ab exercitu imperator appellatus est. Iulius autem Cæsar cum sæpius post partam victoriam esset imperator ab exercitu appellatus, non imperatorum aut regum, sed dictatoris nomen usurpauit, tantum odium sibi regis nomen in vrbe contraxerat. Cum autem regis nomen cuperet, vereturque

turque populi indignationem, molitus expeditionem in Parthos, asserens in libris fatidicis contineri, non nisi à rege Parthos superari posse, se regem dici procurauit, qui maturandæ mortis suæ causam præbuit coniurationi. Nullus autem sequentium Cæsarum se regē Romanorum dicere ausus est. Imperatoris autem appellatio perpetua Cæsarum non erat, sicuti nec consulis, nec prætoris, nec tribuni plebis: nam & priores illos vario numero, quosdā septies, quosdam maiori, quosdam minori numero inuenimus appellatos imperatores, sic coss. sic tribunos plebis: dignitatis enim, non officii id nomē fuit. Nam re prosperè aduersus hostes gesta, sic erat à maioribus institutum, ac repu. libera perpetuo custoditum ut cos. procos. prætor, siue quis alius fuerit Romanus qui hostiū numerū quā maximum cæderet, aut permagna contra hostes victoria potiretur, is quodam præexcellenti honore ad virtutis testimonium vel decus, imperator ab exercitu vocaretur. Nondū erat qui nūc viget mos, ut quem Romanorum imperatorem gentes vniuersę vocant, is sit vnus orbis princeps, & potestate summa rerum dominus videatur: id enim dū S. P. Q. R. cōsilio pub. rempub. gubernarunt, ducibus non honoris pro victoria parta, non potestatis fuit: A quo autem primū hęc noua imperatoris nostri temporis coronandi ornandiq; cōsuetudo vel abusus potius defluerit, non satis intelligo, maxime cum romanum Cæsarem antiquis illis temporibus coronatum fuisse, nullum vnquam audierim aut legerim. Non enim Iulius Cæsar, non Augustus, non Tyberius, non Caligula, non Nero, & erant hi duo potissimum extremi intolerandæ superbix ac luxuriæ, coronam imperii vnquam suscepit, aut habuit, aut vsus fertur, nisi forte laurea cum triumphasset: aut quapiam alia ciuica, vel castrensi, quæ non Cæsarum erant magis, quā quorumcunque triumphantium aut vincentium. Existimo autem hoc à Barbaris deriuatū, qui cum priscas historias ignorarēt, neque verborum vim imperatoris & regis probè noscerent, essetque frequens apud eos regis nomen, utpote sub regibus viuentes, imperatorem verò rarum viderent, id excellentius arbitrati sunt quod rarius ac infuentius conspiciebant: vtcunque tamen hoc adoleuerit, id planè constat vel à Barbaris, ut antè diximus, non scitè, aut à doctis parū modestè hanc sublimem imperatoris, id est, dei appellationem, ut inquit Cicero, magis quā regiam post coronationem vsurpatam, & à posterioribus introductam esse regibusq; cōcessam. Primum autem apud maiores nostros imperatorem appellatum, utpote cui armorum exercitūque ad tutandam augendāq; rempub. commissa sit auctoritas, Lucium Lucullum fuisse, in descriptione temporum testis est Eusebius.



Ontifices aliqui auctore Plutarcho dictos putant, quoniam deos colunt, potentes ac omnium dominos: alii verò inquiunt nomen confictum esse ad potentum profligationem, tanquam iubente legumlatore, sacerdotes obire potentia sacra debeant: pontifices verò ut Varro inquit, Q. Mutius Scauola dicere solebat à posse & facere appellatos esse, sed ea descriptio à Varrone non satis probatur: nam à ponte & facio potius dictos existimat, q̃ ab his primū pons Sublicius factus, & sæpe restitutus sit: Secundum
alios

alios à sanctissimis & vetustissimis sacrificiis, quæ ad pontem fierent. Pontifices quatuor ex gente patritia, totidemq; plebeia à Romanis primùm creati, quorum ordinem & constitutionem Numæ tribuunt: Maximus verò appellatus q; & minores pontifices essent, Liuius. L. Cantilius Scriba pontificis, quos nunc minores pontifices appellant, qui cum Floronia stuprum fecerat, à pontifice maximo eouq; virgis in comitio cæsus erat, vt inter verbera expiraret. Hic Maximus ex pontificibus, veluti interpretis & prænuntiantis, quin hierofantæ potius ordinem et locum tenet, qui quidem non solum res quæ publicæ fiunt curat, sed etiam priuatim sacrificantes obseruat: impedimentoque est ne quis legitima transgrediatur, docetq; qua quispiam re ad venerationem deorum, vel ad postulandā veniam indigeret. Erat & sacrarum virginum custos quas Vestales appellant, & iudex, & punitor sacrilegii. Habebat etiam penes se idem pontifex sacra omnia, designabatq; quibus hostiis, quibus diebus, ad quæ templa sacra fieri deberent: cuiusmodi diuinis in rebus, & vnde erogandæ pecuniæ sumptus fieri deberet. Pontificibus etiam permessa est potestas memoriam rerum gestarum in tabulas conferendi & hos annales appellant, equidem maximos quasi à pontificibus maximis factos. Proinde maiores nostri antiquissimi, præsertim rerum gestarum memoria delectati, hanc diligentiam habuerunt, q; historiam scribere auderet nemo, qui munus id datū sibi de publico non haberet, id verò daretur nulli, nisi esset vir probitate fidei, singularique virtute aliqua præditus, ac dignitate cæteris anteiret. Hebræo nanque populo, vt ab illis initium sumam qui vetustate generis, qui magnitudine rerum, qui dignitate historiæ se cæteris præponunt, hanc legem fuisse cōperimus, vt quæ ab his gesta pace vel bello essent, ea scribere non nisi qui propheta esset: prophetam cum is populus habere desiit, tum maximum ad pontificē qui auctoritate, honore, dignitate præstaret, hanc ipsam scribendi curam & officium detulerunt. Hunc morem à vetustissimis traditum, per diu & eos vsque dies quibus est Hierusalem excidium suum passa, diligentissime custoditum, Iosephus in Appionem scribens tradit. Chaldæi quoque, & Aegyptii, & qui oriundi sunt ab illis Phœnices, Syriæ nobilissimi populi, summo studio & diligentia asseruarunt, vt qui magno sacerdotio potiretur, hic modo populi sui gesta perscriberet. Plato itē philosophus, & Aristotelis præceptor, suo in Timæo adducit sacerdotem ægyptium, hominem apud suos venerabilem, & multarum rerum notitia excellentem, qui Soloni interroganti de gestis, & vetustate gentis ægyptiæ responderet. Apud Græcos, qui militari disciplina, qui imperio, qui sapientiæ studio plurimum floruerunt, ea lex per diu mansit, quod deligeretur de publico vir bonus atq; doctus quispiam, qui eo pacto, & dicta, & facta omnia memoraret, vt nihil infereret quod aut ipse oculis nō vidisset suis, aut verū esse certo & indubitato testimonio nō haberet. Romanis verò & maioribus nostris, qui orbis tandem imperium vindicarunt, hoc institutum ab initio vrbis ad multos annos fuisse memorant Cicero & Liuius, vt qui pontifex esset maximus, sacra publica ab Numa instituta, siue res omnes singulorū annorū mandaret literis, easq; in album referret, atq; domi præponeret in publico tabulas, vt populo esset potestas cognoscendi, nihil gratia, nihilq; odio scriptum esse. Illud nec minus

minus prætereundum, quòd si maiorum religiones & eorum monumenta reuolueris, inuenies apud illos non humilibus & inopibus, sed opulentis hominibus et principibus ciuitatis summum sacerdotium mādari solitum esse. Impri-
mis, primi cum se ingerant, Persarum sacerdotes qui erāt & dicebantur Magi: Aegyptiorum deinde, Assyriorum, aliarumq; nationū quantis diuitiis opibū-
que præpollerent his, qui aliquam rerum gestarū notitiam habuerint, satis con-
stare potest: quòd si parum ista te mouent, q̄ externa & peregrina sunt, maximè
que à nostris legibus abhorrent, repetantur summi hebræorum sacerdotes, quo-
rum vetustissimi, Aaron, Eleazar, Phinees, Heli, Abiathar, sic omni copiarum
genere abundarūt, vt dictu incredibile cuiquā videatur: si deniq; ad Romanos
redeo, vnde cœperat oratio, M. Fabiū primū ex patribus lectū, Luciumq; pōst Me-
tellum, præclarū virum, pontificem factum maximum duosq; eum et xx. annos
ei sacerdotio præfuisse constat. Cæsares quoq; legimus & plerosq; alios qui Ro-
mæ tēporibus illis gloria rerum gestarū, opibus & potentia plurimum præstare
putabantur, summos sēpe sacerdotes fuisse. Hanc dignitatem pontificum, augu-
rum, quæ Romulo regnante nulla erat, Numam Pompilium à rege ad alios de-
tulisse accepimus, ne quādo rege bellicis rebus occupato diuinus cultus intermit-
teretur. Pontifices deniq; veteres, vt in tertio de Oratore testis est Cicero, p̄pter
sacrificiorū multitudinē tres viros epulones esse voluerunt, cū essēt ipsi à Numa
vt etiā illud ludorum ac epulare sacrificium facerent, instituti. Epulones, Festo
teste, dicebāt antiqui quos nūc epulones dicimus, datūq; his nomē q̄ epulas indi-
cendi Ioui cæterisq; diis potestatem haberent: de his etiam Lucanus in primo,
Virque epulis septem Festus Titiusq; sodales.

Cæterum cum aliqua species curationis sit circa rem diuinam, ceu sacerdotes
& æditui circa templa vt conseruentur quæ sunt, & erigantur ruinosa ædificia,
& cætera omnia quæ pertinet ad diuinum cultum, euenit alicubi curam hanc ef-
se vnā, vt in paruis ciuitatibus: alibi verò seperatis à sacerdotio, vt sacrificuli,
æditui, & custodes sacrarū pecuniarū. Huic consequens est cura illa quæ est cir-
ca sacrificia publica quæcunq; quæ ex sacerdotibus lex non cōmittit, sed ex pu-
blico fiunt. Vocant autem eos qui istis præsunt, alii reges sacrorum, alii pōtiffices
maximos. Maiorum enim consuetudo tunc erat, vt rex esset etiam sacerdos vel
pontifex, sic postea vel reges vel imperatores pontifices dictos, Maro nullius reli-
gionis expers his verbis ostendit, Rex Anius, rex idē hominū Phœbiq; sacerdos.

Fœciales quorum pater patratus princeps erat, sacerdotes dicebantur qui fa-
ciendis præerant fœderibus: hi vt Pomponio placet à ferendo dicti, vt M. Varro
ni à fide et faciendo, vt aliis, fœciales quasi fœdiales, à fœderibus faciendis, quorū
ius ab Equiculis ad Romanos translatum esse non dubium est.

Caduceatores, pacis legati dicūtur: sicut enim per fœciales bella indicebātur,
ita pax per caduceatores. Est autem caduceum verbena & pacis signum, quod
nō ab re Mercurii virgā possumus existimare. Mercurius enim orationis deus
dicitur, et interpres deorū: vnde sicut virga serpētes diuidit, hoc est venenum, ita
bellantes interueniente oratione sedantur, bellumq; cadit atq; dirimitur.

Aediles quidam publicis ludis ac edibus præerāt, nomen ab ædibus huic ma-
gistratui

gistratui datum ut Festo placet, Varroni & Paulo quod ædium non tam sacrum quam priuatarum etiam curam haberent, ac illis præessent, in quibus scita omnia sua plebs deferret: duo quidem primum & ex plebe constituti ac proinde plebei appellati, exactisque regibus anno propemodum septimodecimo cum plebs a patribus secessisset, tribunos sibi in monte sacro creauit, qui essent plebei magistratus, deinde cum vellet ex suo quoque corpore consules creare & patres recusaret, factum est ut tribuni militum crearentur, tum ex plebe, tum ex patribus consulari potestate, paulo post cum placuisset creari ex plebe consules, coeperunt ex utroque corpore constitui, tunc ut aliqui pluris patres haberent, placuit duos ex numero patrum constitui: & ita facti sunt ædiles curules, unde ortum ut ædiles alii plebei, alii curules appellarentur. Sella enim quasi sedes à sedendo dicta est. Regia quidem sedes erat currulis, à curuitate pedum ipsius sellæ, in qua sedetur sic dicta: vel quod in ea qui essent reges cum veherentur curru ad eminentiam vterentur. Postea vero cum regibus libera Roma fuisset, Magistratus maiores, ut consules, dictatores & plerique alii, regio more sella curruli vectabantur: unde magistratus hi sunt curules, ceteri vero plebei seu pedanei, quod pedibus irent appellati, nec curru neque sella curruli veherentur: quod autem duo fuerint ædiles, his verbis in Pisonem ostendit Cicero, Mecum, inquit, quaestorem imprimis ædilem priorem, prætorem primum cunctis suffragiis populus faciebat, ædilem priorem dixit quod duo erant tantum ædiles, sicut duo consules. Huius rei si quis fidem postulet, bini semper ædiles in argumentis comædiarum nominantur à Terentio. Hi etiam siue plebei, siue curules ludos faciebant instaurabantes. Liuius belli Macedonici libro primo: Ludi Romani scænici eo anno magnifice apparatusque facti ab ædilibus currulibus. Idem in eodem paulo post, & plebei ludi ter toti instaurati ab ædilibus plebis: ædiliū enim partes in ludis instituendis, quantum impensæ & in quibus spectaculis fierent haudquaquam minimæ fuere. Id etiam erat potissimum ædilitatis munus ut sua quisque ædilis impensa ludos pro modo patrimonii ac dignitatis suæ celebrandos curaret. Huius instituti M. T. Cicero in officialibus, cum suæ & Cn. Pompeii ædilitatis meminit testis est. Asconius etiam Pedianus Pompeium ædilem factum theatrum quod summa impensa ædificauerat magnificentissimis ludis in quos currus cum elephantis induxit, edificasse asserit: Valerius ite Maximus in libris dictorum factorumque memorabiliū scripsit Attilium Seranum & L. Scribonium ædiles, senatus plebisque loca secreuisse: Quod si Vlpiano auctore mancipium fugitiuum erronemque aut iumentum morbo aut vitio aliquo affectum quispiam pro sano venundederit, dolis ac fallaciis vendentium occurrendo ædiliū edicto emptori succurritur reddibeturque: Porro ut urbis cloacæ, aquæ ductus, & ædificia quæque publica & priuata, munda, lota, integra, expeditaque asservarentur ad ædiliū officium pertinere non dubium est, ut Cicero noster cum factus esset ædilis, actione in Verrem septima, ceteris more suo longè vberius ac melius attestatur. Nunc sum, inquit, designatus ædilis, habeo rationem quod à populo Romano acceperim mihi ludos sanctissimos maxima cum cerimonia Cereri, Libero, liberisque faciendos, mihi Floram matrem populo plebique Romano: ludorum celebritate placadam, mihi ludos

ludos antiquissimos, qui primi Romani sunt nominati maxima cum dignitate ac religione Ioui, Iunoni, Miueruæque esse faciendos, mihi sacrarum ædium procurationem, mihi totam urbem tuendam esse commissam, ob earum rerum laborem & solitudinem fructus illos datos, antiquiorem in senatu sententiæ dicendæ locum, togam prætextam, sellam currulem, ius, imagines ad memoriam posteritatemque prodendæ. Sunt præter hos ædiles plebeios & currules, duo alii qui frumento præerant, & quorum creandorum auctor fuit C. Iulius Cæsar. hique, ut inquit Pompeius, à Cerere cereales dicti. Aeditui præterea appellatione ædiles intelligimus: est enim edituus idem quod ædilis, custos sacræ scilicet ædis vel templi, quasi ædem tuens vel ædis tutor: dictus is enim est cui sacrarii custodia commissa erat, ubi statuae seruabantur et simulacra deorum gentilium, quæ opus erat exorare, si quis optasset aliquid apud illa deprecari et impetrare, quod multi factitabant credentes exaudiri, si verba sua simulacrorum auribus instillassent, Seneca epistol. li. v. Non sunt ad cælum eleuandæ manus, nec exorandus aedituus, ut nos ad auræ simulacri, quasi magis exaudiri possimus, admittat. Aeditimus quoque idem quod edituus: sed M. Varro in secundo libro ad Marcellum de latino sermone, aeditimum dici oportere censet magis quam edituum: quod alterum recēti nouitate fictum, alterum antiqua origine incorruptum: Lauinius in Prothesilaio Claustrinum dixit qui claustris ianuæ præesset, eadem. scilicet figura aeditimum dici iubebat, qui ædibus præest: in Verrem. M. Tul. in exemplaribus fidelissimis ita inueniri scriptum, aeditimi custodesque maturè sentiunt. In libris autem his vulgaribus editui scriptum est, Pomponii fabula Atheliana est, quæ ita inscripta est, Aeditimus, in qua hic versus est, Qui postquam tibi appareo atque editimo in templo tuo: T. autem Lucretius in carmine suo pro aedituis aedituentes appellat.

Flamines permultos fuisse comperio, & tot denique quot deos coleret, ipsos veteres romanos, M. Varro in his libris quos de origine lingue latinæ scripsit testis est, ut Dialem, Martialem, Quirinalem, Volcanalem, cæterosque eiusmodi, verum flaminem Dialem Numa Pompilius Romæ rex creauit, cum antea reges pontificum ac regum munera promiscue gererent, ut de Priamo & Aenea apud Maronem, & à minoribus tandem, ut à C. Cæsar. diuo Augusto, multisque aliis principibus, quos maxime pontificatus titulis insignitos in multis quæ adhuc extant monumentis cernimus obseruatum esse. Cæterum Numa plures in urbe Romuli quam sui similes reges fore ratus, qui relicta religionis cura, bellorum negotiis implicaretur, sacerdotes quos flamines appellant, quique rei diuinæ iugiter adacti essent, multis deorum instituit, flaminem unum Ioui insigni veste & curruli regia sella adornatum, quem Dialē vocant, huic duos flamines adiecit Marti unum, Quirino alterum: dicti autem primo flamines ut Plutarcho placet, ab his qui circum caluaria sunt pileis, quibus ad tegendum capita utuntur, quasi pileamines quidam essent. Lucanus in primo: Et tollens apicem generoso vertice flamē: vel ut Varro inquit, quod in Latio capite velato erant, & caput filo lanæ præcinctum habebant, à quo flamines quasi filamines vocabantur. Dialis verò à dio, à quo vita dari putabatur hominibus: vel à Ioue quod est iuuens deus. Cæteri enim quique cui præfunt, numinis eius titulo decorantur: hic solus, ut Varro ait, lib. ii. rerum diuinarum

Album habet galerū, vel eo quod maximus est, vel eo quod Ioui immolari alba hostia opus sit. Multiplices etiam ceremoniae fiunt, quas in libris qui de sacerdotibus publicis compositi sunt, item in Fabii pictoris librorum primo scriptas legimus, unde haec ferme sunt quae commemoramus: equo enim dialem flaminem vehi religio est, item iurare dialem fas nunquam est, ignem è flamine, id est, flaminis dialis domo nisi sacrum efferri ius non est, vincitum si aedes eius introiret solui necesse est, & vincula per impluvium in tegulas subduci atque inde foras in viam dimitti, hederam neque tangere neque nominare fas erat, pro eo quod hederam vincit ad quodcumque se applicat: sed ne anulum quidem gerere ei licebat solidum, aut aliquem in se neque in apice neque in cinctu neque alia in parte nodum habere, si quis ad verberandum ducatur, si ad pedes eius supplex procubuerit eo die verberari piaculum est. Capillum dialis nisi qui liber homo est non tonsit, capram & carnem incoctam & fabam neque tangere diali mos est neque nominare, procinctam classem, id est, paratam ad bellum militum multitudine diali flamini videre non licet, propagines è vitibus altius pratensis non succidet, pedes lecti in quo cubat luto tenui circumlitos etiam oportet, unguis dialis & capilli segmenta subter arborem illic terra operientur. Dialis quotidie festatus est sine apice, sub dio autem esse licitum non est, sub tecto utiliter & non pridem à pontificibus constitutum. Mansurius Sabinus scripsit & alia ceremoniarum genera in hunc modum, farinam fermento imbutam attingere ei fas non erat, neque tunicam intimam nisi in locis tectis exuisse, sub caelo tanquam sub oculis Iouis nudus ne sit, super flaminem dialem in conuiuio, nisi rex sacrificulus, haudquaquam alius accumbit, uxorem si amiserit flaminio decedit, flaminis matrimonium nisi morte dirimi non est ius, locum in quo bustum est nunquam ingreditur, mortuum nunquam attingit, funus tamen exequi non est religio.

Salii sacerdotii genus quod ex huiusmodi causa institutum dicitur, nam annum iam octauum regnante Numa morbus pestifer, Italiam occupans, Romam quoque inuaserat: morientibus vero cunctis traditur peltam aeneam è caelo delapsam in Numae manus decidisse & in ea mirabilia quaedam dixisse regem, sed ex Egeria Musisque audisse, ac peltam in urbis salutem missam, oportereque eam observare, aliis undecim ad illius figuram magnitudinemque et formam effectis quo dubium furi ob similitudinem sit caelestis illius adipiscendae. Peltam itaque ex eius auctoritate atque imperio effingere artifices cum certassent, diffidentibus ac desperantibus caeteris, Vecturium Mamurium unum ex summis opificibus usque adeo similitudinem effinxisse struxisque omnes similes, ut neque Numa iam ipse dignosceret: harum autem custodes ac ministros constituisse dicitur salios sacerdotes: Salii vero vocati sunt, non, ut quidam fabulantur, à viro Samothrace seu Mantiacho Salo nomine, qui saltationem quae in armis dicitur edocuerit, cum eam re vera teste Plinio vi. naturalis histo. Dardanus instituerit, sed ab ipso tripudio saltatorio. Ovidius iii. fastorum: Jam dederat salis à saltu nomina dicta, quod nec vehementius robustiusque per urbem currentes saltarent, tum ad mensem Martium sacras peltas susciperent, induti puniceis tunicis, aeneis baltheis latisque succincti, Aeneas capitem galeas portantes & aeneum super tunicam pectori tegmen, par-

uisque

uisq; gladiis arma pulsantes. Reliquum verò saltationis pedū est opus: mouentur enim suauiter, conuersiones ac mutationes in celeri ac crebro numero robustè ac leuiter reddentes. Mamurio autem artis illius suæ mercedem fuisse perhibent memoriā quandā per saliorum carmen simul cum pyrrichii modulo absolutum. Alii verò Vecturium Manurium qui caneatur fuisse aiunt.

Senatoriam dignitatem à Romulo institutam fuisse nemo ambigit. Romulus enim urbem conditurus pastores inter quos adoleuerat conuocauit, cumq; is numerus condendæ vrbi parum idoneus videretur, constituit, Asylū quo passim confugerent ex finitimis locis pessimi quiq; sine vllō cōditionis discrimine, ex hisq; omnibus populum conflauit, legitq; in senatu eos qui ætate anteibant, & patres appellauit, quorum consilio gereret omnia. De hoc etiam senatu Propertius elegiarū scriptor hæc loquitur: Buccina cogeat priscos ad bella quirites, Centū illi in pratis sæpe senatus erat. Curia prætexto nūc quæ inter alta senatu Pellitos habuit rustica corda patres. Atqui vt apud Lacedæmonios senes siue seniores appellari eos, qui summum quendam magistratū gerunt Cicero auctor est, sic nisi consilium, ratio, sententia senibus inessent, non summum consilium maiores nostri senatum appellassent. Quod & Ouidius in fastis non reticet dicens: Magna fuit quondā capitis reuerentia cani, Inq; suo pretio ruga senilis erat. Martis opus iuuenes, animosaq; bella gerebāt, Et pro diis aderāt in statione suis. Viribus illa minor, nec habendis utilis armis, Consilio patriæ sæpe ferebat opem. Nec nisi post annos patuit tunc curia seros, Nomen & ætatis miræ senatus erat. Iura dabat populo senior, finitaq; certis Legibus est ætas, vnde petatur honos. Ab honore ergo patres, ab ætate senatores appellati. Alii senatores à sinēdo quòd facultatem darent, dictos putant, vel q; agrorum partes tenuioribus ac liberis propriis attribuebant. Huic centum senatorū numero plures ac diuersis temporibus additos inuenio: Brutus enim quo plus virium in senatu etiā frequentia ordinis faceret, diminutum parum numerū primoribus equestribus gradus electis ad trecentorum summam expleuit, traditumq; inde fertur vt in senatum vocarentur, qui patres quique adlecti atque conscripti essent patres, vt diximus, vocati, vel quòd sunt patritii generis adlecti, quòd propter inopiā ex equestri ordine in senatorum sunt numero assumpti, conscripti autem quòd in senatu quē nouū effecerunt sunt scripti: Verum post Cæsaris obitum excrescentē hūc numerū deformi incōdita ac indignissima turba, mille enim excefferat, & nonnulli per gratiam, nonnulli præmiis electi, qui abortiui vulgo appellabātur, Augustus ad modū pristinū & splendorem redegit. Præter hæc senatorum nomina sunt qui pedarios senatores opinentur appellatos, quòd sententiā in senatu non verbis dicerent, sed in alienam sententiam pedibus irent, tanquam sententię dictione carentes, aliorum dicta confirmarent, et quasi pedibus in alienam sententiam descenderent. Alii verò quasi differentia quadam, quòd essent pleriq; qui magistratus currules adepti, sella curruli honoris gratia in senatum veherentur: qui verò iter pedibus facerēt, pedarii appellabātur. Marcus autem Varro equites quosdam dicit pedarios appellatos, videturque eos significare qui nondum à censoribus in senatu lecti quidem erāt, sed honoribus populi vsi in senatum ve-

niebant & sententiam eius habebant. Nam & currulibus magistratibus functi, qui nondum à censoribus in senatum lecti erant senatores non erant: etiam quia in postremis scripti erant, non rogabantur, sed quas principes dixerant in eas sententias descendebant. De more autem habendi senatus Marcus Varro rogatu Pompeii librum edidit, cum ille cos. primum M. Crasso fuisse designatus creditur: quia foris militiæq; ad eam ætatem occupatus ciuilis cōsuetudinis expers esset, vellētque cæteris non indoctior videri: in hoc libro id genus multa scribere Varronem Gellius attestatur, primūq; illud fuisse per quas personas haberi senatum liceret, nominans dictatorem, cōsules, prætores, tribunos plebis, interregem, præfectum vrbis, neq; alii præter hos ius fuisse dixit facere senatusconsultū, quotiēsque vsu venisset vt omnes isti magistratus eodem tempore Romæ essent, tum quoque supra ordinem scripti essent, qui eorum prior aliis esset, ei potissimū senatus consulendi ius fuisse. Addit deinde extra ordinaria in re tribunos militares qui pro consulibus essent, decemuiros item quibus tum imperium consulare esset, item triumuiros reip. constituendæ creatos. ius consulendi senatū habuisse. De loco autem habendi senatus aut senatuscōsulti rogādi nisi in locis per augures constitutis quæ templa appellantur, haberi rogariue potuisse negabat. Moris etiā erat vt eo in loco senatus iniussus assidua statione cogeretur, qui senatulum appellabatur, vnde accitus deinde quāprimū in curiam proficisceretur. De tempore autem habendi senatus ita diseruit, ante exortū inquit solem aut post eius occasum senatusconsultum irritum, opus etiā censoriū fuisse, per quos et quo tempore factū senatusconsultum esset excutere. De ætate autem senatoria ne cui paucioribus xxv. annis nato, senatum ingredi liceret, vt in vita magni Pompei auctore Plutarcho constitutū est, cæterum minoris ætatis senatum aliquando ingredi moris fuisse vetera legentibus non dubiū est, veluti M. Valerio Coruino contigisse nouimus, cui tertium & vigesimū annum in gressu consulatum largiti sunt. Quò minus autem senatum introirent cum prætextatis filiis senatores, vt moris antea fuerat, decretū postea factū est, Papyriiq; prætextati factum in causa fuit: qui etiam senatum habiturus esset auspicari primò atq; immolare hostiam debere idem Varro cēsebat. Docuit etiam de diuinis rebus prius q̄ de humanis ad senatum esse referendum: idem senatusconsultum duobus modis fieri, aut per discessionem si consentiretur, aut si res dubia esset per singulorum sententiam, de pignore quoq; capiendo deq; multa irrogāda senatori, qui quo tempore venire in senatū debuit, non venit. In quo & illud animaduertendum de more, quòd sicut lex à quinquagesimo anno militem non regit, ita à sexagesimo senatorem non citat. Hunc etiā morē apud veteres necessitates publicæ reperierūt, vt si forte aliqua vis ab hostibus immineret, quæ cogeret vel humilia captare consilia, vel aliqua constituere, quæ non prius oporteret dici quā effici, vel si nollent ad amicos aliqua permeare senatusconsultum tacitum fieret, ita vt non scribere, non serui publici, non cēsuales illis actibus interessent, senatorēsque exciperent omnium officia censualium scribarūque complerent. Horum & ars erat de irato facere beniuolum, de suspecto placatum, de austero mitem, de aduersante propitium. Et quanquā, vt dictum est, senio confecti armis minus

minus valerent, binos tamen senatores singulis cohortantibus præpositos tertio ab vrbe condita libro testis est Liuius. Patriciorum familia loui noscitur fuisse dicata, si origine dignitatum antiquitatis ordinem perscrutemur, quo summi dei sicut putauere cultura locum primariū possideret, patriciatusq; nomen ipsum vt quidam veridicorum à patribus dictum esse voluerunt.

Consularem exactis regibus dignitatem regii nominis fastum declinantem, cum plenam penè eorum instar administrandæ reip. facultatem haberent accersitam fuisse antiquitatis monumenta declarant: Duo hi erant pro vno rege creati, vt si alter malus esse voluisset, ab altero similē potestatē habente cohiberetur. His primū omnia iura ex regia potestate erāt, omnia deinde eiusmodi insignia pomparūmq; fercula & officii sui ornamenta. Nam ambobus fasces erant collati, quatuor & viginti lictores, totidem cum securibus quæ proinde tantæ potestati catenarum nexibus præceptæ sunt alligari, vt cum tardius soluerentur, moram deliberationis acciperent: maxime si de cæde aut hominis nece aliquid censuissent. Cunctator enim esse debet, qui iudicat de salute. Alia enim sententia corrigi potest, de vita hominis haudquaquam, arma quinetiam ista iuris sunt non furoris, & contra noxios sic instituta, vt plus terror corrigat quàm pœna cōsumat. Ciuilis est etiam pavor iste magis q̃ bellicus, vtpote quem abactores timeant, reformident fures, latrones exhorreant, innocentia tantū læta respiciat: institutumque est etiā vt ne duplicatus terror videretur, vt eorū tantum alter fasces haberet, non ambo, isque penes quem fasces essent maior consul diceretur: vel is qui prior factus est prætor, aut maior vrbani minores, ceteri quibus, quod plerūq; in maximis vrbibus solet, senatus decreuit vt darent operā ne quid resp. detrimenti caperet: permisitq; eorum alterum vel ambos cum opus esset exercitum parare, bellū gerere, coercere omnibus modis subditos atq; ciues, domi militiaeq; imperium ac iudicium summum capitis dicere, sed ciuis non Romani, quem solum cohibere & in publicam custodiam duci iubere illis fas erat: Sella Curru li pro sui magnitudine utebantur multis gradibus innixi, vt ibi locati nihil abiectum nihilq; humile meditarētur, vtq; in ocio subiecti mererētur, quod alii post maximos labores assumunt imperatores: Manus porro victoriali Scipioni munita erat, quo Romanæ reip. viri fortis dextra tueretur fortunas omnium, ac liberos, in augmentum etiam publicæ gloriæ famulos solueret iugo seruili, calceis auratis præterea prodibant in publicum, tanquam auri materiā quam mens ad inane volans tanti putat, paruifacere non solum, sed pessum etiā dare viderētur. Inter ceteras etiam reip. dignitates soli meruerunt pictos habere humeros, vario colore palmatæ vestis, quam fœlicitas dabat præmio vincentium. Quod autē candidis vestibus induti procedebant, candidati appellabantur, quod deniq; populo consulerent, & patriæ, cum omnia eorum traderentur arbitrio, ne insolescerent animo à consulendo consules dicti sunt, nisi illinc potius, vnde Actius ait in Bruto, Qui recte consulit consul ciatur, vel vt Quintilianus, consul sit à consulendo, vel à iudicando, nam & hoc consulere veteres appellauere: Magistratus huius imperium annum erat, quo ne diuturna potestate insolentes facilius in errorem aliquem prolaberentur se custodirent:

hi

hi quanquam brevis esset eorum magistratus, ni hilominus tamen si haud essent idonei infra annum amouebantur: illud quoq; de more fuit consulatum petentibus vt per se ipsis comitiis interessent, nulliq; xxv. annis minores, quæ senatoria ætas erat, admitterentur.

Suffes consul etiam pœnorum lingua dictus est, auctore Calidio. Liuius belli Macedonici libro quarto, Postero die cum suffetes ad ius dicendum confedis- sent, conspectæ tabellæ demptæq; & lectæ. Alii à sufficio quod est subministro vel in alterius locum substituo, suffectos dictos putant, quasi sub alio factos. Liuius xxxi. M. Aurelius cotta decemuir sacrorum mortuus, in eius locum M. Attilius Glabrio suffectus. Cicero pro Murena Vnus erit cos. & is nō in administrando bello, sed in sufficiendo collega occupatus. Illud denique nec praterendum, nam cum duæ res possint eodem auctore prouehere homines in hunc amplissimum cōsularis dignitatis gradum, & honorum populi finem, vna iuris, altera militis, non dubium est quin ad eam adipiscendam multo plus conferat res militaris quàm iuris ciuilis gloria: vigilat enim alter nocte, vt suis consultoribus respondeat, alter quò intendit, maturè cū exercitu perueniat: illum gallo- rū, hunc buccinarū cantus exuscitat: ille actionē instituit, hic aciem instruit: ille cauet ne cōsultores, hic ne vrbes aut castra capiāt: ille vt aquæ pluuię arceant scit, hic scit et timet ne hostiū copię: ille in regēdis, hic in ppagādis finibus exercitat.

Proconsularis dignitatis creandæ morem ac necessitatē induxit imperii Ro. amplitudo, quòd nec adesset vbique ad bella gerēda nec omnes obire prouintias consules, qui modo essent duo possent, his consularia insignia cetera præterquàm q; sex duntaxat lictores relictī fuere concessa sunt: numerus autem proconsulum definitus erat nullus, vtq; præsidium nomen generale quod & proconsules & omnes prouintias regentes senatores licet essent, præsides appellabantur, sic proconsulum appellatio specialis est, qui denique quòd consulum iuribus fungerentur proconsules nominati sunt.

Lictor crudelitatis minister consulis, proconsulis, prætorum qui fascem virgarum alligatum cum securi portat. Sunt qui lictores consules xii: aliorum autem feni. Lictorem Valgius Rufus in secundo librorum quos inscripsit de rebus per epistolam quæsitis, dicit à ligando appellatum esse, quòd cum magistratus populi Romani quempiam verberari iussisset, crura eius & manus ligari vinciriq; à viatore solita sint, isq; qui ex collegio viatorum officium ligandi haberet, lictor sit appellatus. vtiturq; ad eā rem testimonio M. T. verbæque eius refert ex oratione quæ dicta est p C. Rabirio, Lictor inqt colliga manus. Liu. li. viii. Lictor deliga ad palū: hæc ita à ligādo Valgius Rufus. M. T. Liuius, Festus ac omnis antiquitas putat & nos sane cū illis sentimus, sed Tiro Tul. M. Tullii. C. Libertus lictorem vel à lino vel à licio dictū scripsit: licio enim trāsuerso quod linū appellatur à veteribus qui magistratibus inquit præministrabāt cincti erāt, ad reorū manus ligādas, & crura vt diximus vincieda. Male itaq; & inscitè qui lictorē à litan- do dictū putant. C. interposita quia rem lictat & interficit, illudq; inepte addunt quasi legis ictorē dici q; iciat, id est, percutiat reū, iuxta legis mandatū quod anti- quitas non approbat, colorata licet ratio videatur. Numero autem duodecim li-
ctores

ctores sumptos à Romulo: alii à numero vulturū qui regnum sibi præderant augurio: Alii putāt & melius ab Hetruscis finitimis, vnde sella currulis, vnde toga prætexta sumpta est ad imitationem regum suorum, quòd duodecim ex populis creato regi singulum singuli populi lictorem darent.

Quæstura in qua esse debet scientia iuris summa, literarum gloria, cautela sermonis, firmitas animi, continentia domicilium & virtutum omnium sedes, Actione in Verrem ii. auctore Cicerone primus est gradus honoris, dignitatumque omnium genitrix, Varro lib. vi. teste Cassi. Officiū autem eius et origo perquam vetus est & pene ante omnes magistratus, quorundam & quidem eruditorū sententia. Gratianus Iunius lib. vii. de potestatibus apud ipsum Romulum & Numa Pompiliū binos quæstores fuisse auctor est. Pomponius hunc magistratum cœpisse tunc asserit cum ærarium po. Ro. arctius & cumulatus esse cœpisset, vt essent qui illi præessent, quod Romuli tēpore fuisse, cū res tenues & perexiguæ tunc essent, haudquaquam putandum est. Caterum sicut in dubium venit an Romulo & Numa regibus quæstor fuerit, ita etiam Tullo Hostilio rege à quo census in ciuitate & descriptio centuriarum & classium, quæ prius non erant est facta, quæstores fuisse, ac tunc initium habuisse veri magis simile est, & sanè crebrior apud maiores opinio est, Tullum Hostiliū primum in remp. induxisse quæstores: hos autem à quærendo quæstores initio dictos Pomponius & Iunius & Trebatius & Fenestella & Varro scribūt: verum quia de capite ciuis Romani, iniussu populi non erat lege permittum consuli ius dicere, propterea quæstores constituti sunt à populo qui capitalibus rebus præessent, quæ triumuiro postea capitales perquisuere, hiq; appellabātur quæstores parici Festo teste, vel Pomponio parricidii quorum meminit lex xii. tabu. dicti: quoniam parricidæ non vtique hi, qui parentem occidissent, sed qualemunque hominem dicebantur. Idem etiam fuisse indicat lex Numæ Pompilii in his composita verbis, Si quis hominem liberum morte sciens eluit, parricida est. Horum officio iniunctum erat vt prouincias ex senatusconsulto sortirentur, vtq; extra urbem aduenientibus regibus obuiani irent, & hastæ subiectos captiuos venderent. Erant & candidati principis quæstores alii qui libris duntaxat in senatu legēdis operam darent, quiq; literas eius in senatu legerent.

Prætores initio erant, quorundam iudicio, qui postea consules, & hi bella administrabant: proinde sic dicti quòd præirent & anteirent iure in exercitu. Auctore etiam Pomponio tunc creati, cum consules bellis finitimis auocarentur, neque esset qui in ciuitate ius reddere posset. Numerum autem prætorum habuit Roma pro tempore varium, primum quidem urbanum, deinde post aliquot annos, eo non sufficiente peregrinum, sic dictos quòd ius alter peregrinis, alter ciuibz diceret. Deinde verò plures augendo numerum, ad octo vsque creatos inuenio. Vnde Cicero pro Milone, Septem prætores, octo tribuni plebis, illius aduersarii, defensores mei, captis prouintiis, totidem prætores quot prouinciæ in deditionem venerant creati sunt: partim qui urbanis rebus, partim qui prouincialibus præessent, horum autem prætorum insignia sex fuisse secures, Plutarchus in vita Pauli Aemilii auctor est: Ad hoc enim bellum inquit Aemilius missus,

Aemilius, missus non cum sex ut ceteri praetores, sed cum duodecim securibus ita ut dignitas consularis imperio eius inesset.

Censores ad cuius censionem, id est, arbitrium censeretur populus, vel ab re ipsa quod praessent faciendo censui appellati, vel quod rem suam quisque tanti aestimare solitus sit, quantum illi censuerint, vel quod censere pro arbitrari veteres cognatione quadam socia ac simili esse voluerint: sunt qui à censendo, id est, constituendo & praecipiendo, unde etiam dicere solemus cenleo hoc facias, & senatum aliquid censuisse, inde Modestino auctore censoris nomen videtur esse tractum. Hoc munus instituisse primum Seruius Tullius legitur, postea vero ut sunt reges exacti, ius omne faciendi census & cetera quae regiae maiestatis huius fuerant ad consules delatum erat: creandi vero noui magistratus huius dedit causam, quod bellis virgētibus neque populus sine censu esse, nec qui essent consules nauare operam commodè censui faciēdo possent: res quidem ut parui admodum momenti prius visa, quod nihil iuris haberet nisi censendi modo populum, ita illustri magistratus hic maxime omnium reuerentiae plurimaeque potestatis ac seueritatis poena fuit. Eo autem venit ut haudquaquam de opibus modo, verum de militari disciplina moribusque censeret. Mos namque Romae apud equestres erat auctore Plutarcho, cum per legitimum tempus à quoquam militatum esset, equum per medium forum duci coram viris duobus publice praesidentibus, quos censores nuncupauit, illisque quemlibet ducum ac imperatorum sub quibus militatum sit recenseri, deinde censorum iudicio subigi, qui iuxta cuiusque meritum vel laudem vel infamiam tribuunt. Huic praefecti curae tunc erant viri dignitate ornatique insignes, ad hos sella curruli insidentes, equites subituri iudicium ritu cum prodirent, censorum alter qui senior erat interrogabat, si militias omnes iuxta disciplinam militarem absoluisset, omnesque sub imperatore meruisset, quod si non secus ac dixerat foret inuentum, ingenti laticia plaudentibusque amicis domum illum admittebant: sin minus censoria eum inurebant nota, quae ex tenuissimis causis licebat illis, qui flagitiose ac intemperanter degerent ac loquerentur, equum adimere & exercitu demouere. Horum etiam erat vectigalia populi Romani augere minuerēque, lustrum completo quinquennio concedere, & soli taurilia sacrificia de sue, oue, tauro facere, de nuptiis, de liberorum procreatione, de viuendi ratione, de conuiuiis diligenter inquirere, ne quis patriam ac consuetam viuendi disciplinam transgrederetur: ad haec etiam munera duorum essent, alter patritius, alter vero plebeius, eis licebat senatus principem describere, immeritos senatu quoque amouere, ut C. Fabricium fecisse ferunt, qui P. Cornelium Ruffinum patritium virum, quod decem argenti facti pondo in conuiuium adduxisset, senatu amouit: siue ut M. Catonem censorem, quem C. Flaminium, T. Flamini fratrem, quod exhortatus à Puella quem deperibat teste Plutarcho, vel à scorto aliorum sententia, cum esset consul in Gallia, ut aliquē ex his, qui ut in vinculis rei capitalis damnati erant, securi percuteret, obtinere perauit, senatu eiecit. Valerius Antias non ad pueri, sed ad mulieris cuius amore teneretur, arbitrium id ab L. perpetratum affirmat. Liuius autē scriptum in oratione Catonis asserit Gallum transfugam cum uxore ac liberis venisse, & ab L. in epulas exceptum,

exceptum mox ut scorto, quod ardebat, obsequeretur, ab eo propria manu confossum. Hoc ad exacerbanda Lucii crimina iure dictum à Catone crediderim, ipsum autem occisum minime transfugam, verum ex damnatis unum in vincula coniectum extitisse, cum alii quam plures, tum vero testes sunt Valerius Max. et Cic. in eo qui est de senectute libro, ubi omnem Catoni sermonem & ipsius rei narrationem tribuit: ipsi deinde censores sacrificiorum pretia curabant & descriptionis genera, & reipub. officia distinguebant. Censuram enim facere dicebantur, cum multam equiti irrogabant, censumque hastaria dicebatur, cum militi multae nomine ob delictum militare quod hastas daret, dicebatur. Multas praeterea potestates hic magistratus habet, quas ponit Iulius Capitolinus in vita Valeriani, Suscipe, inquit, censuram quam tibi detulit Romana respub. quam solus mereris, iudicaturus de moribus hominum, iudicaturus de moribus nostris. Tu aestimabis qui manere in curia debeant, tu equestrem ordinem in antiquum statum rediges, tu censibus modum pones, tu vectigalia firmabis, diuides statum, resp. recensabis, tibi legum scribendarum auctoritas dabitur, tibi de ordinibus militum iudicandum est, tu arma respicies, tu de nostro palatio, tu de iudiciis, tu de praefectis eminentissimis iudicabis, excepto denique praefecto urbis Romae, exceptis consulibus ordinariis & sacrorum rege, ac maxima virgine vestalium, si tamen incorrupta permanferit, de omnibus sententias feres. Illud denique non pretereundum, cum alios magistratus annuos fuisse constet, quinquennalem quondam censuram extitisse, quod quia per tot annos graue, diuturnum insolensque nimis visum est, ne plus quam annua ac semestris censura esset, consensu ingenti populi factum est, atque hoc teste Asconio tam triste seuerumque nomen po. ro. sic oderat, ut intermissum esset nonnunquam per plurimos annos, nonnunquam propter infamiam corruptorum iudicium, plebem ipsam quod ante recusauerat poposcisse.

Tribunos celerum primus Romulus creasse fertur. Nam cum eodem tempore in tres tribus tota ciuitas diuisa esset, Ramnenses à nomine suo, à Tatio Tatienfes, tertiae autem tribus homines Luceres dicti à luco Asyli, in quem multi fuga delati ciuitate donati sunt, ut Plutarchus inquit & Plinius testis est, noua. Quanquam tertiae huius denominatio auctore Livio incerta sit. Tribus autem ipsas tres fuisse numero nomen ipsum declarat, quibusque qui praerant, tribunos vocitabant, quod terni tribus ex tribubus olim ad exercitum mittebantur. Celerum autem tribunum proinde appellari quidam opinati sunt, quod vel celeriter occurrerent, si quando eorum opera respub. indigeret, cum equitibus ille praefectus & veluti secundum locum teste Pomponio à regibus obtineret, vel à celere Remi interfectore, quod celeres antiqui dixerunt, quos nunc equites dicimus. Horum tribunorum militarium, ut inquit. Q. Asconius Pedianus, duo sunt genera, primum qui Ruffuli vocentur, & hi quidem in exercitu creari solent à consule non à populo, de quorum iure, ut Festus etiam inquit, quod Rutilius Rufus legem tulerit, Ruffuli ac postea rutuli sunt vocati. Alii sunt comitiati, qui comitiis designantur ad gubernandam rempublicam consulum loco, aliquando sub consulibus ut essent in exercitu ad ordines ducendos instituti. Horum officium, vel eorum qui exercitui praesunt, in libro de re militari Marcello teste,

teste, milites in castris cōtinere, ad exercitationem producere, clauēs portarum suscipere, vigilia interdum circuire, frumentationibus commilitonum interesse, frumentum p̄bare, mensurę fraudē cōercere, delicta secundū suam auctoritatem his modis castigare, principiis frequenter interesse, querelas commilitonum audire, valitudinarios inspicere. Flavius Vopiscus in vita Aureliani in epistola ad vicarium suum permulta his adiicit, ad tribuni officium maximē spectantia. Si vis, inquit, tribunus esse, imō si vis viuere, manum militum cōtine, nemo pullum alienum rapiat, ouem nemo contingat, vnam nullus auferat, segetem nemo deterrat, oleum, falem, lignum nemo exigat, annonā sua contentus sit, de praeda hostis non de latrociniiis prouintialium habeat, arma teresa sint, ferramenta famiata, calciamēta fortia, vestis noua vestem veterem excludat, stipendium in baltheo non in popina habeat, torquem brachiale annulū apponat, equū & saginarium defricet, alter alteri quasi seruus obsequatur, à medicis gratis curentur, aruspici-bus nihil dent, in hospitiiis castē se agant, qui litem fecerint vapulent. Tribunis autem plebis creandis initium fuit secessio plebis à patribus, in sacrum montem facta, vbi Menenii Agrippæ opera pace inita cōuenit vt plebeios magistratus in vrbe haberēt, sicq; duos tribunos tum habere plebs cœpit à Virginio & T. Vetsio coss. Alia postmodū secessione tres additi Appio Claudio & T. Q. coss. mox quinq; alii coss: Q. Minutio & M. Oratio Puluino. Hoc pacto x. tribunis in plebem Ro. fuit iurisdictio, sicq; plebi concessum est conditiones inire cōcordię, vt plebs suos magistratus haberet sacrosanctos, quibus auxiliis latio aduersus consules esset, néve cui patrum capere eum magistratum liceret. Tribunorum tandem tantum in modum creuit auctoritas, vt quicquid senatus decreuisset, ita demum ratū haberetur, si tribuni approbassent. Stabant autem hi in vestibulo curiæ, vbi habebatur senatus: nam templū siue curiam ingredi nō licebat, & quæcunq; senatores decreuissent, tribunis p̄ferebātur, vt quæ è repub. fore viderentur, approbarent, cætera ad arbitrium reiicerentur: tum quæ senatusconsulta approbassent. t. literam in tergo adiciebant, haud aliter rati iudicatum iri. De potestate autem tribunitia Labeonis Antistii iuris peritissimi extat sentētia, cuius verba quemadmodum scripta apud Gellium offendi, ita illa ipsa scripsi: In epistola inquit Athei Capitonis scriptū legimus, Labeonem Antistium legum atq; morum & P. iurisq; ciuilis doctum apprimē fuisse. sed agitabat inquit hominem libertas quædam vecors vsq; eò, vt diuo Augusto iam principe & rempub. obtinente, ratum pensumq; nihil haberet: nisi quod iustum sanctūque esse in Romanis antiquitatibus legisset: ac deinde narrat quid idem Labeo per viatorem à tribuno plebis vocatus responderit: Iussit enim eum qui missus erat redire, & tribunis dicere ius eos non habere, neque se neq; alium vocandi, quòd moribus maiorum tribuni p̄hensionem haberent, vocationem non haberēt: posse igitur eos venire & p̄hendi iubere, sed vocandi absentem ius non habere, idq; etiam apud Varronem in libris rerū humanarū scriptum asserit A. Gellius: qui quidē Varro cū triumuir esset, asserit se à tribunis plebis vocatū nō esse, & cum tribunus plebis esset vocari neminem fecisse. Ea etiā tribunis plebis auctore Plutarcho potestas est, vt si præsens sit dictator, secunda sit, sin autem adsit, prima ac fermē

ferme sola. Huic præterea magistratui nullum integrum diem abesse Roma licere ius erat, ius etiã huius tribunitiæ potestatis magis ad impediendũ est q̃ ad agendum, quippe quæ cæteris omnibus collegis volentibus & si plures sint, vnus qui nolit & se opponat, plus possit. Fuit etiam, vt aiunt, tribunitia potestas prius apud Romanos publicæ dignitatis insigne, postmodũ quoq̃ iudicialis ordinis obtinuit rationem. Inde nanq̃ & decretum illud senatus, vt Augustus Cæsar morum legumq̃ regimini ac æque in perpetuũ tribunitiæ præesset potestati. Vnde apud eos tribunus dictus est, q̃ tribus præesset ordinibus patritio, equestri, & plebeio, dicti etiam simili modo tribuni plebis à tribu, q̃ vel tribunũ suffragio crearentur, vel quòd in tres partes populus diuisus esset, cum plebs à patribus secessisset, & ex singulis singuli crearentur: tribuni autẽ ærarii à tribuendo gre sunt appellati, quod ærarium sanè populus Romanus in æde Saturni habuit.

Scriba à scribendo nomen accepit, officiũ exprimens vocabuli qualitate. Liuius ab vrbe con. li. ii. Ibi cum stipendiũ forte militibus daretur, & scriba cum rege sedens pari ferè ornatu multa ageret, cum milites vulgo adirent, timens sciscitari, vtrũ Porſenã esset, ne ignorando regem semet ipse aperiret quis esset, quò temere traxit fortuna facinus? Scribã pro rege obruncat. Probus Aemilius de excel. du. exter. gen. in vita Agesilai, itaq̃ eum habuit ad manum scribæ loco, quòd multo apud Graios honorificetius est quàm apud Romanos. Nanq̃ apud nos re vera sicut sunt, mercenarii scribæ existimantur: & aptũ illos econtrario nemo ad id officium admittitur, nisi honesto loco & fide & industria cognita, quòd necesse est omniũ consiliorũ cum esse participem. Cicero in Verrem actione. v. Sæpe enim nostri imperatores superatis hostibus optime rep. gesta, scribas suos annulis in cõtione donarunt. Ab epistolis vel à secretis etiã is intelligi dicitur, cuius secreta scribit vel epistolas. Suetonius in vita Claudii, Sed ante omnes Narcissum ab epistolis & Pallantem à rationibus, quos decreto quoque senatus non præmiis modo ingētibus, sed quæstoris prætorisq̃ ornamentis ornari libes passus est. Flavius Vopiscus in vita Carini, Quorũ vitã singulis libris Claudius Eusthenius qui Diocletiano ab epistolis fuit, scripsit. Notarius item secretorum scribitur, Flavius Vopiscus in vita Aureliani, Incidit autem, vt se res fataliter agunt, vt Mnestẽũ, quẽdam quẽ pro notario secretorũ habuerat, libertum, vt quidã dicunt, suum infensiorẽ sibi minando redderet. Cas. primo, hist. Pater enim Candidat i sub Valentino principe gessit tribuni & notarii laudabiliter dignitatem, qui honor tunc dabatur egregiis, cum ad imperiale secretũ tales constet eligi, in quibus reprehensionis vitium nequeat inueniri.

Cancellarius vel à cācello ala palatii sic dictus, q̃ olim ibi officiũ suum exercebat iuxta thesaurũ imperatoris, cuius sibi cura demãdata erat, vel à cācello secundum eã significationẽ, qua dicitur interstitiũ à Palestina regiõe tractũ, vbi tecta cacuminata nõ erant, sed iacebant in planũ prostrata. Interstitia igitur illa inter propugnacula sita, parietibus hinc inde erectis, cācelli proprie dicuntur: Qui vero epistolas missas recitare volebãt populo, in dicta regione super tecta ascēdebant & de cācellis recitabant, vnde inoleuit vsus paucorũ tamen eruditorũ, vt qui populo literas principis habent missas exponere, cancellarii appellatione nominentur.

tur. Cg. li. xi. Var. Respice quo nomine nuncuperis, latere non potest quod inter cancellos egeris, tenes quidē lucidas fores, claustra patentia, fenestras, ianuas, & quāuis studiosē claudis, necesse est vt te cūctis aperias. Nā si foris steteris, in eis non emendaris obtutibus, si ingrediaris, obseruātium nō potes declinare conspectus, vide quō te voluerit collocari antiquitas, vndiq; cōspiceris, qui in illa claritate versaris. Flauius Vopiscus in vita Carini, Amicos optimos quosq; relegit aut tenuit, p̄fectum vrbi vnū ex cancellariis suis fecit, quo fœdius nec cogitari potuit aliquando nec dici.

Populares & optimates inter se differunt. Nam populares teste Prisciano lib. artis gāmaticæ. v. hi sunt, qui defendunt populū, optimates qui defendūt senatores. Cicero pro P. Sextio, Duo genera semper in hac ciuitate fuerunt, eorū qui versari in rep. atq; in ea se excellētius gerere studuerunt, alteri populares se, alteri optimates & haberi & esse voluerūt: Qui ea quæ faciebāt, quæq; dicebant multitudini iocunda esse volebāt, populares: qui ita se gerebāt vt sua consilia optimo cuiq; probarētur, optimates habebantur. Idem in eadē, Omnes optimates sunt, qui neq; nocētes sunt, neq; natura improbi, nec furiosi, nec malis domesticis impediti. Idē in eadē, Quod est p̄stātissimū maximēq; optabile sanis, bonis, & beatis, & cū dignitate otii hoc qui volūt omnes optimates, qui efficiunt summi viri et cōseruatores ciuitatis putātur. Aristoteles li. v. ethi. Ex dignitate quoq; id apparet, iustū enim illud, quod in distribuēdo cōsistit secundū dignitatē quādā esse oportere omnes fatētur: ipsam verò dignitatē non eandem omnes esse aiunt, sed populares quidē libertatē, potentes verò opulentia aut genus, optimates autē virtutē dicunt. Idem li. iii. poli. Vocare autē consueuimus cū vnus ad vtilitatē communē respiciens gubernat regiā potestatē: cum verò pauci gubernāt, plures tamen vno, optimatū gubernationē, vel ex eo quia optimi p̄sunt, vel ex eo quia ad optimum publicū administrāt. Idem in quarto, Videtur autē optimatū esse maximē honores tribuere secundū virtutē, finis enim optimatū virtus: paucorū verò gubernationis diuitiæ, popularis autē libertas. Idem in eodē, Quo enim ab optimis viris simpliciter per virtutē esset gubernatio reip. & non ad suppositiōnem quidem bonorum virorum, eam solam iustum est optimatem appellari.

Proceres teste Varrone principes ciuitatis, quia eminet in ea sicut in aedificiis mutili quidā, id est, capita trabium quæ p̄ceres nominātur, quasi p̄cedes. Hinc facta translatio est ad quosdā vt proceres dicātur q̄ ante omnes honore p̄cedūt. Sunt qui p̄ceres, quasi procul à carie, hoc est, putredine ac vitiorū corruptione, dictos putent, quod tametsi principibus cōuenit maxime propter excellētiam & egregiam, qua p̄diti esse debent, probitatē, falluntur tamē inscitia literarum, nec tam q̄ est, q̄ q̄ esse debet, autumāt, huius singulārē numerū raro est inuenire. Iuue. lib. iii. Agnosco p̄cerē, salue Getulice, seu tu Syllanus, quocūq; alio de sanguine rarus. In plurali frequētissimū est. Liuius ab vrbe cond. li. iii. Et nos, vt decet p̄ceres, vt Fabio nomini est nō indignū, pugnādo potius q̄ adhortādo accendamus militū animos. Luca. in v. Fata vocēt p̄cerū motus hac cūcta sequūtur.

Primores sicut hi proceres, vel primates vel qui inter reliquos maioris potestatis & digniores in populo. Liu. in primo, Ipse ad primores Romulus peruolat.

Summates

Summates viri potentes. Satyrus in comœdia piscatoria, Summates viri simplices facti sunt ganei: Macrobius li. i. de somno Scipionis, Sed summatibus tantum viris sapientia interprete veri arcani consciis contenti sint: reliqui ad venerationem figuris defendentibus à vilitate secretum.

Præsidum nomine omnes prouincias regētes, licet senatores sint, appellantur: iure præses is dicitur, qui maius in prouincia habet imperiū post principē. Hinc præsidium dictū auxilium principale: sicut subsidium id quod in auxilium succedit dicitur, et milites qui in aliorū tutelā militū, oppidi vel castelli, similiūq; collocati sunt, præsidium vocatur, vel ut inquit Varro, præsidium dictū q; extra castra præsidebat in loco aliquo, quo tutior regio esset, vel q; pro vtilitate & salute, alicuius auxilii gratia præponit: sicut subsidium quod postpositum est ad subueniendū laborantibus.

Satrapes vel Satrapa is est, q; locorū præfectus designatur. Plutarchus in vita Eumenis, Tū capto Ariarate rege, & regione in potestatem redacta, satrapes, hoc est, locorū præfectus designatur. Regum libro primo, Et non inueni in te quicquā mali ex die qua venisti ad me usq; ad diem hanc, sed satrapis non places. Idem in eodem, Reuertere ergo & vade in pace et non offendas oculos satraparum.

Princeps ordinis nomen est, dictus q; primus capiat: sicut municeps ab eo q; munera capiat: idem & dignitatis, cui hæc tuenda ex officio, & capitis periculo defendenda, religiones, auspicia, potestates, magistratus, senatus auctoritas, leges, mos maiorū, iudicia, iurisdictio, fides, prouintia, socii imperii, laus rei militaris, ærarium: harum rerū ac tantarum esse defensorē atq; patronū. Spartianus in vita Adriani, Tunc enim mos, ut princeps causas cognosceret, et senatores & equites Romanos in consiliū vocaret, & sententiam ex omni deliberatione proferret. Cass. ii. histor. Vocabulū principis nulla sorde maculasti, seruās dignitatem nominis exercitatione virtutis. Ouidius de Romulo & Cæsare secundo fastorum, Tu rapis his castas duce se iubet esse maritas, Tu recipis luco, reppulit ille nefas, Vis tibi grata fuit, florent sub Cæsare leges, Tu domini nomen, principis ille tenet. Te Remus incusat, veniā dedit hostibus ille, Cælestē fecit te pater ille parē.

Domini verò appellationē præclarissimos in rep. principes et duces inuenio declinasse: nam et Scipio ipse prius Italia Hispaniaq; recuperata, cum Africam quoq; subegisset, Hannibale pulso, nullo tamen successu dominū se passus est appellari nisi à Pœnis, qui p; equas cōditiones toties rupto fœdere fraudulenter iugū abiecerant, nō obtemperātes, militia abiecit, quasi reipub. hostes infamia notās: Augustus quoque Romani decus imperii nec serio nec ioco se passus est à quoquā tali nomine appellari. Tertullianus in apologetico cōtra gētes, Augustus imperii formator, nec dominū quidē dici se volebat. Et hoc enim dei est cognomen. Dicā planē imperatorē dominum, sed more communi. Sed quādo non cogar, dominū dei vice dicā. Hoc cū declinaret Augustus, meruit profecto patris patriæ cognomen, quod vniuersi repētino maximoq; consensu ei detulerunt, q; gratius esset pietatis nomen quā potestatis, utq; sciret datā sibi potestatem patriæ, quæ temperatissima est, liberis consulens. Quid autē inter patrem et dominū intersit, ostēdit probē Terētianus ille Mitio, hoc patriū est, inquit, potius cōsuefacere filiū sua spōte recte facere, q; alieno metu, hoc pater hoc dominus inest.

Dux à ducendo dictus, esse enim debet præ cæteris dux in ducendo agmine præcipue solers, vbi iter quòpiam fecerit, & cum ad difficilem transitu saltū venerit, contemplari secum animo ab omni parte loci naturā, comites deinde veteranos si quos habet, quærere & percunctari si hostes eo loco, quid si à frōte, quid si à latere, quid si à tergo adorirentur capiendum consilii foret, vtrū ne pergeret qua occœpisset ire viā, an eā qua venisset repetere satius esset. Castris autē deligendis quātum munimēto loci cōplexurus, quā opportuna aquatio, quā pabuli lignorūq; copia, quā comeatus expedire, quo tēpore pugnam inire, aciem struere, subsidius firmare, magnifice adhortari, perterritos milites à metu reuocare, nec verbis tantum ferocem & strenuum esse, sed operum militarium haudquaquam expertem, qui & ipse, cū opus sit, tela tractare, procedere ante signa, versari in media mole pugne sciat, sciat quoque consilia sua celare, tacere, dissimulare, insidiari, ab insidiis præcauere, hostiū cogitationes præripere, speculari & explorare eorū vbi copiae sint, quātā quòve genere armorum, plurimum enim interesse vsuris, quæ deinde turba inermis, quæ levis armaturæ, quæ impedimenta, quanto ea aut quali præsidio custodiant, deinde dicta nō tam quàm facta milites sequi iubere, nec disciplinam modo sed exēplum. Quod diligentiae genus rectissima fortasse ratione probabitur, quoties licebit: verum si mutabitur natura loci, si mons occurret, si flumē obstabit, si collibus, sylvis, asperitatēq; alia phibeatur, mutabit hostiū genus imminētis conditio discriminis, & nunc acie directā, nunc cuneis, nunc auxiliis, nunc legione pugnabitur. Ad hæc insuper intueri & scire quo auspicio ineunda pugna sit, nec deesse fortunę præbenti sed oblata casu flectere ad consilium debet. Illud ad postremum præ cæteris in animis ducū habendum, nihil in bello debere contemni, neq; sine causa dici, matrē timidi flere non solere. Horū igitur omniū qui sunt memores & vlu & experientia cōpotes, eos duces dixerim, cæteris iure prætulerim modo à populo non à militibus creati sint.

Comes, socius, sodalis, comisq; & collega in quo conueniant, quòve differant, auctorum sententiis illustrium ex his accipe. Comitē dicere debemus auctore Vlp. ac Labeone eum qui comitetur & sequatur, quiq; frequentandi cuiuscunque gratia vt sequeretur destinatus est. Minores etiam comitem & ducem habent, vt Cicero non comitē se, inquit, sed ducem præbuit, & alibi: Neq; princeps tunc ad salutē esse potuissem, si esse alii comites voluissent: Socius verò nō minor sed par est, ideoq; duces in bello quoties milites alloquūtur conciliandæ beniuolentiæ gratia, non ferè appellant comites sed socios, cōmunicātes quodammodo eorū dignitatē cū illis, vt ediuerso, cum eosdē commilitones vocāt, communicantes eorum cōditionē atq; sortem cum ipsis: neq; enim dux cōmilito est militum, sed milites inter se cōmilitones, vt apud Virgiliū Aeneas de militibus suis, O focii, auctor ipse in sua persona loquens de Achimenide Comes infœlicis Vlyssi, & iterū, vno graditur comitatus Achate. Neq; scite dixisset de Vlysse & Aenea hunc esse comitem Achata, illum Achimenidis, idem tamen ait, Arma deosq; parant comites, et iterum, Sacra deosq; tibi commendat Troia penates. Hos cape fatorū comites Nunquid dii erant comites Græcorū atq; Aeneæ, an duces? Certe dii penates comites erant confessione tum Aeneæ, tum ipsorum

rum quoque deorum: nam lib.i. Aeneas ait, victos qui ab hoste penates clas-
se veho mecum:& in iii, Dii aiunt, Nos te Dardania incensa tuâque arma fe-
cuti. Nos tumidū sub te permenſi claſſibus æquor, ſub te, id eſt, te duce, et te ſecu-
ti ſumus, id eſt, tui comites fuimus. Idem de Græcis quidem dicēdū & de eorum
deis. Idem etiā de Sibylla & Aenea, quanquā modo hic modo ille dux erat aut
comes, quia ſequebatur Aeneæ voluntatē Sibylla, et quaſi miniſtram ſe præbuit,
comes erat: quia verò ducebat præmonſtrans iter & declarans ea quæ ille igno-
rabat, dux eadem dicitur, tamenſi aliquādo comitem pro ſocio dicimus, vt Cice-
ro in rhetoricis, de viatore qui cum ante lucem ſurrexiſſet comitem, inquit, ſu-
um inſclamauit, & ſemel ſepius cum de eodem antea dixiſſet in itinere quidē pro-
ficiſcētē ad mercatum quendā, & ſecum aliquātum nummorum ferentem eſt
comitatus, id eſt, ſecutus. Quare in præſatione artis grammaticę Priſcianus mo-
nitus in primis alioſq; monēs, monēdus tamen plurimū in hæc verba ad Iulia-
nū ſcribēs, Tibi ergo hoc opus deuoueo, omnis eloquētiæ præſul, vt quātūcunq;
mihi deus annuerit, ſulcepti laboris gloria te comite quaſi ſole quodā dilucidi-
us creſcat: Sed quid magis delirū abſurdumq;, q̄ quem dicas tuum ſolē, eundem
appellare comitē tuū, hoc ipſo q̄ ſol eſt. Eſt præterea alia inter comitē et ſoci-
um differentia, quod comes eſt quicūq; ſequitur alterius ductum, ſocius plerunq;
in negotiis ſeriſq; rebus & fortunæ arbitrio ſubiectis. Cæſar in cōmētariis, Itaq;
Androſthenes prætor Theſſaliæ cum ſe victoriæ Pompeii comitē eſſe mallet q̄
ſocium Cæſaris in rebus aduerſis, omnem agris multitudinem ſeruorū ac libero-
rum in oppidū coëgit. Verū huiuſmodi differētia apertior inter ſociū et ſodalem
eſt, ſodalis enim propriē in rebus leuioribus ac ſæpe voluptuoſis. Quintilianus,
Quo tādē patereris animo, ſi delicatus adoleſcēs, præſertim ſplendidis opibus,
vel ex ætate mores vel ex fortuna traxiſſem, & tempeſtiua cōuiuija & puigiles io-
cos ad vocata ſodaliū turba ſolutus atq; aſilūes agerē. M. T. Epulabor modicē cū
ſodalibus, ſodalitates enim me queſtore ſunt inſtitutę. Idē alibi, Ego Plautiū La-
terenſem & ipſum gratioſum dico & habuiſſe in petitione multos cupidos ſui
gratiosos, quos tu ſi ſodales vocas, officioſam amicitia nomine inquinat vitioſo.
Caius autē ſodales, inquit, ſunt, q̄ eiūſdē collegii ſunt, quos græci *συλλόγους* vocant
à quo nō ſane diſcordat M. Antonius qui Norbanū quaſtorem ſuum appellat
ſodalem: at collegarū appellatione hi continentur qui eiūſdem poteſtatis ſunt.
Comis verò benignus eſt homo & facilis, qui aliis non ægre inſeruit.

Chiliarchę qui ſingulis militū milibus præerāt: Curt. hiſt. iiii. His inq; cōpo-
ſitis, in regionē quæ Satrapone vocatur puenit, fertilis terra, copia rerū et omni
cōmeatu abundans: itaq; diutius ibi ſubſtitit, ac ne deſides otio dimitteret ani-
mos, iudices dedit, præmiāq; propoſuit de virtute militari certantibus: nouem
fortiſſimi iudicati cū eſſent ſingulis militum milibus præfuturi, Chiliarchos vo-
cabant, tunc primum in hunc numerum copiis diſtributis, nanq; antea quinge-
nariæ cohortes fuerant, nec fortitudinis præmia geſſerant.

Centurio is erat, vt inquit Liuius. vii. ab vrbe cond. quem nunc primipilum
appellāt, & auctore Feſto qui nūc cēturio antea cēturionus dicebatur, à centū di-
ctus, vt inquit Varro, q̄ cētenarius eiūſtus ſit numerus. Quintilianus libro pri-

mo insti. Diu deinde reseruatū ne consonantibus aspirarent, vt in Graccis et in triumphis erupit breui tempore nimius vsus, vt choronæ chenturiones adhuc quibusdam inscriptionibus maneant.

Succenturiati milites sunt non qui in prima sed qui in secunda cēturia sunt, vt si prima defecerit isti quos subesse diximus, laborantibus primis subueniant, vnde ad insidiandum ponitur succenturiatus quasi armis dolosis instructus. Terentius in eunucho, Ego in subsidiis ero succenturiatus.

Decuriones sunt, qui denis præsunt equitibus, quidā dictos aiunt ex eo quòd in initio cum coloniæ deducerentur decima pars eorum qui ducerentur, cōsiliū publici gratia scribi solita sit. Alii proinde dictos putāt, quòd sint de ordine curiæ cuius officium administrarent. Decuriæ pluribus distinctæ nominibus fuisse tribunorum & iudicum, propter hoc nongenti vocabantur, ex omnibus selecti à custodiēdo suffragiorum scita in comitiis, & diuisus hic quoq; ordo erat superba appellatione nominum, cum alius se nongētum, alius selectum, alius tribunum appellaret.

Quaterniones à quatuor militū quibus præerant numero dicti. Actuum apostolorum. xii. tradens eum quatuor quaternionibus militum custodiendum.

Milites dicti quia mille erant ante in numero, quos Romulus primus ex populo sumpsit & milites appellauit. vt in lib. primo historiarum inquit Eutropius. Varro milites dictos asserit quòd trium milium legio primo fiebat atque singulæ tribus Tatiensium Ramnensium Lucerumq; milia militū mittebant. Vlpianus apud Iustinianum li. xxvii. Militem inquit quasi millesimum quemque dictum, hoc est, omnem qui ex millenario numero, sint licet nonnulli nostri temporis iuris periti, latini sermonis ignari, qui dictum putāt ex mille maxime strenuum. Alii inter idoneos rerum scriptores vt Helius à mollicie per antiphrasim dictum putant, eo quòd nihil molle sed potius asperum quid gerat, sicut ludum dicimus in quo minime luditur, vel à græco verbo quod duritiem sonat. Vnde Maro, Durum à stirpe genus natos ad flumina primū Deferimus, saeuoque gelu duramus & vndis. Alii à multitudine vel à malo arcendo militem, militiamque quasi malitiam, vel multitiam dictam rectè arbitrantur, cum eius muneris sit multitudine malum malitiamque hostium arcere, tueriq; ciuilis potentiae partes ac iura, ne quid mali ab illis ciuibz suis inferatur: sicq; ille nō solum militat qui in acie stat & cornu dextrū læuūve defendit, sed qui portas tuetur & statione minus periculosa, nō otiosa tamen fungitur, vigiliāsque seruat, et armamento præest: quæ ministeria quamuis incruenta sint, in numerum stipendi orum tamen veniunt. Illud nec obruendum silentio, vniuersos qui erant in exercitu qui pedibus & equo mererent, sine discrimine veteres appellasse milites, & communi genere protulisse nonnunquam: quanquā qui equo non milites modo sed equestri gradu & honore præstarent: cuius rei fidem facit, quòd milites dicimus etiā non satis honesto exercitio præditos, vt qui reos custodiunt & qui ad supplicium ducunt. Valerius Max. lib. ix. Cn. Carbo magnæ verecundiæ est latinis annalibus tertio in consulatu suo iussu Pompeii in Siciliam ad suppliciū ductus, petiit à militibus demissè & flebiliter sibi aluum leuare prius quàm expiraret

raret liceret, quo miserrimè lucis vsu diutius frueretur. Vnde & illud etiam, militem & reum eadem stringit cathena : quare apud omnes propemodùm inuulgatum videmus vt miles peditem designet, eques autem cum honore dicatur.

Tumultuarii milites dicti à tumultu id est Italico bello vel Gallico, quando vicinum periculum & subitum, & improuisum bellum ingruit & non est spatiū nec tēpus cōsiliī, quod singulos iurare patiatur, vt inter Fabios fuit, sed princeps patratu suū consul intrat templū & arripit vexillū & inquit, Qui remp. saluam vult me sequatur. Euocati milites non sunt, verū pro milite cū ingruit necessitas et proprię vires non suppetunt, aliunde euocātur. De his Crispus, Ne quis miles, neu quis pro milite & ab his alibi omnes euocatos & centuriones.

Auxiliares dicuntur in bello socii Romanorum externarum nationum, dicti ex græco vocabulo quod nos dicimus rerum crescentium auctorem.

Sacramento rogati hi sunt, qui plenam militiam habent & xxv. annis in militia tenebantur, quique in temp. iurant se non redire, nisi præcepto consulis post completa stipendia, id est, militiæ tempora.

Legimus apud Iul. Cæsarem aliud militiæ genus in Gallia fuisse pecunia conductum, Solidarios ipsi vocant, qui neq; nunc ibi neq; alibi vsquam sunt: horum conditio eiusmodi erat, vt cum his quorum amicitia se deuouissent omnem subire fortunam, & ad vltimum etiam mori vellent, nec post ipsos vitam vllam pati possent, quin si aliter mori non daretur, mortem sibi manu propria consciscerent. Mirum genus militum, his nostris temporibus aduersum, neq; quisquam ex eo numero inuentus à seculis ferebatur, qui hoc facere renuisset.

Mercenarii à mercede dicti, vt hi quos anno ab vrbe cond. circiter. d. xl: Sempronio Graccho Fabioq; Maximo cōsulibus Scipionis fratres res in Hispaniis gerētes, ex Celtiberis militibus pecunia sollicitatis ab hostium societate in sua castra traduxere. Quo primum tēpore externa manus in castris Romanorum cœpit haberi: nihil enim L. Iulio teste in Hispania memorabile gestum præter quàm quòd Celtiberum iuuentutem eadē mercede, quæ facta cū Carthaginensibus erat, imperatores Romani ad se perduxerunt & nobilissimos Hispanos supra trecentos inde in Italiam ad sollicitandos populares qui inter auxilia Hannibalis erant, miserunt: id modo eius anni in Hispania ad memoriam insigne est, quòd mercenarium militem in castris neminem antequam tum Celtiberos Romani habuerunt.

Equites dicti quòd eis in legationes ituris equi dabantur de publico, vel cum militandum foret, vt non pedites ipsi, quemadmodum plebs sordida reliqua, sed digniori militiæ genere maiorique honore regē ac imperatorem in bellum euntem equites sequerentur. L. Iulius, hæc vbi inter signa peditum dicta dedit, aduolat deinde ad equites, agite iuuenes, inquit, præstare virtute peditē, vt honore atq; ordine præstatis. In his quoq; qui ad equitatum trahebantur, nomen sæpe variatum inuenio. Prius enim sub Romulo regibusq; appellati sunt celeres, vel à celeritate vel à duce Celere, qui dicitur Remum occidisse, in cuius gratiæ vicem à Romulo fieri tribunus militum meruit: hique trecēti fuere, quos Romulus tum bello tum pace ad sui custodiam corporis habuit: hi deinde flexumenes dicti, postea

stea Trosuli, cum Trosulum oppidū in Tuscis citra Vulturnos sine ullo peditum auxilio cepissent, huiusq; nominis appellatio duravit ultra C. Gracchum: lunius postea qui ob amicitiam eius Gracchianus est appellatus, scriptum reliquit his verbis, Quod ad equestrem ordinem spectat, antea Trosulos, nūc equites vocant, ideoque quia non intelligunt trosulus nomē quid valeat, multos pudet trosulos vocari. Quo autem honore equester locus vel gradus apud maiores fuerit ostendit M. T. Cicero in oratione ad iudices pro Plancio, Video inquit quid dicam, hic familia cōsulari est, ille prētoria, reliquos video esse in equestri loco, sunt omnes sine macula, sunt æquē boni viri atque integri, sed seruari necesse est gradum, cedat consulari generi pratorium, nec contendat cum pratorio equester locus: idem Cicero, Demum equestre nomen in cōsultu stabiliuit suo Catilianis rebus ex eo se ordine profectū esse celebrans, quo tempore hoc.iii. corpus in rep. statutum factumq; est, cœpitq; adiici senatui populōq; Romano & equester ordo.

Desultor is est q de vno equo ad aliū se transfert. Liuius ii. belli pu. lib. iii, Nec omnes Numidæ in dextro locati cornu, sed quibus desultorū in modum binos trahentibus equos, inter acerrimam sæpe pugnam in recentem equum ex fello armatis transfultare mos erat, tāta velocitas ipsis, tamque docile equorum genus, cum hoc modo instructi starent.

Procurfatores à procurrendo dicti. Liuius belli punici secundi lib. ix. Velites subsidio misit, à quibus vbi per procurfatores commissa pugna missa esset, Lelium cum equitatu impetum ex occulto facere iubet.

Pedites quod pedibus non equis inniterentur dicti, horū nomen semel tantum variatum inuenio, & ab Iphicrate Atheniense, qui multa in re militari noua attulit, multaq; meliora fecit: namq; pedestria ille arma mutauit, & cum ante illum imperatores maximis clypeis, breuib; hastis, minutis gladiis vterentur, è contrario ille peltam pro parma fecit, à quo postea Peltastæ pedites sunt appellati, vt ad motus concursusque essent leuiore.

Accensus, Q. Asconio teste, nomen est ordinis & promotionis in militia, vt nunc dicitur princeps & cornicularius. Accensos Cato administratores esse scribit: alii accensos militiæ genus esse administrantibus proximū perhibēt. Varro, vt coll. vt prætores, qui sequuntur in castra accensi dicti, quod ad necessarias res sæpius acciantur velut accersiti, quos nunc dicimus deputatos: vel accensi dicebantur qui in locum mortuorum militum subito subrogabantur, ita dicti quod ad censum adiciebantur.

Adscriptitii veluti quidam scripti dicebantur, qui supplendis legionibus adscribebantur: hos et accensos dicebant, quod ad legionum censum essent adscripti, vel quod olim inermes armatis militibus adscribebantur, qui succederent si quis eorum deperisset.

Leuis armaturæ siue leues, viii. ab vrbe condita teste Liuius, qui hastam tantum gessaque gererent, vocabantur.

Expediti & impediti ab eodem denominationem sibi vendicāt, aut ex solutis militibus aut illigatis. Sisenna histor. lib. iii. Inermes armat impeditos expediti sine ullo suorum vulnere cunctos interficiunt, vel expediti & impediti dicti, quod milites

milites ac bellatores expeditos curis & domesticis affectibus absolutos esse oportet & impeditos ac ligatos.

Ferentarii qui leui sunt armatura milites instructi ad bellum, vt fundis & lapidibus, ense, telis & his armis quæ feruntur non quæ tenentur: Salustius in Catilinario, Posteaquam eò ventum est vt à Ferentariis prælium committi posset, maximo clamore cum infestis signis concurrunt, pila emittunt & gladiis res geritur: hos Varro à ferendo etiam dictos putat, verum eodem teste equites dicti sunt ferentarii, qui eo modo habebant arma quæ feruntur, vt iaculum, eiusmodique equites pictos vidisse inquit se in Aesculapii æde vetere, & ferentarios ascriptos: Cato autem eos referentarios dixit, quod tela ac potiones militibus pugnantibus ministrabant.

Pygmeos montana Indiæ incolentes quibus est vicinus oceanus exigue adeo proceritatis homines esse quidam auctores non leues tradidere, vt cubitalē mensuram non excedant, bellicosos tamen: hos enim aiunt arietum caprarumque dorsis armatos insidentes continuum bellum gerere cum gruibus. Iuuenalis,

Ad subitas Thracum volucres nubemque sonoram,

Pygmaeus paruis currit bellator in armis

Moxque impar hosti, raptusque per aëra curuis

Vnguibus à sæua fertur grue, si videas hoc

Gentibus in nostris risu quatiere: sed illic

Quamquam eadem assidue gerantur prælia, ridet

Nemo, vbi tota cohors pede non est altior vno.

Arimaspi hominum in Ponto genus vno oculo in fronte media cum gryphis aurum custodiētibz assidue bella gerentiū, quosque fama est non incelebris Pompeii contra Cæsarem Philippicis in campis partes ac signa secutos fuisse, Vnde Lucanus in tertio,

Hinc & Sydoniæ gentes, auroque ligatas

Substringens Arimaspe comas.

Amazones Scythicæ mulieres bellicosissimæ quæ excidio coniugum & pacem armis quesita ne genus interiret concubitus finitimorum ineant, si qui mares nascantur interimant, virgines in eundem ipsis morem non otio neque lanificio, vt cæteræ mulieres, sed armis, equis, venationibus exerceant, iniustis infantium dextris mammillis, ne sagittarum iactus impedirentur. Vnde & à Græcis eo quod mammis careant Amazones appellantur. Curtius lib. quarto, vestis non toto Amazonum obducitur corpori: nam laeva pars ad pectus est nuda, cætera deinde velantur: nec tamen sinus vestis modo colligunt, infra genua descendit, alterna papilla intacta seruat, qua muliebres sexus alant, aduritur dextra vt arcus facilius intendant & tela vibrent: nam vt poeta meminit,

Pulsant & pictis bellantur Amazones armis.

Argyraspides ob arma deargentata sic dicti milites, qui sub Alexandro militabant. Orosius tertio historiarum, Quare ultimo consilio Argyraspidas ob arma argentea sic dictos, hoc est, milites qui sub Alexandro militauerant in auxilium rogat. Iustinus in epitome Trogi Pompeii. xii. cui gloriæ vt etiam exercitus

citus ornamenta cōuenirent, phaleras equorum & arma militum argento inducit, exercitumque suum ab argēteis clypeis Argyraspides appellauit. Liuius ab vrbe cōdita xxxvii. Ab eadem parte paulum prurupto cornu regia cohors erat, argyraspides à genere armorum appellabantur.

Capitecenſi milites vocabantur, qui nullo vel qui q̄ paruo ære cenſebantur: hi nanq; niſi in tumultu maximo & aſperis reip. temporibus, cum iuuetutis inopia eſſet, in militiam tumultuariam legebantur, armaq; his ſumptu pub. præbebantur, & non capitis cēſione, ſed proſperiore vocabulo à munere officiōq; proliſ edendę, proletarii appellati ſunt, quòd cum re familiari parua haudquaquam poſſent remp. iuuare, ſobolis tamen gignendę copia ciuitatem frequentarēt. Capitecēſos primus C. Marius, vt quidam ferunt, bello Cymbrico, vel potius, vt inquit Criſpus bello Iugurthino milites ſcripſiſſe traditur, cū factum antè in nulla memoria extaret.

Cataphracti equites hi dicuntur, qui & ferro muniti ſunt, & equos ſimiliter munitos habent. Liuius xxxv. ab vrbe cōdita, His, vt plerique quos opes alunt, vaniloquiis maria terrāsque inani ſonitu verborum compleuit, equitum innumerablem vim traici Helleſponto in Europā, partim loricatedos quos cataphractos vocant. Idem xxxvii, Præter rectorem quaterni armati ad latus dextrum phalangitarum mille & quingentos Gallogræcorum pedites oppoſuit: his tria milia peditum loricatorum, quos cataphractos ipſi appellant, adiunxit.

Geloni, vt inquit Pom. Mela Coſ. lib. ii. Non loricedis ſed hoſtiū cutibus equos ſeq; velabant, illos reliqui corporis, ſe capitem.

Cetrati à cetris, hoc eſt, breui ſcutorum genere muniti & armati milites dicti. Liuius ab vrbe condita xxxv, Nauigia parua in ſtationem occultam agri Argiui contraxit, in ea expeditos milites cetratos pleroſque cum fundis & iaculis & alio leui genere armaturæ imponūt. Idem in eodem, Cetrati itaq; quantum latitudo vallis patiebatur inſtructi ſederent, vt facile per interualla ordinum fugientes ſuos acciperent.

Pilani teſte Varrone dicti quòd pilis à principio pugnant, poſt commutata re militari minus illuſtres facti. Ouidius .iii. faſtorum,

Inde patres centum denos ſecreuit in orbes,

Romulus haſtatos inſtituitq; decem:

Et totidem princeps, totidem pilanus habebat,

Corpora legitimo quiſq; merebat equo.

Velites expediti & leui armatura milites à volitando ob celeritatem dicti, teſte Oroſio libro quarto hiftoriarum: vel à græco βέλιον, id eſt, iaciēdo, hi tripedalem parmam habent & in dextra haſtas quibus eminus vtuntur, gladio Hiſpanenſi accincti, cum armis ſuis poſt terga equitum confidebant, continuoque pedites ipſi ex alia parte equitibus per quos aduecti fuerant dimicantibus, hoſtem perturbabant: Quod ſi pede collato pugnandum ſibi erat, tranſlatis in læuā haſtis, gladium ſtringebant, vt velites etiam in legionibus eſſent. Auctorem peditum equitibus inmiſcendorū cēturio nē Q. Neuium ferunt eo bello primū, quo Capuam nobiliſſimā ac potentiſſimā quondam urbē Fuluius Flaccus imperator obſedit.

Velatos

Velatos appellant vestitos & inermes milites, qui exercitum sequebantur quique in mortuorum militum locum substituebantur.

Volones dicti sunt milites qui post Cannensem plagam usque ad octo milia, cum essent serui, voluntarie se ad militiam obtulerunt, & cum sponte hi vellent, volones appellati.

Tituli milites proinde sic appellantur, quod patriam tuerentur, unde & Titi prænomen ortum est. Titulum autem dici ait Numa Pompilius de pontificalibus scribens pallium quo sacerdotes caput tutabant, cum ad sacrificium accessissent, sicut & Virgilius,

Et caput ante aras phrygio velamus amictu.

Rorarii milites qui leui armatura primi prælium committebant, quod ut ros ante imbrem, sic illi ante grauem armaturam prodibant, Rorarii dicti.

Beneficiarii dicebantur milites, qui vacabant muneris beneficio, sicut contra munifices vocabantur qui non vacabant, sed munus reip. faciebant, vel beneficiarii militum genus qui ex eo ita appellantur quia promouentur ad honores beneficio tribunorum, ut inquit Vegetius, idque confirmatur auctore Cæsare in commentariis suis, cuius verba hæc sunt, Hæc erant milia xlv. euocatorum circiter duo, quæ ex beneficiariis superiorum exercituum ad eum conuenerant, quæ tota acie dispersa erant.

Dupliciarii milites dicti, ut Varro inquit, quibus ob virtutem duplicia cibaria ut darentur institutum est.

Latrones conducti milites vocantur: Moris enim erat ut hos imperator circa se haberet, & primo mitteret ad omne discrimen, et quanquam græcum est nomen, Varro tamē dicit hoc posse habere etiam latinam etymologiam, ut latrones dicti sint, quod circa latera erant regi quasi laterones, atque ad latera habebant ferrum, quos postea à stipatione Stipatores adpellarunt, & quia conducebantur, & ea merces dicitur *μισθός* ab eo veteres poetæ nonnunquam milites mercenarios appellant latrones, aut quod latrocinari militare est mercede, aut quod latent ad insidias faciendas, quos nunc Satellites vocant.

Sicarii latrocinantium genus fidas & gladios sub veste deferentium. Iosephus bello iudaico libro ii. Sic enim regione purgata aliud genus latrocinantium in Hierosolymis oriebatur, hi autem sicarii vocabantur, die claro & in media ciuitate passim quosque interficientes, potissimum verò diebus festiuis miscebantur vulgo, & fidas sub veste gestantes his diuersos quosque interficiebant, ac deinde collapsis hominibus, illi inter reliquos de scelere quærebant, qua fraude extra suspicionem manebant. Idem in eodem, Inter infirmiore autem vulgum multi irrumpentes sicariorum, sic enim vocant latrones, gladios in sinibus gerentes, audacissime utebantur opere quod adorti erant.

Desiderati milites secundum consuetudinem deperditi vel qui perierunt, vel secundum rationem dictos puto, quod absentium rerum necdum inuentarum sint desiderium. Cicero pro A. Cluentio, Asinius verò breui illo tempore quasi in hortulos iret, in harenarias quasdam extra portam Esquilinam perductus occiditur, qui cum unum iam & alterum diem desideraretur, neque in his locis in quibus ex consuetudine quærebatur inueniretur, &c. Cæsar siue alius pro eo xi. Duobus
his vnus

his vnus diei praeliis Cæsaris desiderati sunt milites. dcccclx. Idē li. xii. Eodē que die Larissam peruenit, in eo praelio non amplius trecentos milites desiderauit. Q. Curtius quarto, Cecidere Persarum quorum numerum victores finire potuerunt milia xl. Macedonum minus trecenti desiderati sunt. Idem in transitu Tigris, Nec quicquam præter paucas sarcinas desideratum est.

Triarii milites teste Varrone sic dicti, quod in acie tertio ordine extremis subsidio ponebantur, quodque hi subsidebant ab eo subsidiū dictum. Plautus, Agite nunc subsidite omnes triariis. Liuius ad vrbe condita xxxvii, Hastatorū prima signa, deinde principū erant, triarii postremos claudabant. Idem in octauo, Triarii sub vexillis confidebāt sinistro crure porrecto, scuta innixa humeris, hastas surrecta cuspide in terrā fixas, haud secus quā quæ vallo septa acies inhorreret tenentes: si apud principes quoque haud satis prosperē esset pugnatū, à prima acie ad triarios rediisse, cum laboratur, prouerbio increbuit.

Retiarii nomē ab armaturæ genere ortum perhibetur: contra enim pugnantem Mirmillonem retiarius ferebat occulte rete, quod iaculum appellatur, vt aduersarium cuspide insistentem operiret, implicitumque viribus superaret: huic retiario pugnantem aduersus Mirmillonē, cantabatur non te peto, piscem peto, quid me fugis galle: quia mirmilonicum genus armaturæ gallicum est, ipsique Mirmillones antē Galli appellabantur, in quorū galeis piscis effigies inerat: quod genus pugne institutum est à Pittaco ex septē sapientibus vno, & exercitus imperatore, qui aduersus Phrynonem Atheniensem ducem qui pancratiastes et olympionices fuerat dimicaturus, propter controuersias finium quæ erant inter Atticos & Mitilenos, rete sub clypeo occulte lato impediuit Phrynonem, & dum non cauit inuoluit.

Gregarii humilis militiæ ac vulgatæ milites qui ex minoribus & extraordinariis sunt, cū alii maiores & ordinarii dicantur. Iustinus epit. trog. Pomp. xiii. Prima Ptolomæo Aegyptus Aphricæ Arabiæque pars sorte venit, quem ex Gregario milite Alexander virtutis causa prouexerat. Idem xxxviii, His auditis Antiochus occupandum bellum ratus, exercitum quem multis finitimorum bellis indurauerat aduersus Parthos ducit, sed luxuriæ non minor apparatus quā militiæ fuit: quippe octoginta milia armatorum secuta sunt trecenta lixarū ex quibus coquorum, pistorum, scortorumque numerus fuerit maior: argenti certe aurique tantum, vt etiam Gregarii milites auro caligas fingerent proculcarentque materiam, cuius amore populi ferro dimicant.

Optiones appellantur hi milites quos decurio aut centurio optat sibi rerum priuatarum ministros, quo facilius obeat publica officia: optiones autem dicti quod sint electi, nā optare, est eligere: sicut est illud, Optauitque locū regno, id est, elegit.

Optices quoque ab optādo appellati eò quod antecedentibus ægritudine præpeditis tanquam adoptati eorum atque vicarii, solent vniuersa curare.

Excubitores dicti pro eo quod excubias semper agunt, sunt enim ex numero militum.

Procubitores autem dicuntur, qui noctu custodiæ causa ante castra excubabant, cum castra hostium in propinquo essent.

Strenuus,

Strenuus, efficax, gnauus, vigilans, fortis sic dictus, quòd sternendo aduersa renuat. Liuius viii. ab vrbe còdita, Cn. Cornelio C. Lentulo. P. Philone iterũ coss. Palæpolim ad res repetendas missis, cum relatũ esset à græcis, gente lingua magis strenua quàm factis ferox respòsum. Iustinus epi. Trog. Pomp. xii. Nam & manu strenuus, & in concionibus perfacundus habebatur.

Transfuga, Vlpiano teste, nò est solus accipiendus, qui ad hostes in bello trāsfugit, sed et qui per induciarum tempus, ad eos cum quibus nulla amicitia est, fide suspecta, transfugit.

Fugitiuus, vt Ofilius inquit, is est qui extra domini domũ fugæ causa, vt se à domino celaret, māsit. Cælius autē fugitiuum esse ait eum, qui ea mente discedat, ne ad dominũ redeat, tametsi mutato consilio ad eũ reuertatur. Nemo enim tali peccato inquit pœnitētia sua nocēs esse desinit. Cassius quoq; scribit fugitiuum esse q̄ certo proposito domũ relinquit. Apud Iul. item relatũ est fugitiuũ ferè ab affectu animi intelligendũ esse: nò utiq; à fuga. Nam eũ qui hostem aut incendium, latronē, ruināve effugeret quàmuis fugisse est verũ, nò tamē fugitiuũ esse. Apud Labeonem & Cæliũ quæritur, si quis in Asylum cōfugerit aut eò se conferat quò solent venire qui se vanales postulāt, an fugitiuus sit? Ego puto nò esse eum fugitiuũ, qui fecit id quod publicè facere licere arbitratur, nec eũ quidem qui ad statuam Cæsaris confugit, fugitiuum arbitror, nò enim fugiendi animo hoc fecit. Idem puto et in eum qui in Asylũ vel quid aliud simile confugit, quia non fugiendi animo hoc fecit: si tamē antè fugit, & postea se contulit, non ideo magis fugitiuus esse desinit. Item Cælius scribit placere eum quoq; fugitiuum esse, qui eò se conferat vnde eum dominus recuperare non possit, multoq; magis illum fugitiuum esse qui eò se cōferat, vnde abduci non possit.

Tyrones dicuntur fortes pueri, qui ad militiã deliguntur atque armis gerendis habiles existunt, vnde et Tyrones dicti. Tyro etiam rudē & ignarum significat. Proinde Cæsar Tyrones neque in ludo neq; p̄ lanistas, sed in domibus per equites romanos atque etiam per senatores armorum peritos erudiebat: hi enim antea probantur, sicut mos fuit Romę puberes exercere armis, & sub custodibus esse, postea militare, de quibus poëta nobilissimus, Et primo flore iuuentus. Inde Tyrunculus per diminutionem paruus Tyro dicitur.

Veterani legionarii dicuntur, quique iam in vsu prelii non sunt, pòstque multos militiæ labores quietis suffragium consequuntur. Veteranus etiam Modestino auctore esse creditur, non solum legionarius, sed omnis qui qualitercunq; militauerit, & honestè est ipse absolutus.

Emeriti dicuntur soluti militia, & quia merere militare dicitur ob stipendia. s. quæ merentur, sicut emeriti stipendii, vel emeritæ militiæ qui militia perfuncti sunt nominantur: qui extra meritũ stipendii & militiæ positi, sicut miles olim post lx. vel lxx. annum qui à labore solutus nò cogeatur militare, agro vel villa donatus: Nonnullarũ enim rerũ publicarum hic mos est, vt post sexagesimũ ad militiã nemo cogatur, in pluribus detur remissio iusta post lxx. Iustinus epi. Trog. Pomp. lib. xi. Alexander cū contra Persarum tam periculosum bellũ, exercitum legeret, nò iuuenes robustos, nec primum florem ætatis, sed veteranos, plerosque

Q etiam

etiam emeritos militiae, qui cum patre & patruis militauerant, elegit. Quintilianus, Emeritis hinc bello stipendiis: & per translationem à poëta præclaro emeriti boues dicuntur in georgicis quoque.

Armiger est qui tela gerit, & arma tantum domini sui, ut scutum, pilum, arcum, cæteraq; id genus, ut quidā perhibent, qui eos imperitiæ quoq; arguūt, qui armigerū vocant armatū equitē, quod à clarissimis rerum gestarum scriptoribus haudquā obseruatū inuenio, Liuius ab vrbe cond. xxii. Donec insuper eques cui Ducario nomen erat, facieq; noscicans col. inquit, hic est cum popularibus suis qui legiones nostras cecidit, agrosq; & urbem est depopulatus, iam ego hanc victimam manibus peremptorum fœdē ciuiū dabo, subditisq; calcaribus equo, per confertissimam hostium turbā impetum fecit, obtruncatoq; prius armigero qui se infesto venienti obuiam obiecerat, cōsulem lancea transfixit, spoliare cupientem &c. Curtius, Atarras antē cum trecētis armatis intrauerat regiam, huic decem satellites traduntur, quorum singulos deni armigeri sequebātur, hi ad alios coniuratos comprehendendos distributi. Seneca tragicus in Hippolyto de Amazonibus, Et prorsus iste gētis armigerē furor odisse Veneris fœdera, & castrum diu vulgare populis corpus. Suetonius in vita Octauiani, Cæterum numerum partim in urbis, partim ad suam custodiam adlegit, dimissa Calliguritanorum manu, quam vīq; ad deuictum Antonium, item Germanorum, quā vīq; ad cladem Variam inter armigeros circa se habuerat.

Lixæ qui exercitum sequuntur quæstus gratia, dicti quod extra ordinem militie sunt, eisq; liceat quod libuit. Alii eos à Lixa appellatos dicunt q; & ille Hercule sit secutus, vel quod lixæ militibus aquā ad castra vel tentoria folerent ferre, quam lixam veteres dixerunt, quamq; coctam, elixam dicimus: quidā à liguriendo quæstum. Liuius. xxiii. Lixæ calonesq; & alia turba custodiæ impedimētorum opposita, ut paucitatem maxime spernentibus Pœnis, ingētis repente exercitus speciem fecerit. Calones Nonio teste militū serui, dicti quod ligna militibus subministrarent, siue ligneas ferant clauas.

Cacula etiam militis seruus. Plautus, Video caculam militarem: & dicitur à græco κέλον quod fustibus clauisque ligneis ad tutelā dominorum armari soliti sunt, isque qui huiusmodi claua & teli genere vititur, Clauator appellatur.

Auctoratus miles is dicitur, qui obligatus & subiectus est. Sueton. lib. iii. De legendo vel auctorādo milite ac legionum et auxiliorū descriptione: ex quo fit auctoramentum, quod quasi obligatio est rerum, vel stipendium quoddam, vel precium cuiusdam militiae ac pugnae actionisque.

Exauctoratus insignibus militaribus amotus: exauctorare enim est insignia militaria detrahere, auctore Vlp. Si enim Iuliano accedimus, si quis militē exauctorauit, inter infames effecit, licet nō addidisset ignominie causā eū exauctorasse: exauctorare quoq; Iuliani pace dixerim, est non solū infamem militē reddere, verum ducē ab imperio suo dimittere, vel missum militē facere, illumq; honesta missione militiae plerūq; donare. Liuius ab vrbe cond. lib. xxix. Vbi ex his vnus ausus est dicere se prorsus si sibi utrūq; velit liberū esse, nolle militare, tū Scipio, Ex quo igitur adolescēs quid sentires nō dissimulasti, vicariū tibi expedit iā cui tu
arma

arma equūq; et inde cætera instrumēta militiæ tradas, & tecū hinc extēplo domum ducas, exerceas, docendum cures, equo armisq; lēto conditionē accipienti vni ex ccc. quos inermes habebat tradidit: vbi hoc modo exauctoratū equitem cū gratia imperatoris ceteri viderūt, se quisq; excusare & vicariū accipere. Iulius Frontinus stratag. quarto, Diuus Augustus Vespasianus cū quendā adolēcentē honestē natū, militiē inhabilē, angustiarū rei familiaris gratia educūm, ad longiorē ordinē erexisset, censu cōstituto honesta missione exauctorauit. Iam hucusq; perductus liber iste claudendus est, eiusq; prolixitatis modus adhibendus: verū quia nonnulla etiam mihi in hoc adhuc video ponenda esse, quæ sint illa proximus liber cōmodius indicabit, ne hunc tam prolixum vltius oneremus.

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Nonus.



Quid quotuplexq; bellum, & unde cætera bellici exercitus uocabula, acierum, singularumq; denominationum cause.



Voniam superiori volumine, Sigismunde Pandulphe, vocabula militaris ac publici honoris prisca et præclara p̄ varias corū origines & officia monstrauius, bellici nūc exercitus intactū ne quid aliorum relinquatur is sequēs liber patefaciet, causasq; singulorum ac denominationes seorsum aperiet et explicabit.

Bellum quod est multiplex, suisq; distinctū nominibus, cum aliud internum sit, aliud externum, aliud ferule vel sociale vel pyratum, vt antē diximus, dictū à belluis quod belluarū sit pernitiōsa dissensio, vel vt Seruio placet, sicut à lucendo lucus dictus est, sic à nulla re bella bellum, eò quod contrā sit horridum et pessimum, vnde bella horrida bella: alii à Belo qui primum gladium ferreū produxit. Cassi. primo hist. Postea Belus ferreum gladium primus produxit, à quo bellum placuit denominari: & est bellum tempus omne quo præparatur aliquid pugnæ necessarium illis quo pugnetur, vel bellum est totū tempus quo in militia sumus, quod indocti nostri temporis Guerram vocant, vt bellum Gallicum, bellum Punicum, bellum Macedonicum.

Duellum bellum videlicet, quod duabus partibus de victoria contenditibus dimicatur, vt inquit Festus. Bellum enim antē duellū vocatum, vt alii perhibent, eò quod duæ sint partes dimicantium, vel quod altera faciat victorem, altera victum: postea verò mutata & detracta litera dictū est bellum. Horat. prim. epist.

Græcia Barbariæ lento colli sa duello,
Stultorum regum & populorum continet æstum.
Ouidius vi. fastorum,

Hac sacrata die tusco Bellona duello, Dicitur, & latio prospera semper adest. Liuius primo ab vrbe condita, Dic, inquit, ei quē primum sententiam rogabat, quid censes? Tum ille puro pioq; duello querendas censeo. Idem. xxxvi. Si duellum, quod cum rege Antiocho sumi populus iussit, id ex sententia senatus, populi que Romani confectum erit, tum tibi Iupiter Populus Rom. ludos magnos dies decem continuo faciet.

Tumultus grauius vrget quā bellū: potest enim teste Cicerone esse bellum sine tumultu, tumultus esse sine bello non potest. Quid est enim tumultus nisi per turbatio tanta, vt maior timor oriatur: vnde etiam nomē est dictum tumultus. Itaq; maiores nostri tumultū Italicum, quod erat domesticus, tumultū Gallicum quod erat Italię finitimus, præterea nullū tumultum nominabāt: grauius autem tumultum esse quā bellum hinc intelligi licet, quod bello Gallico vacationes valent, tumultu non valent, ita fit quemadmodum dixi, vt bellum sine tumultu esse possit, tumultus sine bello esse non possit.

Turbam appellari Labeo ait, ex genere tumultus, idq; verbū ex græco cōtractum: turbā autem ex quo numero admittimus, si duo rixam cōmiserint vtique non accepimus in turba id factū, quia duo turba nō propriē dicuntur: enimvero si plures fuerint decē aut quindecim homines turba dicitur: quid ergo si tres aut quatuor? turba utiq; nō erit, & rectissimē Labeo inter turbā et rixā multum interest, ait nanque turbam multitudinis hominum esse perturbationem & cætum, sed rixam duorum.

Prælia congressiones armatorū, certamina belli pugneq; partes dicūtur. Lucilius. xxvii. Ro. po. victus vi & superatus præliis sæpe est multis, bello verò non vnquā. Liuius ab vrbe cond. ix. Quantalibet magnitudo hominis cōcipiatur animo, vnus tamē ea magnitudo hominis erit collecta paulò plus decē annorum fœlicitate, quam qui eo extollunt, quod po. ro. & si nullo bello, multis tamen præliis victus est. Dicitur autē prælium ab imprimēdo hostes, vnde præla ligna quibus vua premitur vel à præludendo, bellū enim quasi præludendo inceptabant.

Pugna à bello differt & prælio: est enim vnus diei & belli pars, vt Cannensis, Cremerensis, multaq; continet prælia, cū aliud in cornibus, aliud in media, aliud in extrema acie geritur, & à pugnis dicta, vel quod ab initio vsus fuisset in bello pugnis cōtendere, q; primo bellū pugnis inceptabant. Lucretius li. iii. rerum na. Arma antiqua manus, vngues, dētesq; fuerunt: Cassio. li. i. hist. Inter ipsos quoque aduersarios, vt scitis, nō erant plus armata certamina, sed pugnis se feruida quelibet laceſſebat intentio, vnde & pugna nomen accepit. Pugnare etiā est manus cōferere, expugnare verò pugnando vincere, expugnare nauē similiter, teste Callistrato, est eā aut spoliare, aut mergere, aut dissoluere, aut pertūdere, aut funes eius excidere, aut vela cōscindere, aut anchoras inuoluere de mari, quo equidem miror illud Psalmographi Sæpe expugnauerunt me à iuuentute mea, dicat nunc Israhel, etenim non potuerūt mihi, pro eo quod est oppugnauerunt siue impugnauerūt: si enim nō potuerūt mihi, profecto nō expugnauerūt sed oppugnaerūt: græcè autē magis est oppugnauerunt siue impugnauerunt q̄ expugnauerūt, pro eo significato accepit interpretes, nisi librariorum vitio ita scriptum sit.

Gymnicum

Gymnicū certamen velocitatis est ac viriū gloria, cuius locus gymnasiū dicitur, vbi exercetur Athletæ, & cursorū velocitas cōprobatur, hoc alii veterū Pentathlum, alii Quinquentum dixerūt: id autem genus exercitationis in his quinque artibus constat, iactu disci, cursu, saltu, iaculatione, lucta. Ovidius in fastis, Cestibus & iaculis et misso pondere saxi Brachia per lusus experienda dabant.

Luctatio laterum complexus, quibus cominus certantes vtuntur.

Exercitum militum copiā dicimus nō vnā cohortē tātum, neque vnā alam, sed numeros multos militum, legionum vel legiones cū suis auxiliis continentes: nomen autem exercitus ab exercitatione traxit, vel vt Varroni visum est, exercitus quod exercitando melior fit.

Copias plurali tātum numero de exercitu: copiam verò aliarū dici rerum testis est Seruius cōment. ii. æneid. in hoc tamē numero cōtra Seruium vsus venit eruditorū. Salustius in Catili. Postremo ex omni copia Catilinæ, neque in prælio, neque in fuga quisque ciuis ingenuus captus est. Idem in eodē, Dum ea Romæ geruntur Catilina ex omni copia, quā & ipse adduxerat & Manlius habuerat, duas legiones instruit. Idem in eodē, Sed ex omni copia erat quarta pars instructa militaribus armis. Liuius bel. Mace. li. v. Ipse paucos post dies sex milia suorum militum, ex ea copia quæ Lamiae repēte colligi potuit, non ita multos Aetholos ducit. Statius. vii. Theb. Premit indigesta ruētes copia, & quæ sit mecū, teste Virgi. copia lustro. Teren. in eunucho teste Donato in cōment. sex homines copias ducit militem scilicet, Parasitum, Doracē, Siriscum, Simalionem, Sangam, cum inquit, militem secum ad te quantas copias adducere.

Expeditio dicta quod milites ac bellatores expeditos curis & domesticis affectibus absolutos esse oportet.

Legionis proprietatē vt ab eligēdo vel ab electione militū maximē & Seruius & Varro de vita patrū libro tertio dictā, interpretantur, ita circa eius numerū omnes penē variāt. Seruius in primis nobilis grammaticus, variis in locis Virgiliū mentē interpretādo. Nam in legione, inquit, nō nisi ccc. equites erant. Virgi. in septimo, Equos numero pater eligit omni, Stabant trecenti nitidi in præsepibus altis. Vnde & alibi, Trecenti scutati omnes noti, Idē Legiones propriē peditū sunt, turmæ verò equitū. Virgilius in nono, Cætera tū legio cāpis instructa moratur. Varro de lingua latina, milites dicti quod triū miliū primo legio fiebat, atque singulæ tribus Taciensium, Ramnēsium, Lucerū milia militū mittebant. Cintiū autem de re militari libro sexto auctore Gellio no. atti. xvii. ita scriptū reliquit, In legione sunt cēturię sexaginta, manipuli triginta, cohortes decem. Flavius Vegetius. ii. de re militari, Macedones, Græci, Dardani phalanges habuerūt, in vnāque phalāge nouē milia armatorū censebātur, Galli Celtiberi pluresque barbaræ nationes cateruis utebātur, in quibus fena milia armatorum erāt. Romani legiones habent quibus singulis fena milia & eo amplius, interdum eo minus cēserunt esse. Plutarchus in vita Romuli, Legiones singulæ sex miliū peditū & sexcentorum equitum cōplebant numerum. Liuius li. xxxviii. ab vrbe cond. Cum eas legiones quatuordecim scripsissent, quod plus quā quinque milia peditū trecenti equites in singulis legionibus essent. Idem in eodem, Ob ea novos exercitus conscribi

Q iii placuit,

placuit quatuor legiones in Ligures, vti singule quina milia & ducentos pedites ccc. haberet equites, sociorum item Latini nominis quindecim milia peditum addita & octingenti equites. Idem trigesimo sexto, Romana acies vnius propè formæ & hominum & armorum genere, duæ legiones Romanæ, duæ socium ac latini nominis erant, quina milia & quadrigenos singulæ habebant. Idem lib. octauo, Scribebantur quatuor ferè legiones quinis milibus peditum, equitibus in singulas legiones trecentis. Idem lib. xl, Et præterea supplemento adducta quo amplius duabus legionibus, quàm .x. M. & quadringenti pedites sexcenti equites essent, & socium latini nominis duodecim milia sexcenti equites, quorum forti opera duobus aduersus Celtiberos præliis vsus Q. Fuluius esset, quos si videretur secum deportaret. Legionem autem sex milium & ducentorum hominum primus C. Marius, Pomp. Festo teste descripsit, cum antea quatuor milium fuisset, vnde etiam vocabatur Quadrata. Eusebius in ecclesiastica historia, Nostrorum verò & Tertullianus hæc memorat, & apud Græcos Apollinaris, qui etiam ipsam legionem pro insignis facti miraculo mutato nomine vocatam dicit ad imperatore fulmineam. Tertullianus verò M. impe. epistolas nunc etiam haberi dicit, quibus de his apertius indicat. Vnde autem tanta inter doctissimos rerum gestarum scriptores varietas oborta sit, Seruius in comment. xi. lib. enei. à seipso penè dissentiens his verbis ostendit, Legio autem habebat duodecim cohortes, sexaginta ceteras, licet in his rebus accessu temporis, ducum varietas semper immutauerit militiæ disciplinam. Vnde Liuius belli Punici libro secundo, Numero peditum equitumque legiones auctas, milibus peditum & ceteris equitibus in singulas adiectis.

Legio Linteata Samnitum fuit sic dicta, quæ Samnites intrantes singuli ad aram velis linteis circumdatam, non cessuros se Romano militi iurauerunt. Liuius lib. decimo, Primoribus Samnitum ea destinatione obstrictis, decem nominatis ab imperatore eis dictum ut ius visum legerent, donec xvi. M. numerum confecissent, eò legio linteata ab integmento consecrata, quo sacra nouitas appellata est.

Phalanx lingua Macedonum legio est, teste Seruio in comment. lib. ii. Aenei. Liuius ab urb. cōd. xxxii, Et cohortes inuicem sub signisq; cuneum Macedonum, Phalangem ipsi vocant, si possent vi perumperent, emittebant. Idem xxxvii. Decem & sex milia peditum more Macedonum armati fuere, qui Phalangites appellantur.

Agmen ordinata propriè multitudo dicitur, ut est ambulantis exercitus ab agendo, id est, eundo dictum: neque enim in vno loco stans agmen vocatur, aut si inuentum fuerit, usurpatum est.

Cohors, inquit Varro, quod ut in villa pluribus tectis coniungitur, ac quiddam fit vnum, sic ex manipulis pluribus copulatur cohors, à cohærendo quod cohereret cuncta quæ interius sunt, ut in villa quod circa eum locum pecus cogeretur, vel quod coërceat obiectu suo extraneos, & adire prohibeat: huius numerum varium esse inuenio. Plutarchus in vita Pelopidæ, Primus Gorgias ex quadringentis electis viris, quibus ciuitas exercitatione dietamque in arce Thebana militantibus præbuit, sacram cohortem, ut ferunt, ordinauit, & propter hoc cohortem ex ciuitate vocauerunt. Ephorus autem cohortem quingentos esse viros affirmat: Callisthenes verò septingentos, quidam alii quod Polybius sensit, nonaginta milium idoneum

neum numerū perhibent, alii aliter. Iosephus belli Iudaici lib. iii, Decem autem cohortum singulæ mille pedites habebat: in cæteris verò xiii. sexcenti pedites, & centeni vicieni equites erant.

Cohors prætoriana est dicta, quod à prætore non discedebat: Scipio enim Aphricanus primus fortissimū quemque delegit qui ab eo in eo bello non discederet, & cætero munere militiæ vacaret, & sexquiplez stipendium acciperet.

Manipulus ducentorum militum est, & militum parua quoq; manus sex vel septem in vnū collecti viri qui vnū signum sequuntur, sic dicti siue q; bellum primo manu inceptant, vel quod antequā signa essent, manipulos, id est, fasciculos alicuius herbe p signis habebāt, à quibus Manipulares milites postea dicti sunt.

Globus, vt inquit Vegetius tertio de re militari, is dicitur, qui à sua acie superatus vago superuētū incurfat inimicos, cōtra quē alter populosior vel fortior mittitur globus. Liuius lib. ii. ab vrbe cond. In eum hæc gloriantem cum globo ferocissimorum iuuenum Romulus impetum fecit. Idem lib. xxi. Alii fugientes pugnantium globo illati herebant, alios redeuntes in pugnam auertebant fugientium agmen.

Cuneus est collecta in vnum militū multitudo: vnde propter quod in vnum coit huiusmodi coitio in vnum, cuneus quasi coneus, quod in vnum omnes coeant atq; cogantur, in tria milia, ea nec est equitum sed peditum multitudo quæ iuncta cū acie primo angustior, deinde latior procedit, & aduersariorū ordines prorumpit: quia à pluribus in vnum locum tela mittuntur, nec est cunei determinatus militum numerus, sed ordinatio acierum in modum cunei.

Cuniculum autem foramen dicimus subterraneum occultū, aut à cuneorum similitudine omnem materiam nodosam quam subintrant scindentium, aut potius ab animali quod est lepori persimile appellatum, quod sub terra fossa latere solitum est.

Gaudet in effossis habitare cuniculus antris, Martialis:

Monstrauit tacitas hostibus ille vias.

Sunt qui non cuniculum sed cuniculos plurali tantum dici numero debere arbitrentur, quod à quodā nostræ huius ætatis aliàs doctissimo historiarū suarum libris, contra multorum vsum eruditorum depromptum admiror. Vegetius, Inuentum est remedium, per noctem sub fundamentis muri cuniculum fodi. Item alibi, Aliud genus expugnationis est subterraneum atq; secretum, quod cuniculum vocant, à leporibus qui cauernas sub terris fodiunt, ibique conduntur. Sic & Cæsar scriptor elegantissimus. De tertia vigilia animaduersum est aggerē fumare, quem cuniculo hostes succenderant. Sic Liuius belli Macedonici lib. viii. Ibi commissis operibus cum è fossa cuniculum pateret iter. Sic Curtius, Vluma pestis vrbs fuit cuniculo subruptus murus, per cuius ruinas hostis intrauit: Qd' vt nequeat, Apollonia nobilis quondam ciuitas documento nobis sit. Nam cum ingenti admodum obsideretur exercitu, & cuniculis milites minus ambigerent intra mœnia penetrare, id cum Apolloniatribus per speculatores denūciatū esset, eiusmodi nuncio perturbati, consternatiq; sunt omnes, quod nec tempus nec locum scire posse videbātur, quo emerfuri forēt hostes: tunc verò Trypho Alexandrinus

drinus qui ibi fuerat ingenio summo intra murum plures specus designauit, & fodiendo terram, progrediebatur extra murum dūtaxat per sagittæ emissionem, & in omnibus vasa ænea suspendit, ex his in vna fossura quæ contra hostiū specus fuerat vasa pendentia ad plagas ferramentorum sonare cœperunt, ita ex eo tumultu intellectum est, quæ urbis parte aduersarii cuniculos agentes intrā penetrare cogitabant, sic liniatione cognita temperauit ænea feruentis aquæ & picis, desuper & stercoreis humani & arenæ coctæ candētis, deinde noctu pertudit crebra foramina, & per ea repente perfundendo qui in eo opere fuerunt hostes omnes necauit. Massilienses simili modo per cuniculos obfessi cum numero supra triginta speculatum misissent, ab his eo percepto loco quo cuniculi agebantur, intra murum baratrum amplissima longitudine & amplitudine vti piscinam fecerunt, eamq; è puteis & è portu impleuerunt, ita cum specus esset repente naribus apertis, vehemens aquæ vis immissa supplātauit fulturas, quicq; intra fuerant & ab aquæ multitudine & à ruina specus sunt oppressi. Ambrachienſes pauidine etiam subrutis muris facta in urbem via per cuniculū esset, silentio facto pluribus locis aure ad mota sonitum fodientium captabant, quem vbi acceperunt aperuere rectam in cuniculū viam, nouaque haud magni operis aduersus hostes qui in cuniculo erant excogitata res est. Doliū enim ferreum à fundo pertusum quo fistula modica & ferrea inseri posset, operculumq; etiam ferreū, etiam ipsum pluribus locis perforatum fecerunt, tenuique pluma completum ore in cuniculum verso posuerunt per oculique foramina prælongæ hastæ ad submouendos hostes eminebant, scintillam leuam ignis plumæ inditam folle fabrilis ad caput fistulæ imposito flando accenderunt, inde non solum magna vis fumi, sed acrior etiam fœdo quodam odore ex adusta pluma cum totum cuniculum adimplefſent, haud durare consistereq; quicquam intus potuerat.

Forficem ordinationem militarem vocant cuneo oppositam, nam ex lectissimis militibus in .v. literam ordo cōponit, & illum cuneum excipit atq; ex vtraque parte concludit, frons dicta quod aduersus hostes spectat, hæc in pugna publica si sapienter disponitur plurimum iuuat: si imperitè quanquam optimi belatores sunt mala ordinatione franguntur.

Serra præliari dicitur cum assidue acceditur recediturque neque vllō tempore consistitur, dictaq; proinde serra: hæc à strenuis direpta ante frontem opponitur hostibus, vt turbata acies reparetur.

Alæ exercitus ordines qui circum legiones dextra sinistrâque tanquam alæ in auium corporibus locabantur. Vt lib. vi. de re militari apud Cintium scriptū est, Vir. iii. ænied. Dum trepidant alæ saltusq; indagine cingunt.

Liuius ab vrbe condita xxviii. Sinistra ala ab Romanis & cohortes quæ admiserant signa in prima acie pugnabāt, & sunt alæ xxx. equites in exercitu, sint licet qui pluribus quàm xxx. equitibus alam cōstitui censeant. Liuius ab vrbe cond. xxxviii. His ala mille fermè equitum, hoc gemmam vocant.

Turma teste Festo & Varrone quasi terna, e in v abiit, quod terni eqtes ex tribus tribubus Ticiensū, Ramnensū & Lucerū fiebant. Romani enim equites in vna tribu trecenti fuere. De singulis enim cēturiis decem dabantur, & fiebat turma,

ma, itaq; si Pomponio credimus singularū decuriarū decuriones dicti: quidam volunt, quorū est Fronto decurionem esse turmæ, quæ constat ex duobus & xxx. equitibus. Cyaxares autem primus, Herodoto teste, Asianos dicitur per turmas diuississe: iussisseq; sagittarios ab equitibus, aliósq; ab aliis seorsum esse, antea cum permixti & confusi essent.

Nodus propriè est densa peditum multitudo, sicut turma equitū, ut lectum est in disciplina militari, sic dictus pro difficultate quòd vix possit resolui.

Acus exercitus instructio dicitur, quòd ea pars militum vehementissima est ad hostem vulnerandum acumine telorum.

Acies exercitus instructus dicta, quòd ferro armata sit, & acumine telorum.

Classes equites dicebātur, ob diuisionem exercitus, qui postea Manipuli dicti, vel pro turmis equestribus à quibusdam classicis quæ habent, vnde non ab re à nobili poëta dictū, Classibus hic locus est. Classes etiam partes populi. Liuius primo ab vrbe condita, Tum classes centuriasque & hunc ordinem ex censu descripsit, vel paci decorum vel bello, ex his qui centum milia æris aut maiorem censum haberent. lxxx, fecit centurias quadragenas seniorum ac iuniorū: prima classis omnes appellati, seniores ad vrbe custodiam ut præsto essent, iuuenes ut foris bella gererent. Classici, ut inquit Gellius vii. noct. Atti. dicebantur non omnes qui in classibus erant, sed primæ tantum classis homines, qui centum xxv. milia æris amplissimè censi erant, infra classem autè appellabantur, secundæ classis cæterarumq; hominum qui minore summa æris quàm supra dixi censebantur. Columella, classes non maiores quàm denum hominum faciundę, quas Decurie appellant antiqui. Quintilianus primo insti. Non inutilem scio seruatum esse à præceptoribus meis morem, qui cum pueros in classes distribuerent, ordinem dicendi secundum vires ingenii dabant. Classes nauium postea subiere, vetustiusq; fuit, Pomp. auctore, multitudinem hominū quàm nauium classem appellari: Diodoro enim teste, ab ipso orbis primordio animātia omnia esse generata, eodẽque modo & homines à principio genitos dicunt, in agris pastum quærētes syluestri & incondita vita vixisse, quibus herbæ & arborum fructus vltro victum præberent: belluas insuper his fuisse infensas, quibus ut obfisterent, classes & cœtus hominū ob timorem factos aiunt communis vtilitatis gratia, auxiliaq; inuicē præbita, & loca habitaculis quęrita. Classes clypeatas antiqui dixere, quas nunc Exercitus vocamus, classis verò p̄cincta exercitus instructus & paratus ad bellū maximè cū exercitus cinctus erat Gabino ritu siue cinctu, cōfestim pugnaturus.

Castra pro exercitu tantum pluraliter. Liuius punici belli lib. v. Valerius Ancias vna castra Magonis capta tradit. Idem in eodem, Exuitur castris atque ita nocte ac die bina castra hostiū oppugnata, bina proinde non duo castra dixit. Idem lib. ix. Sed cum vna castra in fines, altera in finitima terra Hetruria propè in conspectu habebant, castra autem quasi casta ob hoc dicta quòd illic castra retur libido. Quòd si ab ea origine ortum traxerit, apud nostros inane nomē esse quis dubitat? Quotus enim inter hos homines inuenitur, qui pudorem pudicitiam castitatemq; colat, qui non prorsus cupiditatibus cuncta irrideat atque contemnat? quotus qui non prostibulo congredi malit, quàm cum hoste manus conferere

ferere? quotus qui non libentius de expugnanda adoleſcētulorū pudicitia, de virginibus violandis, de vi inferenda ingenuis, de ſuis ſtupris, ſceleribus, flagitiis ſermonem conferat, quā de hoſtibus inuadendis, de excipiēdis vulneribus, de morte pro dignitate appetenda, de ignominia fugienda, de gloria comparanda, de tolerantia, de patientia, & de labore? Quòd ſi quando forte cōtigit, vt te, quiſquis eſ lector, in horum hominum caſtra vel potius luſtra conſeras, videbis ibi ſuper lectulis non continētiſſimos duces Fabricium, Aemilios, Scipiones, Hannibalem, Alexandrum, ſed militares homines, & eos qui ceteris dignitate excellunt, iuxta meretrices exoletas, ſcorta, & pueros meritorios accubantes, molliſſimis verbis & flagitioliſſimis, & ad concitandam Venerem nedum caſtrandam accommodatis, inter ſe colloquentes: Vbi autem calere iam res cōperit, hic alius ruſtet, & vocat: mingat alius & pedat: ibi luditur, hic bibitur, atq; vt ex huiusmodi euenire ſolet ſæpenumero rixa exorta eſt. Nullus, vt ſummatim reliqua cōplectar, pudor in eorū verbis, nulla in rebus temperantia, nulla religio, nulla modeſtia, nullū conuiuium maiorū dignū ſilentiū, ſed ſumma obſcœnitas, blaſphemie, clamor, cōfuſio, perturbatioq; rerum omnium: quod veterum diſciplina nefas quidem erat, aut delicatum, aut parū pudicum inferre ſermonem, ibi nō modo verbis non abſtinent turpibus, ſed cetera etiam faciunt quę à verecūdo homine dici non poſſunt.

Metari caſtra diuidere, & loca militibus in caſtris aſſignare, vel ponere caſtra, vel mutare. Lucanus in primo,

Audax Hesperios veniam metator in agros.

Tabernę appellatio, Vlpiano teſte, declarat omnē vtile ad habitandum edificiū, non ex eo quòd tabulis claudatur, inde tabernacula & contubernales. Tabernam etiam domicilii genus antiquiſſimum Romanis fuiſſe, teſtimonio ſunt exterę gentes, quę adhuc tabulatis habitant ædificiis. vnde etiam teſta caſtrenſia, militumq; tentoria quibus ſolis ardores tempeſtatesq; imbriū, ac frigoris iniurias vitant, quāmuſ pellibus tegerentur, tabernacula dicta ſunt. Liuius belli Macedonici lib. iiii. Tabernaculum regium pro vallo in conſpecto maximè tumulo vt terrorem hoſtibus ſuiſq; ſpem & fidutiam faceret, poſitū. Cicero in Verrem act. vii. Nam in ipſo aditu atq; ore portus, vbi primum ex alto ſinus ad urbem ab littore inflectitur, tabernacula carbæis intenta velis collocant.

Tentoria pro eo dicta, quòd tendantur funibus atq; palis, vnde & hodie prætere dicitur vt olim. Ouidius in Heroi.


Illic Aeacides, illic tendebat Achilles.

Virgilius in primo æneidos,

Nec procul hinc Reſi niueis tentoria velis

Agnoscit lachrymas.

Papylliones tentoria dicuntur, auiculę prouolantis ſimilitudine. Helius Spartianus in vita Seueri ſeptimi, Idem in omnium expeditione ante omnes militarem cibum ſumpſit ante papyllionem.



Hybernacula castrensia ad obsidionem potius quàm ad oppugnationem hyemando ædificia. Liuius libro quinto ab vrbe condita, Cum spes maior imperatoribus Romanis in obsidione quàm in expugnatione esset, hybernacula etiam res noua militi romano edificari cœpta, cōsiliūq; erat hyemando cōtinuare bellū.

Impedimenta castrensem suppellectilē dixere: impedire enim quasi irretire est, & in pedicam trahere. Liuius vigesimonono, Interim Romani impedimentis quoq; omnibus traductis contractisq; in vnū locum, quia iam moueri videbant hostem, nec spatium erat castra communiendi, aciem instruxerunt. Idem vigesimotertio, Lixæ calonesq; & alia turba custodiæ impedimentorum opposita.

Commeatus pro cibariis ad alimoniā reipublicæ, aut exercitus, aut alicuius multitudinis commeantis dicimus. Liuius trigesimosexto ab vrbe condita, Cum exercitibus cōmeatus quoq; omnis generis ex Asia venturos in præsentia curæ esse Aetolis debere, vt copia frumenti suis & annona tolerabilis rerum aliarum suppeditentur. Cōmeatus priuatim etiam dicitur. Cicero pro lege Manilia, Iam cōmeatu & priuato & publico prohibemur. Ab imperatore etiam militibus cōmeatus

commeatus dari dicitur, id est, tempus quo ire & redire commodè possint, vel facultas ad tempus à militia recedendi eundique quò velint, ad præscriptum diem reuersuri.

Munimenta munitiones sunt castrorum cæterarumque rerum quæ contra aduentum hostium muniunt, siue vallo & fossa, siue alio quouis modo quo sint milites ab hostium, vt dixi, aduentu vel incurſu muniti.

Monumenta i mutata in v & v in o, sepulchra, statuæ, tituli, libri, cæteraque que nos alicuius rei præteritæ moneant recordari : nam quòd de futuro quidam volunt ideo sepulchra appellari monumenta, quòd nostræ mortis moneant falsum arbitror : in honorem enim mortui illa tantummodo fiunt, non in publicam præceptionem.

Athleta vir fortis venatorque qui perũcta corporis flexibilitate cū bestia dentata luctatur, vt motibus suis spectantibus placeat, & sanguine suo voluptatem populo præstet. Liuius belli punici lib. xi. Athletarum quoque certamen tum primo Romanis spectaculo fuit, & venatio data leonum & pãtherarum, & propè huius sæculi copia ac varietate ludicrum celebratum est. Sabinus autem & Cassius & generaliter omnes, artem ludicram non facere Athletas opinantur. Horum spectaculum fabricis tam clarum & actione tam tetrum, in honorem Scythicę Dianæ quæ sanguinis effusione gaudebat, ab Atheniensibus repertum est, damnoſa profecto publicè priuatimque nocens delectatio, quod facile colligi potest si in mentem venerit ex historiis rei huius initium progressusque, apud nostros quāto publici census impendio, quantaque insanix proxima dictu cura, quāto demum populi studio, plausu ac labore constiterit, tot milibus simul gladiatorum paribus, tanto elephãtorum precio, tigrydumque & leonum ac pardorum gregibus, onagrorum quoque, equorum ferocium atque animalium diuersi generis è toto orbe terrarum omnium transmissis, syluis omniumque gentium venatibus romano famulantibus theatro: adde illam ædificandi luxuriam cunctas terra pelagique marmoreas columnas in ludorum vsum & artificum summis ingeniis expolitas, cuius princeps insanix haud conticendus est Scaurus is qui ædilis in theatri scænam opus dierum paucorum, & quod paucis lignis ac funibus attolli poterat, suffecturum oculis populi talibus gaudentis, trecentarum sexaginta talium monstra columnarum intulit, fecitque opus, vt scriptum est, maximum omnium quæ vnquam fuere humana manu facta. Curionem quoque ex superioris aui monumentis accepimus, qui ciuili bello pro Cæsaris partibus in Aphrica occubuit, vt Scaurum quem opibus equare non poterat superarit ingenio, non marmoreum vt ille, sed ligneum theatrum, duplex tamen ac pensile meditatus, populum victorem gentium, ludis victum & periculis plaudentem suis mira arte suspendit, vt ridentes interius stupentesque ipsi exercitus spectatoribus risui fierent & stupori. Iam inde ab exordio primus regum nostrorum Romulus fuit, omnem qui in his rigidam, tetricamque illam Sabinorum pudicitiam circumuenit, inde porro Titi potentia, principali diuitiarum perfuso flumine cogitauit ædificium fieri, vnde caput vrbium cerni potuisset, cum theatrum quod est hemisphærium græcè dicatur ἀμφιδέατρον, quasi in vnum iuncta duo visoria, constet esse nominatum, speciem

ciem eius area concludens, vt & currentibus aptum daretur spatium, & spectantes omnia facilius intuerentur, dum quædam prolixa rotunditas vniuersa colligeret : quæ autem latini certamina, Agones alii vocant, ab à quod sine sonat & γωνία angulus, quia, vt Festo placet, locus in quo huiusmodi ioci facti sunt sine angulo sunt. Alii aliter atq; aliter dici putant. Ouidius primo fastorum,

Nominis esse potest succinctus causa minister,

Hostia celitibus quo feriente cadit.

Qui calido strictos tincturus sanguine cultros,

Semper agat ne roget, nec nisi iussus agat.

Pars quia non veniant pecudes, sed aguntur ab actu;

Nomen agonalem credit habere diem.

Pars putat hoc festum priscis agonalia dictum,

Vna sit vt proprio littera dempta loco.

An quia præuisos in aqua videt hostia cultros,

An pecoris lux est ipsa notata metu.

Fas etiam fieri solitis ætate priorum

Nomina de ludis græca tulisse diem:

Et prius antiquus dicebat agonia sermo,

Veræque iudicio est vltima causa meo.

Bellona Martis soror & bellorum dea cui proprio sanguine sacerdotes sacrificabant, Lactantius atq; Lucanus testes sunt, tunc quo sectis Bellona lacertis sæua mouet cecinere deos : & est dicta à bello Bellona, quæ nunc duellona à duello vt inquit Varro.

Minerua virtutum præsul quam principem & inuentricem belli ferunt, dicta quod bene moneat: hanc enim pagani pro sapientia ponebant. Cornificius verò quod figuretur pingaturq; minitans armis eandem dictam putat, galeatâ enim hastam tenet & clypeum: alii nonnulli vel quod minueret vel minueretur dictam putant: quamobrem eadem Capta siue capita dicta sit, incertum est. Variæ enim sunt huius nominis causæ. Ouidius tertio fastorum,

Cælius ex alto qua mons descendat in equum,

Hic vbi non plana est sed propè plana via est.

Parua licet videas Captæ delubra Mineræ,

Quæ dea natali cœpit habere suo.

Nominis in dubio causa est, Capitale vocamus

Ingenium solers, ingeniosa dea est,

An quia de capitis fertur sine matre paterni,

Vertice cum clypeo profuissæ suo?

Aut quia per domitis ad nos captiua Faliscis

Venit & hoc signo syllaba prima docet:

Aut quod habent legem capitis quæ pendere pœnas

Exilio iubeat furta reperta suo.

A quacunque trahas ratione vocabula, Pallas

Pro ducibus nostris ægida semper habet.

R

Hæc

Hæc eadem & tritonia dicta est, quòd tēporibus Ogygis ad lacū vel ripam Tritonis fluminis in virginali fertur apparuisse habitu.

Pallas autem secundum Victorinum à Pallene insula Thraciæ, vel à gigante quem occidit dicta est: & sanè duo hæc Antonomasia sine proprio sunt nomine nonnunquam à poëtis prolata. Virgi. ii. æneid. Tritonia respice Pallas
Insedit nymbo effulgens & Gorgone sæua.

Mars ab eo quòd maribus præest in bello, vt Varroni placet, licet tria sint genera consuetudinū, sicut apud Iaxamathas Tanais fluminis hostio proximos, vbi easdem artes fœminæ quas viri exercent, adeò vt ne militiæ quidem vacent: viri enim pedibus in herent, sagittisq; depugnant: illæ equestre prælium ineunt, nec ferro dimicant, sed quos laqueis intercepere trahendo conficiunt: vel apud Amazones vbi solæ fœminæ, vel apud Romanos aliasq; gentes multas vbi soli mares dimicant: vel Mars dictus quòd Sabinis arreptus vbi & Mamers idē est osca lingua quod Mars: etenim cum sæuit, gradius dicitur: cum trāquillus est, dicitur esse Quirinus. Huius in vrbe duo erant templa, vnum Quirini intra urbem quasi custodis, id est, tranquilli: alterū in Appia via extra urbem propè portam, quasi bellatoris, id est, gradiui: in bello enim gradum inferunt qui pugnant, aut impigrè gradiuntur. Ac sicut Epaminūdas Bœotium agrum Martis Orchestram, & Xenophon Ephesum belli officinam appellat, sic Romani tunc belligari templum Martis quem ferocissimum omnes deum & armigerum dicunt, & ob id bellis armisq; præesse, hunc & Liberū vnū eundemq; demū arbitrātur nonnulli, Romaniq; vtrunque patris appellatione venerantur: alterū Liberum patrem, alterū Marspitrem, id est, Martē patrem cognominantes. Hinc etiam Liber pater bellorum potens probatur, quòd eum primum ediderūt auctorem triumphī: hoc etiam apud Lacedæmonios simulachrū eius hasta insigne non thyrsodemonstrat, sed cum thyrsū tenet quid aliud q̄ latens telum gerit, cuius mucro hædera lambente protegitur: quod ostendit vinculo quodam patientiæ obligandos impetus belli. Habet etiam hædera vinciendi obligandique naturam, nec non & calor vini cuius Liber pater est auctor, homines ad furorem bellicum vsque propellit: propter cognatum ergo vtriusque effectus calorem, Martem ac Liberum vnum eundemq; deum esse voluerunt.

Mauors figuratū est vt induperator, auctore Seruio in cōmento primi ænei: ab aliis quòd magna vertat sic dictus.

Gradius mars siue mauors dictus est, à gradiendo, eò quòd in bello gradum inferant qui pugnant, aut impigrè gradiantur: vel à gradiendo in bella vltro cittoq; siue ab vibratione hastę qđ Græci dicūt *ῥαδὺν*: vel ut alii, q̄a gramine sit ortus, qđ interpretant quia corona graminea in re militari maxime est honorationis.

Feretrius iupiter dictus est à ferendo, quòd pacem ferre putaretur, ex cuius templo sumebant sceptrum per quod iurarent, & lapidem silicem quo fœdus ferirent. Alii cum Acron Cecinensium rex à Romulo victus & infesto telo traiectus esset, eiusq; spolia, Ioui votis nuncupatis, Romulus ad urbem reuersus diceret, hoc tropheum Ioui statutum cognomen deo addidit feretrio Ioui à ferendo hostem: est & à ferendo vt antè diximus. Propertius,

Nunc

Nunc spolia in templo tua condita causa Feretri

Omne quod certo dux ferit ense ducem.

Seu quis victa suis humeris hæc arma ferebat,

Hinc feretri dicta est ara superba Iouis.

Ianus faciendis fœderibus præest. Nam postquam Romulus & T. Tatius in fœdera conuenerunt, Iano simulachrum duplicis frontis effectum est, quasi ad imaginem duorum populorum. Ganius Bassus in eo libro quem de diis composuit, Ianu bifronte fingi ait, quasi superum atque inferum ianitorem.

Ouidius in fastis,

Quicquid ubique vides, cœlum, mare, nubila, terras,

Omnia sunt clausa nostra patentque manu.

Me penes est vnum vasti custodia mundi,

Et ius vertendi cardinis omne meum.

Omnis habet geminas hinc atque hinc ianua frontes,

E quibus hæc populum spectat & ille larem.

Utque sedet vester primi quoque limina tecti,

Ianitor egressus introitusque videt.

Sic ego prospicio cœlestis ianitor aulae,

Eoas partes hesperiasque simul.

Eundem quadrifrontem legimus, quasi vniuersa climata maiestate complexum:

Nec mirum sanè apud aliquos bifrontem, quadrifrontem apud alios esse: nam

alii præter hæc eum dici deum volunt, in quo ortus est & occasus. Horatius,

Matutine pater, seu Iane libentius audis.

Alii anni totius deum, quem in quatuor tempora constat esse diuisum: anni au-

tem esse deum illa res probat, quod ab eo prima pars anni nunc nominatur: Hunc

chaos, Patulicum & Clausum etiam appellauit antiquitas. Ouidius in fastis,

Me chaos antiqui, nam sum res prisca, vocabant.

Nomina ridebis modo nanque Patulicus, idem

Et modo sacifico Clausus ore vocor.

Horum duorum nominum ratio hæc est, quia bello valvæ eius patent, pace clauduntur. Huius etiam rei hæc causa narratur, cum bello Sabino quod virginum raptarum gratia commissum est, Romani portam quæ sub radicibus collis viminalis erat, quæ postea ex euentu Ianualis vocata est, claudere festinarent quia in ipsam hostes irruebant, postquam est clausa mox sponte patefacta est: cumque iterum ac tertio idem contigisset, armati plurimi pro limine quia claudere nequibant custodes steterunt, cumque ex alia parte acerrimo prælio certaretur, subito fama pertulit fusos à Tatio Romanos, quam ob causam qui aditum tuebantur territi profugerunt, cumque Sabini per portam patentem irrupturi essent, fertur ex æde Iani per hanc portam magnam vim torrentium undis scatentibus erupisse, multasque per duellum cateruas aut exutas feruenti, aut deuoratas rapida voragine deperisse: ea re placitum ut belli tempore velut ad urbis auxilium profecto deo, fores referarentur: Ianualis porta ut alii perhibent ab Iano dicta, ideoque ibi positum iam signum, & ius institutum à Pompilio, ut scribit in annalibus Piso,

R ii vt sit

ut sit aperta semper, nisi cum bellum sit: nusquam tamen traditum est memorię, ut inquit Varro, Pompilio rege fuisse apertam, sed post eius regnum, teste Livio, T. Manlio cos. bello Carthaginensi primo cōfecto, bello itē Actiaco finito ab imperatore Cæsare augusto, pace terra marique parta. Hunc autē apud nos Ianum omnibus præesse ianuis nomen ostendit: quod est verisimile, nam & cum clavi & virga figuratur, quasi & rector viarum & omnium portarum custos: belli licet geminæ sint. Virgilius in primo æneid.

Sunt geminæ portæ belli sic nomine dicunt
 Relligione sacra & sæui formidine Martis.
 Centum ærei claudunt vectes aternæque ferri
 Robora, nec custos absistit limine Ianus.
 Has ubi certa sedit patribus sententia pugnae,
 Ipse quirinali trabea cinctuque gabino
 Insignis referat stridentia limina consul,
 Ipse vocat pugnas, sequitur tum cætera pubes,
 Aereaque assensu conspirant cornua rauco.
 Hæc & tum aneadis indicere bella Latinis
 More videbatur tristesq; recludere portas.

Pactum à pactione dictum auctore Vlpiano, inde & pacis nomen appellatum est: sed est pactum duorum cōsensus atq; conuentio, pactione verò duorum plurimūve in vnum placitum atq; consensus. Liuius libro sexto ab vrbe condita, Cuius spei moram pati cum fortuna obsessorum non potuisset, cōfectaque paucitas oppidanorū, opere, vigiliis, vulneribūsq; semper eisdē vrgebat, per pactionem vrbe hostibus tradita, inermes cum singulis emissi vestimentis, miserabili agmine penates reliquerant.

Pax significationis notam habet. Virgil. in septimo,
 Pars mihi pacis erat dextram tetigisse tyrāni. Pax venia, Idem in iii. ænei.
 Sed votis precibusq; iubent exposcere pacem.

Pax propiciatio. Idem in eodem, Exorant pacem diuū. Pax beniuolētia. Idem in iiii. Pacemq; per aras exquirunt. Pax quoq; teste Prisciano lib. v. tam singulariter quā pluraliter prolata idem potest significare, sed pluraliter non utimur, quia auctoritas deficit: quod à grammaticorū principe dictum non parum admiror, maximè cum apud nonnullos & quidem probatos & summa auctoritate præcellentes latina lingua viros, pluraliter prolātū inueniam. Lucretius rerum naturalium libro quinto, Ventorum pauidis paces animasq; secundas.

Varro de vita patrū lib. iii. Animaduertendū primū quibus de causis & quēadmodū constituerunt paces, secundū qua fide & iusticia eas coluerint. Hor. i. epi. Bella queis & paces longum diffudit in æuum. Idem lib. ii.

Hoc paces habuere bonæ ventique secundi.

Hoc de pacis vocabulo et eius vſu dictum satis sit impræsentiarum. Effectus autem sunt, ut in ea populi proficiant, vtilitas gentiū custodiatur: ut hæc bonarum artiū decora sit mater, hæc eadē mortaliū genus reparabili successione multiplicans, facultates ptendat, mores excolat, tātūmq; boni in se cōtineat ut terrenis in rebus

rebus nihil gratius soleat concupisci, nihil desiderabilius, nihil postremo melius possit inueniri: proinde non ab re post triumphos & Romani imperii firmissimum statum, D. Vespasianus tranquillitatis, pacis & concordiae templum edificare decreuit, in quo ea diuitiarum largitate usus ut omnia in illud phanum collecta essent, quorum visendorum studio per orbem totum quae ante eum fuerant vagabantur.

Fœdus lex, nonnunquam pax quae fit inter dissidentes, sic dictum vel quod inter fœdera interponatur fides: unde Varro, Per hos etiam nunc fit fœdus quasi fidus. Ennius scribit dictum in re militari vel à fœcialibus, id est, sacerdotibus per quos fiunt fœdera, vel ab hyrcō vel hœdo, s. litera addita quod veteres in graui significatione ponebant, ut, Sanguine fœdantem quos ipse sacrauerat ignes: vel à porca fœde & crudeliter occisa lapidibus, cuius mors optabatur ei qui à pace resisset: unde poetarum doctissimus:

Pōst inter sese posito certamine reges

Armati Iouis ante aram paterasque tenentes,

Stabant & cæsa iungebant fœdera porca.

Arabum in huiusmodi iungendis fœderibus non porcam sed interiorē manus partē iuxta pollicem incidere mos fuit, accipereque ex utriusque veste filum, & ex utriusque sanguine lapides septem in medio iacentes perungere, Dionysium ac Dianam inuocantes, hisque peractis denique hospites eos vel amicos nuntiare. Scythæ & Lydi in huiusmodi similiter, Herodoto teste, se fauciant haustuque mutuo sanguinis fœdus fulciunt, non suo tantum more sed Mædorum quoque usurpata disciplina: bello enim quod gestum est anno post Ilion captum sexcentesimo quarto inter Illyricem Lydum & Astiagem Mediæ regem, hoc pacto confirmata sunt fœdera. Romanis autem cum Aetolis his legibus fœdus ictum est, Imperium maiestatemque populi romani genus Aetolorum conseruato sine dolo malo, ne quem exercitum qui aduersus socios amicosque eorum ducet per fines suos transire finito, neue vlla ope iuuato, hostes eosdem habeto quos populus Ro. armatus in eos fert, bellumque pariter gerito, perfugas fugitiuos, captiuos reddito romanis sociisque, præterquam si qui capti cum domos rediissent iterum capti sunt, aut si qui eo tempore ex his capti sunt qui tunc hostes erant Romanis cum inter præsidia romana Aetoli essent: aliorum qui cōparebunt intra dies centum Corcyra eorum magistratibus sine dolo malo tradantur. Qui non cōparebunt, quando quisque primus eorum inuentus erit reddatur. Obsides xl. arbitrato consulis romani dato, ne minores duodecim annorum neu maiores xl. Obses ne esto prætor, præfectus equitum, scriba publicus, neu quis qui antea obses fuerit apud Romanos. Cephalania extra pacis leges esto. De pecuniæ summa quam pederent pensionibusque eius nihil ex eo quod cum consule cōuenerat mutatum: pro argento si aurum dare mallent, dare cōuenit: dum pro argenteis decem, aureus unus valeret. Quæ vrbes, qui agri, qui homines Aetolorum iuris aliquando fuerunt, qui eorum, T. Quintio, Cn. Domitio cons. post eos cons. aut armis subacti, aut voluntate in ditionem populi Ro. venerunt, ne quæ eorum Aetoli recepisset vel in Aetolia decem vrbes agrosque, Acarnanum sunt. Alia etiam insigni fœderis forma, auctore Liuiο, ex decem legatorum sententia in hæc verba cum Antiocho cōscripta est, Amicitia Regi cum populo Romano his legibus & conditionibus esto, ne quem

exercitum qui cū populo Romano sociisve bellū gesturus erit Rex p fines regni, eorumve qui sub ditione eius erunt transire finito, ne cōmeatu, neu qua alia ope iuato. Idem Romani sociique Antiocho & his qui sub imperio eius erunt present, belli gerendi ius Antiocho ne esto cum illis qui insulas colunt, néve in Europā transeūdi gratia excedito vrbibus, agris, vicis, castellis. Cis Taurū montem vsq; ad Tanaim amnē, et à valle Tauri vsq; ad iuga qua in Lycaoniā vergit, ne qua arma efferto: ex his oppidis, agris, castellisq; qbus excedat, si qua extulit, quæ quoq; oportebit recte restituito, nec militē neu quē aliū ex regno Eumenis recipito, si qui earū vrbiū ciuēs q abscedūt regno cū rege Antiocho vltra q fines regni eius sunt, Apameā omnes ante diē certā redeant: q ex regno Antiochi apud Romanos sociosque sunt, his ius abeundi manendique esto, seruos fugitiuos, seu bello captos, seu quis liber, captus, aut transfuga erit reddito. Romanis sociisq; elephantos tradito omnes, neque alios parato: tradito & naues longas armamentā que earum, neu plures quā decem naues, nec vllam quæ plus quā triginta remis agatur habeto, néve minorem ea: belli causa quod ipse illaturus erit, ne nauigato citra Calicandrum, neu Sarpidonium promontoria, extra quæ si qua nauis pecuniam, stipendium, aut legatos, aut obsides portabit, milites mercede conducendi ex his gentibus quæ sub ditione populi Ro. sunt Antiocho regi ius ne esto, ne voluntarios quidē recipiendi, & Rhodiorum sociorumve quæ aedes aedificiāque intra fines regni Antiochi sunt, quo iure ante bellum fuerūt, eo Rhodiorum sociorumve finito: si quæ pecuniæ debentur, earum exactio esto: si quid ablatum est, id conquirendi, cognoscendi, repetendique idem ius esto: si quas vrbes quas tradi oportet hi tenent quibus Antiochus dedit, et ex his presidia deducito vtiq; recte tradantur curato, argenti probi talenta attica xii. milia dato intra duodecim annos pēsonibus equis, talentū néve minus pōdo lxxx. Romanis pōderibus pēdat, & tritici xl. milia modium Eumeni regi, talēta cccl. intra quinquennium dato, & pro frumento quod aestimatione fit, talenta cxxvii. obsides romanis xx. dato, & triennio mutato, ne minores octodenū annorum, neu maiores quā quadragenū: si qui sociorum populi Romani vltro bellum inferrent Antiocho, vim vi arcendi ius esto, dum ne quam vrbem aut belli iure teneat, aut in amicitia accipiat: controuersias inter se iure ac iudicio disceptet: aut si vtriusq; placebit, bello: de Hannibale Pæno & Aetolo Thoante, & Miluna, Symmacho, & Acarnane, & Chalcidēsis Eubolida & Philippomene dedendis, in hoc quoque fœdere conscriptum est, vt si quid postea addi immutarive placuisset, vt id saluo fœdere fieret. Esse etiam tria fœderum genera quibus integrè paciscerentur amicitias ciuitates regēsque, apud probatissimos auctores inuenio. Vnum cum bello victis dicerentur leges: vbi enim omnia ei qui armis plus posset dedita essent, quæ ex his habere victor quibuscq; mulctari eos velit, ipse ius atque arbitrium esse. Alterum cum pares bello equo fœdere in pacem atque amicitiam venirent: tunc enim repeti reddiq; per conuentionem res, & si quarum turbara bello possessio sit, eas aut iuris antiqui, aut partis vtriusque commodo componi. Tertium est genus cum qui nunquā hostes fuerint ad amicitiam fœciali fœdere integrè iungendā coeant, eos neque dicere, neque accipere leges, id enim victoris

victoris & victi esse : & quanquam auctore Liuiio, nulla vetustior fœderis memoria sit , quàm eius quod inter Albanos Romanosque ictum est, Theseum tamen primo fœdera inuenisse. vi. natur. histor. lib. testis est Plinius.

Sancta propriè dicimus auctore Vlpiano quæ nec sacra neq; prophana sunt, sed sanctione quadam sunt confirmata, vt sanctæ leges, sanctione enim quadam subnixæ sunt : quod enim sanctione quadam subnixum est, id sanctum est, etsi deo non sit consecratum.

Sanctum, teste Martiano, est quod ab iniuria hominum defensum atque munitum est. Liuius belli maced. lib. ix. Iam ne à legatis quidem qui iure gentium sancti sunt violandis abstinere insidias positas eundi ad T. Quintium: sanctum autem dictum est à sanguinibus.

Sagmina autem dicebant herbas verbenas quæ ex loco sancto carpebantur, legatis proficiscèntibus ad fœdus faciendum, bellumq; indicendum. Liuius lib. .i. ab vrbe cond. iubente rege, sagmina, inquit, te rex posco. Rex ait, puræ tollito: fœcialis ex arce graminis herbâ puram attulit. Idem belli punici lib. x. Fœciales cum in Aphricam ad fœdus ferendum ire iuberentur, ipsis postulantis fœtus consultum in hæc verba factum est, vt primos lapides siliquos primasq; verbenas secum ferrent, vt vti Po. Ro. his imperaret ira fœdus ferirent: illi prætorem sagmina poscerent, herbæ id genus ex arce sumptum dari fœcialibus solet. Has etiam herbas legati Po. Ro. solebant ferre, vt ab his defensi atque muniti essent, ne quis eos violaret: sicut legati Græcorum ea ferebant quæ Ceritia vocabantur.

Obsides ab obsidio, quia propriè ab obsessis dantur: vel obsides pro obsides, quod ob fidem patriæ præstandâ dantur, teste Festo. Vas idem quod obses à vado dictus, quia dato vade licet abire & vadere: inde vadatus dicitur obstrictus vel sub fidei iussione ambulans, sicut Fenestella ait, Penes quem vadatus amicitiae nodulo tenebatur.

Hostis apud antiquos peregrinus dicebatur, & qui nunc hostis perduellio. Varro, Hostis antè eo verbo dicebatur peregrinum qui suis legibus vterentur: nunc dicunt eum quem tunc dicebatur perduellem. Cicero primo officiorum, Ex quo etiam illud animaduerto quod qui proprio nomine perduellis esset, is hostis vocaretur, verbi lenitate rei tristitiam mitigante: hostis enim apud maiores nostros is dicebatur quem nunc peregrinum dicimus, indicant duodecim tabulæ, aut statutus dies cum hoste, itémq; aduersus hostem æterna auctoritas, quid ad hanc mansuetudinem addi potest, eum quo cum bellum geras, tam molli nomine appellare? quanquam id nomē durius efficit iam vetustas: à peregrino enim recessit, & propriè in eo qui arma contra ferret remansit. Caius de verborum significatione, Quos nos, inquit, hostes appellamus eos veteres perduelliones appellabatur, per eam adiectionem indicantes cum quibus esset bellum. Vlpianus verò ubi ad legem Iuliam maiestatis, Plane quisquis, inquit, lege Iulia maiestatis reus est, hostili animo aduersum rempub, vel principem animatus est: hostes etiam dicuntur & sunt qui nobis, aut quibus nos publicè bellū decreuimus, ceteri prædones aut latrones appellantur. Hostire æquare est, hostimentum æquamentum, vnde & hostes dicti sunt quia ex æqua causa pugnam adeunt.

Hecatombe

Hecatombe Iul. capitol. teste, Sacrificium eiusmodi est, Centum aë vno loco cespititig extruuntur, & ad eas centum sues centumq; aues mactabantur. Iam & imperatorum sacrificium sit, centum boues, centum aquilæ, si cetera huiusmodi animalia centena feriuntur, quod quidem etiam Græci quondam fecisse dicuntur cum pestilentia laborarent.

Hostiæ sacrificia dicuntur quæ antè ab his fiunt qui in hostem pergunt, dictæ ab eo quòd & hostire est ferire. Harum gratia Trebati lib. i. de religionibus docet esse duo, alterum in quo voluntas dei per exta disquiritur, alterum in quo sola anima deo sacratur, vnde & aruspices animales hostias vocant, vtrunq; hostiarum genus diuino carmine suo Virgil. ostendit, & primò quidem id quo voluntas numinum per exta monstratur, Mactat, inquit, lectas de more bidentes: & mox, pecudumq; reclusis Pectoribus inhians spirantia consulit exta. Alterum id est, in quo hostia animalis dicitur quo his tantum anima sacratur ostendit, cum facit Entellum victorem Erixi mactare taurum, Nam vt exploret animalis hostiæ causas, ipso vsus est nomine, Hæc tibi Erix meliorem animam pro morte Daretis, & vt nūcupata vota significaret, ait, persoluo, quod de voto propriè dicitur: vtrū ostenderet persolutum diis, significauit dicens, Sternitur, exanimisq; treinens procumbit humi bos. Idem circa hostiam animalem, Sanguine placastis ventos & virgine cæsa Cum primum Iliacas Danaï venistis ad oras, Sanguine querendi reditus animæque litandum argolica. Nam cum animam, id est, hostiæ nomen posuit, & litare, significat sacrificio facto placasse numen.

Victimæ verò sacrificia quæ post victoriam fiunt dictæ sunt, vel quòd victæ ad aras ducebantur, vel quòd ictu percussæ victriciq; dextra cadebant: de hoc, superiorèq; vocabulo licenter plerūq; cōfidit auctoritas. Ouidius primo fastorum, Victima quæ dextra cecidit victrice vocatur, Hostibus à domitis hostia nomē habet. De altero tantum. Liuius ab vrbe cōdita xxii, Donec insuper eques cui Ducario nomen erat facieq; noscicans cōsulē, inquit, Hic est cū popularibus suis qui legiones nostras cecidit, agrōsque & urbem est depopulatus: iam ego hanc victimam manibus peremptorum fœde ciuium dabo.

Postliminium Scauola. P. filius iunctum esse putat verbū, vt sit in eo & post & limen, vt quæ à nobis aliena sunt cum ad hostem peruenerint, & ex suo tanq̃ limine exierint hinc cū redierint, post ad idē limē postliminio rediisse videantur.

Præda teste Varrone ab hostibus capta, quòd manu capta, dicta quasi parida.

Manubiæ, vt Q. Asconio Pediano placet, sunt præda imperatoris pro portione de hostibus capta: manubias autem à præda, vt in libris rerum verborumq; veterum scriptum est, in hoc distare existimauerunt, vt sit præda ipsa rerum quæ captæ sunt, Manubiæ verò appellatæ sint non præda sed pecunia per quæstorem Po. Ro. ex præda vendita, contracta: per quæstorē autem, quod dictum est, oportuit præfectum ærarii significari, nā cura æraria à quæstoribus ad præfectos translata est. Liuius ab vrbe cōd. xxxvi. P. Cornelius Scipio Galliā puintiā fortitus, priusquam ad bellum quod cum Bois gerendum erat proficisceretur, postulauit à senatu vt pecunia sibi decerneretur ad ludos, quos prætor in Hispania quum esset inter ipsum discrimen pugnæ vouisset, nouum & iniquum postulare

stulare est visus. Censuerunt ergo quos ludos inconsulto senatu ex sua vnus sententia vouisset, eos vt idem manubiis si quam pecuniam ad id reseruasset vel sua ipse impensa faceret. Est tamen nonnunquā inuenire ita scripsisse quosdam non ignobiles scriptores, vt aut temere aut incuriose prædam pro manubiis, et manubias pro præda posuerint: aut tropica quadā figura mutatione vocabuli fecerint, quod facere concessum est, scitè id peritèq; facientibus: sed qui propriè atque signatè locuti sunt, sicuti plures, & M. T. auctor diligentissimus in oratione quam dixit de lege Agraria, manubias pecuniam dixerunt. In libris quoq; Etruscorum lectum est iactus fulminum manubias dici. Manubies denique dicuntur ornamenta regum, vnde & Petronius Arbiter, Tot regum manubies penes fugitiuum repertæ.

Resignatum æs dicitur militi, cum ob delictū aliquod iussu tribuni militum, ne stipendium ei detur in tabulas refertur: signare enim dicebant pro scribere.

Aerarii milites ab ære dicti, teste Varrone, quod stipendia facerent: hinc ipsum stipendium à stipe dictum, quod æs quoque stipem dicebant: & milites stipendiarii ideo quod eam stipem pendebant. Ab eo etiam Ennius, Pœni stipendia pendunt: stipem autem esse nummum signatum testimonio est, & pro eo q; datur in stipendium militi, et quod spondetur pecunia, quod stipulari dicitur.

Pecunia quam belli neruos esse non dubium est, vt inquit Cic. teste Varrone dicta, quod in pecore cum pastoribus consistebat. Plinius natur. hist. xxxiii. Seruius primus signauit æs, signatumque nota pecudum, vnde & pecunia appellata. Cassi. li. vii. Pecunia à pecudis tergo nominata, Gallis auctoribus sine aliquo adhuc signo ad metalla transacta.

Aes alienum miles etiam habere dicitur, & qui aureos debet, & qui corium forma publica percussum, quale apud Lacedæmonios fuit quod vsum numeratæ pecuniæ præstabat, vt de beneficiis libro quinto inquit Seneca.

Denarii quasi deni, teste Varrone, quod denos æris valebāt, sicut quinarium qui quinos. Vitruuius Archi. lib. iii. Nostri autem primo fecerunt antiquum nummum, & in denario denos æreos constituerunt, & ea re compositio nominis ad hodiernum diem denarium retinet. Didymus autē à decima libella dictum putat. Plinius nat. histo. xxxiii. Et placuit denarius pro decem libris æris, quinarium pro quinque, sestertium pro dipodio & semisse: libræ autem pondus æris immutatum bello Punico primo cum impensis respub. non sufficeret, constitutumq; vt asses sestertio pondere ferirentur: ita quinta parte facta lucri, dissolutumq; æs alienum. Nota æris fuit ex altera parte Ianus geminus, ex altera rostrum nauis: in triente verò & quadrante as, quadrans antè triuncis vocatus à tribus vnciis. Postea Hannibale urgente, Q. Fabio Maximo dictatore, asses vnciales facti, placuitq; denarium xvi assibus permutari, & quinarium octonis, sestertium quaternis, ita respub. dimidium lucrata est: in militari tamen stipendio semper denarius pro decem assibus datus. Nota autē argenti fuerunt bigæ atq; quadrigæ, & inde bigati quadrigatiq; dicti: paulò post lege Papyriana hemiunciales asses facti. Licinius Drusus in tribunatu plebis octauā partem æris argento immiscuit, qui nunc Victorianus appellatur, lege Clodia percussus est: antea enim hic nummus ex Illyrico

ex Illyrico aduectus mercis loco habebatur: est autem signatus victoria, & inde nomen Aureus nummus post annum sexagesimum secundum argenteus, auctore incerto, percussus est, q̄ anno vr̄bis quingentisimo octuagesimo quinto, Q. Fabio col. quinque annis ante bellum punicum signatus est, eoque Po. Ro. ne quidem ante Pyrrhum regem deuictum vsus fertur fuisse. Etiam aurei nummi, & argentei, & ærei apud alias gētes vsū & originē Lucanus his verbis expressit.

Primus Thessaliæ rector telluris Ionis

In formam calidę percussit pondera massæ,

Fudit & argentum flammis aurūque moneta

Fregit, & immensis coxit fornacibus æra.

Nummus, non à numero, nec à Numa Pomp. dictus, sed à nomen quod principum nominibus prisco more effigietur, vel potius, Aristotele. v. Ethic. teste, ob hoc vocatur, quod non à natura, sed à lege quæ νόμος dicitur est inductus.

Sestertius teste Prisc. de figuris numerorum & ponderibus, Nummus est duarum semis librarum, unde sestertius dicitur quasi semistertius: de quo Aruntius, Sestertius olim dupondius & semis quasi semistertius, quo tempore denarius decussis precium valebat. Varro de lingua latina lib. v. Sestertius quod semis tertius, dupondius enim & semis antiquus sestertius est. Vitruuius lib. iii. archi. Quod efficiebatur ex duobis assibus & tertio semisse, sestertium vocauere. Plinius natur. hist. xxxiiii. Et placuit denarius p̄ decē libris æris, quinarius p̄ quinque, sestertius pro dupondio ac semisse. Plutarchus in vita M. Antonini xxv. Milia romani decies sestertiū appellāt. Helius Spartianus in vita Heliogabali, Idem nunquam minus centum sestertiis cœnauit, hoc est, argenti libris triginta.

Talentum quanti sit quia de eo variant scriptores, necessarium existimaui diuersorum auctorum dicta subiicere. Liuius. xxxiiii. ab vr̄be cōdita, Ingens numerus bello Punico captiuorū, quorum Hannibal cum ab suis nō redimerētur vānundederat, multitudinis eorum argumētum est quod Polybius scribit centum talentis eam rem Achæis stetisse, cum quingentos denarios precium in capita quot redderentur dominis statuissent: mille enim ducētos ea ratione Achaia habuit captiuos Italicos. Adice nunc pro pōrtione quot verisimile sit Græciam totam habuisse, qua ratione ostenditur sex milia denariorum habere talentum: nam quinquageni denarii pro mille ducentis captiuis dati, colliguntur sexcenta milia denariorum, centum ea ostendit fuisse talēta: centesima autem pars sexcentorum milium, sex milia inueniuntur: denarii autem illo tempore nummi argentei erant, quod in eodem ostendit Liuius, Signati, inquit, argenti lxxxiiii. milia fuere Atticorū Tetradrachma vocant: trium verò denariorum argenti in singulis est pondus. Idem Liuius xxxvii. Ostenditur magnum talētum atticum lxxx. habere libras & paulò plus, cum supradictorum computatio manifestet lxxxiiii. libras & quatuor vncias habere talentum, quod est sex milia denariorum, Liuius, Talentum ne minus pondo lxxx. Romanis ponderibus pendebat. Simili modo Aegyptium, vt Varro & Plinius inquit xxxiii. natur. hist. Idem Liuius, Sic decreuit senatus vt non plusquā ternæ libræ & quaternæ vnciæ singulis desint talentis: & sciendum secundum Liuii computationem, quod centum Minæ

tum Minæ atticæ quarum singulæ lxxxv. drachmas habent, faciunt talentum magnum: nam minas lx. habet secundum Dardanum: quod autē est magnum & minus ostendit Terentius in Phormione, Si quis daret talentū magnum. Seneca in x. epist. xxiii. sestertia, id est, talentum atticum paruum. Priscianus de pōderibus, Talentum Atheniense paruum, minæ lx: Magnum, minæ lxxxiii. & vnciæ quatuor. A. Gelius noct. att. lib. iii. Aristotelem quoq; traditur libros pauculos Speusippi philosophi post mortem eius emisse talentis atticis tribus: ea summa fit nūmi nostri sestertia duo & septuaginta milia. Idem libro quinto, Equus Alexandri regis & capite & nomine bucephalus fuit: emptū Cares scripsit, talentis. xiii. et regi philippo donatum, æris nostri summa est sestertia. ccc. xii. Seruius autem in cōmento. v. æneid. Talentum secundū varias gentes variū pondus est. Apud Romanos est septuaginta librarum, sicut Plautus ostēdit in Mustel. qui ait duo talenta esse. cxi. libras. Legimus etiam talentum esse paululum: nam Homerus in ludis funebribus Patrocli vltima præmia dicit duo talenta, quod cogit nos aliquid minimum intelligere: nam sicut primus victor bouem accepit, consequens non est ut dicamus quod vltimus magnum accepit.

Pondo singulari numero caret teste Foca. Dicimus tamen duo pondo, tria pondo, non bina pondo, aut terna. Quintilia. lib. primo instit. Quid quod quedam singula proculdubio vitiosa sunt, iuncta sine reprehensione dicuntur: nam duo, tres, & pondo diuersorum generum sunt. Barbarismi autem duo pondo, & tripondo vsque ad nostram ætatem ab omnibus dictum est, & recte dici Messalla confirmat, & idem est duæ, tres, quatuor libræ quod duo tria & quatuor pondo, ut quidam volunt, & ex multis colligitur, quod quidam auctores non vsquequaque probant. Liuius. xxii. lib. Argenti pondo bina & sex libras in militem præstaret. Idem libro tertio, Dictator coronam auream libræ pondo ex publica pecunia populi iussu in capitolio Ioui donum dedit.

Spolia cum propriè ea tantum sint quibus hostis spoliari potest, ut lorica, vel vestis, abusiue tamen spoliū dicitur quicquid ab hostibus tollitur. Liuius, Marcellus captis Syracusanis cum cætera in Sicilia tanta fide & integritate composuisset ut non modo suam gloriam, sed etiam maiestatem Po. Ro. augeret, ornamenta, signa urbis, tabulæque quibus abundant Syracusæ Romam deuexit, hostium quidem illa spolia & parta belli iure, cæterum inde primum initium mirandi græcarum artium opera, licentiæq; hinc sacra prophanæque omnia vulgo spoliandi, factum est.

Opima spolia sunt quæ dux duci detrahit, dicta ab ope, ut inquit Varro, vel ab opere ut alii ferunt, & quidem doctissimi, cum sit opus egregium & clarissimum, belli ducem parem sibi ductorem superare.

Exuuias, & spolia, & hominum tegmina, aut vestes dici posse, Virg. autor est, Exuuias, inquit, indutus Achilli: & cum de serpente in Geor. simili modo, Compositis nouis exuuiis nitidaq; inuenta lucluit. & Lucretius, Nam sæpe illorum spoliis volitantibus auctus.

Excubiæ diurnæ sunt, vigiliæ autem nocturnæ, quas primo Palamedes Troiano bello auctore Pli. natur. histo. vi. inuenisse traditur.

Induciæ

Induciæ quid sint duobus modis M. Varro in libro historiarū qui est de bello & pace diffinit, Inducię, inquit, sunt pax castrensis paucorum dierum. Idem alio in loco, Induciæ, inquit, sunt belli feriæ sed lepidæ magis atque iocundę breuitatis. Vtraque diffinitio quàm plana aut approbata esse videtur: nam neque pax est induciæ, bellum nanque manet, pugna cessat, nec in solis castris, nec paucorum tantum dierum induciæ sunt. Quid enim dicemus, si induciis immensum aliquid factis castris concedatur, nōne ideo induciæ non sunt? aut rursus quid esse id dicemus quod in primo annali Quadrigarii scriptum, Cn. Pōtium Sam nitem à dictatore romano sex horarum inducias postulasse? Quid esse id dicemus quod à Liuiο ab vrbe cond. x. scribitur, Tres validissimæ vrbes Etruriæ capte, Volscum, Perusia, Aretium pacem petiere, & vestimentis militum frumētōq; pacti cum cōsule vt mitti Romam oratores liceret, inducias in quadraginta annos impetrauerunt? Quid illud quoq; eiusdē libro primo, Eaq; clade haud minus quàm aduersa pugna subacti Veientes, pacem peritum oratores Romam mittunt, agri parte multatis in centum annos inducię datæ, si inducię tantum paucorum dierum appellādæ sunt? Gręci autem significantius consignantiusq; cessationem illam pugnæ dixerunt: nam quòd eo tempore non pugnetur & manus cohibeantur ἐκεχειρία appellauerūt: sed profecto id non fuit Varroni negotium vt inducias supersticiose diffiniret, & legibus rationibusq; omnibus diffinitionum inferuaret. Induciarū autem vocabulū qua sit ratione factum, ex multis quæ iam legimus, probabilius id quod dicam videtur, Inducias sic dictas arbitror quasi tu dicas indicta ocia, vt in diem certum, vel in certum tempus non pugnetur nihilq; incommodi detur, atque is dies, idve tempus vbi venit, inde vti iam pugnetur, idcirco ex his quibus dixi vocibus, quasi per quēdam coitum & copulam nomen induciarum connexum est. Aurelius autem Opilius musarum lib. i. Induciæ dicuntur, inquit, cum hostes inter sese vtrinq; alteri ad alteros impunē & sine pugna ineunt: inde ab eo inquit nomen esse factum videtur, quasi iniæ. Has Lycaonem inuenisse Troiano bello auctor est Plinius. vi. natur. histo.

Suppetiæ illa sunt auxilia quæ maxime petuntur ab aliis, quæ præcipuē dantur iis qui sub aliorum detinentur potestate. Suppetias etiam, auctore Fabio Placiade, auxilium vel adauxilium dicimus. Meuius in tragœdia Hercules, Ferte inquit suppetias optimi milites. Suetonius de Vespasiano, Legatum insuper Syrię consularem suppetias ferentē rapta aquila fugauerūt. Plautus in Epid. Sed memento si quid sæuiunt senes, suppetias mihi non sorori ferre. L. Apuleius libro sexto metam. Et occipit statim clamans vlulatibus auxilium validioris manus implorare, sed frustra fletibus tumultum commouebat: quippe cum nullus afforet qui suppetias ei ferre posset, nisi sola virgo illa captiua. Augustinus. viii. de ciuitate dei. Qui huic deferunt petitiones nostras, inde referunt deorum suppetias ad auxilium. Cæf. xii. commen. Et nunciabantur auxilia magna equitatus oppidanis suppetias venire. Idem in eodē, Suisq; rebus timens elephantisq; xxx. relictis suis finibus oppidīsq; suppetias profectus est. Idem quoq; in eodem, Atque suis fugientibus suppetias ire contendit.

Stringa castrense vocabulum, interuallum turmarū in quo equi stringuntur:
vel

vel stringæ appellantur ordines rerum inter se continuatæ collocatæq; à stringendo dictæ, unde & stringosi nominantur, ut aiunt, corpore macilenti. vel stringosus apud veteres morbus dicitur iumentorū, qui corpora stringit, aut fame, aut alterius vitii causa quasi stringosus. Masurius Sabinus lib. xxvii. Cēsores, inquit, P. Scipio Nasica, & M. Pompilius cum equitū cēsum agerent, equum nimis stringosum & male habitū, sed equitem eius vberimū & habilissimum viderunt. Liuius. xxvii. Moram pugnae attulit, q; Hasdrubal prouectus ante signa cum paucis equitibus scuta vetera hostium notauit, quæ antè nō viderat, & stringosiores equos, multitudoq; maior solito visa est. Stringere in re militari etiā nudare est, unde ensē strictū, id est, nudatum dicimus. Liuius ab vrbe cond. vii. Pilōq; posito, stricto gladio in hostē impetū facit. Idem in nono, Fluctuantemq; & instabilem aciem reddēte grato clamore, strictis gladiis hastati, & principes inuadāt. Suetonius de Cæsare, Vtq; animaduertit vndique se strictis pugionibus peti, toga caputobuoluit.

Defendere & offendere non ex vulgari consuetudine, sed admodū propriè & latine accipienda: & eorū alterū significat incurrere in aliquid & incidere, alterū est auertere atq; depellere: quod hoc in loco à Quinto Claudio dicitur, Cum à Pœnis, inquit, hostes defendebāt facillime. Cernere dicebant antiqui cū aliqui pugnarent inter sese de re aliqua quā quisq; suā diceret, Virg. Ingentis genitos diuersis partibus orbis Inter se coisse viros, & cernere ferro: quod nunc clarissimo teste ad Luciliū Seneca, Decernere dicimus, simplicis illius verbi vsu amisso.

Recipere recuperare vel periculo liberare. Cicero in Catone, Nā nisi tuā amississes, ego nunq̄ recepissem. Virg. Frugesq; receptas, & torrete parant flāmīs. Receptus is dicitur quō se exercitus recipit, unde & signa receptui canere dicuntur. Liuius. xxxvii. ab vrbe cond. Coactus ergo periculo militū prætor, receptui cani iussit, ne obiceret incautos furentibus desperatione ac rabie.

Prandium tametsi ex græco est ductū, cū meridianū cibum cœnā vocarent, negare nō possum aliūde à plerisq; dici, & à parādo maximè, quasi parādium, quod milites siue bellatores ad bellū vel pugnam paret: huic rei argumentum est præter auctorem comprobātū vetus illud Leonidæ elogiū: Hic enim Lacedæmoniorū dux clarissimus cū esset in bello aduersus Xerxem, quod supremū sibi atq; hostibus fuit, cū sexcentis suis famosissima illa incitamenta dixit, Prandete commilitones tanq̄ apud inferos cœnaturi. Cato in quinto orig. Exercitū suum pransum, paratum cohortatus eduxit foras atq; instruxit.

Sub pileis seruos venum solitos ire, quorū nomine venditor nihil præstaret, Cælius Sabinus scriptum reliquit. Cuius rei causam esse ait, quod eiusmodi conditionis mancipia insignita esse in vendendo deberēt, ut emptores errare & capi non possent: neq; lex vendēdi operienda esset, sed oculis iam perciperēt quodnam esset iam mancipiorū genus, sicuti, inquit, antiquitus mancipiorū iare belli capita coronis induta veniebāt, & iccirco dicebātur sub coronis venire: namq; ut ea corona signum erat captiuorū vānālium, ita pileus impositus demonstrabat eiusmodi seruos vānundari, quorum nomine emptori venditor nihil præstaret. Est etiam alia rationis opinio cur dici solitum sit, Captiuos sub corona vānun-

dari, quòd milites custodiæ causa captiuorum vānālium greges circundarent, eāque circumstatio militum, Corona appellata sit: enimvero id magis verum est quod supradixi, quod Cato in libro quem composuit de re militari docet. Catonis verba hæc sunt, Vt populus sua opera potius ob rem bene gestam coronatus supplicatum eat, quā re male gesta coronatus vāneat. Iustinus epit. Trog. Pomp. xxxiiii. Vrbs ipsa Corinthus diruitur, populus omnis sub corona venditur, ne hoc exemplo cæteris ciuitatibus metus nouarum rerum incuteretur, serui ex eo deinde appellati de hominum statu Floro auctore, quòd imperatores captiuos vendere iuberent, & per hoc seruare neq; occidere solerent. Augustinus ciuitatis dei libro vnde uigesimo, Origo autem vocabuli seruorum in latina lingua inde creditur ducta, quòd hi qui iure belli possent occidi à victoribus conseruabantur, seruiq; fiebant à seruando appellati, sub hasta captiui vāniebant, hastæq; subiiciebantur ea quæ publice vānundabant. Liuius ab vrbe cond. iiii. Hostes præter senatores omnes vānundati sunt, prædæ pars sua cognoscentibus Latinis atque Hernicis reddita, partem sub hasta dictator vendidit. Sub iugum mitti dicuntur hostes, cum duabus hastis in terrā defixis tertiāq; superligata inermes, discinctis pectoribus terrā tenus sub ea transire coguntur. Liuius ab vrbe cond. ix. Siquidem etiam quod quibusdam in annalibus inuenio, Pontius Herennius Samnitum imperator vt expiaret consulis ignominiam, sub iugū cum cæteris est missus. Sub vitem præliari dicuntur milites, cum sub vinea militari pugnant. Lucilius, Neque prodire in altum, præliari procul sub vitē. Sub vitem hastas iacere est, cum eas sub manu miles sursum mittit. Lucilius, Vt veles bonus sub vitem qui submisit hastas. Sub vineam iacere dicuntur milites, cum centurionibus astantibus iacere coguntur fudes.

Deditio est quando victi hostibus se tradunt. Spontanea traditio, in qua rex si Liuius credimus, interrogabat, Estisne vos legati oratorēsque missi à populo Collatino, vt vos populumq; Collatinum dederetis? illis annuentibus, tum rex, Estne populus Collatinus in sua potestate? ita esse illis deuò respondētibus, subiungebat rex, Deditisne vos populumq; Collatinum, urbem, agros, aquam, terminos, delubra, vtensilia, diuina humanaq; omnia in meam populiq; Ro. deditiōnem? cum omnia hæc illi dederent, tunc ille demum, At ego recipio: & hæc secundum veteres in re militari deditiōnis formula.

Victoria dicta, q; vi, id est, virtute adipiscatur: nam victoria dolo quæsitā turpis est, & apud veteres maximi habebatur. Iustinus epit. Trog. Pom. xv. Et vt apparet, nō odii sed dignitatis gloria accensos, donis, muneribusq; inter ipsa bella contendebant: tanto honestius tunc bella gerebant, quā nunc amicitia coluntur. Hanc quoque victoriam & virginem & deam communem cum Bellona & Marte finxit antiquitas, q; hi in bello vtriq; parti possent fauere. Claudianus, Ipsa duci sacras victoria panderet alas,
Et palma viridi gaudens & amica tropheis,
Custos imperii virgo quæ sola mederis
Vulneribus nullumq; doces sentire laborem.
Tibullus elegiarum scriptor,

Ecce

Ecce super fessas volitat victoria puppes,
Tandem ad Troianos diua superba venit.

Ouidius viii. metamorph.

Et pendebat adhuc belli fortuna diuq;
Inter vtrumque volat dubiis victoria pennis.

Armilustrum teste Varrone ab ambitu lustris, locus, id est, circus maximus, dictus q; circū spectaculis edificatus ibi ludi fierent, & quod ibi circum metas ferretur pompa & equi currerent & ludentes ancilibus armati: lustrū autem, vt idem inquit, nominatum tempus quinquennale, à ludendo, id est, soluendo, quod quin toquoq; anno vectigalia, & vltro tributa per censores persoluebantur.

Armamentarium, vbi tormenta, & arma, & tela quæcunque sint illa, ponuntur ac seruantur. Liuius xxxi. Aucto etiam tumultu, quod circa forum ignis testis iniectus erat, conflagrauerunt, & tota regia & armamentariū cū ingenti apparatu machinarū, & tormentorum. Idē vigesimonono, Tormēta machinasq; adue xerat secum, & ex Sicilia missa cum cōmeatu erant, & noua in armamentario multis talium operum de industria inclusis, fiebant.

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Decimus.



De Militari cultu qui pro consuetudine gentium & inuentu hominum uariis reperitur. Cap. I.



Elatis in militiam honore pub. dignis, Sigismūde Pandulphe, & p virili mea eorum ac totius exercitus muneribus expressis, sui singuli cultus ornamenta reddemus, & primo quidem quæ à maioribus circa hoc tradita sunt ornamentorum genera, armorum deinde, tormentorum, machinarumq; rationes, materias, genera, species, & formas: signa porro cognoscendi in bellis quæ superiori etiam tempore in vsu fuere, & intellectum & significationē quampiam videantur habere. Gradus igitur honorum ordinumq;, ac magistratuum diuisiones habitus ipse secernit, qui pro consuetudine gentium & hominum inuentus variis reperitur. Apud Romanos toga vestis erat qua primū sexus omnis & omni tempore interdū & noctu vteretur, siue sicut in consuetudine habebatur quia in foro amicirentur, & à tegendo dicta quod exterior ac longa vestes alias tegeret. Eius forma rotūda erat & fusiore & quasi inundāte sinu, & sub dextro veniens super humerum sinistrum obuoluta ponebatur, vt in operimentis simulachrorum Romæ est aspicere, vtq; à Valerio Maximo de Scipione Nasica in Mutium Scauolam literis traditum est, Quoniam, inquit, consul dum iuris ordi

S ii nem

nem sequitur, id agitur ut cum omnibus legibus romanum imperium corruat, egomet me priuatus voluntati vestrae ducem offero : ac deinde laeuam manum apertae togae circundedit, sublataque dextra proclamauit, Qui rempublicam saluam esse vult, me sequatur.

Toga candida eademque cretata, in qua candidati, id est, magistratum petentes ambiebant, addita creta quo candidior insigniorque esset, utque magistratum huiusmodi competitorum innocentes viderentur ex habitu & non per ambitionem velle magistratus exposcere. Gabinus cinctus est toga sic reiecta ut una eius lacinia reuocata hominem cingat. Hoc autem vestimenti genere utebatur consul bella indicturus, ideo quia quum Gabii Campaniae ciuitas sacris operaretur bellum subito euenit, tunc ciues cincti togis suis ab aris ad bella profecti victoriam adepti sunt: unde is ortus est mos. Virgilius, Ipse quirinali trabea cinctumque gabino Insignis referat stridentia limina consul.

Toga palmata ea dicebatur qua triumphantes & qui palmam meruerunt utebantur: vocatur & toga picta eo quod victorias cum palmis intextas haberet. Hanc palmatam tunicam & togam pictam, ut inquit Iulius Capitolinus, Gordianus senior primus Romanorum priuatus suam propriam habuit, cum superiori tempore etiam imperatores de capitolio acciperent, vel de palatio. Praetexta & toga picta quae insignia quondam magistratuum Etruscorum erant, primus Tullus Hostilius rex Romanorum tertius, debellatis Etruscis ut Romae haberentur instituit, sed praetextam illo saeculo puerilis non usurpabat aetas: erat enim, ut caetera quae enumeravi, honoris habitus, sed postea Tarquinius Demarathi exilis Corinthii filius Priscus, quem quidam Lucinonem vocatum ferunt, rex tertius ab Hostilio, quintus a Romulo, de Sabinis egit triumphum, quo bello filium suum annos xiiii. natum quod hostem manu percusserat, & pro concione laudauit, & bulla aurea praetextaque donauit, insigniens puerum ultra annos fortem praemiis virilitatis & honoris. Alii putant eundem Priscum, cum is statum ciuium solertia prouidi principis ordinaret, cultum quoque ingenuorum puerorum inter praecipua duxisse, instituisseque ut Patritii bulla aurea cum toga cui purpura praetextitur uterentur, dumtaxat illi quorum patres currule gesserant magistratum, ceteris autem ut praetexta tantum uterentur indultum, sed usque ad eos quorum parentes equo stipendia iusta meruissent: libertinis vero nullo iure uti praetextis licebat, ac multo minus peregrinis quibus nulla esset cum Romanis necessitudo, sed postea libertinorum quoque filiis praetexta concessa est ex causa tali, quam M. Laelius augur refert, quod bello punico secundo duumuiros dicit ex senatusconsulto propter multa prodigia libros Sibyllinos adiiisse, et inspectis his nuntiasse in capitolio supplicandum, lectisterniumque ex collata stipe faciendum, ut libertinae quoque quae longa veste uterentur in eam rem pecuniam subministrassent. Acta igitur obsecratio pueris ingenuis, itemque libertinis, sed et virginibus, patrinis matrinisque pronuntiatis carmen, ex quo concessum ut libertinorum quoque filii qui ex iusta dumtaxat matrefamilias nati fuissent, togam praetextam & lorum in collo per bullae decore gestarent. Valerius Flaccus ait, Cum Po. Ro. pestilentia laboraret, essetque responsum, id accidere quod dii respicerent anxiam urbem fuisse ob non intellectum oraculum, euenissetque ut in Circensium die puer de coenaculo pompam superne dispiceret & patri referret

referret quo ordine secreta sacrotum in arca Pilentia cōposita vidisset: qui quū rem gestam senatui nuntiasset, placuisse velari loca ea qua pompa veheretur, atq; ita peste sedata puerū qui ambiguitatem sortis absoluerat, togę prætectæ vsum impetrasse. Vetustatis peritissimi referūt in raptu Sabinarum vnam mulierem nomine Hersiliā dū adhereret filię simul raptam, quam quū Romulus Osco cui-dam ex agro latino qui in asylū eius confugerat virtutē conspicuo vxorē dedisset, natum ex eo puerum antequam vlla alia Sabinarum partum ederet, eumq; quod primus esset in hostico procreatus, Oscum Hostilium à matre vocitatum, & eundem à Romulo bulla aurea ac prætectæ insignibus honoratum: is quum raptas ad cōsultandū vocasset, sponondisse fertur se eius infanti quæ prima sibi ciuem romanū esset enixa, illustre munus daturum. Nonnulli credunt ingenuis pueris attributum vt cordis figuram in bulla ante pectus annecterent, quā inspicientes, ita demum se homines cogitarent si corde prætarent, togāq; prætectam his additam vt ex purpuræ rubore, ingenuitatis rubore tegerentur.

Paludamētum vestis quæ nunc chlamis dicitur insigneq; pallium ducum & imperatorum, albo vel colore sanguineo purpureum & auro distinctum. Hoc belli tempore imperatores indui mos erat, proinde teste Varrone sic dictū quod eo indutus palām faceret bellū futurū. Paludati armati et etiam ornati, omnia enim militaria ornamenta paludamenta vocabant.

Trabeæ vestes regiæ: harum tria esse genera Suetonius in libro de genere vestium auctor est, vnū purissima purpura, tātum diis sacratū: aliud regiū, quod est purpureum, habet tamen albi quippiam: tertium augurale, croceo & purpura.

Læna vestimentū militare quod super omnia vestimēta sumitur, & q; de lana sit, teste Varrone, sic dicitur: quidā Thulscē appellatā existimāt, quidā gręcē, quā chlenam dicunt: obbas non lænas, sed chlenas esse ait: cuiusmodi enim vestis genus, quove colore sit ostendit his verbis Maro, Tyrioq; ardebat murice læna.

Sagum, sagam, siue sagulum, vestem breuem & idoneam bello constat ac militiæ. Liuius lib. octauo ab vrbe cond. Non omnia sagulo regali amictus, centurionibus item manipulariū militum habitu ductis, ne ducē circumuenire hostes notarēt perlustrauit. Liui. xxi. de Hannibale, Multi sæpe, inquit, militari sagulo opertum humi iacentem inter custodias stationesq; militum cōspexere, vestitus nihil inter æquales excellens, arma atque equi conspiciebantur. Sunt & qui militare pallium quadratū, & à Gallorum sagacitate cōtra aëris intemperiem inuentum sic dictum appellant.

Penulam militare pallium, pendentibus cum fimbriis, sic dictam quidam volunt, quod à Pœnis initium habuerit qui tali veste maximè utebantur. Seneca ad liberalem de benefi. lib. v. Meministi quidem sub quadam arbore minimum vmbraē spargente quum velles residere feruentissimo sole, et esset asperimus locus in quo è rupibus acutis vnica illa arbor eruperat, quendam ex commilitonibus, penulam suam substrauiſſe. Spartianus in vita Adriani, Penulis vti tribuni plebis pluuiæ tempore solebant, imperatores autem nunquam: vnde imperatores sine penulis à togatis videntur. Helius Lampridius in vita Alexandri Seueri, Penulis intra urbem frigoris causa vt senes vterentur permisit, quum

id vestimenti genus semper itinerarium aut pluuiiale fuisse. Iuuenalis in primo, Scilicet hoc fuerat, propter quod sæpe relicta

Coniuge per montem aduersum gelidasque cucurri

Exquiliis, fremeret sæua cum grandine vernus

Iuppiter & multo stillaret penula nymbo.

Lacerna pallium fimbriatum quo olim soli milites utebantur, unde in distinguenda castrensi urbanaque turba hos togatos, illos lacernatos vocabant, indeque lacernæ quasi amputatis fimbriarum capitibus dictæ.

Mastruca, ut Consentius inquit, est Sardorum vestis quæ fit ex pellibus ferinis, sic dicta, ut quidam volunt, quasi monstruosa: quia quisquis ea induitur, quasi fera monstratur. Cic. pro Scauro, Quem purpura regalis non commouit, eum Sardorum mastruca mutauit ex industria: quod sardum illudens Cic. mastrucam dixit teste Quintiliano.

Stragulas vestes pellicias nonnulli licet habeant, veluti etiam Sarmatarum populi qui pellibus teguntur, nec dubium sit, ut Labeo inquit, quin stragula vestis sit omne palliū, magnopere me mouet Pomponii & Cassii multorumque auctoritas, ut stragula vestis sit nec sordida quidem sed preciosa, ut Liuius bel. macedonici. libro iii, Quum tibi, inquit, viro liceat purpura in veste stragula uti. Idem in eodem lib. ix. Luxuriæ peregrinæ origo ab exercitu Asiatico inuecta in urbem est, lectos auratos, vestem stragulam preciosam. Cicero in Verrem actione iiii. Dicebat scyphorum paria complura, hydrias argenteas, preciosam vestem stragulam. Valerius maximus lib. iiii. Age, si quis hoc sæculo vir illustris pellibus pro stragulis utatur. Horat. secundo sermonum

Vnum de octoginta annos cui stragula vestis.

Rectius tamen & propriè magis arbitror, Varrone opulentissimo teste, ubi de culcitra loquitur, in lingua latina, quicquid insternebant à sternendo stragulum appellari. Seneca lib. episto. xv. Culcitra in terra iacet, ego in culcitra: ex duabus penulis altera stragulum, altera opertoriū facta est. Val. Martialis in apophoretis, Stragula purpureis lucent villosa tapetis.

Stragulas etiam & Basionica, quæ equis inferni solent puto vestes esse. Est sua etiam apud Lacedæmonios tunica quam nonnulli Puniceam dicunt, nonnulli Cocineam: Hanc ab his repertam constat ad celandum coloris similitudine sanguinem, quotiens quis in acie vulneraretur, ne contemplanti aduersario animus augeretur. Hac sub consulibus Romani usi sunt. Vnde solebat etiam pridie quam dimicandum esset ante principia præponi, quasi admonitio & indicium futuræ pugnæ esset, quod ita esse Plutarchus in vita Fabii Maximi auctor est, Hanni bali, inquit, quum apud Aufidum fluuiū castra haberet prope Cannas, orto die extemplo belli signum extulit: nam erat rubra quedam vestis supra consulis tentorium protensa, quare Carthaginenses prospecta imperatoris romani & audacia & copiarum multitudine, quum ipsi haud ad medium numerum attingerent, principio ingenti trepidatione perculsi sunt. Idem in vita Pompeii, Tum Cæsar exoptatum inquit aduenisse diem in qua cum viris non cum inedia, non cum egestate pugnandum esset, extemplo coram contubernio tunicam rubram
poni

poni iussit: hoc enim Romanis pugnae signum erat.

De armis & unde dicta sint,

Cap.

II.



E ipsa, nunc graui labore monemur armorum species vniuersas, instrumentorum, tormentorumque muralium ignoratibus circumscripte monstrare: & quoniam sua cuique gentium placita sunt, & artificum recentia ingenia, nouis semper inuentis gaudent, proinde singula pro virili nostra prosequemur, nusquam ingeniis hominum praescribentes, quin liceat cuique & referre quae viderit, & suis inuentis gratulari. Arma ut inquit Cic. tuscula. lib. primo, membra militis esse dicuntur: quae quidem ita geruntur apte, ut si usus foret, abiectis oneribus, expeditis armis ut membris pugnare possint. Lucretius libro quinto de rerum natura.

Arma antiqua, manus, ungues, dentesque fuere,
Et lapides, & item sylvarum fragmina rami,
Et flammæque ignes, postquam sunt cognita primum,
Posterior ferri vis est aerisque reperta,
Et prior gravis erat quam ferri cognitus usus.

Arma, ut Iuliano teste, sunt omnia tela, hoc est, fustes & lapides, non solum gladii, hastæ, & frameæ, id est, rompheæ. Caius de verborum significatione, armorum appellatio non utique scuta & gladios significat, sed fustes & lapides: & quoniam his arceri potest hostis, arma ab arcendo dicta censeri possunt: vel arma dicuntur ab armis proprie, id est, humeris dependentia, ut scutum, gladius, pugio, fida, cum ea quibus perculi praestiamur tela dicantur. Cic. pro Au. Cecinna, Armatos, si latine loqui volumus quos appellare vere possimus? opinor eos qui scutis telisque parati armatique sint. Quid igitur? si glebis, aut saxis, aut fustibus aliquem de fundo precipitem egeris, iussusque sis quem hominibus armatis deieceris restituere, restituisse te dices? Verba si valent, si causæ non ratione sed vocibus ponderantur, me auctore dicito, vinces profecto non fuisse armatos eos qui saxa iacerent, quæ de terra ipsi tollerent, non esse arma cespites neque glebas, non fuisse armatos eos qui pretereuntes ramum defringerent arboris, arma esse suis nominibus, alia ad nocendum, alia ad tegendum, quæ qui non habuerint, eos inermes fuisse vinces.

De armis quibus tegimur.

Cap.

III.



E his igitur quibus tegimur primo dicendum, nec temerarium superioris temporis patrum quendam Gallorum morem tuum est imitari, qui corporis viribus fidentes, tanquam gloriosius dimicaturi, nunquam nisi in pugna nudabantur, nudi que versabantur in acie, unde multa pericula probatissimis contigerunt. Arma igitur quibus tegimur sunt cassides, tunicae varii generis, clypei & id genus plurima. Ferrum autem in arma conuertere, & armis corpus tegere, sunt qui Mineruæ, sunt qui Iouis, Thessaliæ regis ferant inuentum.

Silæ galeæ dictæ sunt à similitudine Sili: Silus enim, ut Festo placet, nasus appellatur sursum versus atque repandus. Est autem galea, quam Curetes reperisse perhibent, teste Diodoro, crista capitis de corio, quoniam sit cassis de lamina: dicta quoque galea, ut inquit Varro, à galero quo multi antiquorum usi sunt: conum curaturam

turam galeæ quæ in ea præminet dicimus, super quâ cristæ sunt. Virg. iii. æneid.
Et conum insignis galeæ, cristasq; comantes.

Buccula galeæ pars est. Iuuenalis in iii.

Et fracta de casside buccula pendens.

Comantē autem galeā quoq; legimus aut cristatam, q; de caudis animalium habeant cristas: vt, Crista q; hirsutus equina: aut comas habentē. Statius, Non ergo in terga comantes Abatiadas: & ibi deinde, Comantē Androgei galeam. Simili modo qui se de velocitate iactabāt, pinna in galea sua ponebant, in signum velocitatis, quas deuictis hostibus auferentes, collo suo in signum victoriæ suspensas ferebant, maioremq; illis rapiendo professi velocitatē, Pinnirapi appellati sunt. Iuuenalis in primo, Inter Pinnirapi iuuenes, iuuenesque lanistæ.

Torques colli induuias & ornamenta, tam masculino genere quàm fœmineo idoneos quosdam, & præ cæteris illustres latinæ linguæ auctores protulisse inuenimus. Ouidius primo fastorum,

Ex vno quidam celebres, aut torquis adempti.

Tul. iii. officiornm, Atq; T. Manlius is est qui ad Anienem galli quē ab eo pro-uocatus occiderat, torque detracto, cognomen inuenit. Liuius libro vii. ab vrbe condita, Iacens inde corpus ab omni alia vexatione intactum, vno torque spoli-avit quem respersum cruore, suo collo circumdedit. A. Gellius noct. atti. lib. ix. Vbi eum euertit, caput præcidit, torque detraxit, eam sanguinolentam sibi in collum imponit. Hieronymus in expositione Danielis. ii. Rem quidem facio ridiculam, vt in expositione prophetarum de verborū generibus quasi grammaticus disputem: sed quia à quodam nihil sciente, & omnia pollicente reprehensus sum, quare torque fœmineo genere transfulerim, breuiter annotabo quòd Cic. in Mario Torquē genere fœmineo, Titus Liuius masculino dixerunt.

Armillas ex armo quas viri militares ab imperatoribus donati geūt, dictas esse existimant q; antiqui humeros cum brachiis vocabāt armos, vnde arma ab his dependentia sunt vocata: & sunt armillæ humeralia siue ornamenta brachiorum, in circulatorum modum, quæ græcè dicuntur *βραχιονιστῆς*. A. Gellius noct. atti. lib. nono, Quos inter gallus quidam nudus, præter scutum & gladios duos, torque atq; armillis decoratus processit. T. Liuius, Additur fabula quòd vulgo Sabini aureas armillas magni ponderis brachio læuo gemmatosq; annulos habuerunt pepigisse eam q; in sinistris manibus haberent. Ouidius ii. fastorum, Fregerat armillas non illa ad brachia factas.

Cæstus quū pugilum arma significat et quartæ est formæ, coriū est cū plūbo insuto rigentiq; ferro, quo manus suas & brachia pugiles muniunt & vinciunt, & apud plurimas nationes, maximè Sauromatas, se inuicem pugnādo cædunt, vnde & cæstus nomen inditum. Cicer. ii. Tusculan. Pugiles etiam quum ferunt aduersarium, in iactandis cæstibus ingemiscunt, non quòd doleant animoq; succumbant, sed quia in profundenda voce, omne corpus incenditur, venitq; plaga vehementior. Virgi. in quinto, Sic deinde locutus,

In medio geminos immani pondete cæstus,
Proiecit quibus acer Erix in prælia fuetus,

Ferre manum, durique intendere brachia tergo.
 Obstupere animi, tantorum ingentia septem
 Terga boum plumbo insuto ferroque rigebant.
 Ante omnes stupet ipse Dares, longeque recusat,
 Magnanimusque Anchisiades & pondus, & ipsa,
 Huc illuc vinclosum immensa volumina versat.
 Tum satus Anchisa castus pater extulit æquos,
 Et paribus palmas amborum innexuit armis.
 Constitit in digitos extemplo arrectus vterque,
 Brachiaque ad superas intentus extulit auras.
 Adduxere retro longe capita ardua ab ictu,
 Immiscere manus manibus pugnamque laceffunt.

Idem in eodem,

Idem in eodem,

Idem in eodem, Durisque reducta,
 Librauit dextra media inter cornua castus,
 Arduus effractoque illisit in ossa cerebro.
 Et didici quonam Pœni arma rotatu,
 Quo massagetæ sua bella cient, quo turbine castum
 Sauromatæ.

Statius,

Isculponeas etiam dici voluerunt castus plumbo illigatos, ut & Neuius in Philéporo comœdia, Isculponeis bactuēda huic sunt latera plūbo. Plautus in Cassina, simili modo ait, Melius Isculponeis quibus bactuatur tibi os senex nequissime.

Pectorale ferreum pectoris tegimen. Plin. na. hist. xxxiiii. Fecit & Spurius Camillus Iouem qui est in capitolio, victis Samnitibus sacrata lege pugnantibus, è pectoralibus eorum ocreisque & galeis.

Thorax humanum pectus propriè, vel eius eminentior pars est. Plinius. xxvi. na. histo. Hyssopi quinque rami cum duobus rutæ & ficis tribus decoctis thoracem purgant. Ceterum pro eo quod ferreum est, & quo velatur pectus & corpus, nonnunquam ponitur. Plutarchus in vita Luculli, Erat ipse thoracem ferreum indutus, splendidum atque squamosum, quo super punica gestabat ephestridem.

Tunicas quibus nudum tegitur corpus pro usu & existimatione plerique varias habent, serico vel bysso plurimis plicaturis impenetrabiles audio. Alii spumam ferri solutam in puluerē, & plicaturis iniectā, omnē ferri aciem repellere dicunt: nonnulli thuris puluerem probant, eo modo congestum: corium apud alios ceruinum succo maceratum, probari maxime comperio. Lanas denique aceto coctas ferro resistere in naturali historia auctor est Plinius. Proinde milites nullum presidium habentes in gladio, totum subsidium in huiusmodi tegimine ponunt, laminis ferreis & loriceis vniuersum corpus tegentibus confisi.

Phaleræ & ephippia, equorum siue hominum vel bellorum munimenta siue ornamenta. Virgil. in quinto.

Primus equum phaleris insignem victor habeto.

Salustius in Iugurtha, Ac si repostulet hastas, vexillum, phaleras, & alia militaria arma. Virgil. in decimo

Cur tales phaleras damnetis & aurea bullis,

Cingula.

Iuuenal

Iuuenalis in quinto Vt læti phaleris omnes & torquibus omnes.
 Horatius in epistolis Optat ephippia bos, piger optat arare caballus.

Lorica quam Mydas Messenus reperisse dicitur, est propriè tegmè de loro factum, quo maiores dolo vti consueuerant. Varro de lingua latina, lorica quòd è loris de corio crudo pectoralia faciebant: postea succedit Chalybs ferro sub id vocabulum, ex annulisq; ferream tunicam fecere, quæ tantum pectora apud maiores tegebat, postea vniuersum corpus: vnde,
 Triplici seruantur pectora ferro.

Nam tergo tunc nullus erat metus. & Lucanus vii.

Quærit iter quo torta graues lorica catenas
 Opposuit, totoq; latet sub tegmine pectus.

Hæ pro diuitiis, materia vel opere pretiosæ, vt Maximiani adolescentis, & Ptolomæorum regum aureæ, quædã æneæ, & communes ferreæ. Simples quidam habent bilices ac trilices, alii loricas squammatas iuncturis adopertis, siue plumatas alii probant, illisq; teguntur. Crispus, Equis paria operimenta erant, quæ lintheo ferreis laminis in modum plumæ annexa erant, Virgil. quoq;

Spumantemque agitabat equum quem pellis ænes

In plumam squammis auro conferta tegebat.

Iustinus epit. Trog. Pompe. lib. xli. Munimentum ipsis equisq; lorice plumatæ sunt, quæ vtrumque toto corpore tegebant.

Baltheus est non tantum militare cingulū, siue cingulus militaris quo cinguntur milites, sed etiam à quo arma dependent: nec ad humilitatem solum, verum ad insultationem nonnunquam & iactantiam, vt Turnum habuisse constat.

Virgil. in xii. Infelix humero quum apparuit alto

Baltheus & notis fulserunt cingula bullis,

Pallantis pueri victum quem vulnere Turnus

Strauerat atq; humeris inimicum insigne gerebat.

Clypei peditum tegmina sunt, scuta verò equitum. Virgil. in ix.

Et clypeum super intonat ingens:

aut, Ipse ingens clypeum supra ipsum. Lectum est autem et hoc clypeum, vt probat Caper, quòd magis debemus accipere, nam Homerum imitatus est: neutro nãq; genere et masculino à doctissimis artiū scriptoribus vsurpatū inuenimus.

Trabellius Pollio, Illi clypeus aureus, vel vt grammatici loquuntur, clypeum aureum, senatus totius iudicio in romana curia collocatus est. Neutro quoque Liuius xxxv. ab vrbe cond. Aedilitas insignis eo anno fuit M. Aemilii Lepidi, & P. Aemilii Pauli, multos pecuniarios damnarunt, ex ea pecunia clypea inaurata in fastigio Iouis ædis posuerunt. Idem xxxviii. Et duodecim clypea aurata ab ædilibus currulibus P. Claudio, & P. Sulpitio Galbæ sunt posita ex pecunia qua frumentarios ad annonā comprehensam damnauerant. Pacuuius, Clypea currum reliquit chlamide cõtorta. Appellarūt quoq; clypeum antiqui ob rotunditatem & corium bouis in quo fœdus Gabinorum fuerat descriptum cum Romanis. Apud maiores enim fortium virorum picta erant scuta, ecõtia inertium & tyronum pura erant: vnde est, parmæque inglorius alba, id est, non picta. Scutis etiam

etiā qualibus apud Troiam pugnatum est, auctore Plinio natu. histo. xxxv, continebantur imagines, vnde & nomē habuere clypeorum, non vt peruersa grammaticorum subtilitas voluit à cluendo: cluere enim antiqui pugnare dicebant. Clypei maiora scuta secundum Seruium ab eo dicta, quòd celent corpus, à græco κλέπτω: masculino autem genere frequentissimè prolatū inuenimus. Verum clypea, vt alii volunt, neutro ad imaginem, vel picturam, vel ornamentum: masculino verò genere ad scuta referuntur. Clypeos Protus & Atrius inter se bellātes, siue Calthus Athamantis filius inuenisse prodūtur. Cares quoq; fuisse tradit Herodotus qui primi scutis signa fecerunt, & ansas quibus scuta tenētur, quum antea sine illis, vterentur lorīs ex corio ad collum & ad sinistrum humerum appendentibus. Horum autem materia commendatur ex forma. Pœni ex auro facta uere. M. Aufidius docuit maiores suos argenteos clypeos habuisse. Alexander rex Iudeorum octo milia pugnatorū Ptolomæo opposuit, quos Hecatōmachos appellabat, hoc est, contra centū pugnantes, eò q̄ clypeis æneis vterētur. Numidæ coriis elphantorum scuta fecisse traduntur, impenetrabilia quidem iaculis, sed ea casu inutilia fiunt: corii nanq; ea natura est, vt imbrem spōgiæ modo ebibat, quo pondere pressa circūferri non possunt. Ligneis faciendis præstant ligna frigida, aquis innutrita, ac leuia, quorū plaga contrahit se, protinūsque claudit suum vulnus, & ob id contumacius transmittit ferrum: in quo sunt genere fici, salix, tilia, sambucus, populus: leuissima salix, ideo vtilior. Sed formæ placito singulis cessere: oblonga sunt peditibus, nonnullis recurua testudinēsque vocant: aliis rotunda, vt cætra, pelta, vel parma.

Cætra scutum breue loreum, quo vtuntur Afri & Hispani.

Virgilius, Læuas cætra tegit.

Pelta scuti genus breuissimi in modū lunæ iam mediæ, cætræ haud dissimile: vnde Maro, Ducit Amazonidum lunatis agmina peltis.

Parma scutum breue, etiam sic dictum, teste Varrone, quòd è medio in omnes partes sit par.

Ancile scutum breue, celo, regnante Numa Pompilio, delapsum, sic dictū propter figuram: circulus enim non est, neq; veluti pelta circumferentiam reddit, sed excisuram habet lineæ helicoidis, cuius apices curuaturam habētes, & densitate in se conuersi, ancilis figuram faciunt. Ancile etiam scutum breue, inquit Festus, quod ideo sic appellatur, quia ex vtroq; latere erat recisum, vt summum infimūq; eius latus medio pateret: vel dictū ancile ab ambecisu, teste Varrone, q̄ ea arma ab vtraque parte vt thoracum incisa sunt: vel vt Seruio placet in commento lib. viii æneid. Ancile scutum breue atque rotundum, sic dictum, vel quòd vndique circumcisum est, aut à græco ἀμφίχελος, id est, vndiq; labrū habens. Ouidius iii. fastorum, Atq; ancile vocant quòd ab omni parte recisum est,

Quòdq; motis oculis angulus omnis abest.

Alii ex an quod est circum, & κλίω, voluo dictum putant, aut propter ἀγκῶνα, id est, cubitum ad quem circumferunt: hoc enim Iobbas inquit, cupiens nomen à græco deducere, Posset primū hoc cognomē ab eo vel motu vel impetu descēdere qui ἀνωδερ, id est, superne factus sit: siue ab ægrotantium curatione quæ ἀκείδω, dicitur

citur aut ab ἀρχὴν λύσεως, hoc est, scita solutione, præterea à tristiū amotione quā ἀνάχνησιν vocant, ex quo Castorem & Pollucem ἀναχας Athenienses appellant: si quidem in græcum eloquium deducendū sit ἀπὸ τοῦ ἀγκῶν, hoc est, à cubito quo deferri consueverunt posse vocari etiam asserunt.

Sarissa clypeus æneus. Q. Curtius libro ix, ingens hic militum multitudo, inter quos erant Græci qui Dyosippo studebant: Macedo iusta arma sumpserat, genum clypeum, quem Sarissam vocant, laua tenens, dextra lanceam, gladiūque cinctus veluti cum pluribus dimicaturus. ῥόλον græcum est, & proprie veluti scutū breue quod in medio tecto est, in quo trabes coeunt, & ad quod dona suspēdi consueuerant. Staius secundo Thebaid.

Hic ego maiorum pugnas vultusq; tremendos,
Magnanimū affigam regum, figamque superbis
Arma tholis quæq; ipse modo quæsitæ reuexi
Sanguine, quæq; dabis captis Tritonia Thebis.

Vmbo scuti pars media quasi umbilicus: umbo etiā scutū sæpe significat. Nam à parte totum intelligimus. Virgilius in decimo
Inde aliud superque aliud figit que volatq;
Ingenti gyro se sustinet aureus umbo.

Ocreæ crurum tegmina, quod opponebatur ob crus dictæ. Liuius ix. ab vrbe condita, Et sinistrum crus ocrea tectum, galeæq; cristatæ quæ speciem magnitudini corporum adderent. Eas verò & cristas galearum feruntur Cares tradidisse, sed galeam Lacedæmonii inuenerunt.

Pero rusticum calciamentū, à Græciæ more vbi hoc armorum fuerat genus tractum, & Hernicis à poëta nobilissimo assignatum vnde isti trāsierant: proinde sunt in lib. vii. Virgilii illi versus, quibus Hernici populi & eorum nobilissimi vt tunc erat ciuitas Anagnia, enumerantur:

Quos diues Anagnia pascit,
Quos Amasene pater, non illis omnibus arma,
Nec clypei currusve sonant, pars maxima glandes
Liuentis plumbi spargit, pars spicula gestat
Bina manu, fuluolque lupi de pelle galeros
Tegmen habent capiti, vestigia nuda sinistri
Instituere pedis, crudus tegit altera pero.

Hunc morē in Italia fuisse vt vno pede calciato, & altero nudo iretur ad bellum, nusquam adhuc, quod sciam, reperi, sed eam Græcorū nonnullis cōsuetudinem fuisse, locupleti auctoritate iam palam faciam: in qua quidem re imitari est poëtæ inclyti occultissimam diligentiam, qui quum legisset Hernicos quorum est Anagnia à Pelasgis oriundos, appellatosq; ita à Pelasgo quodam duce suo qui Hernicus nominabatur, morē quem de Aetolia legerat Hernicis assignauit, qui sunt vetus colonia Pelasgorum. Et Hernicum quidem, hominem pelasgum, duce[m] Hernicis fuisse, Iulius Higinus in libro secundo vrbium non paucis verbis probat: Morem verò Aetolis fuisse, vno tantummodo pede calciato in bellum ire, ostendit clarissimus Euripides scriptor tragicus, in cuius tragœdia quæ Meleager

leager inscribitur, nuncius inducitur describens quo quisque habitu fuerit ex du-
cibus qui ad aprum capiendum conuenerant, in qua animaduertitis, diligentis-
simè verba Euripidis à Marone seruata: ait enim ille, & eūdem pedem nudum.
Virgilius quoque dixit, Vestigia nuda sinistri Instituire pedis. In qua quidem re
quo nobis studium nostrum magis comprobetur, non reticebimus rem paucis-
simis notam, reprehensum Euripidem ab Aristotele secūdo de poētis libro, qui
ignorātiā istiusmodi Euripidis fuisse contendit: Aetolos enim non læuum pe-
dem nudum habere, sed dextrum: quod ne affirmem potius quàm probem, Ari-
stotelis verba sunt in eo libro, quem de poētis secundo scriptum reliquit, in quo
de Euripide ea locutum inuenies. Hæc quum ita sint, Virgilium tamen Euri-
pide auctore, quàm Aristotele uti maluisse constat: nam ut hæc ignorauerit vir
tam anxie doctus, minime crediderim. Iure autem prætulit Euripidē: est enim
ingens ei cum græcarum tragædiarum scriptoribus familiaritas, quod ex mul-
tisdictis eius licet opinari.

Scanfilis ferri in equos vsum, adminiculum apud veteres tam Græcorum q̄
Latinorum fuisse haud inuenio. Virgilius in duodecimo,
Infrænant alii currus, aut corpora saltu
Subiiciunt in equos, & districtis ensibus adsunt.

Idem in eodem,
Turnus ut Aeneam cedentem ex agmine vidit,
Turbatosq̄ duces subita spe feruidus ardet,
Poscit equos atq̄ arma simul saltuq̄ superbus,
Emicat in currum & manibus molitur habenas.

Vegetius lib. prim. Non tātum à tyronibus, sed etiam à stipendiariis militibus
salutis equo districtè est semper exacta, quē vsum vsq̄ ad hanc ætatem licet iam
cum dissimulatione peruenisse manifestū est. Equi lignei sub tecto hyeme, æsta-
te ponebantur in campo, super hos tyrones primo inermes dum cōsuetudinem
perficerent, deinde armati cogebantur ascendere, tantaq̄ cura erat ut nō solum
à dextris sed etiam à sinistris partibus & infilire & defilire condiscerent, euagi-
natos etiam gladios vel contos tenentes, hoc enim assidua meditatione faciebāt,
scilicet ut in tumultu prælii sine mora ascenderent, qui tam studiose exerceban-
tur in pace. Liuius secundi belli punici lib. iii. Nec omnes Numidæ in dextro lo-
cati cornu, sed quibus defultorum in modū binos trahentibus equos inter acer-
rimam sæpe pugnam in recentem equum ex fesso armatis transultare mos erat:
tanta velocitas ipsis tāq̄ docile equorum genus. Xenophon Socraticus in eo li-
bro qui equitum præfectus inscribitur, Postquā verò equites quales esse oportet
at dictum est, qua nam parte equites optimi comparentur hoc in medium cona-
bor exponere. Ex his igitur iuniores impellere atque adhortari debemus, ut in
equos infilire discant. Huius autem rei magistrum præceptoremq̄ qui adhibue-
rit, iure laudabitur: natu autē grandiores assuefacere ut in scandendis equis per-
fico more se inuicem adiuuent. Plutarchus in vita Gracchorū, Dimenso præte-
rea viarum spatio singulis miliariis (est autem miliariū paulo minus q̄ octo sta-
dia) columnas lapideas spatii signa proferentes constitutas: alios in super lapides

T parum

parum inter se distantes ex vtraq; viarum parte disposuit, vt ex illis faciliter & sine saltu in equos esset ascendere. Huius rei præter hæc testes & indices sunt etiam arcus in vrbe romana triumphales, ac æneus apud Lateranum equus absq; huiusmodi scandendi adminiculo cum equite & fessore suo.

Calcar, agitandi cōcitandiq; equi stimulus est, à calce denominationem asciscens. Ouidius,

Non nocet admissio subdere calcar equo.

In eo autem quod vi. ænei. scribitur, Seu quū pedes iret in hostem, Seu spumantis equi foderet calcaribus armos, speciem pro genere posuit Maro, hoc est, equi armos pro equo, quū nō possint armi calcaribus fodi: vtq; hoc ad concitandū, sic virga ad regendum equum diuersarum gentium institutum fuisse proditur. Valerius Maxi. lib. tertio de P. Crasso, Inter Eleā, inquit, et Smyrnā exceptus, ne in deditionē eius pueniret, dedecus arcessita ratione mortis effugit. Virgā enim qua ad regendū equum vsus fuerat in vnus barbari oculū direxit, qui vi doloris accensus, latus Crassi sica confodit. Lucanus in quarto,
Et gens quæ nudo residens massilia dorso
Ora leui flectit frenorum nescia virga.

Quæ arma ad nocendum apta, instrumentaq; bellica quibus nominibus explicentur.

Cap. III.



Væ suis nominibus ad tegendum sunt arma dixisse videmur, nunc ad nocendum quæ sunt reliqua prosequamur. A cinacis, gladius militaris lingua Parthorū vel Medorū, vt inquit Acron, pro quolibet licet poni possit. Q. Curtius lib. vi. Sed præter clypeum eius putrem, & arcus duos Scythicos & acinacē nihil reperit. Hieronymus lib. i. cōtra Iouinianum, Strato regulus Sidonis manu propria se volens cōfodere ne imminētibus Persis ludibrio foret, gladiū quē arripuerat circūspectans, hostium pauidus exspectabat aduentum, quem iam iamque capiendum vxor intelligens, extorsit acinacem è manu, & latus eius transfuerberauit.

Ensis & gladius huius naturæ sunt, auctore Qunitiliano insti. libro ix. vt idē pluribus vocibus declarent, ita vt nihil significationis quo potius vtaris intersit. Macrobius. i. de somnio Scipionis, Nunc videamus quæ sint hæc duo nomina quorum pariter meminit cum dicit, Quæ sidera & stellas vocatis, neq; enim hic res vna gemina appellatione monstratur, vt ensis & gladius.

Gladius, quem auctore Plinio. vi. natur. histo. à Lacedæmoniis cōstat inuētū, teste Varrone, c in g cōmutato à clade dicitur, q; fit ob hostiū cladē, vtq; dupōdii nomē quod dicitur à multis duobus modis, hic dupōdius & hoc dupōdium, sic hoc gladium & hic gladius. Quintilianus lib. i. insti. Et gladia qui dixerunt, genere exciderunt: sed hoc quoque notare contentus sum, ne arti quorundam culpa peruicacium perplexæ videar & ipse quæstionem addidisse.

Spatha, ensis, siue gladius, nomina sunt omnibus penē nota. Liuius trigessimono, Vbi omnia fuga completa, vidit, Cato ipse ad secundam legionem quæ in subsidio posita erat reuehitur, & signa præ se ferri plenoq; gradu ad castra hostium oppugnanda succedere iubet, si quis extra ordinem auidius procurrat, & ipse inter equites spatha percutit, & tribunos centurionesque castigare iubet.

iubet. Hoc vocabulum in veterum etiam libris scriptū inuenies, & apud A. Gellium noctium suarum libro decimo.

Harpe falcatus ensis quo vsus est Perseus in occisione Gorgonis. Lucanus in ix. Harpen alterius monstri iam cæde rubentem. Idem in eodem,

Perseos aduersi cyllenida dirigit harpen,

Lata colubriferi rumpens confinia colli.

Maro in septimo, Læua sceptrā tenet falcati cominus enses.

Linguam veteres dixere gladiolum oblongum in speciem linguæ factum, cuius meminit Neuius in tragœdia Ixione.

Machæra gladius longus ex altera parte acutus, à græco: nam Græci *μακρὸν* longum vocant. Cæsar. ii. commen. Ad multam noctem etiam ad impedimēta pugnatum est, propterea quod pro vallo carros obiecerāt, & è superiore in nostros venientes tela coniiciebant: nonnulli inter carros rotasq; machæras & stragulas subiiciebant nostrisq; vulnerabant. Seneca libro quinto de beneficiis ad Liberalem, Nec galeam illam si videris agnosces: machæra enim hispana diuisa est.

Dolones gladii sunt. Plutarchus in vita Gracchi, Nec secus paratis clam percussoribus, necem Tyberio machinabantur: ille verò palam gladium quem dolonem vocant accinctus ambulabat. Dolones aliorum sententia, flagella sunt intra quorum virgam pugiones latent: aut secundum Varronem ingens contus cum ferro breuissimo, à dolo vel à fallendo dicti, quod decipiant ferro, quum speciem præferant ligni. Sunt & qui velint perteretes mucrones, dolones dici: & Maro inquit,

Pila manu læuosq; gerunt in bella dolones.

Sica à secando dicta, est enim gladius brevis quo maxime vtuntur qui apud Italos latrocinia exercent, à quo & Sicarii dicti: quanquam auctore Quintiliano libro nono institutionum, per abusionem Sicarios omnes vocamus, qui eadem telo quocunq; commiserint.

Pugio gladius brevis & bis acutus lateri adherens, sic dictus Festo teste, quod eo punctim pugnetur: est & pugio secundum Varronē ingens contus cū ferro.

Clunadum cultrum sanguinarium dictum est, vel quod ad clunes depēdet, vel quod clunes bestiarum diuidit.

Secespitam cultrum ferreum dicunt oblongum, manubrio eburneo rotundo solido, iuncto ad capulum argēto auroq; fixo clauis æneis ære cyprio, quo pontifices flaminesq; ad sacrificia utebātur, à secando secespita dicta: alii securim, alii dolabram æneam esse putant.

Mucro, ensis & gladius idem sunt. Priscianus artis grammaticæ lib. ii. Synonyma tam propria quàm appellatiua inueniuntur, sicut ensis, gladius, mucro, vnū atq; idē significāt: sicut P. Cornelius Scipio Africanus, vnum atque idem significāt. Boëtius de trinitate, In rerum enim numero nō facit pluralitatem vnitatum repetitio: vt si de eodem dicam gladius vnus, mucro vnus, ensis vnus. Potest enim vnus tot vocabulis gladius agnosci. Hæc enim vnitatum iteratio potius est, non numeratio: veluti si ita dicamus, ensis, mucro, gladius, repetitio quædā eiusdē non numeratio diuersorū: velut si dicā, sol, sol, sol, vnus sol, nō tres

T ii soles

foles effecerim, sed denuo totiens predicauerim. Idem in eodem, Recte repetitio magis de eodem quam enumeratio diuersi videtur esse, quum dicitur, Deus pater, deus filius, deus spiritus sanctus, atque hæc trinitas vnus deus: vel ensis, atque mucro, vnus gladius: veluti sol, sol, sol, vnus sol. Idem paulo infra in eodem, Non verò ita dicitur filius ac spiritus sanctus quasi multiuocum quiddam: nã mucro ensis ipse est & idem, pater verò ac filius & spiritus sanctus idẽ quidẽ est, nō verò ipse. Liuius lib. vii. ab vrbe cond. Gallus velut moles superne eminens proiecto læua scuto, in aduenientis arma hostis vanum cæsim cum ingenti sonitu ensem deiecit, Romanus mucrone surrepto quum scutum scuto percussissent. Mucro, ensis quoque vel gladii vel cuiuslibet rei acumẽ dicitur. Liuius ab vrbe cond. xxii. Gallis Hispanisque scuta eiusdẽ formæ erant, ferè dispares & dissimiles gladii. Gallis prælongi ac sine mucronibus. Hispano punctim magis quam cæsim assueto petere hostem breuitate habiles cum mucronibus. Seneca ad Lucil. lib. xi. Gladium bonum dicere non cui auratus est baltheus, nec cuius vagina genus distinguit, sed cui & ad secandum subtilis acies est, & mucro munimentum omne rupturus. Macrobius lib. i. de somno Scip. Nam & Dionysius aulę fidereæ inclemẽtissimus incubator, familiari suo cuidam solam beatam existimanti vitam tyranni volens quam perpetuo metu miseram, quamque independentium semper periculorum plenam ostendere, gladium vagina raptum & capulo de filo tenui pendente mucrone demisso iussit familiaris illius capiti imminere inter epulas: vnde etiam à poëta clarissimo dictum est in xii.

Illa manu moriens telum trahit, ossa sed inter

Ferreus ad costas alto stat vulnere mucro.

Omnes hæc denique gladiatorum species vaginis abduntur.

Aclides, auctore Seruio, tela sunt quædam antiqua adeo vt nequicquam commemorentur in bello. Legitur tamen quod clauē, cubito semis eminentibus hinc & hinc acuminibus in hostes ita iaciuntur religatæ loro vel lino, vt peractis vulneribus possint redire: putantur tamen esse teli genus quod in flagello immersum iaci potest dicente Marone,

Teretes sunt aclides illi

Tela, sed hæc lento mos est aptare flagello.

Telum vulgo id appellatur quod ab arcu mittitur manu, vt lapis, lignū, fustis, hasta, lanceæ, pilum, & quodcunque in longinquum mittitur græca voce *τελον* significatum, quanquam etiam legimus de gladio. Liuius lib. i. Arma his imperata, galea, clypeus, ocreæ, lorica, omnia ex ære: hæc vt tegimenta corporis essent, tela in hostem hastaque & gladius. Seneca lib. xv. epist. de diuitiis loquens, Illæ, inquit, neminem lædunt, nec sua cuiquam nocet stulticia aut aliena nequitia: sic quemadmodum gladius neminem occidit, & occidentis telum est. Virgilius, At non hoc telum mea quod vi dextera versat Effugies.

Verutum telum breue & angustum, Nonio teste. T. Liuius ab vrbe cond. decimo, Quibus plerisque in scuta verutis, in corpora ipsa fixis, sternitur cuneus. Idem in primo, Arma mutata, nihil præter hastam & verutum datum. Vegetius lib. secundo quum de missilibus loqueretur & de vno ac maiore dixisset, Aliud, inquit,

minus

minus ferro vnciarum quinque, hastili pedum totidem & semis, quod tunc verutum nunc verutum dicitur.

Fustes sunt quos palos rustici vocant, quiq; inter prima humani generis arma fuere. Baculus à Baccho secundum Kabanum & plerosque alios repertus & appellatus, vsu communi masculinum est, significationem habens notissimam. Liuius lib. primo, Augur ad læuam eius capite velato sedem cepit, dextera manu baculum sine nodo aduncum tenens, quem lituum appellarūt: diminutium tamen neutro genere bacillum habet. Cicero ii. de fin. bono. Bacillum aliud inflexum, aliud ita natum. Primitium etiam quod est baculus, baculum neutro genere prolatum inuenimus. Apuleius magiæ lib. primo, Veruntamen hoc Diogeni & Antistheni pera & baculum, quod regibus diadema, quod imperatoribus paludamentum, quod pontificibus galerum, quod lituus auguribus. Ouidius xv. metam. Esse solet, baculumque tenens agreste sinistra.

Vindicta virga prætoris qua serui percussi liberantur & libertatem acquirunt, à vendico dicta, quia per eam vendicent libertatem. Persius,

Ad dominum ignoras nisi quem vindicta relaxat.

Liuius lib. ii. ab vrbe cond. Ille primum dicitur vindicta liberatus. Quidam vindictæ quoque nomen tractum ab illo putant, cui Viridatio nomen fuisset, post illum obseruatur vt qui ita liberati essent in ciuitatem accepti viderentur.

Verbera pro verberatione licet nonnunquam accipiantur, rem tamen corpoream propriè significant, vt flagella quæ sunt propriè sarmentorum summitates. Quintilianus, Ignes ex proximo raptos, & verbera quæ casus obtulerat. Iustinus epit. Trog. Pomp. lib. ii. Admonentur Scythæ mutare genus pugnae, memores non cum hostibus, sed cum seruis præliandū: nec armorū, sed dominorū iure vincendos: verbera, non arma in acie afferenda, omissoq; ferro virgas & flagella cæteraq; seruilis metus instrumenta paranda. Hastas Lacedæmonios inuenisse dicitur. Fraxinus obedientissima, corilus melior, sorbus lentior: ea Homeri præconio Achillis hasta nobilitata est. Hastilia minores læceq; sunt ferro producto & quas manu iacere ars est. Conti hastæ longiores sunt & robustæ, sine ferro sed acuta cuspide. Iuuenalis,

Nocte iter ingressus gladium contūque timebis.

Lancea quam Aetolos inuenisse vi. na. histo. testis est Plinius, vt hasta manifestam habet significationem, latinū licet nomen non sit, scriptumq; est in libro M. Varronis rerum diuinarum xxiii. quo in loco Varro quum de pectorico dixisset esse id verbum gallicum, lanceam quoque dixit non latinum sed hispanicum verbum esse: alii à græco dictum putant, quod Græci λόγχη vocant.

Pilum Panthesileæ licet inuentum, hasta romana, vt gesa Gallorum, & larissa Macedonū, id auctores dicūt maximi, vsus in bellis, quod huiusmodi hasta amen to equa lance si pēdeat & ponderata vibretur, vbi excusso lacerto valide intorta fuerit, vix armatura inuenitur quæ vibrantis ictum sustineat, eminus intortum vbi armis hæserit agitatione & motu continuo penetrare contēdit, nec subitum euitari potest aut repelli, sed nec euelli hoste premente. His Britanni maximè vsi & circumiacentes etiam insulæ. Gesa Gallorum tela, siue viriles hastæ. Nam

& viros fortes Galli Gefos vocant. Liuius ix. Tere pastoralis habitu, agrestibus telis, falcibus, gefisq; binis armati: sunt qui à cédendo cæsa dici rectius putant. Ruma pilū, rumata pilata, rumex telum, sparo gallico quàm simile. Iaculum quod cum amento Aetolum Martis filium inuenisse ferunt telum etiam, quod vt iaciatur fit, teste Varrone, dictū. Spara, Pomp. teste, minimi generis iacula agrestia & rustica, à spargendo dicta. Aemilius de excellentibus ducibus exterarum gentium, Epaminundam pugnanti & sparo eminus percussum concidere viderunt. Lucilius, Tum spara, tum murices portantur stragula porro. Sparos mas. etiā genere legimus. Salustius in Catil. Sed ex omni copia quarta pars erat militaribus armis instructa, cæteri vt quosq; casus armauerat, sparos & lanceas, alii præacutas fudes portare. Sarissa, ut Pōp. placet, teste Seruio est hasta macedonica. Liuius ab vrbe cond. lib. ix. Arma clypeus, sarissæq; illis, id est, hastæ. Idem xxxvii. Ibi simul perturbari ordines, & impeditus intercutu suorum vsus prælongarum hastarum, sarissas Macedones vocant, intulere signa romanæ legiones. Idem xxxviii. Per oculi foramina prælongæ hastæ, quas sarissas vocant, ad submouendos hostes emittebantur. Q. Curtius lib. vii. Prior Barbarus emisit hastam, quam exiguus modica capitis declinatione vitauit, atque ipse infestam sarissam equo calcaribus concito in medio barbari gutture ita fixit, vt per ceruicem emeretur, præcipitatus ex equo barbarus adhuc tamen repugnabat, sed ille extractam ex vulnere hastam rursus in eos dirigit.

Gibinam appellant Illyrici telum venabulo simile. Ennius, Illytici restât fisis Gibinisque fodentes. Securis quasi semicuris vel semiquiris, quod est hasta: vel à græco *κρίσαν* qui regē significat: cōstat autem Romanos Græcos fuisse, & erant secures signa quæ ante consulem ferebantur. Tragula est hasta ferro præacuta, & vt Varro inquit, à traiciendo dicta, vt Pomp. teli genus, dictū quod scuto infixum trahatur. Cæsar lib. v. commentariorū, Monet vt tragulam cum epistola ad amentum deligata intra munitionē castrorum abiiciat. Liuius xxv. Ibi signis collatis pugnatum per quatuor ferme horas, egregieq; vincētibus Romanis signum receptui est datum, quod Cn. Scipionis ferrum tragula confixum erat. Claua teli genus quo Hercules utebatur, sic dicta q̄ sit clauis ferreis inuicem religata: claua enim, & leonis pellis antiquo Herculi conueniunt, quo tempore arma nondū erāt adinuēta, sed fustibus homines iniurias propulsa bant, ac ferarum pellibus tegebant pro armis corpora. Hanc quidam Catheiam, quam & Horatius Caiam vocat, dictam etiam putant, estq; Catheia gallici teli genus, quod si ab artifice mittatur, rursus venit ad eum qui mittit. Huius Virgilius meminit, Theutonico ritu solitos torquere catheias: Theutonico ritu dixit, quia Theutonici Galliæ comatæ sunt populi. Bipennis dicitur, q̄ ex vtraque parte acutam habet aciem, quasi duas pennas: penum autem antiqui acutū dicebant: vnde & auium pēne quasi acutæ. Quintili. lib. i. institu. Quare discat puer quid in literis proprium, quid commune, quæ cum quibus cognatio: nec miretur cur ex scamno fiat scabellum, aut à pinna, quod est acutum, securis vtrinq; habens acie bipennis, ne illorū sequatur errorem, qui quia à pennis duabus hoc esse nomē existimant, pinnas auium dici volūt. Dolabra quasi duo labra, q̄ duo habeat labra

at labra, ad dolandum, & delendum, demoliendumq. Liuius belli punici lib. ii. Tunc Hannibal occasionem ratus, quingentos ferme Aphros cum dolabris ad subruendum ab imo murum mittit. Idem in eodem, libro quarto, Dolabræ calonibus diuiduntur ad vallum prouendum, fossasq. implendas, intra munimenta instruit acies. Idem in eodem, libro octauo, Eademq. porta signa infesta in urbem illata, & aliis partibus securibus dolabrisque cædebantur portæ. Iuuenalis libro tertio,


Nodosam post hæc frangebat vertice vitem
Si lentus nigra muniret castra dolabra.

Falarica genus teli missilis, quo vtuntur ex falis, id est, ex locis exstructis dimicantes, vt Seruio placet, ingens telum tornofactum, ferrum habens cubitale, & rotunditatem de plumbo in modum sphaeræ in ipsa summitate, dicitur & ignem habere affixum, hoc autem telo pugnatur de turribus quas falas dici manifestum est: A falis dicta falarica, sicut à muro muralis: fane falaricam Lucanus dixit neruis mitti tortilibus ex quadam machina,


Hunc aut tortilibus vibrata falarica neruis

Obruit, aut vasti muralia pondera faxi.

Virgilius verò in nono, sic ait Turnum manu iaculari potuisse, quod à poëta vel poëtice, vel in laudem & virtutem Turni forte dictum est, qui talem hastam manu iaculatus est. Liuius ab vrbe condita. xxii. libro, Falarica erat Saguntinis missile telum hastili ab ligneo, & cætera tereti præterquam ad extremum vnde ferrum extabat, id sicut in pilo quadratum stупpa circumligabatur lineabantq. pice. Ferrum autem tres in longum habet pedes, vt cum armis transfigere corpus posset: sed id maxime, si hæssisset in scuto, nec penetrasset in corpus, pauorem faciebat, quod quum medium accensum mitteretur conceptumque ipso motu multo maiorem ignem ferret, arma admitti cogebat, nudumq. militem ad insequentes ictus præbebat.




Malleoli tela sunt in muliebris coli formam. Ammianus Marcellinus. xxiii. rerum gestarum, Malleoli autem teli genus figuratur hac specie, Sagitta est canea inter spiculum & arundinem multifido ferro coagmetata, quæ in muliebris coli formam quo nentur lintea stamina concuatur, ventre subtiliter & plurifariam patens, atque in alueo ipso ignem cum aliquo suscipit alimento, & sic emissâ lentius arcu inualido: arcus ictu enim rapidiore extinguitur æstus incendiorum, nec remedio vlllo quàm superiecto puluere vel amurca consopitur. Liuius xxxviii. ab vrbe condita, Alii cum ardentibus facibus, alii stuppam picemque & malleolos ferentes tota collucente flammis acie aduenere. In huiusmodi autem malleoli concavo glutinum ignisque fomentum est inextinguibile ex colophonio, sulphure, sale quæ nitrum appellant, omnibus in lauri oleo liquefactis: secundum alios, oleo, petreleo, adipe anatis, medulla cannæ ferulæ, sulphure: ut aliis visum est, ex oleo oliuo, sepo, colophonia, camphora, resina, stuppa. Hanc veteres compositionem bellatores incendiarium appellant.




Missilia hastilia, tela à mittendo dicta. Liuius. xxxii. Magna tormentorum etiam vis, vt missilibus procul arcerent hostem. Catapulta quam Plinius videtur. histo. Cretes inuenisse perhibet, iaculum est celer, vel sagitta, vt Nonius inquit. Cæsar, siue alius pro eo commentariorum x. Centonésque insuper iniecerunt, ne vt tela tormentis missa tabulationem perfringerent, aut saxa & catapulta lateritium discuterent. Liuius belli punici lib. i. Collatisque eò catapultis, sagittis, balistisque vt castellum in ipsa vrbe velut arcem imminemtem haberet, muro circundant. Plautus in Gurgulione, Atque ita te neruo torquebo vt catapultæ solent. Idem in Captiuis, Nam meus est balista pugnus, cubitus catapulta, humerus aries. Catapultam etiam organum, bellicumq; instrumentum quo tricubitalia tela iaciuntur, vsu doctissimorum comprobatur auctorum. Pom. Tri-fax, teulm longitudinis trium cubitorum, quod catapulta mittitur. Vitruuius libro decimo, Ex ratione grauitatis proportionem sumuntur, quemadmodum catapultis de longitudinibus sagittarum. Liuius belli punici libro primo, Ipse Hannibal qua turris mobilis omnia munimenta vrbs superans altitudine agebatur, hortator aderat, quæ quum admota, catapultis balistisque per omnia tabulata dispositis, muros defensoribus nudasset.

Pars catapultæ quæ fune trahitur debet esse ex chalybe.



Romphæa, teste A. Gellio noct. atti. lib. ix. genusteli est thracæ nationis: apud alios frameam spatham & gladium licet sonet. Hoc vocabulum in Q. Ennii annalium xiii. positum inuenies. Liuius ab vrbe condita xxxi. Thracas quoque romphææ ingentis & ipsæ longitudinis inter obiectos vndique Romanos impediabant. Arcus quartæ formæ ad iaciendas sagittas bellica instrumenta, & veluti ances quæ partes vrbis excelsæ atque munitæ sunt: ab arcêdo hoste dicti, quanquam quantum ad arces spectat sint, cum quibus est Seruius, qui quod arcana secreta dicuntur, arces dictas putent quasi res secretas: vel sint alii licet, teste Solino libro primo memorabilium, qui videri velint, quum Arcades in excelsa parte montis habitassent, deriuatum deinceps vt tutissima vrbium, arces nominarentur. Arcus insuper sagittandique Apollinem ferunt extitisse reperto rē, qua de causa Cretēses præcipue arcu delectati sunt, quē Scythicū nominarūt.



Coriti, propriè sunt arcuum thecæ : dicuntur tamen esse sagittarum foruli, quos & pharetras nominamus.

Virgilius in xii.

Quid tela, Sagittæ,
Coritiq; leues humeris & lætifer arcus.

Ovidius metamorph.

Exiit hic humeros pharetram lentosq; tetendit
Arcus.

Scorpiones, ut inquit Vegetius libro quarto, dicebantur quos nunc manubalistas vocant, ideo sic nuncupati quod de parvis subtilibusque spiculis inferant mortem. Regum libro primo, Et statuit illic balistas, & maculas, & ignis iacula, & tormenta ad lapides iactandos, & spicula, & scorpiones ad mittendas sagittas, & fundibula. Cæsar comment. lib. vii. Quidam ante portam oppidi gallus per manus seui ac picis traditas glebas in igne, & regionem turris prohibebat, scorpione à latere traiectus exanimatus concidit. Sunt & qui scorpionum ictibus non sagittas tantum sed et lapides mitti annuant. Ammianus Marcellinus rerum gestarum xxv. Et scorpiones quod umque manus perire duxissent, rotundos lapides euibrabant. Idem vigesimoquarto, Scorpioni onagri vocabulum indidit ætas nouella, ea re quod asini feri cum venatibus agitantur, ita eminus lapides post terga calcitrando emittunt, ut perforent pectora sequentiū, aut per fractis ossibus capita ipsa displodant. Vegetius Renatus libro quarto, Per scorpiones, spiculis, faxis item grauioribus per onagrum destinatis, non solum equi eliduntur, sed etiam hostiū machinamenta franguntur. Nonius Marcellus scorpionem teli genus esse asserit: alii à Nonio minus dissidentes, scorpionem sagittam sed veneno oblitam esse aiunt, quæ virus quod figitur infundit, unde & scorio nomē accepit. Scorpiones huiusmodi à Scythiis originem traxisse arbitror, illi enim viperea sanie & humano sanguine tinctis sagittis, quolibet vulnere, leui licet tactu sed irremediabili illico mortem afferunt.

De his Lucanus,

Spicula nec solo spargunt fidentia ferro


Stridula, sed multo saturantur tela veneno.

Vulnera parua nocent fatumq; in sanguine summo est.

Ad postremum siue Scythia siue Cretensis siue alio cælo genitus fuerit, qui scorpionem ad mittendas sagittas primus inuenit, aut proditor sane fuit, aut nocendi audus, aut metuens hostis: cogitauit enim, quod idem Lucanus inquit,

Longe tendere nervos,


Et quod ferre velit committere vulnera ventis.



Sagitta à sagaci ictu, id est, veloci vocata, vt quibusdam placet : siquidem vt ocus mors perueniret ad hominem, alitem illam fecimus, pennasq; ferro adiecimus, quod scelere humani ingenii, ac fraude inuentum arbitror. Has primū Cretenses, vt inquit Solinus, alii vt refert Plinius nat. hist. Saterem Iouis filium, vel Persem Persei filium inuenisse asserunt, frequēsq; circa hęc orientalium vsus. Hi calamis spicula addunt irreuocabili hamo variēq; mortem accelerat penna calamis addita, fitq; ex ipsis telum aliud priore facto in vulneribus. Hanc barbaram Sagittam appellant, huiusmodi telis solem ipsum obumbrant, propter hoc maximē serenos dies optant, oderūntque ventos & imbres qui inter illos pacem esse cogūt. Hic vsus in Creta bellatores suos precipitauit. In hoc, vt in cæteris vicis Italiae, in agro maximē Bononiensi, ac penes flumen Rhenum sagittis nullus aptior calamus est, quibus pondus voluere esse contra flatus quoque peruicax.

Spiculum, sagittę præacute ferrum. Curtius lib. septimo, Quos dum obsidet rex, inter promptissimos dimicans sagitta ictus est, quæ in medio crure fixa reliquerat spiculum. Idem in nono, Medici lignum sagittæ, scilicet corpori infixum ita ne spiculum moueretur abscindunt, corpore deinde nudato animaduertunt hamos esse telo, nec aliter id sine pernicie corporis extrahi posse, quàm vt secundo vulnus augerent.

Murices, tribulos aiunt ferreos, qui tribus radiis abiecti quoquomodo situentur stant, & erecto quarto infesti sunt. Q. Curtius lib. quarto, Quum homo quidam transfuga quanto maximo cursu ad regem peruenit, nuntians murices ferreos in terram diffudisse Dariū, qua milites emissurū esse credebat, notatumq; certo signo locum, vt fraus euitari à suis posset.



Scalprum, præacutum ad feriendum ferrum. Liuius belli Punici lib. vii. Elephantum plures ab ipsis rectoribus quàm ab hoste interfecti, fabrilis scalprum cum malleo habebant: id, ubi sauire beluæ ac ruere in suos cœperant, magister inter aures positum ipso in articulo quo iungitur capiti ceruix quanto maximo poterat ictu adigebat, ea celerrima via mortis in tantæ molis bellua inuenta erat. Scalpellum à scalpro imminutum. Cicero. ii. de diuinat. Aut quorum linguæ sic inherent ut loqui nō possent, hæ scalpello resectæ liberarētur. Hieremiæ xxxvi, Cumq̃ legisset Iudi pagellas tres vel quatuor, scidit illud scalpello scribæ, et proiecit in ignem. Veruina, genus iaculi longi, teste Fabio Placiade. Plautus in Bacchide, Si tibi machæra est foris, at mihi veruina est intus qua te & illos confodiam. Soliferum, genus teli, hoc est, totū ferreum: ὀλῶ enim græcè dicitur id quod nos totum vocamus. Liuius belli macedo. libro quarto, Et cohortes à tergo stantes pauidi respiciebant, ut emissis soliferis falaricisque gladios strinxerunt. Funda, quod ea fundantur lapides, id est, mittantur. Hoc telum habena volutatur in iactu, glansq̃ librata quū sederit, velut neruo missa excutitur. Liuius xxviii. Fundis ut nunc plurimū, ita tunc solo eo telo utebantur, nec quisquam alterius gentis vnus tantum ea arte quantum inter omnes alios Balears excellunt, apud quos, ut inquit Flavius, matres à teneris vnguiculis ita natos erudisse produntur ut nullum cibi genus cōtingere sinerent nisi quem ex funda immisso lapide percussissent. Proinde sunt qui Balearium insularū habitatores huius teli vsum primos inuenisse asserant, quàmquam Plinius natur. histo. hoc idem apud Syrophœnicas dicat inuentum.

Glans vel glandis, telum est siue massa plumbea instar glandium quæ funda balistave proicitur. Claudianus lib. vii.

Nunc spicula cornu

Tendere, nunc glandes baleari spargere funda.

Salustius in Iugur. Pars eminus glāde, aut lapidibus pugnare. Virgilius in vi.

Pars maxima glandes Liuentis spargit plumbi.

V

Ouidius

Ouidius in xiiii. metamorph.

Vt lata plumbea funda,

Missa solet medio glans intabescere cælo.

Similiter Lucretius protulit & Liuius. xxvii. ab vrbe condita. Nam quod apud Virgilium in iiii. Georgicorum inuenitur glandis, in dubium venit vtrum nominatiuus sit an figuratè genitiuus,

Nec de concussa tantum pluit ilice glandis.


Potest enim tantum glandis intelligi, vt hoc regni, & tantum lucri. Chelidonium auctores vocant ipsi falcastrum, altera parte tantum acie tenuissima sed latiore, vlnæ longitudine, cauda bifurca ceu hyrundinis, vnde & nomē habet: vaginis non conditur, sed vnco dependet à cingulo. Danicæ, secures productiores quibus acies subtilior, quibusque non modo Dani sed etiam alię gentes

iam vti cœperunt: in vniuersum autem quæ pro re militari circa hæc cōsideranda sunt, ferramentorum genera si oleo restinguatur delicatior sit acies, aqua duratur in fragilitatem. Hyrcorum sanguinis tāta vis est vt ferramentorum subtilitas nec alio acrius induretur. Ferrum autem omne à rubigine tuetur oleum, cerussa aut liquida pix. Falx lunatum ferrum hastæ affixum, militare quondam, nunc agreste telum. Valerius libro quinto, Vnumquemq; ex his falce percussus in cædem suam compulit. Liuius ix. ab vrbe condita, lere pastorali habitu agrestibus telis, falcibus, gesisq; binis armati. Martialis,


Fraus me certa ducis quondam curuauit in vsus,

Agricolæ nunc sum, militis antè fui.

Fuit & quondam falx nedum terrestris militiæ, sed & nauticæ instrumentum. Erant enim Romanis inaudita magnitudine falces, quas cum artificioso quodam impulsu rudentibus hostium inieciissent nauigio remis in aduersum acto, & rudentes velut cultri acie tonforii scindebantur, & antennæ simul ac superba ruebant armamēta, erantq; suis impedimento nauibus quibus fuerant præsidio adiumentoque. A falce falcati etiam currus dicti: falcibus nanque præmuniebantur, atque in hunc maximè modum falcibus armati prodibāt in bella. Cuspides circa temonem ab iugo decem cubita extensas velut cornua habebant, quibus quicquid obuium daretur trāsfigerent, in extremis iugis binæ circā eminebant falces, altera æquata iugo, altera inferior in terram deuexa: illa vt quicquid à latere obiiceretur abscinderet, hæc vt prolapsos subeuntēsq; contingeret. Item in axibus rotarum vtrinque binæ eodem modo figebantur falces, ex omni parte acie prominente, vt in subiecta huiuscemodi currus descriptione continetur.




His quadrigis ut semper duces hostium acies perturbaturos se credebant, in suas terrorem persæpe verterunt, ut Antiocho maximè contigit. Nam Eumenes ubi eas vidit, haud ignarus pugnae, & quàm anceps esset auxilii genus, si quis pauorem magis iniiceret quàm iusta adoriretur pugna, sagittarios funditoresque & iaculatores equitum non confertos, sed quàm maximè posset dispersos excutere iubet, & omnibus simul partibus tela ingerere. Hæc velut præcella, partim clamoribus dissonis ita cōsternauit equos, ut repenti velut effrenati passim incerto cursu vagarentur. Romani murices ferreos in terrā fundebant quia hostes emissuros quadrigas arbitrabantur: in quos cum incidissent paulò post faucii, pigri, inutilisque reddebantur. Est & alia mirifica bellici currus non falcata forma, flabellis ventoque in hunc modum adacti.




Vallos & fudes idem esse constat, auctore Seruio, quanquā bis idem dictum sit à Virgilio ii. Geor. his verbis,

Quadrifidāsque fudes & acuto robore vallos.


Valli nanque fossarum fustes sunt, quibus vallum præmunitur. Nam munitio ipsa propriè vallū dicitur neutraliter, licet masculino genere Albius Tibullus posuerit, Non arces, non vallis erat, summumq; patebat. Valli etiam denominatio, teste Varrone, inde est, quòd ea varicare nemo posset, vel quòd singula ibi extrema bacilla furcillatam habent figuram literæ v. Terra autem illa quæ vallo facto propius ponitur, agger propriè dicitur: abusu tamen, & muros, & munita omnia, & omnē è terra lignisq; coaceruationē ad subruēdas vrbes quòd agantur & ducantur, aggerem dicimus. Liuius lib. iii. bel. macedo. Thaumatos eo tempore summa vi expugnabat, aggeribus vineisq; & iam aries muris admotus erat. Idem in eodē, Omnes inde spes pugnātibus, in vi, & armis, & operibus erant: vndiq; aggeres haud facili aditu ad mœnia admovebātur. Idem in eodem, lib. vi. Hęc maior difficultas Macedonibus erat, q; Romani aggere, & vineis, & omnibus supra terram operibus aut præliis essent, subter Macedones cuniculis oppugnabant. Idem in eodem, Sed armati frequentes quidam ignes, etiam quos aggeribus iniicerent, ferebant. Idem in eodem, lib. vii. Vtrinque vineas & aggerem muro iunxit, & cum testudinibus arietes admouit.




Cataracta phænestra vel porta ferrea, crati perſimilis, quæ annulis & clauis ferreis à funibus pendet, vt ſi hoſtes intrauerint, demiffa eadem extinguaſtur incluſi. Liuius. xxvii. Hannibal quarta vigilia fermè ad urbē acceſſit, primi agminis erant perfugæ Romanorum & arma romana habebant: hi vbi ad portam eſt ventum, latinè omnes loquentes excitant vigiles apeririſque portam iubent, conſulem adeſſe: vigiles velut ad vocem eorum excitari, tumultuanti trepidatione moliri, porta cataracta clauſa erat: eam partim vectibus leuant, partim funibus ſubducunt in tantum altitudinis vt ſubire recti poſſent: vix dum ſatis patebat iter, cum perfugæ certatim ruunt per portam, & quum quingenti fermè intraſſent, remiſſo fune quæ ſuſpenſa erat cataracta magno ſonitu cecidit.



Instrumentum exurendi portam.




Instrumentum perfringendi cataractam vel fenestram ferream.



Turris in sublime ductilis.


Turris mobilis ac versilis omnia munimenta aduersa vrbi superans altitudine sua, quæ admota, catapultis balistisque per omnia tabulata dispositis, hostium muros defensoribus nudat.

Machina urbium expugnatrix, Plutarchus in Demetrii vita.




Halæ turres sunt lignæ quæ apud veteres propter spectatores è lignis erigebantur: quæ si ex materie larigna fiant atque versiles, tutissimæ sunt: flammam enim missilem, & ictus qualitate materiæ ac vertigine sua non admittunt. Turres autem à tornis dictæ, teste Varrone, vel ut alii, quod teretes sint & rectæ: hæ enim tametsi quandoque quadratæ sint, procul tamen videntibus rotundæ existimantur. Ideo


ideo quia omnis cuiusque anguli simulachrum per longum aëris spaciū eua-
nescit atque consumitur, & rotundum videtur. Rotundæ itaque aut polygonæ
sunt faciendæ: quadratas enim machinæ celerius dissipant, in rotunditatibusq;
ad centrum adigendo lædere non possunt.




Expugnandæ turris instrumentum.




Arabica machina ad expugnationem urbium, magna & ingens,
viris, pontibus, scalis, variisque instrumentis bellicis referta.




Fistula per quam à fossa vel à castello aquam exhauriendo educas.




Aliud educendi aquam instrumentum.




Alia duo ad exhauriendum aquam instrumenta.




ROBERTI VALTURI
Alia duo instrumenta ad hauriendum aquam.




Pons pro defensione.




Plutei, crates è vimine sunt, quę solebant opponi militibus opus facientibus, & appellabātur militares, nunc & tabulę quibus quid pręsepitur eodem nomine dicūtur: hi è vimine sunt, & ciliciis, vel coriis crudis proteguntur, trinisque rotulis consistunt, quarum vna in medio, duę in capitibus apponuntur, vt in quacunq; vis parte admoueri more carpēti possint. Hos pluteos obsidentes muris applicant, eorum munitione protecti, sagittis siue fundis, vel missilibus defensi res omnes de propugnaculis ciuitatis exturbant, vt scalis ascendendi facilius detur occasio.




Instrumentum angusti loci, eundi hostibus obuam velint nolint, cui ponè
stet funditorum sagittariorumq; tela missilia spargentium manus.




Telonum dicunt à longitudine quotiens vna trabs in terram præalta defigitur, quum in summo vertice alia transfuersa trabs longior, dimensa medietate connectitur, eo libramento vt si vnum caput dimerferit, aliud erigatur. In vno ergo capite cratibus siue tabulatis contextitur machina, in quã pauci collocantur armati: tunc per funes attracto depressoque alio capite, eleuati imponuntur in murum, vbi tuto stantes, & hostibus nocere, & prospicere possint, & renunciare quas res aduersarii conentur efficere. Telonis autem forma hæc est.




Sambuca, dicitur ad similitudinem citharæ vel organi machina, qua vrbs oppugnatur. Nam quemadmodum in cithara vel organo chordæ sunt, ita in trabe quæ iuxta trabem ponitur funes sunt, interdumque de superiori parte turriculæ pontem laxant trocleis vt descendant ad murum, statimque de turri exeunt bellatores, & per eam transeuntes, mœnia vrbs inuadunt.




Exoſtra pons dicitur qui de turri lignea in murum repentè producitur. Factus eſt duabus trabibus ſeptuſque vimine, quem ſubitò prolatus inter turrem murumque conſtituunt, & per eam egredientes machinam bellatores in ciuitatem tranſeunt, & muros occupant.




Rota dentata pontem producem, cum gradibus quibusdam
intus ad motum & hominum ascensum per eam.






Terebra ferrea sistendi pontis versioꝝ in ipsius casu quo minus eri-
gatur in sublime hostibusꝝ prohibeatur vrbis ingressus.


Erigendi pontis instrumentum.




Producendi pontis instrumentum.




Musculus cuniculo fit similis, quo murus præfoditur, ex quo & appellatur, quasi murusculus: vel musculi, ut inquit Vegetius Renatus, à marinis belluis nomen sibi vendicant. Nam quemadmodum illæ quum minores sint, tamen balenis auxilium adminiculūq; iugiter exhibent, ita isti quum sint machinæ breuiores vel deputatæ, turribus magnis aduentu illarum parant viam itinerāque præmuniunt. Musculum autem appellauit antiquitas machinas minores, quibus protecti bellatores sudibus præmunitas oppidorum fossas demolirentur, quibus turris ambulatoria sine impedimento iungeretur ad murum.




Scala licet à quibusdā singulariter vsurpetur, & sacris in literis, in libro Genes. Vidit Iacob scalam, scriptum sit, scalę tamen secundū Varronem, Quintilianum, & Focam dicuntur propriè, aut latinè magis, siue vnę sint, siue plures, quia numeri tantum pluralis est nomen, vt literę quum epistolam significant. Salustius in Iugurthino, Deinde vbi vnę atque alterę scalę comminutę sunt, qui superstiterant afflicti sunt: non dixit vna atq; altera. Harum autem formam variam licet ac multiformem, facile quisque intelliget, si quę sunt infrā picturę lineamentis oculis subiecta prospiciet.




Aliud genus scalæ. Calceus cum annulo ferreo.





Alia scalæ difunctæ.




Alia genera scalarum.










Aliud genus scalarum quod rotis & cantho vehitur.



Bombarda, vt vulgo dicitur, metallica machina est quæ ignis incendio & sulphureo puluere, immo tartareo magis, glandes æneas, flammeasq; pilas, & globosa grauioraq; saxa conuoluens, horrifono fragore ac tonitru longe latèque iactat, muros urbium quatiens, & obstantia quæq; demoliens, Archimedis, vt putatur, inuētum, eo tempore quo Marcellus Syracusas obsidebat, vt suorum ciuium libertatem tueretur, patriaq; excidium vel auerteret, vel differret, & quo nostri temporis duces ac imperatores vt liberos populos, vel iugo, vel excidio premant vtuntur. Hoc autem nomen Bombarda apud idoneos latinæ linguæ scriptores nusquam inuenio, quamq; huiusmodi nominis impositio à sonitu tracta mihi nequaquam videatur absurda. Quid enim aliud est Bombarda quam bōbus siue bombizatio quædam ardens? Sed nolim eiusdem dictionis originē aliquam ab aliis doctissimis intactam scriptoribus pertinaci nimis sensu atque iudicio asserere, ne cui forte videar argutior: id autem audacter dixerim, balistæ, vel tormenti, vel machinæ appellatione contineri. Balista enim à græco verbo *βάλλω* deducitur quod latinè dicitur iacio. Quicquid igitur, siue saxa iacit, siue sagittas, rectè balista potest appellari. Nonius Marcellus, Balistæ sunt, maiora saxa & grauiora quibus iaciuntur. Vitruius lib. x. arch. Sed tamen nulla balista perficitur, nisi ad præpositam magnitudinem ponderis saxi quod id organum mittere debet. Orosius lib. iii. historiarum, Regulus bellum carthagenense sortitus, iter cum exercitū faciens, haud procul à flumine Bragada castra constituit: vbi quum plurimos milites aquandi necessitate ad flumen descendentes serpens miræ magnitudinis deuoraret, Regulus ad expugnandam bestiā cum exercitu profectus est, sed nihil in tergo eius proficientibus iaculis atque omni telorum ictu irritum, quæ per horrendam squamarum cratem quasi per obliquā scutorum testudinem labebantur, mirūque in modum ne corpus læderent ipso corpore pellebantur, quū insuper magnam multitudinem morfu comminui, impetu proteri, halitu etiam pestifero exanimari videret, balistas deferri imperauit per quas murale saxum spinæ eius incussum compagem totius corporis soluit. Valerius Maximus de eodem serpente lib. i. Quum telorum iactu perforari nequiret, ad vltimum balistarum tormētis vndiq; petitam, siliis crebris & ponderosis verberibus procubuisse. Quidius de tristibus libro primo.

Nec leuius tabulæ laterum feriuntur ab vndis,

Quàm graue balistæ mœnia pulsat onus.

Idem in nono metamorph.

Nec leuius pulsata sonat quàm ferreus olim,

Quum

Quum laceras aries balistâque concutit arces.


Seneca quest. natur. libro secundo, Nam balistæ quoque & scorpiones tela cum sono expellunt, sicque non imitabile fulmen, vt Maro inquit, humana rabies quodam magno auctore teste imitata est. Quod autē sagittas iaciat balista, auctor est Ammianus Marcellinus, rerum gestarum. xxiii. Assistit, inquit, artifex contemplabilis, & subtiliter apponit in temonis cauamine sagittam ligneam spiculo maiore conglutinatam, & cum ad extremitatem neruorum acumen venerit summum, percita interno pulsu à balista ex oculis auolat, interdum nimio ardore scintillans, & euenit sæpius vt antequam telum cernatur, dolor lætale vulnus agnoscat. Idem xxv. Tum aptatæ ligneis sagittis balistæ, flexu, stridore torquebantur, creberrima spicula funditantes. Hieronymus libro primo cōtra Iovinianum, Balista quanto plus retrahitur tanto fortius emittitur.


Lucanus in secundo,

Tortâque per tenebras validis balista lacertis

Multifidas iaculata faces.

Hanc & græci in fine addētes *βαλίστρα* dicunt, quam et Syrophœnicas inuenisse vi. natur. histo. Plinius auctor est. Ancon autem antiquissimus historiarum auctor scribit pulsum à Ioue Saturnum fugisse in Græciam, vbi mōstruosorum hominum exercitum congregauit, contra quem Iupiter alpestrem partem occupans, balistarum vsum docuit. Proinde victoria potitus, fingitur à poëtis Iouem de cælo pepulisse, & Cretæ regno priuasse.






Tormenta, instrumenta bellica ad diruenda oppida evertendasq; vrbes, sic dicta quòd tela torqueant, hoc est, gyro celeri saxa rotent, iaciant, & mitrant. Liuius xxiiii. ab vrbe condita, Aduersus hunc naualem apparatus Archimedes variae magnitudinis tormenta in muris disposuit, in easq; quæ procul erant naues saxa ingenti pondere emittebant. Iosephus belli iudaici lib. vi. Habebant etiam balistas CCC. & L. tormēta saxorū, quibus difficiliorem aggerū extructionem Romanis efficiebāt. Cicero Antonianarum viii. Quid? ille faceret inducias? ante consules oculosq; legatorum, tormentis Mutinam verberauit. Virg. in vndec.

Continuò aduersis Tyrrhenu & acer acontes
Connixi incurrunt hastis, primique ruinam
Dant sonitu ingenti, perfractaq; quadrupedantum
Pectora pectoribus rumpunt, percussus acontes,
Fulminis in morem aut tormento ponderis acti,
Præcipitat longe & vitam dispergit in auras.
Murali concita nunquam

Idem in duodecimo,

Tormenta sic saxa fremunt, nec fulmine tanti
Seneca quæst. natur. lib. ii. Nubium intra se cōpressarum angustiae medium spiritum emittunt, & hoc ipso inflammant ac tormenti modo eiiciunt. Tormenta etiam missilium instrumenta sunt à torquendo dicta. Virgilius ii. georg.
Itureos taxi torquentur in arcus.

Firmianus libro secūdo contra gentes, Vrbe à Gallis occupata obsessi in capitolio Romani cum ex mulierum capillis tormēta fecissent, ædem Veneri caluæ consecrarunt. Seneca de ira libro primo, Quum opus est cōcitur remittiturque, non aliter quàm quæ tormentis exprimuntur tela, in potestate mittētis sunt quantum torqueantur.



Machina, tormentum murale vrbes labefaciens, & oppidorum mœnia. Tragicus in Thyeste, Admotis nihil est opus vrbes sternere machinis, lōge saxa rotantibus. Valerius Max. libro quinto, Q. verò Metellus celtibericū in Hispania gerens bellum quū urbem Centobricam obsideret, & iam admota machina partem muri quę sola cōuelli poterat disiecturus videretur, humanitatē propinquæ victoriæ prætulit. Nam quum Rethogenis filios qui ad eum transferat Centobricenses machinæ ictibus obiecissent, ne pueri in conspectu patris crudeli genere mortis consumerentur, quanquam ipse Rethogenes negabat esse impedimento, quo minus etiam per exitum sanguinis sui expugnationem perageret, ab obsidione discessit. Quo quidem tam clementi facto, etsi non vnius ciuitatis mœnia, omnium tamen celtiberarum urbium animos cepit, effecitq; vt ad redigendas eas in deditiōem populi Romani non multis sibi obsidionibus opus esset. Seneca epist. lib. xvii. Multi inueniuntur qui ignem inferant vrbi, qui inexpugnabilia sæculis, & per aliquot ætates tuta prosternāt, qui æquum arcibus aggerem attollant, & muros in miram multitudinem adductis arietibus ac machinis quaessent. Idem decimo quarto, Philosophia circundanda est inexpugnabili muro, quem fortuna multis machinis lacessitum non transit. Plutarchus in vita Marcelli, Vt verò machinas instruxit Archimedes, varia missiliū genera & immensæ magnitudinis saxa, incredibili fragore & celeritate iacula aduersum terrestres emittebat copias. Iosephus lib. iii. belli iudaici, Missaq; machinis saxa & murorum minas auferebant, & frangebant angulos turrium. Virorum autem nulli tam fortiter constipati erant, vt non vsque ad extremam aciem, saxi magnitudine & violentia sternerentur. Sciet autē aliquis huius machinæ vis quantum valeat ex his quæ illa nocte contingere, In muro cuidam ex circumstantibus Iosippo caput auulsum est, eiūsque ad tertium stadium veluti funda excussa caluaria. Interdiu quoque pregnātis fœminæ icto vtero ad dimidium stadium infans ab actus est, tanta tormento vis fuit. Ergo machinis terribilior erat impetus & missilium strepitus. Idem in eodem, libro sexto, Omnibūque agminibus contra excursus erant machinæ comparatæ mirabiles, præcipue verò legioni decimæ: balistæ verò vehementiores, & tormenta saxorum quibus nō solum irruentes sed etiam super murum stantes euertebantur. Nam & singula saxa talenti pondus æquabant, & vltra modum stadii torquebantur. Ictus autem non solum primis quos offendissent, sed aliquando posterioribus quoque intolerabilis erat. Iudæi primo cauebant à lapidibus quòd erant candidi: nec tantum sono & fremitu noscebantur, sed claritudine prospiciebantur, denique speculatores in turribus præsidentes prædicebant quando impelleretur machina, saxum


Z

que


que ferretur, patria lingua clamantes, Filius venit. Itaque prædicebant in quos veniret, atque ita vitabant, & hinc eueniebat ut illis declinantibus lapis irritus intercideret. Proinde contra Romani excogitabant atramento decolorare lapides: tunc enim missi non similiter incertos ictus habebant, multosque simul unus impetu corrumpebant. Idem in eodem, Ad Antonianam verò ab ipsis sociis cum multitudine Zelotarum, non solum quod de loco superiore pugnabant, verum etiam quod machinis uti didicerant. Paulatim enim usus aluit peritiam. Aristoteles lib. vii. Politi. Præsertim hoc tempore in quo tormēta & machinæ ad obfidiones urbium cum omni subtilitate sunt adinuēta. Laërtius Diogenes libro de vita philosophorum, De metallicis, inquit, machinis scripsit Strato philosophus. Hæc si nota forent, frueremur simplice cultu: Claudianus libro secundo,


Classica non fremerent, non stridula fraxinus iret,
Non ventus quateret puppes, non machina muros.

Utque in his bellicis instrumentis tua tibi, Sigismunde Pandulphe, quandoque memorem inuenta, memorem & cæteris quibus illa usus fore non ambigo, Ponitur ante oculos machina prius inuisa, à sæculi que inaudita: quippe quæ secundo sine subfello, aliarum præter omnium morem, dictu mirabile, librata innixaque solo, ac gravitate post sua pressa persistit. Egregium sane inuentum auctore te, præclarisque ducibus præsentibus ac posteris quammaximè dignum.




Inuentum est quoque machinæ huiusce tuum, Sigismunde Pandulphæ, qua pilæ æneæ tormentarii pulueris plenæ cū fungi aridi fomite vrentis emittuntur.






Verricula duo tormentaria.





Z iii


Instrumentum erigendi machinam in sublime.





Instrumentum erigendi ponè machinam deprimendique.





Instrumentum ad tormenta deprimenda exollendaque.
















Vinea, machina ex lignis leuioribus colligatur, latitudine pedum octo, altitudine septem, longitudinis verò xvi. cuius tectum munitione duplici, tabulatis, cratibusque contextitur: latera verò vimine sepiuntur, vnde nomen ortum putant, ne saxorum telorumque impetu penetrentur. Extrinsicus autem ne immisso concremetur incendio, crudis vel recentibus coriis, vel centonibus operitur, quumque plures factę fuerint, iunguntur in ordine ac rotis ducuntur: his denique tuti obfidentes, ad subruenda murorum penetrant fundamenta. *Lucanus in tertio,*

Tunc adoperta leui procedit vinea terra,
Sub cuius pluteis, & tecta fronde latentes
Moliri nunc ima parant, & vertice ferreo
Mœnia nunc aries suspensa fortiter ictu,
Incussus densi compagem soluere muri
Tentat, & impositis vnum subducere saxis.


Liuius ab vrbe condita xxi. Aduersus eum vineas agere constituit, per quas aries mœnibus admoueri posset. Idem in eodem, Itaque acrius de integro ortum est bellum, pluribusque partibus, vix accipientibus quibusdam opera locis, vineae ceptae agi, admoueri que aries. Testudo, est scutorum connexio in modum testudinis: nanque in armorum generibus sumunt milites ab animalibus nomina, ut aries, testudo. Hæc ex materia & tabulatis etiam contextitur, quæ ne exuratur incendio, coriis, vel ciliciis vel centonibus vestitur, & ad similitudinem veræ testudinis vocabulum sumpsit. Nam sicut ubi collecta in suum tegmen est, tutam ad omnes ictus videmus esse, ubi uerò caput nudat, & modo reducit, modo profert, ictibus patere, ita machinamenti hoc genere inclusi, tuti sunt interdum, dum reducunt trabem, interdumque exeunt ut fortius cadant detecti, & persæpe caduntur. Testudo etiam qua accessus ad murum potest haberi sic erit facienda, Basis compaginatur quadrilatera, cui in quibus versantur supponuntur rotarum axes, laminis ferreis conclusi, ita ut habeant cardines & foramina, quo vectes traiectiones earum expediant, uti antè & post ad dextrum leuumque latus, siue oblique ad angulos opus fuerit ad id versatis, progredi possit. Possunt autem si opus fuerit hi maximè ex octo rotis esse quibus agatur, verum secundum loci naturam opus erit temperare. Tegatur autem testudo hæc ex omni materia quæ maximè vim habere possit, resistendoque robur, præter pinum, vel alnum, vel aliud id genus, hæc enim fragilia sunt, & ignem facile admittentia: vel uti ignis omnino non possit huic machinæ obesse, argilla insuper cum capillo subacto ad eam quam decet crassitudinem inducatur, circa tabulata collocentur crates ex tenuibus virgis creberrimè textę maximèque recentibus, per crudisque coriis duplicibus consutis, fulvis alga aut paleis in aceto maceratis, circum circa tegatur machina tota, ut à plagarum ictibus & incendiorum impetu tuta sit.




Non mihi etiam videtur alienum de testudine quam Hector Byzantius fecit, quibus rationibus sit facta exponere. Fronseius erat quemadmodum anguli trigoniorum, uti à muro tela cum in eos mittantur non planis frontibus excipiant plagas, ut hic,



Est aliud quoque genus,artificio non minori,& terrificum quidem,
in hunc modum compaginatum.




Aries machinationis genus est,cuius forma hæc erat,Validæ enim et nodo-
se arboris caput ferro vestitur,eaq; suspensa multorū manu ad murum impelli-
tur:deinde retrorsum ducta maiori impetu destinatur,sicq; crebris ictibus con-
cussus muri latus cædit. Viētruius archi.lib.x. Aries sic memoratur esse, Car-
thaginenses ad Gades pugnando castra posuere,quum autem castellum ante ce-
pissent,id demoliri sunt conati: postquā non habuerunt ad demolitionem fer-
ramenta, sumptērunt tignum, idq; manibus sustinentes capiteq; eius summum
murus continenter pullantes,summos lapidum ordines deiciebant,& ita gra-
datim ex ordine totam communionem dissiparunt.



Postea quidam faber Tyrius, nomine Phefarsemenos, hac ratione & inuentione inductus, malo statuto, ex eo alterum tranuersum vti trutinam suspendit, & in reducendo & impingendo venientibus plagis deiecit Gaditanorū murum.



Tetras autem Chalcedonius de materia primum basim subiectis rotis fecit, supràque compegit, & in his suspendit arietem, coriisque bubulis textit vt tutiores essent qui in ea machinatione ad pulsandum murum essent collocati: id autem quod corios habuerat, Testudinem arietariam appellare cœpit, his tunc primis gradibus positis ad id genus machinationis.



Est aries quoque, belli iud. lib.iii. auctore Iosepho, immensa materia malo na-
uis assimilis, cuius summum graui ferro solidatum, est in arietis effigiem fabri-
catum, vnde etiam nomen accepit. Dependet autem funibus medius ex trabe
alia, velut ex trutina palis vtrunque fultus bene fundatis: retrorsum autem ma-
gna virorum multitudine repulsus iisdemq; simul rursus impellentibus missus,
in fronte prominente ferro mœnia percutit. Nec est vlla tã valida turris, aut mu-
rorum ambitus adeò latus, vt etsi priores ictus fortiter sustinuerit, assiduos vin-
cat. Cæsar, siue alius pro eo commentariorum suorum xiii. Literas in Siciliam
nunciôsque mittere, vt sibi crates materiêsque congeri posset ad arietes, cuius in-
opia in Aphrica esset. Ammianus Marcellinus rerũ gestarum quarto, Ad arie-
tem veniemus, Eligitur abies vel ornus excelsa, cuius summitas duro ferro con-
cluditur, & prolixo, arietis efficiens pronam illam speciem, quæ forma huic ma-
chinamento vocabulum indidit: & sic suspensa vtrinq; tranversis asseribus &
ferratis quasi ex lance vinculis trabis alterius continetur, eaque quantum men-
suræ ratio patitur, altitudo retropellens, rursus ad robora quæq; rumpeda pro-
tendit ictibus validissimis, instar assurgentis vel cadentis armati: qua crebritate
veluti

veluti reciproci fulminis impetu, ædificiis scissis, in ruinas cōcidunt structurę laxatę murorum. Huiusce autem arietarię trabis formam Romę in L. Septimii triumphali arcu, marmoreo lapide celatam inuenies. Alii quoque arietem non muros demoliri, sed saxa rotare perhibent.


Claudianus,

Tum tua murali libretur machina pulsu,
Saxa rotet præceps aries, protectęque portas
Testudo feriat, ruat emersura iuuentus.

Illud etiam nec denuo prætereundum, eum qui equus tunc appellabatur, nunc arietem in muralibus machinis nominari. Equo vero vehi gradiente qui & ipse militare instrumentum est, Bellerophontem tradunt, equorum frenos & strata equosque insternere Pelletronium, pugnare deniq; ex equo Thessalos. Ad huiusmodi autę crebros equorum vel arietum impulsus quominus murus percussione læderetur, maiores nostri demittebant laqueum, & eo constricto circumagentes suspenso capite eius declinabant ictus murorū nec patiebantur infringi. Simili modo saccos paleis, aceto maceratis refertos, qua semper arietis impetum ferire viderent demitti iubebant ex muro, vt eo modo secundi ictus errarent, aut exceptas plagas laxitas frustraretur. Helepolim muralem machinā ad expugnandas vrbes dicimus. Ammianus Marcellinus rerum gestarū xxiiii. Pro his arietum meditamentis iam crebritate despectis, conditur machina scriptoribus historicis nota, quam ἡλέπολις Græci cognominamus, cuius opéra diutina Demetrius Antigoni regis filius Rhodo aliisque vrbibus oppugnatis, Poliorcetes est appellatus: ædificatur autem hoc modo, Testudo compaginatur immanis, asserribus roborata longioribus ferreisq; clauis aptata; & contegitur coriis bubulis virgarūque receti textura atque limo, asperguntur autem eius suprema vt flammeos detractet & missiles calus: conferuntur autem eius frontalibus trifulcæ, cuspidis præcutę, ponderibus ferreis trabes, qualia nobis ostendunt pictores fulmina, vt quicquid præterierit aculeis exertis abrumpat. Hanc ita validam molem rotis & funibus regens numerosis intrinsecus miles, læguidiori murorum parti viribus admouet concitis, & nisi desuper propugnātium valuerint vires, collisis muris aditus patefacit ingentes. Ad hæc repugnantium licet vires plurimum possint, eorum non minus valent ingenia, quod Rhodiensibus memoratur vsui venisse. Diogenes enim fuerat Rhodius, & ei de publico quotannis certa merces pro arte tribuebatur ad honorem: ea tempestate quidam præstanti ingenio nomine Callias Rhodum quum venisset, exempla protulit muri, superq; eo machinam in carchesio versatili constituit, quæ helepolim ad mœnia accedentem corripuit, & transtulit intra murum: hoc Rhodii quum vidissent, admirati ademerūt Diogeni quod fuerat quotannis ei constitutum, eumq; honorem ad Calliam transtulerunt. Interea rex Demetrius contra Rhodum bellum comparando Epimachum Atheniensem taliū instrumētorum summum artificem secum adduxit: is autem cōparauit helepolim sumptibus maximis, industria, laboręque summo, cuius altitudo fuerat pedum centum xxv. latitudo sexaginta, ciliciis & coriis ita confirmatam, vt pati posset quoslibet ictus à balista missos: quum autem Callias rogaretur à Rhodiis vt contra eam helepoliam machinam pararet, & vt illam, vti pollicitus erat, transfueheret intra murum, negauit posse.

Nonnulla


Nonnulla enim sunt quæ in exemplaribus paruis videntur verisimilia, quum autem crescere cœperunt dilabuntur, et quod pollicetur desinunt: ut etiã possumus hic animaduvertere, terebratur terebra foramen semidigitale vel digitale, si eodẽ modo eademq; ratione voluerimus palmare facere, non habet explicationẽ: eodem modo eademq; ratione Rhodii decepti iniuriam cum contumelia Diogeni ita fecerunt. Itaque postquã viderunt hostem pertinaciter infestum, periculum seruitutis, machinationem ad urbem capiendam comparatam, vastitatem ciuitatis expectandam, procubuerunt Diogeni rogantes vt auxiliaretur patriæ: primò quia lacessitus iniuria, negauit se facturũ, posteaquã ingenuæ virgines & ephēbi omnes cum sacerdotibus venerunt ad deprecandũ, tunc est pollicitus, verum his legibus, vt si eam machinam cepisset, sua esset: omnibus vno ore annuētibus ita velle, qua parte machina incessura erat, ea murũ perculit, & iussit omnes publicè & priuatim quod quisq; habuisset aquæ, stercoris, & luti per eã fenestram, per canales progredientes effundere ante murum: quum ibi magna vis aquæ, luti, stercoris, nocte profusa fuisset, postridie helepolis accedens antequam appropinquaret ad murum in humido voragine facta confedit, nec progredi, nec regredi postea potuit. Itaque Demetrius quum vidisset sapientia Diogenis se deceptum, delusum atq; frustratũ esse, cũ clãsse sua discessit: tũc Rhodii Diogenis solertia liberati bello, publicè gratias egerunt, honorib;q; omnibus & ornamentis exornauerũt. Diogenes autẽ helepolim reduxit in urbẽ, et in publico collocauit, & inscripsit, Diogenes è manubiis id populo dedit munus. Ita in repugnatoriis rebus nõ tantũ machinæ, sed etiã consilia maximè sunt cõprobanda.




Sunt præter hæc quæ castris vsui esse perhibent alia innumerabilia & penè infinita instrumentorum & machinationum genera, structuris & demolitionibus quàm maximè necessaria : & ne singula enumerando sim longior, vniuersa quæ in quacunque vrbe opportuna esse creduntur duci, præsto esse debent, vt in quouis loco castrametabitur, munitâ omnium rerû ciuitatem possit effingere.

De repugnatoriis autem non est literis explicandum: non enim ad scripta nostra hostes comparant res oppugnatorias, sed machinationes eorum ex tempore ac trito pugnandi vsu, & experientia rerum magistra, ac solerti consiliorum celeritate, sine machinis sæpius euertuntur.

Hæc instrumentorum genera variæ etiam signorum species consequuntur. Signa autem sunt quæ comitantes milites recognoscant in præliis, & ad quæ à conflictu se sæpe recipiunt, vexillo è sublimi, Romanorum more, quod Mars gaudet sanguine, cocco velitante. Colores in his & figuræ pro voluntate ducum casu aliquo, vel rerum occurrentiû auspicio fuere. A primordio nanque orbis conuenientes simul homines ex syluestri vita, primum carnibus humanis vescabantur, belligerabanturque inuicem, eo cui plus virium inerat superante: tum iniuriis potentiorum imbecilles urgente necessitate edocti, acie facta signum animalis sibi ex his quæ postea cōsecrata fuerint præposuere aliquod, postmodum congregati infirmiores aduersus aliorum iniurias se tuebantur: quo factum est vt animali quod salutis causa fuerat, honores tribuerentur. Sic Aegyptios veteres, apud quos nulla militaris erat disciplina, quum à vicinis sæpius bello vexarentur, excogitasse ferunt aliquod insigne quod milites sequeretur, figuras igitur animalium quæ nunc colunt tabulis fictas duces eorum in bello tulisse, eaque ex recognito seruatoq; sub quo quisque militaret ordine, victoriam consecutos. Cæsar in Arato quoq; refert, Aglaostem dicere, Iouem quum ex insula Naxo aduersus Titanas proficisceretur, & sacrificium faceret in littore, aquilam ei in auspiciu aduolasse, quam victor bono omine acceptam tutelæ subiugauerit: sacra verò historia, antea etiam confedis illi aquilam in capite, atq; ei regnū portendisse testatur. Aquilam, auctore Diodoro, Thebæi etiam honorant, tum quia regia videtur auis, tum Ioue digna. Alii inter quos est Iosephus, ob hæc causam apud Romanos agminibus præesse aiunt, quod & vniuersarum auium regnum habeat, & sit validissima, itaque illam & principatus insigne putant, omenq; victoriæ quodcunque bello petierint.




Draco etiam aliquando signum fuit ex quo Pythonem serpentem Apollo sagittis interemit. Apollinem enim quanquam diuinatorem & medicum maiores nostri vellent, ipsum tamen etiam solem dixerunt, & ipsum Titanem, quasi vnum ex Titanis qui cōtra Iouem bella gessere. Pythium quoque Apollinem vocari aiunt à Pythone immensæ magnitudinis serpente, cuius nō magis venena quā magnitudo terrebat: hūc Apollo sagittarum ictibus sternens, nominis quoque spolia reportauit, vt Pythius vocaretur, vnde ad insigne victoriæ coronam lauream, vt Pindarus atque Callimachus memorant, Apollo induit, ac Pythia sacra celebranda constituit. Alii non à Pythonis morte, verū ab Hercule vel Auētino, eius ac rheæ nato, hoc insigne cepisse ferunt. Nam quum horrenda persæpe monstra Hercules ipse domuisset, & victor ac ouans stratarum spoliis ferarum clypeis affixis sese populis ostentaret, inter cæteraq; monstra Hydram suorum capitum excrescentem cæde prosterbens clarissimis trophæis eius adiecisset, postea satus eo Auentinus Turni castra aduersus Aeneam secutus, ac pedes ipse aciem agens, centūque tulit serpētibus hydram. Hæc de serpētis nece ab Apolline interempti, de sagittis, Pythiiq; cognomine ac Hercule communis habet assertio, esto alia atque alia, & naturalis quidem ratio, vt scribit Antipater Stoicus, & Cornificius in etymis, & Plato, & Eusebius in temporibus, haberi possit.




Porro sub Romulo pauper adhuc romanus exercitus, hastis fœni manipulos illigabat, & hos pro signis gerebat.


Ouidius in fastis,
Illa quidem fœna, sed erat reuerentia fœno,
Quantam nunc aquilas cernis habere tuas.
Pertica suspensos portabat longa maniplos,
Vnde manipularis nomina miles habet.




Dehinc quatuor principalia signa in castris haberi cœpere, lupi, minotauri, equi & apri. Verum duo tantum quorum apertam equidem rationem inuenerimus, apri scilicet, & minotauri. Apri nanque quod confecto bello inter quos pax fieret cæsa porca fœdus folerent firmare, à quo qui resiliret, non aliter ac porca lapidibus crudeliter obruta, necaretur.




Minotauri, natura duplici, ut qui usque ad humeros taurus, cætera homo sit: proinde quod non minus varia & occulta esse debent confilia ducum, quam fuit domicilium quondam eius Labyrinthus.



Lupi autem effigiem inter signa militaria extitisse, proinde quod eiusmodi animalis lacte Martii pueri nutriti sunt, vel quod in tutela Maris id animal fuisset, ei quoque dedicatum, manifestis creditur argumentis. Etenim lupus rapax animal, vorax, & suapta natura ablata consumens, maxime quoque id tempus aptum rapiendo pecori, quod milites in diripiendis urbibus solent, observans, quod est antelucanum, post nocturnum. Reddunt & aliam causam animalis huius Aegyptii, fabulosiorem tamen. Nam cum Isis una cum filio Oro cum Typhone esset bello dimicatura, ferunt Osiridem lupi forma ab inferis auxilio, & uxori, & filio venisse, victores itaque Typhone interfecto, honorem ei animanti impendisse, cuius interventu subsidioque victoria parata esset. Tradunt nonnulli agros Aegyptiorum incurstantes Aethiopes, à lupis facta acie usque ad civitatem Elephantiam repulso, qua ex re fit & locus ille dictus Lycopolis, & eis belluis honores à posteris habitus.



De equorum quoque signo nihil præclarum, nihil exploratum satis habeo, nisi quòd per huiusce animantis fortasse speciem cum bellis interfuit plurimumque valeat, Martis commoditatem designare voluerint, tum quia præfagit hoc animal pugnam, & gloriæ & victoriæ cupidum est, tum quia armatos vehit, tum quia sit velox nonnunquam, ut Martem decet, & impetu ac furore maximo plenum.



Denique Aquila paucis annis ante Marium sola in acie portari cœpta erat, reliqua quæ & singulos ordines anteibant in castris, relinquebantur, abdicauitque ea in totum Marius secundo consulatu suo, & Romanis legionibus proprie Aquilam dicauit. Gradiendi deinde sistendi que ordinatio, dispositio totius exercitus & moderatio signorum, cantibus gubernatur, quum ad bellum progressioni & item receptui cætetur, cantu & excitante, & rursus militum animos sedante. Hęc animorum excitatio sedatioque aliquibus ex tubis est. Philippus & maiores sui quum tolli iuberent signa eas habuerint in usu licet, mutauerunt tamen, quòd sonus impediretur tumultu & armorum sonitu, quominus ad omnes pertingeret: quumque castra sibi mouenda forent, cautum fuit ut pertica esset in signum. Noctibus igne vel fumo significationem dare soliti Parthi, cymbalis signa dabant in præliis. Inter Amazones sistro ad bellum foeminarum vocabatur sistebatque exercitus; etenim sistrum tubæ genus, quo Isis

Bb describitur

describitur, & in sacrificiis eius utebatur Aegyptii, à sistendo, siue ab inuentrice, siue à patria mauis lingua denominationē assumens. Iuuenalis, Ihs & irato feriat mea limina sistro. Virg. Regina in mediis patrio vocat agmina sistro. Lucanus in octauo, Non in tēplo tuam romana recepimus Ihsim, Semideosq; canes, et sistra iubentia luctū. Itidē elegiarū scriptor Propertius, Scilicet incaſti meretrix regina canopi Vna Philippeo sanguine austa nota, Ausa Ioui nostro latratē apponere Anubim, Et tyberim Nili cogere ferre minas, Romanāq; tubā crepitātī pellere sistro. Lituus genus buccinē incuruē sic dictē à sonitu, vt ille Homeri versus docet, Insonuit neruus. Ennius, In bello lituus sonitus effundit acutos. Sed quoniā facta litui mētio est, prętermittendū non est qđ posse queri animaduertimus, Vtrum à tuba lituus auguralis appelletur, an tuba à lituo augurum lituus dicatur: vtrūq; enim pariter in forma & pariter in capite incuruum. Sed si, vt quidā putāt, tuba à sonitu lituus appelletur ex illo Homeri versu, necesse est vt virga auguralis à tubæ similitudine lituus vocetur. Vtitur autē vocabulo isto Virg. p. tuba in vi. vbi ait, Et lituo pugnās insignis obibat & hasta: tanquam lituus nomē sibi vendicet qđ litis sit testis. Classica, flexibiles, secūdū Seruiū, tubę, vel cornua sunt reliquis minora cōuocādi causa facta, & à calādo auctore Petronio, id est, vocādo dicta.

Tuba gnea est, & hac Tyrrhenos prius fuisse vsos tradūt, et apud eos Piseū primum, atq; ab illis propterea tyrrhenam appellatam. Quum enim circa maritimas oras Tyrrheni prędones & pedestres dispersi, non facile ad quancq; prędæ occasionem, voce aut buccina conuocarentur, vento plerunq; prępediēte, tubam inuenere, vt puta quæ buccina capacior esset: hinc postea bellicis certaminibus adhibita ad denuncianda bella, vt vbi exaudiri prece per tumultū non poterat, sonitus tubę obstrepentis attingeret. Inter tubam autem & buccinam, veteres discernebant: nam quanquam buccina tubæ similis sit, verū longior & ad bella sollicitudinem denunciāns. Propertius, Buccina cogebat priscos ad bella Quirites: & Maro, qua buccina signum Dira dedit. Tuba autem bellum indicabat: vt idem, Ennium puto secutus, At tuba terribilem sonitum procul ære canoro increpuit, sequitur clamor cælūq; remugit. At hic quidem clamor varius est. Nam interdū tuba canitur vt bella gerantur, interdū ad eos qui fugiunt insequēdum, nonnunquam receptui. Nam receptus is dicitur, quo se exercitus recipit, vnde & signa receptui canere dicuntur. Cymbalorū autem tinnitus & tympanorū pulsatio & cretici Iouis sacris, & eo matris eius mysterio quod Ouidius exposuit in Fastis cōtineri creditum est, quum ait, Ardua iam dudū resonat tinnitibus Idæ, Tutus vt infanti vagiat ore puer. Pars clypeis, sudibus paleas pars tundit inanes. Hoc Curetes habent, hoc Corybantes opus. Res latuit, prisci q; manēt imitamina facti. Aere deæ comites raucaq; terga mouēt Cymbala pro galeis, pro scutis tympana pulsan, Tibia dat phrygios, vt dedit antè modos. Tamen si à poëtis fictam eam opinionē quidam respuant, eamq; velint ingeniose interpretari, verū hęc quum apud varios varia fortiantur officia, in pręfectorum consultationibus terra ac mari opportunis determinanda erunt. Quot verò in religione sint vel esse debeant, quando, qualiter, quo loco munus & officiū suum exercere debeant, pręfecti subiectis deferent, vt rerum significationibus datis, pareant audientes.

ROBERTI VALTVRII

AD ILLVSTREM HERO A SIGIS-

mundum Pandulphum, de re Militari

Liber Vndecimus.



*De bello Nauali & quando primum apud Romanos quiq; primus
nauali triumpho dignus habitus sit.*

Cap. I.



Amplitudo nobilissima rei militaris Romani imperii, Sigismū-
de Pandulphe, non solum terrestribus, verum etiam maritimis
triumphis aucta est, regni coronæ imperio maris adiecto, eiuf-
que gloriam maiores nostri testati sunt, vincētium merita sin-
gulari fauore prosequendo. Extat nanque memoria circa par-
ta de Ancio spolia, anno vr̄bis cccc xvi. quę C. Meuius, qui pri-
scos deuicerat Latinos, Anciatibus victis, & in suggestu fori capta hostiū classe
suffixit, si tamen illa classis, nam sex fuerant rostratę naues, appellanda: verum
hic numerus illis initiis ingentis glorię fuit meritum, vt tribunali foro præfixa
rostra, ceu populo corona imposita videretur, vnde & pro rostris locus nomē ac-
cepit: quumq; pōst mirificis rerum gestarum titulis iam clarum nomen vr̄bis
esse cōpisset, & arma tum extra Italiam mota non fuissent, Po. Ro. quanquam
ad torquendū remos nauticęq; artis omnis ignarus, nihil tamen interesse virtu-
tis ostendit, equisne an nauibus, terra an mari dimicandum esset: Appiōq; Clau-
dio consule, anno vr̄bis cond. cccc lxxviii. primum Carthaginēsis bellum in-
tulit, mirumq; dictu, classe ab arbore excisa, sexagesimo die nauigauit: cōtra ve-
rō Hieronem Syracusanum ducētas viginti naues effecit diebus quadraginta-
quinque, vt tradit L. Piso, quibus fretum ingressus est, fabulosis infame monst̄ris
æstūque violentum: nec est exterritus quin illam ipsam mentis suę violentiam
æstus pro munere amplecteretur, statimq; ac sine mora Hieronem regem tanta
celeritate vicit vt ille ipse sepius victum se quā hostem videret fateretur. Cn. au-
tem Duellio, & Cn. Cornelio Asina coff. quum Hannibal senior siue Hamilcar
Pœnorum dux oram Italię maritimam instructa septuaginta nauīū classe va-
staret, etiam mari aduersus eum congredi ausus est, cui etiam ipsa velocitas clas-
sis comparatę, victorię auspiciū fuit. Intra enim sexagesimam diem quā cæ-
sa sylua fuerat, cētum sexaginta, vel vt alii, centum triginta nauīū classis in an-
choris stetit: quum enim videret Duellius, eos multum posse mari, classem ma-
gis validam quā decoram fabrefecit, & manus ferreas cum irrisione hostium
primus instituit, quibus inter pugnandum hostium naues apprehēderet. Vt au-
tem audiuit Duellius Cornelium Asinam cof. alterum, sexdecim cum nauibus
Lyparam expugnasse, iāmq; ab hostium duce ad pacis colloquium euocatum,

Bb ii punicaq;

punicâque fraude ac astu captum, atque in vinculis necatum, cum triginta ex-
templo nauibus aduersus eum profectus est, commissioque nauali prælio succes-
sit. Vna enim & triginta naues punicæ captæ, suppressæ tresdecim, tria milia ho-
minum cæsa, septem milia capta referuntur: ipse denique Hannibal siue Hamil-
car, ut diximus, punicæ classis dux amissa naui qua vehebatur, scapha subductus
Carthaginem fugit, & à senatu, vafer plurimum cum esset, quia apud eos dux re
male gesta puniretur, quæ fuit quid faciendum iuberent, omnibus vt pugnaret
referentibus, Feci, inquit, & victus sum. sic pœnam crucis effugit. Cn. autem Du-
ellius quem contrahendi nominis gratia Bellium nominarunt, quum superiores
eius appellati essent semper Duellii, quia primum illum maritimū triumphum
ex Pœnis solus inuexerat, non contentus vnius diei triumpho, per omnem vitam
vbi à cœna rediret, crebra sibi prælucere funalia, præcinere sibi tibias, quasi præ
tanta huius victoria quotidie triumpharet iussit, quod quanquā vltra vrbs mo-
rem priuatâque maiorum esset exempla, Romani tamen æquo animo tulere: nul-
la enim victoria illis gratior fuit vnquam, quod inuicti terra pariter et mari plu-
rimum possent: & quia blandissima rerum omnium est gloria, quæ nec leuibus
stimulis insita egregios virorum animos agit & versat, affectatæ iam gloriæ no-
men nobilissimi ciues adepti, magno studio fabricandis nauibus incubuere.

Quæ materies fabricandis nauibus utilior.

Cap. II.



Auibis autem fabricandis animum applicantibus prima in deligen-
da materie consideratio est adhibenda. Nos igitur primum in qua ma-
terie fuerit prudentium consensus, dehinc sternendi tempus absolue-
mus. Robori spissa firmitas est, tantaq; duritia vt terebrari aptè nisi
madefactū non queat, & ne sic quidem auelli clauus adactus: nonnulli ex nostris
in robore consenserunt, in eodem sensu & Galli conueniunt: durat hoc defos-
sum & in aquis, marina tamē aqua corrumpitur. Cedri oleo peruncta materie,
nec tineam, nec cariem sentit. Iunipero non absimilis huic virtus, quæ in Hispa-
nia vasta est & fabricis aptissima. Non improbatur fagus in aqua, nec alnus in
palustribus: æterna enim est, & oneris quantumlibet patiens. Larix propter pon-
dus ab aqua non bene sustinetur, propter alia præcipua est: in humore nec flam-
mam ex igne recipit, nec ab carie, aut tineam propter succum vehementi amari-
tate læditur: verum in maritimis nauibus obnoxiam teredini tradunt, & omnia
præter oleastrum & oleam. Quædam enim in terra, & quædam in mari vitiiis op-
portuna sunt infestantibus. Tradunt abietem circa germinationes, ea qua deci-
dimus luna decorticatam nō corrumpi aquis. Rursus in ipsis arboribus hoc eti-
am satis notum esse debet, limites regionēsq; cæli spectandas esse: robustiores
enim aquiloniæ partes, & in totum deteriores ex humidis opacisq; spissiores ex
apricis ac diurnæ. Est & gentium in his quoque differentia. Alpibus, Apenni-
no laudatissimæ abietes, in Gallia, in Corsica, Bithynia, Ponto, Macedonia dete-
riores, Pernaicæ pessimæ, quoniam ramosæ, cōtortæ, putrescentēsq; facile. Ale-
xandri Magni comites prodiderunt in Tyle, rubri maris insula, arbores esse ex
quibus naues fierent quasi ducentis annis durantes inuentas, & si mergerentur
in corruptas. Abies sociabilis glutino, eadem nauium malis antenisque propter
leuitatem

leuitatem præfertur, tum quòd omnium arborum altissima & rectissima est. Huius inopia in Aegypto ac Syria reges cedris vsi feruntur ad classes. Sesoosis Aegypti rex nauem ex cedro fecit ducentorum octoginta cubitorum longitudine, deauratam exterius, intus verò deargentatam, quam dono obtulit deo qui maxime Thebis colitur. Celebratur quoque in Aegypto ac Syria spina duntaxat nigra, quoniã incorrupta etiã in aquis durat, ob id vtilissima nauium costis: è theda pix naualibus muniendis vtilis.

Cætionis lunæq; tempus spectandum.

Cap. III.



Cætionis quoq; tempus in perseverante materie quàm maxime refert. Vulgo satis putant, obseruare ne dedolanda sternantur ante æditos suos fructus. Robur vere cæsum teredinem sentit: bruma neq; iaciatur neque pandatur, aliàs obnoxium erit vt torqueat sese findatque, quod in subere tempestiue quoque cæso euenit. In infinitum refert & lunaris ratio fiderumque. Sunt qui omnia quæ cæduntur, carpuntur, tunduntur innocentius decresciente luna quàm crescente: sunt qui & quinta, & decima luna ad vigesimam vsque secundam arbores præsertim concidi debere existiment, vt immunis seruetur à carie, & æterna materies reddatur: idq; religionis argumento, quòd æternitatem his tantum diebus placuit celebrari. Sunt qui non nisi à vigesima ad trigessimam cædi velint: ligna enim quæ luna adhuc crescente deiecta sunt, quasi emollita per humoris conceptionem, fabricis quibûsque inepta esse dicunt: proinde circuncisas quoq; ad medullã aliqui non inutile relinquunt, vt omnis humor stantibus defluat. Inter omnes verò architectos conuenit, arbores vtilissime sterni in coitu lunæ, quem diem alii interlunium, alii silentis lunæ appellant. Sic certe Tyberius cæsar quum cremato ponte naumachiaro latices ad restituendum cædi præfinit. Cato hominum summus, in omni vsu de materiis hoc addidit, Materiem omnem non effodias luna decresciente, eximito post meridiem sine vento austro. Tunc erit tempestiua, quum semen suum maturum erit. Caueto ne per rorem doles, idq; mox nisi in trimestri lunæq; dimidiata: nec tangas materiem tum, ne effodias, aut præcidas ab terra. Diebus quattuor proximis quibus luna plena fuerit, optime eximitur. Omnino caueto nigram integrãq; materiẽ ne doles, nève cædas, nève tãgas, nisi siccam, nève gelidã, nève rorulentã. Hæc Catonis præcepta & si ab his ducibus quos pauloatè diximus minus obseruata videant, nimirũ necessario vel tẽpestiuo cætionis tẽpore cõciderũt.

De clauis quibus iungenda est materies, & cuiusmodi esse debeant.

Cap. III.



Lurimum deinde id etiam refert, ferreine an ærei more maiorũ, quibus iungenda materies in vnũ est clauis esse debeant. Ac de clauis æneis, ni fallor, cõiectura mea à veritate haudquaquã aliena est. Est enim æri vis acrior, quam medici stypticam vocant: vnde squammã eius adiiciunt remediis, quæ contra perniciem putredinis aduocantur. Aura etiam quæ ex ære producit haurit & exsiccat quod male influit. Vis præterea quædam remediabilis & siccifica æri inest quam dimittit in vulnere: proinde autor est Aristoteles vulnera quæ ærea cuspide fiunt nocumẽti minus afferre q̃ ex ferro faciliusq; curari. Pari ergo ratione infixum ligno propriam seruat substanti-

Bb III am,

am, & lunari & aqueo repugnat humori, quum ferrum huic cedat & tempori, euestigio rubigine exesum atque consumptum.

Primus nauium usus, & prima earum forma à priscis probata, earum nomina, quicq; gubernandi adminicula seorsum primus inuenit.

Cap. V.



Aui primus in Græciam ex Aegypto Danaus aduenit, antea rati-
bus nauigabatur, inuētis in mari rubro, inter insulas à rege Erythra.
Tunc enim, Nondum cæruleas pinus contempserat vndas, Effusum
uentis præbueratq; sinum. Nec vagus ignotis repetens compēdia ter-
ris Prefferat externa nauita merce ratem. Sint licet qui Mysios & Troianos
priores, rates excogitasse in Hellesponto putent, cum transirent aduersus Thra-
cas. Rates enim tigna vocantur colligata, quæ per aquam aguntur: quo vocabu-
lo interdum etiam naues longas, teste Varrone, significari non dubium est.

Codicarias autem naues dicimus, quod ab antiquis plurium tabularum con-
textus, codex appellabatur, quodq; qui primus Romanis persuaferat nauem con-
scendere, Claudius Codex is fuit, à quo nomen deductum sicq; consuetudo pœna te-
nuit, eo quod in fluminibus vsui plurimum essent. Schedia, genus etiam na-
uigii inconditum est, trabibus tantum inter se nexis factum, vnde & mala poë-
mata, schedia appellantur. Trabica nauis, dicta q; sit trabibus confixa. Su-
mia nauigii genus, auctore Cecilio. Sclata genus nauigii latum magis quam
altum, sic appellatum ea consuetudine qua sclocum per locum, & stlitem per li-
tem dicebant. Musculus curuū nauigii genus ac breue. Scaphæ Aphricano
teste nauiculæ sunt parua, quæ maiores naues consequuntur. Cice. libro primo
ad Heren. Magnitudine tempestatis omnes perterriti, nauim reliquerunt, in sca-
pham conscenderunt. Actuariæ, nauiculæ celeres quæ remis & velis aguntur: sic
dictæ q; citò agi possint. Celox, nauigiū breue à celeritudine dictū, & à Rho-
diis inuentum. Liuius punici belli secundi, lib. i. Naues dūcentas, vigintiquinque
remes, celoces viginti deducit. Mioparo, Pyratarum nauicula ex corio & vi-
minibus contexta, quasi minimus paro. M. Tul. Nam quum quæreretur ex eo
quo scelere impulsus mare haberet infestum vno mioparone, Eodē, inquit, quo
tu orbem terræ. Fasellus, nauigium cāpanum. Salustius, Et forte in nauigan-
do cohors vna grandi fasello vecta, à cæteris deerrauit, marique placido duobus
prædonum mioparonibus circumuēta. Cercirus, nauis maxima est & Asia-
na, & quam Cyprii inuenisse feruntur. Trieres, quas dromones Græci dicunt,
maiores naues sunt & lōgē, lsaie. xxxiii. Neq; trieris magna trāsgredietur eum.
Daniel. xi. Et venient super eum trieres, & Romani innumeri vigintiquatuor
veniēt in trieribus de Italia. Longa naue Iasonem primum nauigasse, Philo-
stephanus auctor est. Eo nanque Colchos petitulo ab Argo fabricata est, & ar-
gos ab eo auctore in sinu pegaseo denominata: vnde Lucanus,
Prima fretum scindens pegaseo littore pinus
Terrenum ignotas hominem proiecit in vndas.

Sunt qui longa naue vsum fuisse ferant primum Sesoosim Aegypti regem, teste
Diodoro, dictaq; vt diximus, & quidam scriptores asserūt, ab Argo eius archi-
tecto qui etiā inter nauigandum eius resarciendæ curam ceperat: vt alii, ab eius
velocitate

velocitate,quàm antiqui Argon appellabant. Pistris, nauigii genus à forma pistrum marinarum,quæ longi corporis sunt sed angusti: à spina enim putrefacti piscis in littore, ad construendas longas naues per imitationem doctrina sumpta est, & eiusmodi naus fabrefacta. A piscibus etiam sunt qui sumptum velint quo ordine in pugnam acies deducendæ sint: ab eisdem quoque quo pacto homines equiq; ferro muniantur teganturq; squammis eorum inspectis. Liburnæ quæ & rostratæ à Liburnia parte Dalmatiæ dictæ. Augusto enim dimicante, cum liburnorum auxiliis succubisset Antonius, tanti discrimine certaminis ac periculo, quod liburnorum naues cæteris aptiores essent, earum similitudo & nomen à Romanis ducibus usurpatæ sunt. Horatius in Hippodo, Ibis liburnis inter alta naui Amice propugnacula. Legia, naus velox, quod vehementi motu suo legat & colligat aquas ante se, dicta. Corbita, nauigii genus tardum & græde, sic dictum quod malo in eius summo pro signo corbes soleret suspendi: nihilq; differt ab Oneraria naui, omnium tardissima oneriq; deuehendo quàm aptissima, & ab Hyppo Tyrio inuenta. Oria, Fabio Placiade Fulgentio teste, nauicula admodum parua, & piscatorum vsui quàm apta. Cymba & Scalmus Phœnicum inuenta, piscatoriæ etiam naues. Cic. iii. Officiorum, Tum Canius, Queso, inquit, quid est ò Pithi? tantumne hic piscium, tantumne cymbarum? inuitat Canius postera die familiares suos, venit ipse mature, scalmum nullum videt. Lintres siue monoxilos, hoc est, paulo latiores scafulas, nauiculas fluuiales cauatas ex arbore dicimus. Liuius secundi punici belli lib. i. Ita ingens coacta vis nauium & lintrum, quæ temere ad vœnalem vsum pyratarum nonasq; alias primum Galli inchoantes cauabant ex singulis arboribus.

Virgilius. i. georg. Cauat arbore lintres.


In his Germaniæ prædones, cauatis singulis arboribus nauigant, trigintaq; homines ferunt: nec id quidem incredibile, cum & grãdiores multo nostris eorum sint arbores, & apud Indos harundines tantæ proceritatis sunt vt singula eorum internodia aluo nauigabili trinos interdum homines deuehant, quina cubita longitudine excedentes. Lembus, nauiculæ genus breuis & velocissime, quam Cirenenses ferunt inuenisse. Virgilius. i. georg. Quam qui aduerso vix flumine lembum. Liuius belli macedonici libro quarto, Nêve ipse nauem vllam præter duos lembos qui non plus quàm sexdecim remis agerentur haberet. Bucentaurus, nauigii genus ad magnos viros deuehendos ac potentes fabricatum: à magnitudine enim boum qui in Italia erant consuetudine factam fuisse in libris de re rustica inquit Varro, vt præposita hac voce bu, magnū quippiam semper nunciaretur: inde dici bulimian, id est, magnam famem, & bupædas grãdes pueros, & iram humanam, & alia his similia ad magnitudinis rationem pertinentia, quod & nunc obseruant femina in transpadana regione, quæ ad significandum ingens & admiratione dignum aliquid, prolatione eius vocis vtiuntur. Bucentaurus ergo, quia principes & magni viri ea vehi solent, quasi magna centaurus, præscæ illius vocis significatione appellata est. Centaurus nanque naus siue signum erat quod naui imponebatur. Expressum autem hoc est à Virg. elegatissime illo versu, Centauro inuehitur magna: qui humiliorem illam vocē in sublimi opere aspernatus,

re aspernatus, digniore verbo ac carminis maiestati conuenientiore vti prudentius voluit. Qui enim bucetorium & non bucentaurum à bucis cētum dici putant oportere, corruptis detractisq; pauculum literis propter lōgum famulatum, qui ad seruitia præstanda potentioribus semper necessarius est, vana & inepta nominis interpretatione falluntur. Triremis, naus quæ tris remorū ordines habet. Horatius in epist.

Nauseat vt locuples quem ducit prima triremis.

Has primum instituisse legimus Argonautas, quod etiam armatis aptæ, & congruæ probentur esse commerciis, vt qui peregrinas optabamus aspicere, nūc mitamus aliis prouinciis terrorem pariter & decorem. Quadriremes quoque ab ordine remorum dictæ, qui numerus magnificentia vtentium per sepe auctus inuenitur. Quinqueremem instituisse fertur Vesicon Salaminus, sex ordinum Zenazetas Syracusanus, ab ea ad decemremem Nesigoton. Alexander porro magnus ad duodecim ordines. Ptolemæus Soter ad quindecim, ad sedecim Perseus, & P. Aemilius, Demetrius Antigoni ad triginta, Ptolemæus Philadelphus ad quadraginta, Ptolomæus philopater qui Tryphon cognominatus est ad L. Heraclius nauibus castellatis Aphrica veniens vsus perhibetur. Præcipuæ admirationis quoque naus quæ ex Aegypto Cæii principis iussu obeliscum in Vaticano circo statutum quatuorq; truncos lapidis eiusdem ad sustinendum eum adduxit, qua naue nihil admirabilius visum in mari, certum est: triginta enim & centum modii lentis pro saburra ei fuere, longitudo spaciū obtinuit ex parte hostiensis portus latere læuo: ibi nanque demersa est, Claudio principe, cum tribus po. ro. molibus, turrium altitudine in ea exædificatis, obiter puteclano puluere aduectis arboribus, eius crassitudo quatuor hominum vlnas complectentū implebat. Caius etiam Cæsar gallica expeditione legatis suis aliam formam præbuit, & ad celeritatem onerandi subductiorem, pauloq; humiliorem quàm alio mari consueuerit, ideo quod propter crebras æstuum cōmutationes, minus magnos ibi fluctus fieri cognouerat ad onera multitudinemq; iumentorum tranuehendam. Gallorum insuper naues ad hunc modum factæ armatæq; erant, Carine planæ quò facilius vada ad decessum excipere possent, proræ atque puppes erectæ ad magnitudinē fluctuum tempestatumq;. Naues & ipsæ totæ ex robore ad omnem vim & contumeliam perferendam, anchoræ cathenis ferreis reuinctæ, pelles pro velis, quibus & vim tempestatum sustinerent facilius, & in vadis consisterent tutius, & ab æstu relictæ, nil cautes & saxa timerent. Contra has Liburnicæ præstant celeritate & impulsu remorum, non tamen propter firmitudinem rostro nocere possunt, neq; propter altitudinē telū ad eas adigi facile potest.

Naues iunctæ ac quinqueres, demptis interioribus remis, vt latus lateri applicetur, cum quibus exteriore ordine remorum velut naues aguntur, turres con-
tabulatæ, machinamentaque alia quatiendis muris portantur, classem in hunc
modum efficiunt bellicam.



Est enim classis nauium multitudo, qua Tiphis princeps depugnauit, sint li-
cet qui Phœnices, solers hominum genus, & ad belli pacisq; munia eximium,
maria nauibus adire, classe configere commentos putent. Siderum obseruatio-
nem in

nē in nauigando Phœnices iidem inuenere, vētorum rationem Aeolus, Helenis filius Remum, Cope latitudinem eius, Plateus vela, Icarus malum, & antennā Dēdalus, rostra Pifeus, Tyrrheni anchoram, Eupalamius tandem bidentem, Anacharſis aſſeres ferreo vnco præfixos, quos harpagones vocant, Pericles Athenienſis adminicula gubernandi à tergo, quæ huc atque illuc curſum nauigii torque ant: atque horum, ſi Anneo Senecæ credimus, exemplum à piſcibus tractum eſt, qui cauda regūtur, & leui eorū in vtrunq; latus momēto velocitatē ſuam ſectūt, ſi Plinio, ab auibus, miluóq; præcipue, qui hāc gubernādī artē docuiſſe ac oſtēdiſe videtur caudæ flexibus, in celo mōſtrante natura quod opus eſſet in pfundo.


Numerus uentorum eorumq; nomina, rationes, & effectus.

Cap. VI.




Voniam milites militūque præfectos etiam adiuturam conſtat notitiā non ſolum maris ac terrę, ſed flaminū quoq; quæ ignaros turbatura eſſent, quum abſque eorum cognitione ac peritiā haud cōmode ſit nauibus motus & curſus in mari, nūc, pigeat licet ſcribere, quippe vbi alibi plura, alibi pauciora inueniam variis ac diuerſis nominibus ab excellentiſſimis rerum naturalium vtriuſque linguæ ſcriptoribus explicata, ſeorſum tamen prout facultas dabitur in tanta doctorum hominū varietate ac diſſonantia, ipſorum numerum nomināque & loca naturas & effectus proſequar atque complectar. Quidam igitur ſapientum putantes ventum eſſe aërem motum & fluentem (Ventus enim ſit, auctore Lucretio, vbi eſt agitando aër percitus) vnum & eundem aiunt ventum eſſe omnes ventos, nec diſſerre propter loca vndecunque extiterit, ſimili modo ſemper fluens. Et quoniam ex omnibus quidem duo veluti à cardinibus perflant, ſeptentrio videlicet & auſter, ſunt qui duos tantum ventos annuant, alium quidem borealem, alium auſtralem, cæteros autem horum eſſe exceſſus, ſed zephyrum quidā borealem, Eurū auſtralem. Eundem numerum Oribāſius orientem propter & occidentem eſſe aſſerit. Quatuor alii ventos obſeruauere per totidem mundi partes: nam eurum ſiue Apeliotem oriens, boream ſeptem ſtellarum regio, occidens zephyrum, auſtrum medius dies mittit, nec Homerus plures quā quatuor nominat, ſed qui accuratius perquiſuerunt eos, octo eſſe tradiderunt, maxime quidem Andronicus Cireſtes, qui etiam collocauit Athenis turrē à marmore octogonā, & in ſingulis octogoni lateribus, ſingulorum ventorum imagines excuſptas cōtra ſuos cuiuſque flatus designauit, ſupràq; eam turrē metam marmoreā fecit, & inſuper Tritonem æreum collocauit, dextra manu virgā porrigentem, & ita eſt machinatus vti vento circumageretur, & ſemper contra flatum conſiſteret, ſupràq; imaginem flantis venti indicem virgā teneret, itaq; ſunt collati, Inter ſolanū & auſtrum, ab oriente hyberno Eurus, quem noſtri vocauere vulturū: & Liuius hoc illū nomine appellat, in illa pugna Ro. parū proſpera, in qua Hannibal & contra ſolem orientē exercitum noſtrū, & contra ventū cōſtituit, quum vēti adiutorio ac fulgoris perſtringētis oculos hoſtiū vicit. Varro quoq; hoc nomē vſurpat. Inter auſtrū & faonium quē Zephyrū dicunt, ab occidēte hyberno aphricus: inter faoniū & ſeptētriones caurus, quē plures corū vocant: inter ſeptentriones & ſolanum aquilo. Videtur hoc modo expreſſum vtī capiat numerus & nomina & partes

partes vnde flatus certi ventorum spirent. Omnia hæc ante oculos locare potest
 turris descriptio substituta cum Tritone buccinam perflâte, dicēte Nasone, Po
 sitoq; tricuspide telo, Mulcet aquas rector pelagi supraq; profundum, Extantem
 atq; humeros innato murice tectum, Cæruleum Tritona vocat, cōchaq; sonan-
 ti Inspirare iubet, fluctusq; & flumina signo iam reuocare dato: caua buccina su-
 mitur illi, Tortilis in latum, quæ turbine crescit ab imo, Buccina quæ medio cō-
 cepit vbi aëra ponto, Littora voce replet sub vtroque iacentia phœbo.



Hanc verò descriptionem tanquam veram cæterisque præcellentem, Mediteranei maris nauitæ omnes obseruant, Genuenses potissimum, totidem adiciens interponentesque. Applicantur prædictis octo primoribus alii quidam secundum Aristotelem, & quatuor quidem etiam secundum Varronem, duodecimque fiunt. Quatuor enim cæli partes internas diuidunt, & singulis ventis binos superaddunt, Aristoteles hac arte, & Varro, viri diligentes, & omnium qui fuerint scripserintque instructissimi, illos ordinant: nec sine causa. Non enim eodem semper loco sol oritur aut occidit, sed alius est ortus occasusque æquinoctialis: hic autem æquinoctium est: alius solstitialis, alius hybernalis: sic siue secundum quòd duodecim aër discrimina suscipit, siue iuxta duodecim in nostra plaça habitationis notæ puncta vnde originem trahunt, siue iuxta duodecim zodiaci signa totidē efficit ventos, quos signorum etiam triplicitas concitat. Nam orientales ignea, Meridionales terrea, occidentales aërea, Aquea verò septentrionales. Principales igitur venti hi sunt, & hoc distincti ordine, vt ostendit vtraque subiecta perigraphiæ descriptio.



Sunt etiam Tranquillo approbante, plura nomina flatûsque ventorum è locis quibusdam, aut ex conuallibus, aut fluminibus, aut montium procellis, aut aliquo sinu tracta, ex aliqua causa quæ ad faciendû vocabulû acciderat, & quæ nō transmittuntur, sed in proximû feruntur: itaq; Virg. Cleopatrá è nauali prælio Aegyptû fugientē vëto lapyge ferri ait, ex lapygiæ sinu, id est, ex ipso Gargano veniente. Equum quoq; apulû eodem quo ventum, vocabulo lapygis appellauit. Hunc caurum esse manifestum est: nam ex occiduo venit, & Virg. sic meminit. Simili modo Calabriam lapyx vexat & Apuliâ infestat Athabulus, Athenas chiron, Pamphiliam tagreis, Galliâ circius, quem in libro originum Cato Cæcium nominat, cui ædificia quassanti tum incolæ gratias agunt, tanquam salubritatem celi sui debeât ei. Diuus etiam Augustus tēplum illi quum in Gallia moraretur & vouit & fecit. Infinitû est si singulos vëtorum flatus eorûque nomina persequi velim, quum nulla propemodû regio sit quæ non peculiarem habeat aliquem flatum ex se nascentem, & circa se cadentem: quumq; præterea antelucani flatus plures sint, nullûsque eorû sit pertinax, sed cadat fortiore iam sole, nec feratur vltra certum tractum terrarûmq; aspectum: nec si vere coeperit, vltra æstatem perduret, duo sunt tamen extra hos vbiq; spiritus magis quàm venti, aura & altanus: aura in terra, altanus in mari. Sed vt ad id de quo agitur propius reuertar, sole vigesimam quintam partem obtinente aquarii, ver aperit mare nauigantibus, cuius in principio fauonii genitales mundi spiritus à fauendo dicti hybernum molliunt cælum. Fauonium autem quidam ad viii. Kl. martias chelidonium vocant ab hyrundinis visu. Nonnulli verò orchiam, vno & septuagesimo die post brumam ab aduentu auium flâtem per dies octo. Fauonio cōtrarius est quē subsolanum dicunt. Est autem exortus Virgiliarum in totidem partibus tauri, sex diebus ante idus maias, quod tēpus austrium est. Huic vento septentrione contrario ardentissimum æstatis tempore exoritur caniculæ sydus, sole primam partem leonis ingrediente, qui dies xv. calendas augustas est, cuius ortum diebus viii. ferme aquilones antecedût. Post biduum autem iisdem aquilonibus constantius perflant dies triginta quos Etesias vocant, mollirēq; eos creditur solis vapor geminatos ardore syderis. Post eos rursus austri crebri vsque ad sydus arcturi, quod ante æquinoctium autumnii vndecim diebus exoritur, nec sine ferme procellosa grandine emergit. Cum hoc corus incipit, corus autumnat, huic cōtrarius vulturnus. Post id æquinoctium diebus fere quattuor & quadraginta virgiliarum occasus hyemem inchoat, quod incidit tertio idus nouembris, hoc est, aquilonis hybernus, multûmq; æstiuo illi dissimilis, cuius ex aduerso est aphricus, ante brumam autem diebus septem: totidem postea sternitur mare halcyonum fœturæ cuius dies nouere qui maria nauigant: eas aues videre rarissimum est, nec nisi virgiliarum occasu fœtificant bruma, qui dies halcyonides vocantur, placido mari per eos & nauigabili, maxime siculo, vt reliquis partibus est quidem mitius pelagus siculum, vtrunq; tunc tractabile, faciût septem diebus ante brumam nidos, & totidem sequentibus pariunt: & his quidem diebus, maris natura benigna, nautis tutissima nauigatio est. Reliquum verò tempus hyemat, & quanquam pyratæ primum mortis pe-

riculo, & in mortem ruere & hyberna experiri maria cœperint, nunc itidē auari quidam & audaces faciant, hi tamen naturales per statuta tempora vêtorum cursus: porro naturales effectus ventorum hi sunt. Omnes enim vicibus suis spirant maiori ex parte, vt contrarius in desinenti incipiat, surgâtque ex opposito cum proxime cadenti. Ouidius, vix nunc obsistitur illis, Quum sua quisque regat diuerso flamina tractu, Quin laniēt mundum, tanta est discordia fratrum. Euris ad auroram, Nabatheaq; regna recessit, Perfidâq; & radiis iuga subdita matutinis. Vesper & occiduo quæ littora sole tepescūt, Proxima sunt zephyro, Scythiam septemq; triones Horriſer inuaſit boreas, contraria tellus Nubibus affiduis pluuiôq; madescit ab austro. Vel si breuius cōplecti mauis, in vnam tempestatem, quod fieri nullo modo potest, cōgregentur, Vna eurusq; notusq; ruunt crebërque procellis Affricus, & qui locū in illa rixa non habuit aquilo. Ab ortu flantes calidiores diuturnioresq; ac tutiores sunt ab occasu flantibus. Ouidius in fastis, Luce secutura tutos pete nauita portus, Ventus ab occasu grādine mixtus erit. Vulturū si à serena celi parte flare cœperit, non durat in noctem. Quisquis erit ventus si feruidus sentierur, pluribus diebus permanebit. Sol auget flatus oriens, & comprimit occidens: medio autem diei ac noctis plerunque sopiuntur, quia nimio frigore aut æstu soluuntur: ex imbribus boreas seu aquilo inter septentriones, reliquos compescit nubesq; abigit atque dissipat. Ouidius de eo, Aptā mihi vis est quia tristia nubila pello, Et freta concutio nodosaq; robora verto, Induroq; niues et terras grādine pulso. Idem ego quū fratres cælo sum natus apto (Nā mihi cāpus is est) tanto molimine luctor Vt medius nostris cōcurſibus intonet æther, Exilientq; cauis elisi nubibus ignes. Idem ego quū subii conuexa foramina terræ, Supposuiq; ferox imis mea terga cauernis, Sollicito manes totamq; tremoribus orbem. Austro maiores fluctus edūtur q̄ aquilone, quoniam nā hic summo maris, ille inferius ex imo spirat. Interdiu aquilo vehemētior, noctu auster, q̄ à græco *νοτιάς* notus dicitur, quia nebulosus atq; humectus. Idem poëta, Madidis notus euolat alis Terribilē picea tectus caligine vultū. Barba grauis nymbis, canis fluit vnda capillis. Frōte sedēt nebule, rorāt pēnaq; sinusq;. Fiant etiā subiti quidā flatus, qui varii multiformesq; sunt. Vagi quippe atq; ruentes telorū more, tonitrua & fulgura edūt, quæ vocāt hi quidē Vulcanū, hi autem Vestā, hi verò horū cōminationē. vnde Papinius, Fulguraq; attritis quoties micuere pcellis: sed fulgura et coruscationes prius cerni q̄ tonitrua audiri, quod coruscare prius cælū creditur, & mox tonare: siue quū simul fiant, vt alii phibent, tūc ignes illi, sui pncipitate dicto citius nostrę se visioni ingerūt. Sonus nō aliter ac ictu & verberato aëre ad aures venit seriorēque sensu concipitur. Herodotus extimat fulgurationē esse velut apud nos incipientium ignium conatus, et primam flammam & certam, modo intereuntem, modo insurgentem: hoc antiqui fulgetra dicebant, tonitrua nos pluraliter dicimus, antiqui autem tonitrum aut tonum. Hoc à Cecinnā faciūdo viro dictum inuenio, si habuisset in eloquentia nomen, & nisi illum Ciceronis verba pressissent. Etenim illo verbo utebantur antiqui correpto quo nos producta vna syllaba vtimur: dicimus enim vt splendēre sic fulgēre. Atqui illis ad significandum hanc subitam ē nubibus eruptio

eruptionē lucis, mos erat uti media syllaba correpta, ut diceretur fulgere: flāma verò illa quam nubium afflictus excussit, si robustiore fuerit incendio, impetu deuehitur in terras, & fulminis habet nomen atque fortitudinem: ubicunq; autem ceciderit, sulphuris odorem emittit, ut inquit Virg. Et late circum loca sulphure fumant, & Lucanus, Aet hereoq; nocēs fumauit sulphure ferrum. Quòd si arctius rotatus effregerit impetus ille sine igne, hoc est, sine fulmine & aliquo promontorio percussus est, aut locorum coeuntium in canalem deuexum ceruumq; collectus, saepius in se volutatur, aquasq; quum voluit vorticē facit, iam Typhon vocatur, id est, vibratus. Rapida enim vertigine contorquetur humus arida & ab infimo erigitur ad summum, nec antennas modò, verum ipsa nauigia contorta frangit, tenui remedio aceti in aduenientem effusi. Illi so enim ipso percussus, arrepta secum in celū refert, sorbētq; in excelsū. Contra hunc inter salutaria quoque, coralli materiā esse dicūt: nam Metrodorus Gorgiam nominat, idem q; resistat Typhonibus & fulminibus. Quum autem circumactus & eundem ambiens locum repentinis flabris profilit & vniuersa perturbat atq; peruoluit, turbo dicitur. Lucretius, Versabundus enim turbo descendit, & illam Deuertit pariter lento cum corpore nubem, Quam simul ac grauidam detruddit ad æquora ponti, Ille in aquam subito totum se immittit, & omne Excitat ingenti sonitu mare feruere cogens. Hic idem pugnacior si est ac diutius volutatus inflammatur, efficit quem *πυρσίζα* Græci vocant, qui & igneus turbo est. *ἀναφυσήματα* Græci vocant eos spiritus, qui de fundo vel hiatibus terræ explosi ad superna meare solent: at procellosus flatus *καταγής* dicitur, quem præfactū possumus dicere, quòd de superiore calī parte submissis, inferiore repentinis impulsibus quatit. Vocatur & columna conspīcatus humor rigens, ipse se sustinet, ab eodem & in longam veluti fistulā nubes aquam trahit, nec minus singula quæ illi obiciuntur, vnde Lucretius, Nam fit ut interdum tantum demissa columna In mare de celo descendat, quam freta circum, Feruescunt grauer spirantibus vndiq; flabris. Et quæcunque in eo quū sint deprensa tumultu, Nauigia in summum veniunt vexata periculum: & hæc ferè omnia pericula venti erupti de nubibus producunt, quibus armamenta rapiuntur, & totæ naues plerunque in sublime tolluntur: & quanquam nihil molestius in mari ventis turbinibusue ac procellis huiusmodi sit, nec maiore hominum ingenio vlla sui parte nauigatio adiuta q̄ remis velisq;, tamen hæc omnia pariter eodē impellētia vnus & paruulus admodū pisciculus assuetus petris, Echinus appellatus, tenet, in se solus elementorū atq; hominū vim recōdens: nullo quidem actu, nullo conamine, sed natura ipsa: & ruant vēti licet, sequiant procelle, imperat tamen furori, tātāsque vires compescit, ut cogat stare nauigia: quorū non vincula, non anchorę pōdere irrevocabili iactę iuuāt, infrenat impetus, ac domat nullo suo labore: nō recurrēdo, aut alio modo quàm carinis adherēdo, et utroq; sese latere colligēte retinēdo: qđ & si scriptis illustribus insitū inuenio, tamē incredibiliū videri posset, si de oceano indico fortassis aut scythico solū scriptū esset, & non potius in nostro mari monstrū hoc Romanis imperatoribus accidisset: hoc enim inherēte, plenā vētis stetit naue, portantē nūcios Peliandro ut castrarent nobiles pueri. Hic tenuisse

fertur Aetiaco mari prætoria nauim Antonii, properantis circuire & exhortari suos, donec transiret in aliā, ideoq; cæsariana classis impetu maiore protinus venit. Tenuit & Caii principis Astaira Antium renauigantis, sed non longa fuit illius moræ admiratio. Animaduersa enim è vestigio moræ causa, quod tota classe prodeūte quinqueremis vna ac sola non proficeret, immo velut in anchoris staret, neque prorsus loco moueretur, è naui protinus exilientibus qui id quærent, circa nauim inuenere adhærentem gubernaculo, ostenderuntq; Caio indignanti mirantiq; hoc fuisse quod quadringentorum remigum obsequium nauigio adhærens contra se tenuisset. In nauigium receptum pisciculum qui tunc videre, eum limaci magnæ similem esse dixere, indici maris conchæ simili potentia, labiis suis nauium dorsa fixerunt, quarum quietus ac tenuis leuissque tactus plus dicitur retinere quàm exagitata possint elementa complere: stat enim pigra ratis tumentibus alata velis, & cursum nō habet cui ventus arridet: sine anchoris figitur, sine rudentibus alligatur, & tā parua animalia plus resistunt quàm tot auxilia prosperitatis impellant: ita quum subiecta vnda præcipitet cursum, supra maris tergum nauigium cogitur stare infixum, miroq; modo natantia incōcussē tenētur, dum vnda innumeris motibus rapiatur. Sed vt dicamus aliam piscis naturam, Forte nautæ prædictarum nauium tactu torpedinis segnissimē torperunt, à qua tātum infigentium dextræ pergrauantur, vt per hastam qua fuerit vulnerata ita manum percutientis inficiat, vt viuæ substantiæ pars sine sensu aliquo immobilis obstupescat. Tradunt alii, quod incredibile videri potest, tardius ire nauigia, testudinis pedem dextrum vehentia. Ferunt & alterum monstri genus, haud minus incredibile, esse circa idem mare indicum auē inaudita magnitudine quampiam, nostri Rocum vocant, cuius pennę longitudine sunt passuum decem, neque tantæ magnitudini vires deesse. Elephantum enim esuriens quum ceperit & aliquādiu per aërem volitando tulerit, in terram iacit, quo casu peremptum depascitur: nec elephantum solum, sed tota insuper rostro prehensa nauigia secum tulit in nubila, & pendentes per inane miseros nauigantes volatu ipso terribili delet ac morte consumit.

Astrologia nautica, secundum solis, lunæ, siderumq; obseruationem,

Cap. VIII.



Exacta ventorum ratione, transire cōuenit ad alia tempestatum prognostica: & quoniam classem ipsam concuti proterique ventorum præliis, & nautarum imperitia sæpenumero cōpertum est, impresentiarum opportuna, tum belli, tum nauigationis tempora describētes, futuri motus ventorum, & imbrium tempestatumque præfagia diligentissime perquisita trademus. Et primū à sole & luna cæterisque sideribus: hinc enim vt poëta inquit doctissimus, tēpestates dubio prædiscere calo Possumus, & quando infidum remis impellere marmor Conueniat, quando armatas deducere classes, Aut tempestiuam syluis euertere pinum. Sol itaque quem Iouis oculum appellauit antiquitas purus oriens & non feruens, serenum diem nunciat: idem quum ante eius exortum nubes rubescunt, ventum: quod si nigrae rubentibus interuenerint, pluuias: si ante exortum nubes quoque conglobabuntur, hyemem asperam denunciabunt: si ab ortu repellentur, & ad

& ad occasum abibunt, serenitatem: si ante ortum radii se ostendent, aquam & ventum prænunciant: si nubes solem circumdlexerint, quanto minus luminis relinquunt tanto turbidior tēpestas erit: sin exortu spargentur partim ad austrum partim ad aquilonem, pura quanquam circa eum serenitas sit, pluuiā tamen ventōsque significabunt: cum oriente radii non illustres imminebunt, quāmuīs circumdati nube non sint, pluuiam portēdunt: si oriens cingetur orbe totusq; defluerit æqualiter, serenitatem dabit: si verō partim se aperit, ex qua parte is se aperit expectetur ventus: si verō duplex orbis fuerit, atrox tempestas inuadet. Porro si circa occidentem rubescant nubes, serenitatem futuri diei spondent: si cæruleum vultum induent, pluuiam denunciant: si igneum, euros. Itidem si maculæ rutilo interuenerint, venti nymbiq; non deerunt: item si circa eūdem occidentem candidus circulus erit, noctis leuem tempestatem: si nebula, vehemētiorem: si autem circulus fuerit, ex qua regione is eruperit, ventum magnum. Soli proxima sunt & lunæ præfagia: nam si splendens exorta puro nitore effulserit, serenitatem: si rubicunda, ventos: si nigra, pluuias portendere creditur: si ante quartam non apparuerit fauonio flante, toto hyemale erit mēse: si sextadecima vehementius flammea apparuerit, asperas tempestates præfagiet: si in ortu quarto quem Aegyptus & multi maximē obseruant, q̄ is certissimus auctor futuri tēporis est, Pura nec obtusis per cælum cornibus ibit,

Torus & ille dies, & qui nascentur ab illo

Exactum ad mensem pluuiā ventisq; carebunt,

Votāque seruati soluent in littore nauæ,

Vt Maro inquit: si plenilunio per dimidium pura erit, dies serenos significabit: si rutila, ventos: nigrescens, imbres: si caligo nubis orbem incluserit, ventos: quā se ruperit si gemini orbis cinxerint, maiorem tempestatem, & magis, si tres erūt nigri, aut interrupti, aut distracti: si plena circa se habebit orbē, ex qua parte is maximē splendeat ex ea ventum ostēdet. Interlunii autē tempus diram nauigantibus pestem non solum ratione, sed vñ & experientia rerum magistra cōprobat. Tertio loco stellarum obseruationem esset oportet. Hæ quum discurre in interdum videntur, venti protinus sequūtur. Quū sereno cælo fulgent, pluuię erunt atrocissime: quum repente siderum splendor hebetatur, neq; nubilo neq; caligine, graues denunciantur tempestates: si volitare plures stellæ videbuntur, quō feruntur, albescentes ventos ex his partibus nunciant: si in pluribus partibus fiet, inconstantes ventos effundent. Sic reliquorū quoq; siderum propria est quibusq; vis, & ad suā cuiq; naturam fertilis, nec meātium modo discurrētiumq; sed multorū etiam adherentiū cælo, quotiēs errantiū accessu impulsā, aut coniectu radiorum extimulata sunt, qualiter in fuculis sc̄timus accidere, quas Græci ob id pluuiō nomine ὑάτης appellant. Et solis lunęq; ac siderum obseruationem diximus. Nunc de his quæ ex passionibus elementorum fiunt, aut ex ipsis originem fumentibus, prosequamur. In his enim non dubia futuri motus præfagia sunt, quum in ipsis initia iam cernātur à quibus causarum principia sumunt. Nubes cum in montium cacuminibus confident, hyemabit: si cacumina pura fient, disferenabit tonitrua. Ex his vt matutina ventum significat, sic imbrem meridia-

na. Nebulæ è montibus descendentes, aut cælo cadentes, vel in vallibus sedentes, serenitatem promittunt. Arcus quum sunt duplices, pluuiam denunciant: simplex verò arcus non easdem vñdecunq; apparuerit minas affert: à meridie enim ortus, magnam vim aquarum vehet, quæ vinci non poterunt vehemētissimo sole, tantum est illis virium: si circa occasum refulserit, tonabit, & leuiter impluet: si ab ortu circæue surrexerint, serena promittet. Quum æstate vehementius tonuerit quàm fulserit, ventos ex ea parte denunciat: econtrà si minus tonuerit, imbrem. Quum ex omnibus quatuor cæli partibus fulgurauerit, ventū & imbrem ex his regionibus demōstrabit: cū ab aquilone tantū, in posterum diem aquam: cum à septentrione tātum, eum ventum: quum ab austro, coro vel fauonio, nocte serena fulgurauerit, ventum imbrēmque ex his regionibus fore indicat. His terreni etiam ignes proximi significant: pallidi nanque murmurantesq; tempestatum nuncii sentiuntur & pluuiæ. In lucernis fungi si flexuose volitet flamma, ventum quoque designant: vel quum cinis in foco concreuit, & quum carbo vehementer perlucet. Est sua etiam aquarum significatio. Maris nanq; ipsius tranquillū sonitus, spumæve dispersæ aut aquæ bullantes, plurium dierum hyemem portendunt,

Atque etiam ventos præmonstrant sæpe futuros
Inflatum mare quum subito, positumq; tumescit,
Saxaq; caua salis niueo spumata liquore
Tristificas certant Neptuno reddere voces.
Antè densus stridor cum celsò è vertice montis
Ortus adaugefcit scopulorum sæpe recessus.

Ex animalibus porrò terrestribus, & marinis belluis, diuersisq; volucribus reliqua plurima supersunt prognostica, tempestatumq; præsagia, quæ apud Tranquillum, Varronem, Nigidium, Aratum, Lucanum, & vatem omnium clarissimum Maronem, in georgic. qui scire volet absoluta diligenter inueniet.

Remedia periculo affectis

Cap. IX.



Adamas autem & remedia periculo affectis. Mare motū, olei aspersione sedatur: & ob id nantes ore spargere tradūt, quoniam mitiget naturam eius asperam tranquillūq; reddat. Si longa sit nauigatio, absinthium potum nausæas arcet. Quia verò nauigantes dulcis aquæ defectu sæpe laborant, hæc quoque subsidia demōstrabimus. Expassa circa nauem vellera madescunt accepto maris halitu, quibus dulcis humor exprimitur. Item remissæ reticulis concauæ cæra pilæ, vel vasa inania obturata, dulcem intra se colligunt humorem. Aqua quoque marina, argilla colata, dulcescit.

Quid agendum antequam cursus in hostes dirigantur.

Cap. X.



Abolutis rebus nauigationi necessariis, ex reliquo antequam cursus in hostes dirigantur, in portu exerceri conuenit nauali prælio dimicaturus, & in tràquillo mari assuescere flectere gubernacula, remos trahere, ferreas manus & vncos, asseres, bipennes falcēsque præacutas præparare, dispositosque per tabulata milites pendente gradu & labenti vestigio stare, vt quod in simulata pugna didicerint, in vero certamine haudquaquam perhorres

perhorrescāt. Ipsius etiam certaminis ratio est, eminus constitutos appetere sagittis accedere ausos, priusquam faciāt cogere pati, & cum ipsis nauigiis mergere: defiliendo item in naues gladiis interficere, aut concurrentibus nauibus cum nauigiis capere. Pugnatorum etiam numerus singulis nauibus imponendus pro copia nauium & militum existimatione augeri & minui potest. Quum autem ignota regio plerunque petenda, non tamen incertū vagari oportet, sed locorum portuumq; opportunitatem exquirere, vt latētibus scopulis inuia quæque ac sicca vitentur.

Quid si classis classi obijciatur.

Cap. XI.



Vòd si hostes classem tenent, inuenta calliditate Græcorum nauium hostilium compendiosa expugnatio est, Ignem græcū appellant confectionem quandam bullitionemque saligni carbonis, salis, ardentis aquæ, vitis, sulphuris, picis, thurisq; cum mollis Aethiopum lanæ filo, & camphora, quæ dictu mirabile sola ardet in aqua materiem omnem adurentem. Callimachus architectus ab Helepoli fugiēs id Romanos docuit primū, & eo sane imperatores multi postea in hostes vsi sunt. Tēpore enim Leonis imperatoris quum orientales populi contra ciuitatem Constantinopolim nauigasent in dromonibus mille octingentis, imperator igniferis nauibus cōtra eos directis, hoc ignis genere omnes absumpsit. Idem paulò pōst cccc hostium naues itēque cccl eodem igne confecit. Sunt qui alio igne, & quidem missili, huicq; persimili, sed vehementius vrēte vtantur. his additis, liquenti vernice ac librario oleo, petroleo, terebentina, aceto quàm acri, confectis, compressis, ad solēque deficcatis, ac postea stupa inuolutis cum acutis ferris imminentibus glomeris instar funiculo contexti, quæ omnia denique sint vno foramine prætermisso, colophonia & sulphure in sequentem modum oblita. Eiusmodi etiam ignē sed thedis inhærentem hostium classibus obijciunt alii,


Lucanus,

Quam pelago diuersa lues, nam pinguibus ignis
Affixus thedis, & tecto sulphure viuax
Spargitur ac faciles præbent alimenta carinæ,
Nunc pice, nunc liquida rapuere incendia cæra,
Nec flammæ superant vndæ, sparsisq; per æquor
Iam ratibus, fragmenta ferus sibi vendicat ignis.

Idem de eodem alibi, piceo iubet vngvine tinctas
Lampadas immitti inunctis in bella carinis,
Nec piger ignis erat per stuppea vincula, pèrque
Manantes cæra tabulas, & tempore eodem
Transstrāq; nautarum summiq; arsere Cheruci
Iam propè semustæ merguntur in æquore classes,
Iamque hostes & tela natant, nec puppibus ignis
Incubuit solis, sed quæ vicina fuere
Tecta mari, longis rapuere vaporibus ignem.

Verū ne ignis abesse possit, lapide pyrite excutiatur, qui chalibe, aut aliquo lapide ictus scintillam edet, quæ excepta sulphure, aut foliis, aut linteo paulisper

ſper ambuſto, ſulphurea materia illico reddit flammam. Sunt aliis gentibus ſua circa hæc inuenta. Nam aliquando fiunt etiam igniaria ex moro, lauro, hedera, quæ exploratorum uſus in caſtris, paſtorumq; reperit. Et quoniam ad excutendum ignem non ſemper lapidis ſilicis occaſio eſt, teritur ergo lignū ligno, ignēq; concipit attritu, excipiente materia aridi fomitis fungi : ſed nihil hedera præſtantius quæ teritur lauro laurūque terit, ignem ſcintillis excutiendo. Ignē in annum quoq; aſſeruare ſerula Prometheus reperit : de hac proinde Martialis, Inuiſæ nimium pueris grataeq; magiſtris
Clara Prometheo munere ligna ſumus.



Probatur ſummopere in aquis & illud Hannibalis inuentum . Nam quum Prufias terreſtri bello ab Eumene victus prælium in mare trãtuliffet, Hannibal nouę cōmento auctor victorię fuit. Quippe omne ſerpentū genus in fictiles lagenas conijci iuſſit, medióque prælio in naues hoſtium mitti, id primū Ponticis ridiculum viſum eſt, fictilibus dimicare qui ferro nequeant: verū ubi ſerpētibz cœpere naues oppleri, ancipiti periculo circunuenti hoſti victoriam ceſſerunt. Saponem alii nigrum oleo vel amurca permixtum fictilibz ſimili modo deiiciunt quo aduerſæ partis tabulata lubrica ſiant, quicq; pugnant nullo pacto poſſint luctando cōſiſtere. Si quis autem & illud experiri velit, habemus in exemplis lectos agilitate iuuenes enatantes ſub aquis, quum proximi hoſtiū nauibus hæſiffent, carinas terebra perforaſſe.

Fluminum tranſitus ex inuentis memoratu dignis.

Cap. XII.



Annectendum & illud arbitror, vt ſi aduerſo flumine ab hoſte præcludamur, quẽadmodum libero tranſitu poſſimus vtī, & id ex geſtis docebimus priorum exēpla tradentes. Alexādro Indiam vaſtante quum Porus ei occurriffet, caſtra inter vtrancq; ripam Idaspis fluminis diſpoſita ſunt: latus hic erat ſtadiis quatuor, altus vadis nunquam repertis. Alexāder Attalum quendam ſibi ſimillimum caſtra ſeruare iuſſit, regiis veſtibus indutum, ipſe cū parte equitatus aliquantum progreſſus, dum deſa caligo diem ſubtexiffet, in vltiorem ripam tranſuectus ancipiti prælio diu fatigatus eſt, donec pedibus elephantorum ſecuribus ſucciffis, agmina perturbata ſunt. Cæſar haud diſſimili ratione uſus eſt. Nam quū flumine ab hoſte impediretur è regione illis caſtra

castra ponentibus, nactus vnum ex pontibus quos illi resciderant, syluestri loco substitit. Postero die omnes copias longo agmine præmittens, ipse cum duabus legionibus parumper moram trahens, pontemque resecto, legiones traduxit, loco idoneo castris delecto, reliquas copias reuocauit. Labienus, vnus ex ducibus eius noctu opportunitatem quæsiuit: is quum hostes aduerso flumine Sequanæ confedissent transitum prohibentes, nactus aliquantas naues singulas gubernatibus tradidit. Lintres etiam conquisiuit, quas magno sonitu remorum in eandem partem misit: hostes suspicati Romanos tribus locis transire, ipsi quoque in tres partes suas copias diuiserunt. Labienus ad naues contendens tres legiones traduxit, acie instructa, quum copiarum hostilium partem dissipasset relique fugam arripere. Fit pons aliquando, vbi hostis non vrget, pluribus nauibus tabulato constrictis. Plurimi interdum equi flumini opponuntur, aquarum impetum excepturi, quo cætera turba molli vado, & tuto, ac stabili gressu traiciatur, vt per Cæsarem in Rubiconis nostri transitu fieri contigit. Geminæ nonnunquam equitum acies delectis prægrandibus equis, ordine, & intercapedine quadam sua seiunctæ currenti aquæ obiciuntur, ac inter vtranque impediti expeditique milites transeunt: superioris namque beneficio, currentis impetus aquæ, visque perfringitur: inferior si qui forte deciderunt, mox raptat & transuehit. Idem Cæsar quum Liger sibi traiciendus esset, vado per equites inuento, vt brachia tantum & humeri ad sustinenda arma liberi ab aqua esse possent, equitatu sic disposito, qui fluminis vim perstringeret, incolumem exercitum duxit. Cælius auctor est, Magonem cum equitatu & hispanis peditibus flumen extemplo transnataisse, ipsum Hannibalem per superiora Padi vada exercitum traduxisse, elephantis in ordinem ad sustinendum impetum fluminis oppositis, quod periti amnis eius vix fecerunt. Quod si altior vnda vtrinque militem respuat, fossis plurimis ac diuerticulis minuenda est, sicut Cæsar in transitu Licoris, ne quid repetitis audeat vndis, Spargitur in sulcos, & fisso gurgite riuus, Dat pœnas maioris aquæ, vt Lucanus inquit. Cyrus potentissimus Persarum rex Babylona oppugnaturus, Gangem fluuium, adeo grandem, vt vbi minus occupet, latitudine viii. m. passuum pateat: vbi immodicum siue plurimum, stadiorum c. altitudine verò ea vt nusquam minus viginti passuum reperiatur, sic leui licet causa permeabilem fecit. Nam quum vnum ex regis equis candore atque forma præcipuum à vorticibus vndarum circumagi atque absumi cum equite vnâ cerneret, aiunt ira percitum iurasse se adeo illum extenuaturum vt mulierum gressibus vadofum redderet, nec dictis defuit, nam totis in hoc expositis copiis, tam diu operi huic incubuit & assedit, donec centum octoginta cuniculis diuisum alueum in cccx. riuulos dispergeret, & siccum in diuersum fluentibus aquis relinqueret. Simili sane opere perdoctis fossoribus, etiam Euphratem inter cæteros fluuios memoratu plurimo, tum veterum literis, tum inundationibus suis celeberrimum, & longe validissimum, Babylonem quodam Chaldee caput petentem Mediamque permeantem deriuauit, ac sic meabilibus vadis siccum partibus alvei patentibus interfecit, coepitque urbem quam ab humano opere extrui vel humana virtute destrui posse, pene apud mortales incredibile erat. Sapor Persarum & suo in his ingenio

ingenio vsus est. Nam quū Nicomediam quę Nisibis dicta esset obsideret, & flumine præpeditus, & plurima molimina ponens eam obtinere non posset, tãdem impetum Mygdonii fluminis, per mediam ciuitatem properantis, à longe retinuit, vtrasque ripas eius faciens excelsiores, vt aqua in se collecta concreueret: quumq; cœpissent ripæ sublimes impleri, subito auferentes quas fecerant catartas, dimiserunt impetum fluminis contra murum, qui vehemētis aquę pondus non ferens cecidit, aliamq; muri partem qua fluuius egrediebatur, cum ingenti ruina deponens, eadem aquæ moles perrupit. Sunt qui raptim cæsa materia rates fabricent, in quibus equi viriq; & alia onera traiciantur, vt Cæsar & Xerxes auctore Lucan. maxime vsi sunt,

Ergo, inquit, vbi nulla vado tenuit sua pondera moles

Tunc placuit cæsis innectere vincula syluis,

Roboraq; immensis late rigare catenis.

Tales fama canit tumidum super æquore Xerxem

Construxisse vias, multis cum pontibus ausus,

Europam Asiæ, Sestonq; admouit Abydo,


Incessitq; fretum rapidi super æquore ponti,

Non eorum zephyrumq; timens, cum vela ratesq;

In medium differret Athon, sic ora profundi


Arctantur casu nemorum, tunc aggere multo

Surgit opus, longeq; tremunt super æquora turres.




Sunt qui pontem disiunctum iumentis vehibilem, commissuris suis & funibus annulisque ferreis confutilem, duplicatis tabulis quibusq; ac vacuis, & contra aquæ ingressum coniunctis glutino, in hanc formam construant.


PONS




ALIVS PONS




ALIVS PONS







Apud alios inuētum hoc etiam extat, vt monoxylos ex singulis trabibus excavatos, pro genere ligni & subtilitate leuissima, carpentis secum ferat exercitus: tabulatis pariter & clauis ferreis præparatis, vt sublata omni mora, quum opus sit, hoc ponte constructo aduersus hostes superuenientes incursus & insidias facere possint.




Sunt qui naues magnas in tris partes, trium cymbarum instar disunctas, coniunctasque deinde, ac tela lini cæra oblita tectas in hunc modum sine remis flumina traiciant, maiorique celeritate vecti quàm si duodecim remorum obsequio agerentur.






Dd ii

Nauiculas alii saligno vimine texunt bouisq; corio tegunt, vt Cęsar in tran-
 situ Sicoris, Lucanus,
 Vtq; habuit ripas Sicoris campóque reliquit,
 Primum cana salix madefacto vimine paruam
 Texitur in puppim cęsos induta iuuenkos
 Vectoris patiens tumidum superemicat amnem.
 Sic Venetus stagnante Pado fusóque Britannus
 Nauigat oceano, sic cum tenet omnia Nilus
 Conferitur bibula memphitis cymba papyro.
 His ratibus traiecta manus.




Vada etiam plerisq; casus attulit, vt Henrico imperatori, qui fluminibus gla-
 ciali rigore constrictis, terram Lucianorum ingressus, eos nimia cęde prostra-
 uit, & terram eorum depopulatus est: verum in casu simili plerique decepti sunt,
 vt Perseus Philippi filius, congestis in vnum copiis, prædarum spe sollicitatis: tunc
 enim forte Danubius, qui & Hister, crassa glacie superstratus pedestrem transi-
 tum facile patiebatur, cum toto & maximo simul agmine inextimabilis homi-
 num & equorum multitudo ad transitum conflueret, mole ponderis & gradien-
 tium concussione concrepans glacialis crusta dissiliit, vniuersumq; agmē quod
 diu sustinuerat, mediis gurgitibus victa tandem et comminuta destituit, atq; ea-
 dem fragmentis præpedientibus superducta submersit. Notanda in his parui ani-
 malis solertia est, obseruatum quippe vulpem locis rigentibus solerti auditu au-
 rem ad glaciem apponere, & coniectura crassitudinem gelu perpendere: quare
 non nisi ad eius accessum reditumque amnes frigore concretos lacusque pleriq;
 transeunt. Subera quidam quam lata pectori subnectunt, quidam dolia inania,
 inde leuitate vehiculi fisci in flumen descendunt, faciliusque placideque deducti,
 tuto aduersam pertingunt ripam.




Dd iii

Hispani verò, Aschitæ, Arabes bubulis vtribus contabulatas crates superimponunt, vectitatiq; hoc ratis genere prætereuntes infestant sagittis venenatis, sine vlla mole in vtres vestimentis coniectis, ipsi cæteris superpolitis incubantes flumen transnatauere.



Nec aliter, si Floro credimus, fiduciam oppidanis resistendi nuncius quispiam fecit, docens aduentare Lucullum, qui, horribile dictu, per medias hostium naues vtre suspensus & pedibus iter gubernans, videntibus procul quasi marina pistrix euaserat. Cæsar quoque, vt in cæteris, in hoc simili modo multorum opinionem superauit: vtre enim ex corio cōfutili follis instar inflatum traiciendis amnibus habuit, eoq; vsus fertur, cruribus infidētis velut gubernaculis dimissis cursum dirigentis: quòd si quis hoc fictum aut commentitium de Cæsare forte dictum putet, Suetonius Tranquillus, opulentissimus auctor ac testis est, Si flumina, inquit, morarentur, nando traiciens, vel innixus inflatis vtribus, vt per sæpe nuncios de se præueniret: atque hic nos quoq; asserendi melius quod dicitur, quodq; ipsi vidimus gratia, minuemus laborē legentibus, subiiciendo picturam.





Illud quoque nec erit inutile, nec præsentī materiæ incongruum, ut aliquorum qui in re militari claruerunt copiæ, vel numero, vel auxiliorum multitudine comparentur: & si à sacris quæ mentiri, & nesciunt ac nequeunt, literis initiū auspicari voluerimus, ubi singulos dies regum omnium illum regem & principem deum & dominum exercituum belligere sæpenumero, imò si dicere fas est, & ab religione nostra non abhorret, & furere aliquādo, & de seui e legimus, inueniemus hebræe gentis numerositatem intantū excreuisse, ut in exitu eiusdem populi ex Aegypto sexcenta milia hominum fuisse referantur bellicæ iuventutis, ut omittamus gentē Idumeorū ad populum Israhel minime pertinentē. Sub Iosue numerū fuisse armatorū sexcentatria milia & mille septingentos proditum est. In expeditione autem Asiana sub Moyse numerus filiorū israhel per domos cognationū suarū & turmas diuisi exercitus sexcentatria milia quingenti quinquaginta inuentus. Est autem omnis numerus israhel M. milia & c. milia virorum eduentiū gladiū. De Iuda autem ccc. lxx. milia bellatorū: nam Leui & Beniamin non numerauerim eo quod inuiti exequerentur regis imperiū. Habuit etiam Asa in exercitu suo portatium scuta & hastas, & de Iuda ccc. milia. Hos autem contra egressus est Zizara Aethiops in exercitu suo decies centena milia & currus trecentos secum afferens. Denique sub iudicibus, sub regibus tot milia variis bellis, diuerso caelo, diuersis destructa temporibus inueniuntur, ut pene non tot natura in lucē edidisset, quot bello ipsi confecisse & dicæarchi omnium de interitu hominū circūscripto numero extinxisse videantur. Præter hanc Hebræorum infinitam pene multitudinem fuere Sesoos Aegyptiorum regi pedestres copiæ milia hominum sexcenta, equitum milia quatuor & viginti, currus bello apti octo milia & viginti cū classe haud parua. Nec est quod quisque gentis huius miretur exercitus, quum olim numero hominum omnis fere orbis gentes Aegyptus superarit. Oppida enim insignia ciuitatesque priscis temporibus ultra decem & octo milia fuisse in Aegypto, libri sacri continent. Ptolomei Lagi tempore amplius tria milia. Vniuersi autem populi numerum fuisse antiquitus septiesdecies centena milia Diodorus testis est. In Gange, insula est magnæ amplitudinis gentē continens, vñā nomine Modroga linguam, circa quam siti sunt nonnulli, cum oppido eiusdem nominis magnifico Modros, quorum rex peditum quinquaginta milia, equitum iiii. milia, Elephantos quadringentos in armis habet. Validior deinde gens Andaræ plurimis vicis, triginta oppidis, quæ muris turribusque muniuntur, regi præbet peditū centum milia, equitū duo milia, elephātos mille. Omnium in India propē, nō modo in hoc tractu potentiam claritatēque antecedunt Tarsæ, amplissima vrbe ditissimaque Balibotra, vnde quidam ipsam gentem Balibotros vocant, immo verò tractum vniuersum à Gange. Hanc Tarsiam gentem, validissimam ad eō fuisse percelebre est, ut gentis eius rex sexcenta milia peditum, equitum xxiii. elephatorum ix. omnibus diebus ad stipendiū habuisse memoretur. Incredibilia similiter tradunt Alexandri Magni comites, in eo tractu Indiæ quē sibi subegerant scripserunt viii. oppidorum Indiam, tertiam partem terrarum omnium, multitudinē

tudinēq; populorum innumeram. Quantus autem Gotticus in Romanos fuerit exercitus Claudio Quintilio Augusto renitente, eorumq; impetum retūden-
te, testis est eorum turba qui perierunt, quum tot capti reges, tot diuersarum gen-
tium nobiles scæming, impletę barbaris seruis senibusq; cultoribus romanæ pro-
uinciæ vt nulla fuerit regio quæ gotticum seruum triūphali quodam seruitio
non haberet. Huius etiam rei testis & index est Claudii ipsius Quintilii epistola
ad Iunium Broccum llyricum tuentem, in hunc modum conscripta, Deleui-
mus cccxx milia Gottorū, duo milia nauium merimus, tecta sunt flumina scutis,
spathis & lanceolis omnia littora operiunt, cāpi ossibus latent tecti, nullū iter pu-
rū est, ingens Carthago deserta, tantū mulierū cepimus vt binas & ternas mulie-
res victor sibi miles possit adiungere. Quid Cyrus? nōne, vt Xenophontis tradit
historia, exercitū omnē Babyloniæ cōegit, in quo eqtū milia centū & viginti
ferūtur cōuenisse, duo milia falcari currus, peditū verò milia sexcēta? Ninus expe-
ditionē in Bactrianos moturus, ex singulis gētibus electo ingēti exercitu aduer-
sus eos pfectus est, traditq; Ethesias scriptor in exercitu eius ad septies decies cen-
tena milia peditū fuisse, equitū milia ducēta, currus verò falcatos paulominus
decē milibus et sexcētis. Bactrianorū rege Zaorte, cōparato hominū cccc miliū
valido exercitu, Nino in finibus occurrete, Semyramis Nini huius Assyriorum
regis vxor gloriæ cupiditate flagrans, vt Diodorus non contemnendus auctor
tradit, cum tredecies centenis milibus peditum, quingētis milibus equitum, cen-
tum milibus curruum in Indiam traiecit, Indōq; illius regionis nobili flumine
duarum milium nauium ponte constructo, qui militum numerus incredibilis
nunc sit forsan audiētibus, sed haudquaquam impossibile videtur, Asię magni-
tudinē multitudinēq; in ea nationum animo aduertenti. Nam si quis Darii
aduersus Scythas expeditionem, si quis item Xerxis in Græciam transitū, si quæ
in Europa pauloante res gestæ consideret, minime dictis nostris abrogauerit fi-
dem. Nam ex vnica Siciliæ ciuitatum Syracusis Dionysius præter naues ma-
gnas, partim triremes, partim quinqueremes ad quadringentas, exercitum pe-
ditum cētum viginti, equitum duodecim milium confecit. Traditur Amazo-
num reginam nomine Mirinam exercitum triginta miliū peditum, duūque
miliū equitum confecisse. Xerxes quum & mari & terra bellum vniuersæ in-
ferre vellet Europæ, cum tantis copiis accinctus peruenit in Græciam, quantas
nec antea nec postea quispiam alter habuisse memoratur. Nam vt classē eius
præteream de qua nobis paulopost differendum est, terrestrem eius exercitum,
si Probo Aemilio credimus, ducentorum milium peditum, equitū quadringen-
torum fuisse constat: si Iustino & Orosio, septingentorum milium & Persarum
quidem, auxiliorum verò ccc. milia: si Herodoto, pedestrem eius exercitum cen-
tum et septuaginta myriadum, equitum octo: eorum verò qui camelos et currus
ducerent, duarum: ad hæc septem milia sexcentos & decem, sine impedimentis
seruorum, pistorūq; turba & aliorum quorum assertio tanta est vt haud sanæ
mentis cuipiam iure videri debeat. Artaxerxes autem egit in prælium, vt Ethe-
sias tradit cccc milia hominum. Dion & Xenophon eos qui dimicarunt longe
plures fuisse testes sunt: neque hoc cuipiam supra fidem videri debet, quum rex
adeò

adeò magnus esset diuina narrante historia, vt ab India vsque Aethiopi-
am c. xxvii. prouinciarum ducibus ac principibus qui suæ obedirent iussioni
præesset, scribēnsque salutem diceret. Antophrodates ab Artaxerxe in Ca-
padociam missus aduersus Dathanem habebat barbarorum equitum vigin-
ti milia, peditum centum milia, eiusdemque generis tria milia, funditorum præ-
terea Capadocum ccto, Armenorum decem, Paphlagonum quinque, Phrygum
decem, Lydorum quinque, Aspendiorum & Pisidarum circiter tria milia, Cili-
cum duo, leuis armaturæ maximum numerum. Philippus Alexandri pater de-
lectu militum in subsidium regiæ dispositionis ex tota Græcia habito, cc milia
peditum, equitum xv. milia confecit, in Asiam expeditionem missurus, absq̃ ex-
ercitu Macedonico, & infinita gētium Barbarie. Copiarum numerum Alexan-
dri qui minimum asserunt xlviii milia peditum ac equitum quinque fuisse tra-
dunt: qui verò plurimum, peditum xlviii. milia, equitum quatuor & quinque ex-
titisse scribunt. Dario campis alpestris contra Alexandrum prima congressio-
ne in acie Persarum sexcenta milia fuere militum, quæ non minus arte Alexan-
dri, quàm virtute Macedonum superata, terga verterunt: in secūda verò congres-
sione cum ccc. milibus peditum & cētum milibus equitum processit in aciem:
tertia verò congressione bellum reparatum, & cum cccc. milibus peditum & c.
milibus equitum obuiam rediit Alexandro. Si quis denuò Darii aduersus Scy-
thas expeditionem mente reuoluerit, cum octingentis eum militum milibus fu-
isse cōfirmet necesse est. Hannibali copię quantę fuerint Pyrenæos mōtes trans-
gresso in Italiam traiciēti, haudquaquā inter auctores cōuenit, illis tamen qui
exercitum eius in centum milibus peditum, equitum uerò xx milibus fuisse asse-
runt, assentiendum magis putem, quum postea quàm Rhodanum transgres-
sus est in xxxvi. milibus hominum ingentique equorum, elephantorum & alio-
rum iumētorum numero exercitus eius imminutus est. Gallorum copię quum
eos præ multitudine abundante non caperent terrę quas tenuerāt, ccc. milia ho-
minum ad nouas sedes occupandas miserunt, horūq̃ cum porrio altera in Pan-
nonia confedisset, urbem Ioniam captam incēdit. Altera Italiā est ingressa. Ro-
manorum qui in ea re plurimum valuerunt hæ fuerunt ab initio copię. Anno
enim ab vrbe condita ccc lxxxiii. quū Gallorum inundatio ad quartum ab vr-
be lapidem confedisset, sociis Romanorum in Latinis, qui à Romanis subiuga-
ti erant, milites præstare volentibus delectu habito, ex Romanis tantum tyro-
nibus decem legiones confectæ sunt. Anno verò cccclxx. quum iam clarum no-
men vrbis esset, quia arma tum extra Italiam mota nō fuerāt, vt cognoscerentur
quæ copię Romanorum essent, census est habitus, inuentæque sunt tunc ciuium
capita ducēta xcvii milia & cccxxxiiii, quanquā à condita vrbe nulla bella ces-
sasset. Anno quoque dxvii cum cisalpinæ Galliæ, vel etiam ex vltiore Gallia
ingens numerus aduentare nunciaretur, permoti consules ad præsidium impe-
rii contraxere vires, quo facto in vtriusque consulis exercitu octingēta milia ar-
matorum fuisse referuntur, sicut Fabius historicus qui bello interfuit scripsit: ex
quibus Romanorum fuerunt peditum cccxlvi milia, & equitum xxvii milia
sexcenta, cætera multitudo sociorum fuit. Nunciato gallico etiā tumultu. L. Ae-
milio

milio Paulo, C. Attilio Regulo coff. solam Italiam etiā sine transpadanis & externis auxiliis armauissē equitum triginta milia, peditum septingenta in naturali historia Plinius testis est. Hac incredibilis apparatus magnitudine, licet Gallorū potētiam existimare. Romani paulo ante Hannibalis tempora futuri belli prauidentēs magnitudinem, cēsu in Italia tum ciuium, tum sociorum qui bello apti essent habito, Diodoro teste, decies centena ferme milia hominum describere. Quante autem Romanorum copię fuerunt, quando maiores ad eō numero & genere variant auctores, ut vix quicquam satis certum affirmari queat? Septem & octoginta milia armatorū & ducētos fuisse in castris Romanis, quū pugnatum ad Cannas est, quidam auctores sunt. In hoc haudquaquā disconuenit maiore conatu atq; impetu rem cum actam quā prioribus annis, quia spem posse vinci hostem Dictator prębuerat. Numerum verō omnium qui tum peditū equitūq; in Hannibalis acie ad Cannas steterunt xl M. peditum, decē milia equitum fuisse ferunt. Quę autē postea Romanorū copię Philippicis in campis, vltimo Cæsaris & Pompeii conflictu fuerint, inter eos quos legisse memini me, qui hunc numerum dicant, remq; hanc elegantissima grauitate perstringant, Plutarchus & Anneus Florus longe variant maximeq; dissentiunt. Qui cū illo itaq; in sententiam eunt, duo & viginti milia militum cum Cæsare, cum Pompeio non multo plures quā bis totidē fuisse asserunt: qui verō cū hoc, trecenta & eo amplius milia bellatorum hinc inde pręter auxilia regum, vade immensum quiddam lector possit mente concipere, affuisse memorant: si enim hoc, auctores, belli duces inspicias, totus senatus in partibus: si exercitus, hinc xi legiones, inde duodeviginti, flos omnis & robur italici sanguinis: si auxilia sociorum, hinc gallici germanicq; delectus, inde Deiotarus, Ariobarzanes, Tarcondimocus, Corinthus omnis, Thraciæ, Capadociæ, Ciliciæ, Macedoniæ, Græciæ, Aetholiæq; totiusque robur orientis deniq; coiere: nec vnquam tam variæ cultu gentes, tam dissona vulgi ora, tot immensæ comites missura ruinæ, ut Lucanus inquit, utq; idem Florus: nec vilo vnquā loco tantū viriū Po. Ro. tantūq; dignitatis fortuna vidit. Post hos, quatuor et quadraginta legiones sub vno Augusti cæsaris imperio numeratæ sunt, quas ad imperii columē tutamēq; per diuersas orbis partes summa cū dignitate distribuit. Duo demū quę nō parua legentibus ingerēt admirationē, de Romanis libet attingere. Siquidē anno vi. Claudii Tyberii principis descriptione Romæ facta, inuenta esse ciuiū Romanorum sexagies nouies cētena quadraginta quatuor milia, cuius rei quia fidem excedit, testis clarissimus adest Eusebius Cæsariensis, in libro de tēporibus, quū iam antē sub Augusto, anno eius quarto & quinquagesimo inuenta essent nonagies trecenta & septuaginta milia. Horum viribus ac consiliorum grauitate Romanorum virtus inuicta per totum olim terrarum orbem habita est. Eo verō in bello quod cum Romanis gessere Iudęi sexcenta milia Iudęorum interfecta Cornelius & Suetonius referunt. Egesippus illorum temporum vicinus libro quinto decies centena milia ab obsidionis illius principio ad finem vsque interempta & in captiuitatem ducta nonaginta septem milia dicit. Ceterum Iosephus Iudæus qui ei tunc bello pręfuit, scribit vndecies centena milia gladio

&

& fame periisse, reliquias verò Iudæorum diuersis actas conditionibus toto orbe dispersas, quarum numerus ad viginti milia hominum fuisse narratur. Et hæc de terrestri militiæ copiis in præsentia dicta iam sint. M. autem Aemilio, Seruio Fulvio Nobiliore coff. iam clarum Romæ nomē quum videretur, Q. etiam Luctatio Catulo præfecto, primo bello punico trecentarum nauium classem Romanorum aduersus Aphros Aphrorūq; aduersus Romanos apud Hegates insulas inter Siciliam & Aphricam Hamilcare duce sexcentarum fuisse constat. Græcorum verò regis aduersus Troianos classem mille quadringentarum nauium, & eo ad huc amplius cum multis & nobilibus earum præfectis, Iliados lib. ii. Homero teste fuisse comperio. Xerxem Persarum deinde regem non horum modo, sed aliorum omnium numerum, hac in re disputent licet auctores, facile superasse haudquā obscurū est. Nauium enim eius classem Persicam Herodotus auctor est trium milium fuisse, in hisq; hominum quatuor & viginti myriades, hoc est, ducenta quadraginta hominum milia: huic classi eodem etiam auctore additæ sunt ex Thracia naues cxx, hominū xxiiii milia continentes. Aemilius Probus lōgarum nauium mille & ducentarum, quas onerariarum duo milia sequebantur. Orosius rostratarum mille ducentarum, onerariarum autem trium milium. Iustinus postremo nauium tantū apud eum astruit, nam decies centena milia numerus est, vt non ab re aliud dici queat etiam de pedestri, quā quod his verbis Satyricus inquit,

Creditur olim

Velificatus Athos & quicquid Græcia mendax

Audet in historia, constratum classibus iisdem

Suppositūque rotis solidum mare credimus altos

Defecisse amnes epotæque flumina Medo

Prandente, & madidis cantat quæ Sostratus alis.

Darius autem cum ex Europa in Asiam rediisset, hortantibus amicis vt Græciam redigeret in suam potestatem, classem quingentarum nauium comparauit, eique Darim præfecit & Arthaphernem, hisque ducenta peditum, decem milia equitum dedit. Alexander verò cxcii nauium classe, quam trium milium alii fuisse perhibent, Asiam petiit. Cæsar octingentarum Britanniam. Heraclianus Aphricæ comes quosque priores præter Xerxē clarissimos in ea re vel equauit vel excessit: nam nauium trium milium septingentarum habuisse fertur numerum, qui apud paucos & nobilissimos ac potentissimos quidem vix est inuentus: cūque is simul ac cum agmine militum ab urbem pergens littore egressus est, occursum comitis Marini territus, & in fugam versus, arrepta naui solus Carthaginē rediit, atque ibi continuo militari manu interfectus est. Sic itaq; ingens tūc numerus timori iam esse cœpit: vnde & Scipio Carthagine victa quum res Aphricæ disponderet, prohibuit ne plus quā decem naues earum quæ belli vfi- bus forent pacto traditas haberent, reliquas omnis generis quæ remis agerentur, quingentas numero fuisse quidam scribunt, in aliquantum maris spaciū prouectas, in conspectu Carthaginis iussit incendi: tamque lugubre earum fuisse incendium, quā si Carthago ipsa conflagrare videretur. Q. T. Flaminius quoque

quoque quum aduersus Philipppum regem Macedonum pugnasset, his ei conditionibus pacem dedit, vt quinquaginta solum relictiis nauibus, reliquas Romanis traderet. Q. denique Fabius Labeo, cum à rege Antiocho quem bello superauerat ex fœdere dimidiam partem nauium accepturus, dimidiam relicturus esset, medias omnes secuit, vt quod tutius erat tota eum classe priuaret.

Ex relatu terra & mari res clarissimæ militum gestæ,

Cap. XIII.



Eferenda sunt etiam tam terra quàm mari ex virtute præclara militum gesta: non enim hæcenus fortuna duces extollendo prosecuta est, vt ocio & ignauia soluti rebelles hostium animos domuerint, quos non minor plerūque immanitas & pertinacia opposuit victorēq; fecit. In acie enim quū dux hostiū ex media Barbarie, trux, ferus, immanis & horrendus contra Romanos, Qui estis vos aliquando inclamasset, respōsum est inuicem, Romani gētium domini: & ille, Ita fiet, inqt, si vos viceritis, acceptoq; belli omine Marcus Crassus Barbaros adortus, graui tandem cōflictu eorum res sublimes pugnando deposuit, nec minimum vnà terroris barbaris incussit Chonidius Centurio, satis barbaræ, efficacis tamen apud pares homines stoliditatis, qui foculum gerens super cassidem, & suscitata motu corporis flammam hostes cædendo velut ardenti capite fundebat. Pyrrhus quum Romanos acie vicisset, & eorum omnium vulnera in pectore cōspexisset, omnium in manibus enses, & relictas in vultibus minas, & in ipsa morte ira, vt ita dixerim, viuentes, tulisse manus ad cælum dicitur hac voce, O quàm facile erat orbis imperium occupare, aut mihi romanis militibus, aut me rege romanis: quapropter quum in templo Tarentini Iouis titulum affixisset, hæc scripsit, Qui antehac inuicti fuere pater optime Olympi, hos ego in pugna vici, victusq; sum ab eisdem, & quum à sociis & amicis increpitaretur, cur se victum diceret, cum vicisset, respōdisse fertur, Ego si iterum simili modo vicero, solus & sine milite Epirum reuertar. Mirum et illud contra Hannibalem in Cannensi pugna, è romanis nanq; miles ita saucius vt manibus non valeret, quum ei Numida quidam humi detrahare spolia vellet, ceruicem hostis vlnis deprehendit, tenuitq; tam diu donec nares atque aures morso detruncaret. Claris memorię monumētis celebratur Eleazar: nam quum supereminentem cæteris elephantum lorica vestitum regia aduerteret, arbitratus in ea bestia regē esse, cursu cōcito in mediā legionē se proripit, & abiecto clypeo vtraq; manu hostes cædens eam subintrauit, subiectoq; gladio interemit, à bestiaq; cadente opprimitur: hac ruina inclusus magisque oppressus, suo est sepultus triūpho. Tanto virtutis spectaculo defixi hostes, inermem occupatum incusare non ausi, post casum ruentis bestię sic trepidauere vt impares se vnus virtuti arbitrarentur: denique rex Antiochus Lysię filius, cum cxx milibus hominum armatorum & xxxii. elephātis vnus territus fortitudine, pacem poposcit: Itaq; Eleazar hæredem virtutis suę pacem reliquit, æternumq; nomen adeptus est. Hannibal quum Romanorum captiuos dimicare inter se cōgisset, vnūque qui fortē superfuerat obiecisset elephantō, ille dimitti pactus si interemisset, solus romanus acri ingenio elephantum aggressus magno Pæ-

Ee norum

norum dolore confecit: Hannibálque quum famam eius dimicationis contem-
 pum allaturam intelligeret, equites misit qui abeuntem trucidarent. Et quan-
 quam exploratum & perspectum habeam, teste Liuius, milites omnium qui Asi-
 am colunt gentium Gallos fama belli præstare, cognouerimq; auctore Crispo,
 paruis copiis bella gesta cum opulentis regibus, ad hæc sæpe fortunæ violētiam
 tolerasse, faciūdia Græcos, gloria belli Gallos ante Romanos fuisse, plures tamen
 propè de Gallis, vt diximus, etiam apud nos triumphi quàm de toto orbe terra-
 rum habiti sunt: nec legionibus legiones eorū solum experti, sed viri vnus cum
 viro fortitudinem atque præstantiam. Nam M. Manlius vnus agmine scan-
 dentes in capitolium Gallos deiecit, annorū sexdecim voluntariū se militē obtulit,
 xxxvii militaribus donis à suis ducibus ornatus, xxiiii cicatrices habuit. M. au-
 tem Valerius, Titusq; Manlius quātum gallicam rabiem vinceret romana vir-
 tus, documenta sunt. Ille enim ducem Gallorū vasta & ardua proceritate inani-
 ter & arroganter telum manu reciprocātem, pèrque contemptum & superbiam
 conspicientem omnia ac prouocātem congregi siquis pugnare secum ex omni
 romano exercitu auderet, singulari certamine congressus occidit: hic vero simi-
 li modo Gallum quendam nudum præter scutum & gladios duos, torque, atq;
 armillis decoratum, qui & viribus, & magnitudine, & adolescētia simulq; virtu-
 te cæteris antestabat, cum voce maxima cōclamaret, siquis secum depugnare vel-
 let vt prodiret, quumq; nemo auderet propter magnitudinem & immanitatē ho-
 minis faciēmq; tum irridere cœpisset & hiulco linguam ore in Romanos exere-
 re, T. Manlius summo genere natus, tantū flagitium ciuitati suæ accidere, vt è
 tanto exercitu nemo prodiret, indignabundus in medium processit, neque pas-
 sus est virtutis romanæ per Gallum gloriā ad suos transferri, eaq; transgressionē
 vtroque exercitu inspectante Manlius animo magis quàm arte cōfusus, asperum
 & immite certamen tam diu cum Gallo subiit quāmdiu Gallum euertit, caput
 decidit, torque detraxit. Huius postea filius bello aduersus Latinos hostē à quo
 similiter prouocatus fuerat occidit. Q. etiā Cocci militis romani, qui ob insignē
 bellicæ virtutis gloriam Achillis cognomentū sibi a sciuit, nec subticēda duplex
 animi corporisq; præstantia: nam quum apud Celtiberos gentem pugnacissi-
 mam à duobus ad dimicandum prouocaretur, alterum & equitem quidem pu-
 gnæ accinctum, excursantem, lustrantemq; omnia, ac insolentissimè procacissi-
 méque futuri victoris instar iritantem adortus occidit, armāq; detraxit: alterum
 generis claritate & fortitudine omnibus Celtiberis facile præcellentem cedere si-
 bi non solum compulit, sed ensē illi suum & induuias spectantibus vtrinq; le-
 gionibus tradere. In Cæsaris etiam congressibus insignis virtus emicuit Volca-
 cii Tullii, qui cū tribus cohortibus legionē Pompeianā perculit repulitq;. Vna
 quoq; Cæsaris cohors castello præposita quatuor Pompeii legiones quū diu su-
 stinuisset, tātus fuit in ea sagittarū imber, vt sine vulnere defensorū nullus euade-
 ret, quin et cēturiones quatuor, oculis capti essent, vt quū serò diurni laboris ac pe-
 riculi summā imperatoris nō tam auribus q̄ oculis subiicere ac representare de-
 creuissent, centū ac xxx sagittarū milia inter vallū inuenta numerarēt. Fuerunt
 & in legione Ciceronis qui legatus quoq; Cæsaris erat duo centuriones qui per-
 petuas

petuas inter se controuersias habebant, vter vtri præferretur : horum alter Pul-
 sius, Varrenus alter dicebatur: accidit vt castra oppugnarentur, tum verò Pul-
 sius, Quid dubitas, inquit, ò Varrene, hæc dies de nostris cōtrouersis iudicabit:
 hæc dicens procedit extra munitiones vbi hostes confertissimi erant, subsequi-
 tur Varrenus mediocri spacio relictus, Pulsius pilo hostem exanimans impeti-
 tur ab omnibus transfixus scutum & baltheum, gladiū educere non potuit, suc-
 currit inimicus ille Varrenus protegitq; ab hostibus, in quem quū se hostes con-
 uertissent, ipse vno interfecto in locum iniquum decedit, cui circumuēto succur-
 rit Pulsius, atque ambo cōpluribus interfectis incolumes se in castra recipiunt.
 Fuit eidem Cæsari Scæua miles fortissimus qui pugna ad Dyrrhachium com-
 missa vulnera accepit capite, humero, & fœmore, excussoq; oculo traiectus, & scu-
 to cxx telorum ictibus perforato, hostes pinde ac se dediturus esset accibat, sub-
 euntibusq; duobus, alterius humerum enſe cecidit, alterum ore percussum vertit
 in fugam. De hoc quidem varia est fama: Quidam tradunt Cæsarem viri & de
 se & de repub. vt aiunt, ita meriti, eximia virtute permotum, qua commissi ca-
 stelli portæ custodia prope sola seruata esset, pecuniariis eum donis ingenti-
 bus, & magnis honoribus cumulasse apud alios. Scæua idem duce absente ceden-
 tibusq; comitibus, contra omnem Pompeii exercitum stetit, & clypeo cxx telo-
 rum ictibus transfixo, miris & incredibilibus rebus gestis, & commissi loci cu-
 stodiam relinquens, suorum receptus amplexibus relatus occubuit, iacens quoq;
 victoribus terribilis ac stupendus, qui tot eximias pugnas in Gallia Britannia-
 que fecerat, cōtra hostes semper inuictus, et à suis tandem ciuibus interfectus est.
 L. Siccus Dentatus tribunus plebis centies vices præliatus, octies ex prouocati-
 one utroque exercitu inspectante victor, quadraginta quinque aduersas habuit
 cicatrices, in tergo nullā notam, spoliis ex hoste tricies & quater ceptis, quatuor-
 decim ciuibus ex media, vt aiunt, morte raptis atque seruatis: nouem quin etiam
 imperatores qui opera eius vicerant persecutus, hastis puris, faleris, torquibus, ci-
 uicis coronis, aureis, muralibus, obsidionali vna, armillis atq; pharetris plurimis
 donatus insignis emicuit. M. Sergius post hunc duobus stipendiis primo aduer-
 so corpore ter & vices vulneratus, secundo dextram manum perdidit: quare po-
 stea sibi manum ferream fecit, & cum neutra pene manu idonea ad præliādum
 valeret, vna die quater pugnavit & vicit, sinistra duobus equis eo insidente con-
 fossis, eaque religata præliatus Cremonam obsidione exemit, Placentiamq; tuta-
 tus duodena hostium castra in Gallia cepit, bis ab Hannibale captus, bis à vin-
 culorum eius nexu profugit, cum xx mensibus quibus captiuitatis sortem perfe-
 rebat, nullo momento sine compedibus fuerit & cathenis, omnibus asperimis
 præliis, quæ tempestate illa Romani experti sunt insignitus donis militaribus, à
 Trasimeno, Trebia, Ticinóque coronas ciuicas retulit. Cannensi quoque præ-
 lio de quo refugisse eximium opus virtutis fuit, solus accepit coronam. Fla-
 minio consule, quum eum Hannibal circuniacentium locorum vastatione
 in bellum excitasset, tantus vtrinque pugnandi ardor extitit vt grauissimum
 terræmotum qui tunc forte tam vehemens factus est vt vrbes diruisset, montes
 transtulisset, discidisset rupes, flumina retrorsum egisset, pugnares omnino non
 Ee ii senserint.

senferint. Aristomenem Mesenum cccc Lacedæmoniorum occidisse proditum est, captum per cauernas latrinarum euasisse, angustias vulpium aditu secutum: iterum captū, sopitis custodibus ad ignem aduolutum cum loro corpore excussisse: tertio captum Lacedæmonios pectus dissecuisse, hirsutumq; cor ei repertum. In Britannia dum commilitones Cæsaris in palustrem quendam locū & aquosum incidissent irruissentque in eum innumeræ hostium copię, ac prælium spectante Cæsare fieret, quidam miles eius, nomine Scauola, in medios irrupit, plurima strenuæ fortitudinis opera edens: solus enim immobili gradu persistēs, missa vndique in eum telorū infinita multitudine, quinq; militū vnius diei pugnae suffectura tela manu sua hostibus adegit, strictoq; gladio fortissimos quosq; hostium cateruatim affluentium incredibili dimicatione propulsans, tandem tragula & saxo ictus, versis in fugam hostibus commilitones reduxit incolumes, ipse verò egre cunctos euadens, in limosam se prorupit paludem, quam nunc narranto, nunc pedibus commeando, vix tandē duabus loriceis onustus amisso traiecit scuto. Admirāte deinde Cæsare & magno cū gaudio & clamore obuiū exipiente, mæstus ille ante pedes Cæsaris prōcidit, amissiq; veniā scuti obsecrans, centurionatus honore donatus est. Cynegiri, Atheniensis militis gloria, magnis scriptorū laudibus inclaruit: præter enim ingētes præliorum cædes quum fugientes hostes ad naues egisset, onustā nauem dextra manu tenuit, nec prius dimisit quàm manum amitteret: tunc quoq; amputata dextra, nauem cū sinistra cōprehēdit, quam & ipsam quum amisset ad postremum morfu nauem detinuit, tantāq; denique in eo virtutem fuisse tradunt, vt non tot cædibus fatigatus, non ambabus manibus amissis victus, quin truncis etiam ad postremum & dētibz velut rabida quædam fera dimicauerit. Simili pertinacia in consecrandis hostibus Attilius vsus fertur, non Massiliensium, vt Lucanus inquit, sed Cæsaris miles, quemadmodum reliqui & quidem non incelebres auctores tradunt. Nauali nāq; apd' Massiliā certamine quū hostilem in puppim dextrā iniecisset, illa gladio amputata Massiliensium, nauim nihilominus ingressus laua tam diu retinuit, quousque hostes atroci vultu obterrens prostratis omnibus nauim victor occupauit, occupatamq; profundo immerfit, equauitque Cynegiri factum, quod loquacissimæ Græciæ laudibus in cælum vsque sublatum est.

Emulatio gloriæ & ducum comparatio atque præstantia.

Cap. XV.



Vnc vt gloriæ audis præmissis ad summamque rerum aspirantibus honos reddatur, qui nobiles duces quiq; inclyta suis facultatibus gesserint subnectemus. Verum quoniam in huiusmodi rerum summa spectari discutiq; maxime solent, rei militaris peritia, virtus, ingenia, mores, vires, & fortuna, potissimum in his superioris ætatis exterarum nostrarūque gentium duces & reges aliquot prima fronte mutua inter se videntur comparatione quàm similes extitisse. Sic enim maiorum sententia freti, non sumus nescii solitum Romulo Theseum comparari, Camillum Bruto, Brutoq; Dionem, Numæ Lycurgum, Marcello Pelopidem, Fabio Periclem: Quicquid Maximo Iasonem Pheræū, & Themisonem Themistocli, Aristidi Eumenem, Sertorio Simoniq; Lucillum: quanquam de hoc ipso ita scriptum inuenio, Bellicis

licis in artibus, ut Aeschylus auctor est, quem huic comparabimus, quem huic opponemus, quis huius similis? quum Antiochum grauem philosophum scripsisse constet, Lucullum victoriam omnium quas vnquam sol viderit maximam ex hostibus retulisse. Exploratum est & Photionem quinquies & quadragies imperatoriam iniisse dignitatem, quum ne semel comitiis interesset, sed semper absens & crearetur & accerferetur. Ex hoc igitur quantus ille dux fuerit facile coniici potest. In Alcibiade, cui flagrantissimum fuit ingenium, consilii plurimum, eloquentia singularis, corporis species praestans, praecipua potentia, virtus eximia, nobilitas, in re militari summum imperium & summa gloria, quicquid natura effingere possit, videtur experta. Constat enim inter omnes qui de eo memoriae prodiderunt, nihil eo duce fuisse excellentius, quum pleraque haec omnia animi, & corporis, & fortunae commoda inter sese in eo duce praecellencia certare videantur. Thrasylbuli virtus si per se absque fortunae numine pensanda est, dubius sum an eum omnium primum posuerim: illud dubio procul, neminem huic praefendum censeo, fide, constantia, magnitudine animi, in patriamque amore. Nam quod multi voluerunt paucisque concessum ab vno tyranno patriam liberare, huic contigit ut à triginta oppressam tyrannis seruitute, in libertatem vindicaret. Iphicrates non tam cumulo & rerum gestarum magnitudine quam disciplinae militaris peritia nobilitatus est, & praecellentibus ducibus annumeratus. Eiusmodi enim dux fuit ut non solum aetatis suae cum primis comparandus, sed ne de maioribus quidem natu ei quisquam sit antefendus: imperator enim & dux saepe delectus, nusquam culpa rem male gessit, consilio semper inuictus, quo tantum excelluit ut multa in re militari noua quum inueniret, inuenta plurima meliora reddiderit. Lyfander Lacedaemonius magnam praecleari ducis & imperatoris famam praesentibus & posteris reliquit, verum magis felicitate quam virtute partam. Thymoleon Corinthius sine dubio magnus omnium iudicio hic habendus, nanque huic vni contigit quod nescio an ulli, ut & patriam à tyranno oppressam liberaret, & Syracusis quibus auxilio erat missus inde inueteratam seruitutem depelleret, totamque Siciliam multos annos vexatam bello à barbarisque oppressam, suo aduentu in pristinum restitueret: & quum esset non simplici fortuna confictatus, id quod difficilius putatur, multo sapientius secundam quam aduersam pertulit fortunam. Agelinus rex, & contemptor superum Mezentius, utpote qui non solum hominum sed deorum sibi honores exposceret, in hac quoque clarorum ducum concertatione quodam magno auctore numerandum sese offert, nec iniuria id quidem: nam si Nasoni accedimus,

Clarus erat sumptisque ferox Mezentius armis,

Et vel equo nullus, vel pede maior erat.

Legimus & Cyrum Gracorum maximis laudibus celebratum, quod in expeditionem profectus, Aegyptum in suam deditionem redegerit & omnes quae à Syriae finibus ad mare usque rubrum pertinent gentes nationesque subegerit. Epaminundae quoque res strenue gestae à plurimis omnium anteponuntur virtutibus. Thebas enim ante hunc ducem natum & post eiusdem interitum

perpetuò alieno paruisse imperio constat, ecòtra eos quàm diu ille præsuerit reipublicæ, caput fuisse totius Græciæ nemo inficias ibit. Ex quo sanè intelligi potest hunc vnum ducē pluris quàm nobilissimā ciuitatem suam fuisse, maximè quum eius mortem tanta præter seruitutem, Thebanorum iactura & perditio subsecuta sit, vt non amisisse ducem suum et columnen, sed ipsi cum eo simul tūc funditus periisse viderentur. Et quāquam Homérico præconio exploratum & notum sit, etiam illud Achillis & Hectoris mutuū vitæ ac sanguinis certamen quod monomachiam appellant, & eam virtutem quæ supra nos est heroicam atque diuinam præ cæteris Hectorem habuisse, neq; proinde videri mortalis hominis filium esse sed dei, nō inepte tamen, quum non homerica sed paterna illa commendatio fuerit, debet Achilles, Hectorem qui vicerit, & virum, & animi rerumq; gestarū præconio ac dignitate minor haberi, quam & ipsam in aurea capra ita scriptam offendes, Si cor, si vires, si bella requiris Achillis, Paucis expedīa Hectore maior erat. Videbis etiā Daretis Phrygii, Troiani scriptoris attestatione, maioris fortitudinis, & virtutis Achillē fuisse q̄ Hectore. Achillem præterea Iouis nepotē & Thetidis filium vult Homerus, cæteri q; sine cōtrouersia poetæ, qui homines morum & virtutum præcellentia, non solum deorum progeniem volunt, sed etiam deos fieri: quòd si eodem præcone, & sensu, & decoris festiuitate in cælum tollatur Nestor, Atridas apud suos, fama claros, & motos furore Aiaces, & dolis & astu Vlyxem reddant, Milciadem Marathon, Themistoclem Thermopylæ prædicent, Homerūque idem & Maro nedum Barbaris sed Latinis & Graiis ducibus præficiēdo regem illum quo iustior alter, Nec pietate fuit nec bello maior & armis, quicquid denique aliarum gentium præclaræ laudis vsquam extat, in vnum si conferatur, profecto citra Romanos rerum dominos gentemq; togatam subsistet: quocirca sunt qui suo quodā iure Brenum animi magnitudine & rerum gestarum gloria extollendum putent, quòd Gallis Senonibus in militiam sumptis Romam mundi dominam armis inuaserit, in Romanos tanquam imbelles impetus fecerit, eosque sic strauerit vt non facile quispiam similē ruinam romanæ militiæ recenseret, etiam si Roma insuper incensa non foret: verum vt vicerunt, sic victi sunt & ad internitionē Dolobella duce deleti vt nullus ex ea gente superfuerit qui incensam à se Romam gloriaretur. Neq; verò Hannibalis res gestæ obscuræ, neq; posteriores erunt: annis enim v. & xx. minor natus imperator factus, proximo triēnio ille, viris armisq; nobilē & exercituū seminarium bellatricem subegit Hispaniam, Saguntum potentissimā urbem Romanis amicissimam, ac fœderatā expugnauit ac obsidione deleuit, tres exercitus maximos comparauit, altero in Hispania cū Hasdrubale fratre relicto, altero in Africam misso, tertium in Italiam secum duxit: cum hoc exercitu Pyreneos mōtes saltusq; transgressus, velut fulmen quæq; obstantia proterens, ad vrendam Italiam deuastandaque festinat, nec nisi ferro & sanguine iter sibi præstruens, ad Alpes posteaquàm venit quæ Italiā à Gallia seiungunt, & quas nemo vnquam præter Herculem Graium ante eum transierat, alpinis Gallorū quo minus transiret quanquam resistentibus, ac tandem duro Marte depulsis, igne ac ferro diruptis

ptis rupibus, iuga illa aspera inuicta & inaccessa, ac frigore intractabilia ita munit, ut elephanti possent ire onerati, quæ antea vnus homo inermis vix potuisset irrepere, quæ res ei & virtutis admirationem & immortalitatis fidem non paruum contulit: inde exercitum traducens, in Italiam peruenit: confligit apud Ticinum cum P. Cornelio Scipione cos. eumque sauciū repulit, à filio pubescente seruatum, Scipionis huius collegam Tyberium Lōgum, secundum Probum, siue magis secundum Liuium Sempronium, apud Trebiam cum ingenti Romanorū clade profligauit. Cum hoc apud Placētiam equo licet Marte pugnatum parique clade discessum, maior tamen Romanis quàm pro numero iactura fuit, ut inquit Liuius, quæ equestris ordinis aliquot & tribuni militares & præfecti nonnulli ea dimicatione conciderunt. His tot prosperis ac lætis successibus elatus Hannibal, suæ fidutiæ plenus, ad spem propositi armauit animum, inde per Lygures Apenninum transiens petit Etruriam, quo itinere adeo graui oculorum morbo affectus est, ut in posterū dextri oculi beneficio nunquam bene æque usus est, hac tamen mala qua tūc detinebatur valetudine lectica deuectus est, C. Flaminiū cos. ardentioris spiritus virum quàm res ipsa postularet, apud Trasimenum cum exercitu insidiis circumuentum occidit, neque multo post C. Centenium prætorem cum delecta manu saltus occupantem. Fuerunt autem hoc in loco qui in acie ceciderunt Romanorum xv. milia T. Liuii sententia de multis electa: aliorum namque aliter, apud quosdam enim viginti milium numerum inuenio, hostium non nisi mille quingentis in prælio cæsis, & hæc alia romanæ reipub. pestis. Motis hinc castris in Apuliam ad Cannas quum peruenisset obuiamque ei duo cōsules Claudius Teren. Varro, & Paulus Aemilius sese obtulissent, Varronem committēdi prælii temerarium auctorem primum turpis fuga corripuit, nec fugientē hunc amplius quàm quinquaginta equites persecuti sunt. Consulū alter prudēs forti ac honesta morte procubuit, cum hoc quoque quæstores duo, tribuni militum vnde viginti, consulares, prætores, atque ædilitii aliquot, senatores insuper octoginta desiderati sunt: reliquorū numerus cæsorū ambigue traditus videtur: quod cōstat, xl. milia peditū, equitum duo milia septingenti fuerunt: sunt qui hos legionarios tantū pedites atque equites, aliorum ciuium ac sociorum parem quippe numerum esse asserant. Quum inde post aliquot dies Capuam, quam Cannas sibi fuisse percelebre est, reuertetur, Q. Fabi. max. dictator romanus in agro ei falerno se obiecit. Hic locorum angustiis clausus, noctu sine aliquo detrimento exercitus se expediuit, Fabio callidissimo imperatori dedit verba. nanque obducta nocte, fœmētā in cornibus iumentorum deligata incendit, eiusque generis multitudinem magnam dissipatam immisit, quo repētino obiectu viso, tantum terrorem iniecit exercitui Romanorum ut egredi extra vallum sit ausus nemo. Post hæc nō multo M. Minutium Ruffum magistrum equitum pariter ac dictatorem imperio, dolo productum in prælium, fugauit. Tyberium Sempronium Gracchum iterum cos. in Lucanis absens in insidias subductū sustulit. M. Claudiū Marcellū quinquies cōsulē apud Venusiam pari modo interfecit, cumque serò rādem ut Capuā ipsam romana pressam obsidione liberaret, & ad tertium lapidē Anienēmq; fluuium

castrametā

castrametatus portas vr̄bis accessisset intra cuius muros solus hostiū emisit hastam, indignantes qui supererant tantū illi licere Romani col̄. obuīam egressi & in aciem vtrinq; deductis copiis parati ad pr̄lium cum essent, illico grando cēli fragore demissa ex summa capitolii rupe maximo turbine vētorum in aduersa hostium ora, prohibuit: quod posteaquam bis tētatum accidisset, miraculo concussus Hannibal dixisse traditur, Romam capiēdi tum sibi animū deesse, tum fortunam: cumq; diu antea in Italia fuerit, nemo ei in acie restitisset, nemo aduersus eum post Cannensem pugnam in campo castra posuisset. His itaque ad vastitatem Italiæ gestis Scipio ille Aphricanus superior dum clades patriæ, cladibus in Aphrica vindicaret, hinc reuocare potuit & acerrimū hostem, eum inquam à quo pater apud Ticinum fugatus fuerat ad bellum arcescere vincereque. Quo in bello vt valentior postea congredederetur, collatis iam signis, de legibus pacis colloquium fecit, conditiones quum haudquaquam conuenirent, tubæ cecinere, fit pugna & quidem nouissima, in qua nec melius instrui aciem, nec acrius potuisse pugnari, vt de victore victus, & de victo itidē victor ipse confessus est, vterq; ingens talium rerum æstimator, cessitque tandem Hannibal, adeò consternatus vt nunquam postea resurgeret, Scipioniq; præmium victoriæ Aphrica fuerit. Horum autem duorum qui non suæ modo ætatis, Līuio teste, maximi duces, sed omnis ante se memoriæ omnium gentium, cuilibet regum imperatorūve pares, vel, vt Florus inquit, qui omnium antea & postea ducum clarissimi fuere, vter vtro sit prior habendus imperator, præter Scipionis cedes qui magnam partem sceleris humani extinxit atque perdidit, vt de seipso apud Ennium suum his verbis loquitur,

Si fas cædendo cælestia scandere cuiquam est

Mi soli cæli maxima porta patet,

hoc vnum dictum satis erit, quo intelligi possit quantus ille imperator fuerit. Si verū est enim, quod nemo dubitat, vt Po. Ro. præ cæteris virtute bellica præfidentiā sibi vindicet Hannibalēmq; constet potuisse eum superare, consequens videtur Scipionem tanto non solum hunc, verū cæteros imperatores anteisse, quanto Po. Ro. Pœnusq; Hannibal rerum gestarum gloria antecellūt, quod nec tantus quidem hostis Hannibal ipse dissimulat. Apud Ephesum enim quò ambo conuenerant, altérque victus confugerat, alter ad Antiochum legatus & romanus orator accesserat, quum Hannibal digniorem deambulando locum prius arripuisset, idq; Aphricanus tam equo tulisset animo vt facile nulla cū contentione ea fuerit ambulatio, habito postmodum de ducum præstātia inter eos sermone, interrogantiq; Scipioni quis sibi ducum maximus videretur, eorū omnium qui præcessissent quiq; ad id vsque temporis superstites fuissent, tum Pœnus, Philippi filium Macedonūmq; regem Alexandrum profectò primū: quem item secundum sciscitanti, Epirotarum regem Pyrrhum subiecisse, tam illius quàm huius dicti rationem afferendo: exquirenti porrò quem tertio præficeret, dubio procul seipsum, inquit: obortoq; risu, Aphricanū tum adiecisse, Quàm maximi te faceres, quòve loco te dignum diceres Hannibal, si vti ego, superior euasisses? tum ille, Non solum ætatis huius, sed omnium superiorū temporum, gentium,

gentium, ac nationum imperatoribus anteferendum iudicarem: quo quidem dicto nō obscurū est sane per Hannibalem innui, Scipionem velut inastimabilem, cæterisq; ducibus & imperatoribus longe dissimilem antepponendum. Seuerus autem septimus, dux & imperator inclytus simili modo quum de primo principum loco sermo esset, Augustum Vespasianū, Titum, Traianum, Pium, Maximum magni præ cæteris fecit, reliquos fœmineos vel venenatos nominās: maxime in historiis Hannibalem, Marium, Camillum, & Q. Marium Coriolanum dilexit, summāque laude ac loco dignos censuit. Interrogatus porrō quid de utroq; Aphricano sentiret, respondisse fertur, Fœlices illos fuisse magis quā fortes, idque probare domesticam vitam, & iuuentutem quæ in utroque minus speciosa domi fuisset. Non minus etiā laudis & gloriæ Scipioni Nasicæ in ocio & toga quā in negotio et armis, utiq; Scipioni maiores nostros tribuisse percelebre est. Ferunt & Antigonum interrogatum, quis ducum sibi optimus videretur, respōdisse, Pyrrhum si senesceret omnium suæ ætatis ducum sibi optimum videri: sed quanquam hic ætatis suæ ducibus duntaxat eum præferat, satis tamen constans, auctore Iustino, inter omnes auctores fama est, nullum nec eius nec superioris ætatis regem comparandum Pyrrho fuisse, rarōque non inter reges tantū, verum etiam inter illustres viros, aut vitæ sanctioris aut iustitiæ probatoris visum, scientiam certe rei militaris in illo tantam fuisse, ut cum Lysimacho, Demetrio, Antigono, tantis regibus bella gesserit, & inuictus semper fuerit, Illyricorum quoq; Sicularum, Romanorum, Carthagenensium bellis nunquam inferior, plerunque etiam victor extiterit: qui patriam certe suam angustam ignobilēque rerum gestarum fama & claritate nominis sui toto orbe illustrem reddiderit. Bellacissimum enim regum omnium vsque adeo fuisse constat, ut quum cæteri mortales pro gloria proque imperio, pro salute proque iniuriis pugnare soleant, hic pro voluptate pugnaret, neque hæc illi maior ex imperio, quā de bello voluptas erat. Adde quod militaribus artibus instructissimus ductandi exercitum, ordinandi acies, eligendi locum castris idoneum, conciliandi hominum animos, rei pace belloque efficacissimæ. Ceterum ad bellandum quærendasque victorias, quā victoriarum præmia seruanda, vir quā longe melior. Qui verò hanc ipsam palmam Alexandro Macedonum regi tribuunt, non inscite id quidem facere videntur, nec minimis rationibus initi. Hic enim rex & imperator, parua manu ultra quā credibile cuiuspiam videatur, peragruit orbem, innumeras gentes fudit atque subegit. Vigesimalium nanque ætatis annum agēs. Macedonum rex declaratus, & ad bella promptus, ubi Macedoniam, Græciam, & Illyriæ partem ordine composuisset, ultra Hellespontum in Asiam transgressus, primo Darium Persarum regem maximum expugnat, mox Phrygia & Paphlagonia in ditionem reductis per angustas rupium dubiosq; aditus Ciliciā intrat, quæ ex improviso exterrita victori paruit. Darius interea quingentorum milium instaurato exercitu, vel ut alii perhibent, ccc milia peditum & centum milia equitum in aciem producens inter arctas Ciliciæ rupium fauces commisso certamine victus ac fugatus terga celeri studio vertit, peditum octoginta milibus, equitum decem milibus cæsis, quadraginta milibus captis, direptis

direptis castris cum regia matre, vxore, ac tota familia, sobole etiam victor insignis. Hinc ad profectum Damasci prouectus, ex proximis nationibus legati venere se suasque vrbes dedere. Syria, Phœnices & Sydon cum maritimis insulis victori obtemperauerunt. Tyrum ferociter expugnatam & virtus & fortuna obtinendam dedit. Aliquamdiu obsessa Tenedos regi paruit, centum lx nauium classe deuicta Gaza, decem milibus hostium celsis expugnata est. Victoricibus armis cessit Aegyptus, & Cyrenæ ceruicē flexere: ad Iouis Hammonis templum quem sibi patrem finxerat gentium domitor per arida & sole adusta vertit iter, vnde remeans, diuina stirpe se natum voluit credi haudquaquam mortali patre contentus. Reuersus urbem condidit, quam ex suo nomine Alexandriam appellauit. Hinc aduersus Dariū qui Arbelam ignobilem vicū, sed Persica strage nobilitatum ingenti armorum copia venerat, de integro arma conuertit, & paribus vtriusque partis & copiis & fortuna hic quoque victor, orientis sibi limen aperuit, ita vt proximæ gentes Persidis & Babylonii paterentur imperia. Per difficiles aditus æthereaque iuga ad septentrionem conuersus, Parthos Hyrcanōsque fregit. Caucasum montem ad montis extrema cum suis labore deductus, mareque Caspium cuncta sternendo subegit, ad flumen Tanaim & Scythas circumtulit signa, & in finibus Asię partem tenuit Europę, & Idaspem amnem. Porum Indorum maximum regem, quia armis contradicere ausus, terribili prælio vicit: & quia victum se tam iniquo animo tulit, vt cibum vulnerūque remedia respueret, mori volens, magnitudine animi delectatus Alexander, in amicis habuit, & honoribus auctum regnare compulit. Multa præterea cū aliquot regibus & exteris gentibus per Indorum longissimos tractus prælia gesta sunt, tantis illustrata victoriis siue Græcorum assertionem contra Romanum nomen, Parthorum gloriæ fauentium, siue leuissimorum quorundam Gallorum, quos non veri studium, non fides veri, non denique Alexandri amor ullus, sed Romanorum inuidia atque odium semper impulit, vt inuulgatum sit eum totum terrarū orbem peragrasse, illiusque dominum fuisse: quę opinio quia quorundam mentes irrepsit minuenda omnino est, eoque maxime, quod rerū gestarum scriptores aliqui et quidem non incelebres videntur in hanc sententiā trahi. Primum itaque inter ceteros Annei Senecæ de Alexandro illud attingam, alterius rerū suarū & loci huius et dicti, memoria licet polleret eximia, reor obliti, Agebat, inquit, infœlicē furor aliena vastādi, & ad ignota mittebat. An tu putas sanum, quia Græciæ primū claudibus in qua eruditus est incipit, qui quod cui optimum est eripit? Lacedæmona seruire iubet, Athenas iacere non contentus, tot ciuitatum strage quas aut vicerat Philippus, aut interemerat, alias alio loco proicit, & toto orbe arma circumfert, nec substitit vlsquam lassā crudelitas, immanium ferarū modo, quæ plusquam exigit fames mordēt, iam in vnum regnum multa regna coniecit, iam Græci Persæque eundem timent, iam etiam à Dario liberæ nationes iugum accipiunt. Hinc tum vltra oceanum solēque indignantur ab Herculis Liberiūque vestigiis victoriam flectere, ipsi naturæ vim parat, non ire ille vult, sed non potest stare. non aliter quā in præceps deiecta pōdera quibus eundi est finis iacuisse. quod à tanto viro tamque præclaro dictum miror. Nec minus &

& illud Iustini, Vniuersum terrarum orbem vtrum sit mirabilius quia vicerit an aggredi ausus fuerit, incertum est. Nota enim hæc sint licet tamen illud in Ciuitate dei nec minus incognitum esse debet, Quantalibet autem fide rerū vel iste vel Trogus, inquit, scripserint (addo his ego & quæ diximus Senecam) quædam tamen illos fuisse mentitos fideiorem literæ ostendunt, quum non Romam quæ florere iam cœperat, aut Italiæ oram vllam, sed nec Germaniam, nec Britanniam nec Hispaniam, Galliam vel Africam per sese aut legatos vnquam adierit, nedum vicerit. Quid ergo? orientem adiit orientemque vicit, vnam, Alexandri Epirensis regis & huius auunculi sententia, ex omnibus vinci facillimam mundi partem, quod sæpe alibi idem auctor ait: & vt Q. Curtii hunc eundem regem stilo nobilitantis verbis vtar, Ab Hellesponto vsque ad oceanum omnes gentes victoria emensus, vtrū in quaestionibus naturalibus inquit Seneca, Imperium ex angulo Thraciæ vsq; ad orientis terminos protulit. Quanquam quod constat, ante alias Carthagini infensus, se subacta Asia in Africam migraturum minaretur, & forte cogitaret inde ad Gades herculeas & Hispaniam traiecturum, ac porro inde per Gallias secus Alpes & Italiam in Epirum atq; Macedoniam reuersurum, sicq; nondum alteram sortem adortus, excessit è vita, nec aliter, vt ille inquit, quàm Babylone sua Parthoq; verendus. Nam sibi libertas vnquam si redderet orbem Ludibrio seu ratus erat non vtile mundo Editus exemplum est. Et quamdiu fuit de hoc ipso quem modo diximus Alexandro & Philippo patre ac Macedonum rege inter doctissimos de vtriusque præstantia disceptatio non levis, & quanquam magno se iudice quisq; et strenue antea actis tueri possit, Philippum tamen virtute, viribus animi, magnificentia, fide, rerū moderatione, rebus gestis & gloria superatum à filio, facilitate verò, humanitate, consiliorum prudētia, frugalitate, solertia, verborum deniq; ac orationis cultu Alexandro superiorem fuisse non dubium est. Et licet regum clarissimus teste Iustino sit Alexander, clariorem tamen, inquit Liuius, eum facit, quod vnus fuit, q̃ adolescens, quod incrementō rerum, nondum alteram fortunam expertus decessit. Philippum autem Alexandri patrem Theophrastus tradit non solum genere & dignitate regia sed etiam fortuna & moribus maiorem cæteris regibus moderatiorē, que extitisse. Sunt qui hoc decus imperii Cn. Pompeio Magno ob res ab eo præ cæteris magnificentissime gestas deferendū putent: maximum enim & splendidissimum fuit, quod Romanorum nemini antea contigit, quod tertium è tertia vniuersi orbis parte triūphum duxit. Nā licet tres ex hac vna parte triumpharint, ipse tamen primum ex Africa, secundum ex Europa, tertium hunc vltimum ex Asia ducens triūphum, quodam quasi modo visus est ex vniuerso ambitu orbis triumphasse. Ex quo autem genere gētium seorsum triumpharit ex his quæ subiiciemus licet agnoscere. Erant quippe regionum illarum nomina huiusmodi, Pontus, Armenia, Cappadocia, Paphlagonia, Media, Colchis, Hyberia insula, Albania, Syria, Mesopotamia. Præterea hi qui circa Phœniciā & Palæstinē incolunt Iudei, Arabes. In oriētis etiā partibus, ac Cilicibus, & Isauris, Pyraeis latronibúsq; superatis sui nominis inter Ciliciā & Isauriā cōdidit urbē. Inter hæc trophæis etiā suis quæ statuebat in pyrenæo annotatur octingenta

genta septuaginta vii oppida ab Alpibus ad Hispaniæ vltioris finem in deditionem à se redacta, ciuitates ferme noningentæ, pyratice naues cviii, captiui post principes pyratarum in triumpho ducti, Tygranes Armenus Tigranisque filius cum vxore filiæque ipsius regis, rex Iudæorum Aristobolus, Mithridatis soror cum liberis quinque, fufis, fugatis, occifis, in deditionem acceptis hominum centies vices femel lxxx milibus. Nec huic quidem Cn. Pompeio ad hæc tantamque præclara facinora virtus aut ratio fuadebat, fed infanus amor magnitudinis falſæ, quod fi modo vt in Hispaniam, modo in truces Lepidi motus & Alpina bella, modo in Sertoriana arma, modo ad colligendos pyratas, maria tot ac varia pacanda proficifceretur, cauſe per eum prætexebantur ad continendâ potentiam. Quid illum ergo in Aphricam, quid in feptentrionem, quid in Mithridatem & omnes Afie angulos traxit, niſi infinita cupido crefcendi, quum ſibi vni parum magnus videretur? Quid Cæſarem in ſua facta pariter ac publica immiſit niſi gloria, & eius ambitio, & nullius ſupra cæteros eminendi modus, quum vnum ante ſe Cæſarem ferre non poſſet? cuius e contrario ſi quiſpiam ſimili modo velit percenſere res fortiffimè geſtas, ob quas Deus eſt à veteribus appellatus, immenſum & infinitum quippiam aggrediatur neceſſe eſt. Huic enim primum bellum cum Heluetiis fuit Gallorum omnium fortiffimis, quibus tantus nedum pugnâdi ardor, fed rabies erat vt patria profecti xvi eorum vrbibus vicisque cccc à ſe cõcrematis, ne quid his deſiderii foret ex ſpe reuertendi vltorius, per Romanorum terras obſtinati magis in omnem fortunam migrarent, quemadmodum antea Cymbri & Theutones, quibus non audacia, non fortitudine, vlla ex parte inferiores erant. Horum plane multitudo numeruſque cæterarum gentium quæ auxilio illis exierant, in tabulis æneis, quæ in caſtris inuentæ ſunt, dictu mirabile, literis græcis inſcriptus erat. Fuerant autem omnis generis hominum capita ccclxviii milia, ex quibus nonaginta & ceterum bellaciſſimorum erant quos omnis quum apud Rhodanum fluuium obuiam Cæſar habuiſſet magno difficilique bello bis vicit, victoſque ad deditionem cõegit. Germanos etiam cum eorum animos ſortilegarum vaticinia mulierum nõ committere prælium antè ſinerent quàm noua luna fulgeret, congregari ſatius duxit trepidantibus, quàm idoneum illis tempus expectantibus. Facto itaque in eorum munitiones et tumultos impetu, non antè ſtimulare & inceſſere deſtitit, quàm ira deuicti pugnâ capeſſerent. His in fugam verſis quorum fertur numerus ccclx milia fuiſſe, Cæſar ſtadiis cccc aduſque Rhenum perſequens, cadaueribus, ſpoliisque referſit: ceſſorum numerum lxxx milia fuiſſe perhibent. Inde confluentis Rheni bis diſiunctiſſimas ripas ponte coniunxit, et primus Romanorum armis Germaniam inuaſit, verum Barbari ſyluas petere properarunt ac paludes non auſi certare quod pro victoria fuit. Hinc Ariouiſtum Germanorum inſolentiſſimum ducem vno prælio vicit ac expulit. Idem contra ferociſſimos & bellaciſſimos Neruios & Atrebates qui denſiſſimas incolunt ſyluas duxit exercitum. Vbi igitur in profundiffimo nemore filios ac ſuppellectilem quàm procul ab hoſte collocaſſent, cum lx milibus armatorum contra Cæſarem repentinos fecerunt impetus, eumque caſtra locantem prælioque abſtinentem offenderunt, & verſo in fugam equitatu ſeptem

septimā & duodecimam legionem circūuenientes, vniuersos trucidabant centuriones: quòd nisi Cæsar correpto scuto & his qui coram se præliabantur detentis, inter barbaros irruisset, ac subinde quodam ex tumultu decima legio per hostiles irrumpens acies periclitanti succurrisset, neminem euasurum incolumē liquet: ac virtute Cæsar's & audacia supra vires (vt dici solet) decertantes, haud tamen Neruios dare terga cōēgerunt, verū fortiter oppugnantes obtruncauerunt. Ex lx enim milibus, quingentos euasisse traditur. Hinc deditiones vrbium ad extremos vsque oceani terminos consecutæ. Adriatici eodem impetu fortune profligati, ad quatuor milia cæsa, L. milia venundata. Cum Venetis qui ad oceanum terras incolebant nauale prælium & memorabile fuit, & hi quoq; victi & armis superati Equitanorum qui ad defensionem cum finitimis coniurarant. Fuit & bellum ei cum Belgis vnā cum Germanorum auxiliis, horum copiæ ad cclxxii milia lectissima numeratæ sunt, quibus repenti è syluis erūpētibus, milites Cæsar's eos excipientes summa quidem arte obstando ad internitionem deleuere, quousque ad sua remeare compulissent. Domuit præter hos omnem Galliam quæ inter Alpes, flumen Rhodanum, Rhenumq; & oceanum est, & circuitu patet ad bis tricies centena milia passuum. In ea siquidem nec totum belligerans decennium octingenta viribus cœpit oppida, trecentos subiugauit populos, aduersus trecentas parum instructus myriades, centum quidem ferro cæsis, totidem vitæ reseruatas habuit captiuas: corpore, armis, spiritūque terribilem, nomine etiam quasi ad terrorem composito Vercingetricem Aluernum Gallorum regē fortuna multis sæpe ac magnis præliis atque conatibus retentata, post aliquot certamina horrida hinc inde vario discrimine gesta, in Allexia oppido vallo xi milibus passuū circumducto conclusit, donec cclxviii milium armatorum exercitu congesto, auxilio regis ferme tota Gallia surrexerat, & hi quoq; cæsi, fusi, fugati, qui potuere ad sua remearunt, Rex ipse nouissime in deditionem redactus, maximum & amplissimū victoriæ decus, deposito omni fastu supplex cum in castra venisset, ante Cæsar's genua faleris abiectis & armis, Habe, inquit, fortem virum, vir fortissime, vicisti. Inde quasi hic terrarum orbis non sufficeret, alterum cogitauit, & in Britanniam transuectus, cui ne nomen quidem Romanorum antea cognitū erat, & de qua nō parua etiā inter scriptores & historicos contētio est, cum eā non re sed verbo solū ac nomine fictam nusquā extare contendāt, subiugare adortus est, huiusq; facinoris audacia magnā illi gloriam peperit. Primus namq; occiduū classe ingressus oceanum perq; atlanticum pelagus ad belligerandū transportans exercitū annauigare cœpit, mira celeritate trāsuectus armaq; & obfides accepit à trepidis: & vltius isset, ni improbā classem naufragio castigasset oceanus. Reuersus igitur in Galliā, classe maiore, auctisq; admodum copiis in eundē rursus oceanum eosdē Britannos subsecutus est, qui tādē expugnati cū regibus, victoris iugo ceruicem flexere. Contentus his, non enim puinciæ sed nomini studebatur, cū maiore q̄ prius præda reuectus est. Triūphauit quater, vt testes fere omnes auctores sunt, vt certiores, quinquies. Primus triūphus fuit de Gallia atque hac ipsa Britannia, isq; omniū clarissimus. Secūsus de Aegypto, tertius de Pharnace & Ponto, quartus de Iuba & Aphrica, quintus

de Hispania. Ego verò adderem sextum de Massilia, nisi quia forsitan iste triumphus sub gallico cōtinetur: nam de Massilia illum triumphasse, haudquaquam est dubium cuiuspiam qui acerrimam illam Ciceronis de Cæsare loquentis quærimoniam in libris Officiorum legerunt, Vexatis, inquit, ac perditis exteris nationibus, ad exemplum amissi imperii portari in triumpho Massiliam vidimus, & ex ea vrbe triumphari sine qua nostri imperatores ex trās alpinis bellis triumpharunt. Prælia deniq; plura gessit quàm recensere quispiam possit. Huius inquam ductu, vt ab illustribus quibusdam traditum est auctoribus vndecies cēties triginta & duo milia, vel vt ab aliis, vndecies centena nonaginta milia hostium cæsa sunt, signis collatis bis & quinquagies, vel vt alii, quinquagies tantum dimicauit, M. Marcellum solus transgressus qui nouies & tricies, vel vt alii atq; alii, quadragies nouies pari penè modo fuerat præliatus. Quid cetera eius gesta prosequar? His tot bellis exactis, tot laboribus exantlatis, quos nedum pati, sed scribere, sed legere, sed audire difficile est, victor Cæsar Romam rediit, urbemq; vacuum ingressus, dictatorem se fecit, negatamq; pecuniam ex ærario publico fractis foribus inuasit: postea Pompeium insecutus, infinitas eius copias cāpis Pharfalicis fugauit. Inde victo, & fugato in Aegyptum Pompeio, cum Alexandrinis terra marique ingens bellorum ei negotium fuit, demū absumpto fluctibus rege, victor Cæsar Cleopatram gentis reginam relinquens, per Syriam profectus, restituto in regnum minoris Armeniæ Deiotaro, Pharnacem bello victū Pontici regno priuat. Inde tenuit Aphricam, & post aliquot clarissima bella vnice gesta, tres duces partis diuersæ Scipionem, Iubam regem, & Labienum prostrauit. Cato Uticensis ultro repetitum gladio pectus traiecit. Victor ad Italiā Cæsar rediit, mox ad Hispanias conuersus, apud Mundam ancipiti euentu Cn. & Sextum Magni filios expugnat, xxx milibus Pompeianorum cæsis, obtruncato Cneo. Quantum autem his bellis romani sanguinis fuderit, noluit annotari. Ad summum Vestæ pontifex creatus relatūque est in numerum deorum, nō modo principum auctoritate, sed opinione etiam populari. Nam ludis quos ibi Augustus Cæsar hæres eius instituit, crinita stella septē continuis diebus circa vndecimam horam lucis effulsit, persuasumq; credulæ plebi Cæsaris esse animam in cælum transmissi. Huius stellæ & Virg. poëta meminit in Bucolico carmine, & simulacrum ipsum Cæsaris indicio est, cuius in vertice stella est. Post hæc Numidici lapidis columna in eodem loco posita, xx pedum altitudine, Parenti patriæ inscriptione addita, ad quam sacrificare, & vouere, & iurare per Cæsarem diutius obseruatū est. Sed clari sint licet illi quos antè diximus, clarus Scipio cuius consilio atque virtute Hannibal in Aphricam decedere coactus est, ornetur & alter Scipio Aphricanus qui duas potentissimas vrbes imperio romano infestissimas, Carthaginem, Numantiāque deleuit, habeatur vir egregius, L. Paulus ille cuius currum rex potētissimus quondā & nobilissimus Perses honestauit, sit æterna gloria Marius, qui bis Italiam obsidione et metu seruitutis liberauit, miris tollatur in cælum laudibus, cui cum vel dictatoribus vel coss. Macedonū rege Alexandro in Italiam traiecturo erat dimicandū, M. dico Valerium Coruū, Caium Martium Rutilium, Caiū Sulpitiū, T. Manlium Torquatum, Q. P. Philonē, L. Papyrium

Papyrium curforem, Q. Fabium Maxi. duos Decios, L. Volumnium, M. Corneliū lōga belli experiētia Philopœmenem celebret, anteponatur omnibus Pompeius, cuius res gestæ atque virtutes iisdem quibus solis regionibus, cursu ac terminis continentur, Iulius tamen Cæsar in rebus bellicis, nec illis, nec his profectò, nec ulli hominum secundus fuisse memorabitur. Ita nanque de eo per Eutropium scriptum est, Vir quo nemo vnquam bellis magis emicuit. De huius etiam bellica virtute atq; præstantia etsi abunde sit dictum, non est tamē omittendum aliud Ciceronis testimonium, quod vulgatissimum omnibusq; notissimum sit, tamen & clarissimum est simulq; verissimum, Soleo sæpe, inquit, ante oculos ponere, idque libenter crebris vsurpare sermonibus, omnes nostrorū imperatorum, omnes exterarum gentium potentissimorumq; populorum, omnes regum clarissimorum res gestas, nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri, nec verò disiunctissimas terras citius passibus cuiusquam iam potuisse peragrari, quàm tuis non dicam cursibus, sed victoriis illustratæ sunt. Neq; ut alibi idem Cicero inquit, si tuæ res gestæ cæterorum laudibus obscuritatem attulerint, idcirco Cn. Pompeii memoriam amisimus, quantum nomen ipsius fuerit, quantæ opes, quanta in omni genere bellorum gloria, quanti honores Po. Ro. quanti senatus. quanti tui, quis ignorat? tanto ille superiores vicerat gloria, quanto tu omnibus præstitisti. Itaq; Cn. Pompeii bella, victorias, triumphos, consulatus admirantes numerabimus, tuos enumerare non possumus. Et quoniam in quo maxime constet hæc ducum excellentia immensæ quæstionis esse solet, Plutarchus tertius eodē clarissimus testis accedat, Summorū, inquit, virorū & clarissimorum ducum neminem huic bellatori imperatori præponendum censeas. Nam si quis Fabios, Scipiones, Metellos, & ætatis suæ, & paulò superioris duces, Syllam, Marium, utrūq; Lucullum, & ipsum deniq; Pompeium, cuius omnimoda in re militari virtus & gloria ad cælum vsque perfloruit, comparandos duxerit, eos profectò Cæsar's gesta superant. Quòd si præter hos alios quoque quosdam intueri libet, Tarquinium Superbum, Regulum, Fabricium, Curium. atq; Camillum, Oratio Flacco quarto etiā grauissimo teste, micat inter omnes sidus, velut inter ignes luna minores. Ouidius quoque ad hæc, nec spernendus, nec subticendus auctor in fastis, Magne tuum nomen rerum est mensura tuarū, Sed qui te vicit nomine maior erat. Denique Solini vltimi testis verbo fretus, ut omnes huius imper. laudes compellat, quantum inter milites Sicinius aut Sergius, tantum inter duces, immo ut verius dicam, inter homines omnes Cæsar dictator enituit. Catonum deinde si nobis inter maximos duces sermo habendus, impaudus profectò, & inter hos duos Cæsarem & Pompeium incessens erit Vticensis ille, ciuili se bello inferens: huic enim obuium non alium quempiam assignauerim. Altius certe nemo progredi potuit, quàm qui simul in illa reipub. trepidatione contra utrūq; se sustulerit, & aliis cæsarianas opes, aliis pompeianas sibi vouentibus utrosq; contempserit, prouocaueritq; ac ostēderit esse alias reipub. partes. Eleganter & composite etiam Crispus Salustius cōmemorat, illam reipub. non habuisse quēpiam virtute magnum, sed memoria sua ingenti virtute & di-

uersis moribus fuisse duos magnos & præclaros viros, M. Catonem & C. Cæsarem: alterū seuerum, clementem alterum: constantem illum, hunc facilem: illum nihil largientē, hunc affluentem copiis omnibus. In huius etiam laudibus posuit, quod sibi magnū imperium, exercitum, bellum nouum exoptabat, vbi virtus enitescere posset. Ita fidebat in votis virorū virtute magnorum, vt exercitaret in bellum miseras gentes, & flagello agigaret Bellona sanguineo, vt esset vbi virtus eorum enitesceret. In alterius autē commendatione si animo complecti volueris eius imaginem, animaduertes Atridem Priamūq; & seuū ambobus Achillem: vtrunq; enim improbās hāc verā de vtroq; tulit sentētiā, ait enim, si se Pompeius vicerit exulaturum, si Cæsar moriturū: quod cum victore Cæsare mature pararet, admirari libet illius vltimum vulnus, ac nobile lætum, per quod, vt Seneca inquit, libertas amisit animā, vtq; omnem deniq; viri & ducis huius dignitatem in vnum coegerim pariter & gloriam, alterius romanæ scriptoris historiæ sententia fretus, Si veris magna paratur Fama bonis, et si successu nuda remoto Inspicitur virtus, quicquid laudamus in vllō Maiorū fortuna fuit: quis Marte secundo, Quis meruit tantū populorum sanguine nomen? Hunc ego per Syrtes, Libyæq; extrema triūphum Ducere maluerim, quā ter capitoliā curru Scandere Pompeii, q̄ frangere colla Iugurthæ. Ecce parens verus patriæ, dignissimus aris Roma tuis, per quem nunquā iurare pudebit, Et quem si steteris vnquam ceruice soluta, Nunc olim factura deum. Alterius & primi Catonis illius Porcii, domi, foris & militiæ, laudum plena sunt omnia. Egregium enim & summum præter sapientiæ nomē in qua nulli mortalium cessisse creditum est, magna hic & ingenti literarum illius temporis peritiā ac eloquentiæ claritate fuit: nōdum enim latinæ linguæ splendor ad summū & vltimum dignitatis suę culmē ascenderat, quod sub Cicerone factum vult Seneca. Censura & triumpho simili modo cæteris nec inferior, præceptis omniū rerū expetēdarū ac seorsū rei militaris datis generi romano. Inter prima verō agri colendi illius æui confessione sine æmulo agricola optimus fuit, & quæstor fortissimus, iustissimus prætor, tribunus militū præcellēs. Tres quoq; res in homine summas præstitisse legit, vt optimus orator, optimus senator, & optimus impator existimatus sit, quas omnes etsi non prius, attamē clarius fulsisse in Scipione Aemiliano nō dubiū est. Sūma etiā præter illa quę diximus virtus Catonis Consulis in Celtiberorū bello fuit, q̄ppe qui plura se oppida cepisse q̄ in Hispania dies egisse cōmemorat, eaque haud sanē iactantia est, si re vera quadringenta fuere. Fuit, vt fertur, summa quēdā inter Cēsare, et M. Antonium comparatio: nam cum ludis relaxandi animi gratia ambo persæpe occuparentur, vt aleis, aut perdicum, vel Gallorum certamine, & aliorum animantium, semper ab Antonio abiisse victorem eum constat: vnde non ab re quidam ex consuetis augurio sæpenumero monuisse eum his verbis visus est, Quid rei est tibi Antoni cum illo adolescente? Cæsarem indicans, fugæ ipsum: clarior enim licet sis, & seuerior, dignitate plurimū domineris, bellisq; magis infudaueris, & plurimarum rerū vsu excellas, tuus tamen genius tuūmq; fatum huiusce genium fatūmq; reformidat: tuāque fortuna in seipsa permagna præclarāque licet sit, illius tamen fortunæ vsquequaq; blanditur. Hærent in superioris

Aphricani

Aphricani dicto vii C. Marii cōsulatus, immo reuera non septē, sed vnus, quum cæteros præter vnum minus acceperit, sed rapuerit. Inhærent & duo speciosissimi triumpho. Nam quum apud Numantiam sub eo duce equestri stipendio mereret, & forte vt fit inter cœnandum quidam Scipionem interrogasset, si quid illi accidisset, quē nam respub. æque magnum habitura esset imperatorem, respiciens se supra ipsum Marium cubantem, Vel hunc dixit: quo dicto perfectissima virtus maximam orientem virtutem videritne an certius acciderit perpēdi vix potest. Illa nimirū cœna militaris speciosissimas tota in vrbe futuras cœnas Mario ominata est. Quum enim post Aphricam subactā & Iugurtham regem ante currum ductum, Theutonicorum exercitum deletum per Marium constet, ac porro cc milia Cymbrorum cæsa, lxxx per eum capta cum duce Hermodo in initio noctis nuncium retulisset, nemo fuit qui non illi tanquam diis immortalibus apud sacra mensæ suæ libauerit. Subit in hac reputatione M. Claudius Marcellus qui primus Hannibalem vinci posse docuit, ingentis ardentisq; animi vir, bellator acerrimus vnus ex paucis, inq; omni clarus historia, sed imprimis Virgiliano carmine nobilis: sic enim de hoc loquens ait, Aspice vt insignis spoliis Marcellus opimis ingreditur, Victōrque viros supereminet omnes. Plura quidem viri huius & ducis in laudem dici poterant, plus autem haudquaquā. Quid est enim homini, et quid esse potest amplius quā omnes excellere? quam id Virgilius non tam veri studio dixerit, quā laudandi illum alterū gratia qui hunc ibi sequitur Marcellum, Octauiae sororis Augusti filium: multos enim iste, sed omnes haud dubie nō excellit. Non indignabuntur superiores romanorum, exterarū gentium præter Hannibalem duces, si inter eorum eximium fulgorem Q. Fabius Maxi. se iterum immiscuerit, tū quod romani generis prudentissimus habitus est (nondum enim Cato Censorius famæ huius primum locum præoccupauerat) tum quod huic ipsi Cato idem apud Ciceronem clarum magnæ sapientiæ ac virtutis testimonium præbet. Apprime autem honestatus est illo Ennii carmine notissimo, Vnus homo nobis cunctādo restituit rem. Non hic rumores ponebat ante salutem. Ergo postque magisq; viri nunc gloria claret. Nota sunt reliqua quibus hoc famæ decus Maximique cognomen iure sibi debitum, etiam si ab eo ortū, esse censeretur posset. Et quanquā huius viri plura consilia q̄ prælia memorentur, nō desunt tamen prælia & ad æquandā aui gloriam Fabii Maxi. Rutiliani qui haud dubie victoriarū numero & magnitudine præliorū superior fuit. Vnum hostē Hannibalē, quem mora & patientia fregit, satis esse vult Liuius, inter romani ducis laudes magnum hostis et singulare præconium. Q. etiā Catullū in hoc summorū imperatorū numero & præcellētia po. ro. voce sua ad sidera vsq; produxit. Nam quū ab eo pro rostris interrogaretur, si in vno Pōpeio Magno omnia reponere pseueraret, assumpto illo subiti casus incursu, in quo spē esset habiturus, summo cōsensu acclamauit, In te, iudicioq; tali Magnū Pompeium cū omnibus ornamentis quę paulò ante retulimus duarum syllabarū spacio inclusum, Catullo æquauit. Merito etiam huic cōmemorationi præcipuū L. Marius, inusitati decoris exemplum adiicitur, quem equitē romanum duo exercitus, P. & Cn. Scipionum interitu, victoriāque Hannibalis la-

cerati ducem legerunt, quo tempore salus eorum in ultimas angustias deducta nulli ambitioni locum relinquebat. Adicietur & aliud pulcherrimum maximarum optimarumque rerum L. Metelli vnicum exemplum, pontificis imprimis, bis deinde consulis, dictatoris, magistri equitum, agris diuidendis vigintiduū viri, summi senatoris, oratoris optimi, primarii bellatoris, imperatoris fortissimi, sapientissimi denique & ditissimi, clarissimaque in vrbe sua ciuis, quæ sibi simul soli contigisse nec ulli alteri ab vrbe condita, satis constans opinio est. Alterum L. Syllam qui felicitatis nomen asserendum sibi putauit, neque laudare, neque vituperare quisquam satis digne potest. Dum enim quærit victorias, Scipionem se populo romano quum exercet sæuitiam, Hannibalem repræsentat. Augustus etiam rarissimum virtutis ornamentum se inter strenuissimos felicissimosque duces & principes digne quidem enumerandum tradit. Decimum enim & septimum annum agens, comparatis exercitibus, Hyrcio & Panfa conf. aduersus Marcum Antonium & Decium Brutum tunc Mutinæ obsidentem pro prætore missus, primo licet conflictu parū prospere gesto, interempto Panfa, & secundo prælio exanimato Hyrcio, ferox iuuenis superstes deuictum fugauit Antonium, Romamque reuersus senatui se inuisum quum videret, aduersus ingrattissimos ciues cum Lepido et Antonio se coniunxit, vbi conf. creatus, relicto Lepido cum Marco Antonio, interfectores Cæsaris Cassiū & Brutum insecutus in Græciam, tenuit Emathiam, postremo vi et armis superati parricide, inter tres viros tripartito imperio, Asiam tenuit Antonius, Lepidus Aphricā, Octavianus Europam. Hæc inter L. Antonius conf. M. Antonii frater urbem hostiliter inuasit, imperiosum iuuenem oppressurus, quem prælio victum ac fugatū Perusiæ obsessum, impellente fame, viribus suis Octavianus succūbere coëgit. Inde Sextum Pomp. Magni filium, qui infestatione pyratice vndique maria terrore cōpleuerat trecentarum nauium classe toto mari dispersa, expugnatum reddidit, in fugam versum, eodemque successu cum Lepido qui ex Aphrica multitudine armatorum venerat occasione data in Sicilia confligere, ibique victor misere vitam implorati remisit. Ad Adriaticum littus profectus, Illyricos, Liburnos, Dalmatas vincere maturauit: ad Actium deinde Græciæ promontorium, vbi cum regina Cleopatra ducentarum nauium classe M. Antonius venerat armis petiturus Italiam, ad summum cladis terrestri naualique prælio certatum est: denique Augusto victore Antonius cum regina, infausta vela in Aegyptum dedere. Octavianus eum insecutus penes ipsum Pharū deleuit. Victor ad Italiam profectus bis ouans, post Philippense, rursus post Siculum bellum, de Dalmatia siue Illyria, deque ad Actium victoria & Alexandrina triplici curruli triumpho continuoque triduo urbem introiit, clauso Iano, pacis indicio. Cæterum diutius quiescere non potuit, rebellionē gentiū concitus. Recluso igitur Iano ad Hispanias extremæque oceani littora traductus, ad Cantabros & Astures, sub iugo romano ceruices reflectere coëgit, et totam peruagatus prouinciam, terrore armorum docuit seruare mādāta. Sarmatæ simul & Parthi qui inter septentrionem & ortum solis terras incolunt, ad Augustum se ad obsequia paratos miserunt. Tigranem in Syria à Cæsaris Augusti legato victū pœnituit defecisse. Ad orientem

entem deinde per legatos omnibus pacatis, ex occiduo littore & Hispania Romanam reuectus Ianum de integro clausit, quem paulò post referare opportunum fuit, indeque ad arcticum polum ire coactus, ubi ferocissimæ gentes contra facere ausæ erant, ideoque Vindelicos, Salassos, Germanos, Marcomanos, Sueuos, Sicanbros, & quicquid citra ultraque Rhenum, Danubiumve Barbaria effera spectat sic perdomuit, ut enixè paterentur imperia. Ad meridiem conuersus, Getulos vicit, & Garamantes, & Marmaridas, & quicquid ad austrum pacadum restabat coposuit. Nec est de reliquis prouinciis aliqua præter Aphricam & Sardiniam, quam non ille adierit, sine exemplo rerum potitus, totque demum subactis, Romæ quum esset, terra marique pace parta, Ianum Quiritum tertio firmauit, & perpetuus dictator ac patriæ pater factus est, felicissimus omnium principum, necdum aliorum sed suo etiam iudicio habitus est. Nam quum nepotem in militiam destinaret, à diis optauit ut illi fortitudinem Scipionis, beneuolentiam Pompeii, suique ipsius fortunam darent, veluti sibi ipsi per maximum opus fuisse fortunam diceret. Præter ipsius fortunam, similem denique ei ducem ut nulla unquam tempora tulerunt, sic nulla forent, po. ro. sententiæ si credimus, grauissimique poetæ Flacci dicentis,

Præsentī tibi maturos largimur honores,
Iurandasque tuum per nomen ponimus aras,
Nil oritur aliàs, nil ortum tale fatentes,
Sed tuus hic populus sapiens & iustus in vno,
Te nostris ducibus, te grauius anteferendo.

Hæc de ducum præstantia superioris æui pauca quedam attigisse sat sit, Nino, Libero, Castore, Polluce Herculeque de industria omissis: ea enim eos singulari amplitudine fuisse singuli fatentur, ut omnium quæ memoria hominum complexa est res gestas superare videantur. Quisquis verò tantorum clarissimorum quos diximus ducum & imperatorum rebus gestis acta recentia comparanda cõtumaci ac proterua obstinatione duxerit, à vetustatis veritatisque omnis cognitione alienus sit necesse est. Ego enim hanc ducum præcellentiam nostris & temporibus et ducibus deferendam maxime cupere, sed vafra & callida maiorum nostrorum consilia, admirabilemque illam & incredibilem ac pene diuinam rerum militarium gloriam animo mecum ipse voluens, velut equus arbiter omni vtrunque affectu vacuus, cui iure quodam suo comparanda sint inuenio neminem. Cæterum, strenuissime dux, Sigismunde Pandulphæ, quum fiat inter claros et illustres viros, ut persæpe solet, non iniocunda superstitum concertatio ducum, qui rei militaris peritia, qui armorum exercitatione, qui præliorum numero, qui nationum ac hostium varietate, qui probitate, qui prudentia, grauitate, fide, constantia, animi magnitudine, celeritate, cæterisque præclaris monumentis & imperatoriis virtutibus digniores censeantur, maioribusque illis propius videantur accedere, aliique alios quosque nostræ ætatis in medium unumque locum conferant, semper cæteris te denique sine controuersia probabilibus adducti rationibus non solum præferunt, sed summos quoque & maximos, rerumque huiusmodi gnaros homines, ac aliorum omnium mortalium fama celebres, secum in eandem sententiam trahunt:

trahunt: quanquam hoc minime dubium esse debeat, sed luce clarius, cuius recte rerum tuarum cumulū recensenti, quum solus lacera et infracta tot bellorum incendiis haecenus Italiam atque ruinam extremam minitantem, humeris tuis velut Atlas cælum, ne in se ipsam funditus tota collaberetur, in auxilia hinc inde accitus ipse sustuleris. Nota quin ita etiam sunt illa, quæ hoc aspero & difficili temporum curriculo, pro clarissimo imperatore Francisco Sphortia in eius tutelam aduersus Eugenium, Pontificem Maximum, quæ pro Eugenio aduersus hunc ipsum strenuissimum ducem, quæ pro illustrissimo Taraconensium rege Alfonso, quæ pro Insubrium, Genuensiumq; bellicosissimo duce Philippo Maria, quæ denique ab vtriusque superi atq; inferi maris littore pro Florentinorum, Venetorumq; ac Senensium, potentissimarum rerum publicarum amplitudine, splendore ac gloria, virtute animi, aut dextre robore passim & ubique cōgrediendo, audendo, agendo perpeffus es, vt omnibus non solum nostris, sed exteris nationibus, et remotissimis populis inter excellentissimos ac probatissimos imperatores, qui bellicosissimi & strenua manu docti sint, iuxta Homerum, tradere equos pugnae peditumq; furoribus vti, ipse primus facile videre.

Pœna desertorum, & militum animaduersio uaria, ducibus non obtemperantium,

Cap. XVI.



Neos verò qui ducis aut legis minus obtemperasse ntarbitrio, varia dissimilisq; animaduersio procedebat. Nam alii in fortuna, infamia alii, atque alii in sanguine ledebantur: & quoniam acerbitas vlciscendi plerunque maleficii, pœnarumq; formido, bene atque caute viuendi disciplina est, violatæ fidei quæ semper maiores nostri maximi fecere sumemus initia. Historia de Metio Suffetio Albano nobis ignota non est, quoniam pactum atq; condictum cum Tullo rege po. ro. perfide ruperat, binis quadrigis euinctus in diuersa nitentibus laceratus est: nouum sane atque asperum supplicii genus. Dissectum enim antea fuisse apud Romanos, neminem equidem neque legi, neq; audiui. Et quoniam nihil videri potest efferacius, nihil ab hominis ingenio diuersius, quàm quòd mēbra & artus breuissimo laniatu distrahantur, restat vt quod de sectione partitioneque corporis inhumanissimum visum est, rationem breuibus reddamus. Omnibus quidem virtutū generibus exercendis colendisq; po. ro. è parua origine ad tantæ amplitudinis instar emicuit, sed omnium maxime atque præcipue fidem coluit sanctamque habuit tam priuatim quàm publice. Sic consules, clarissimos viros, hostibus confirmandæ fidei publicæ causa dedit: sic cliētem in fidem acceptū cariorē haberi quàm propinquos, tuendumq; esse contra cognatos censuit, neque peius vllum facinus existimatum est, quàm si cui probaretur clientem diuisum habuisse. Hanc autem fidem maiores in officiorum militarium vicibus, vsu atq; commercio maxime sanxerūt, quòd aliter totius rei militaris discipline neruos adimi putarent, si hominum perfidia sine immani & horrenda pœna eluderet: in aliis constat, nulli gentium mitiores pœnas placuisse. Sic Aurelius Cotta cos. quum ad opus equites necessitate cogente iussisset accedere eorūque pars detrectasset imperium, questus apud censores effecit vt à patribus notarentur, deinde obtinuit ne eis propterea æra procederent, quos quia stipendium menstruale vel annuum ignomi

ignominiae causa adimebatur, dirutos aere appellabant antiqui, quod aes diruebatur in fiscum, non in militis sacculum. Artaxerxes Arbacem quendam, medum hominem, qui in prelio ad Cyrum defecerat ac rursus eo mortuo rebellarat, quum eum ignaviae non prodicionis neque simultatis reum statuens eodem nasset, iussit nudum scortum impositum cervicibus diem totum in foro circumferre. Alterius vero quod ad defectionem duos quoque ex hostibus se aditurum pollicitus in medacio deprehensus esset, linguam tribus clavis affigi iussit. Quum Hannibal Poenus cum exercitu in Italia esset, & aliquot pugnas po. ro. adversus pugnas, primi totius Italiae Brutii ad Hannibalem desciverunt, id romani egre passi posteaquam Hannibal Italia decessit superatique Poeni sunt, Brutios ignominiae causa non milites scribebant nec pro sociis habebant, sed magistratibus in provincias euntibus parere & praeministrare servorum vice iusserunt: itaque hi sequebantur magistratus tanquam in scenicis fabulis qui dicebantur lorarii, aut quos erant iussi vinciebant, aut verberabant. Appii Claudii sententia senatusque consultum omnes qui a Pyrrho rege Epirotarum capti, & postea ab eo ultro remissi erant, decrevit ut ex his qui equo meruissent peditum numero militarent: qui pedites, funditorum auxiliis adscriberentur, neve eorum cuipiam ad pristinum tandem militis ordinem liceret redire, nisi bina quisque spolia ex hostibus reportaret. Fuit & antiquis quoque animadversio militaris, iubere ignominiae causa militi venam solui & sanguinem mitti: cuius rei rationem etsi in veterum libris haudquaquam potuerunt inuenire, hoc tamen post factum opinati in militibus stupentis animi & a naturali habitu declinantis, ut non tam poena quam medicina videretur, postea tamen ob pleraque alia delicta id factum esse credunt per consuetudinem, quasi minus sani viderentur omnes qui contra officium deliquissent. Crassus is qui a Sempronio Asellione & a plerisque aliis historiae romanae scriptoribus traditur habuisse quinque rerum bonarum maxima & praecipua, quod ditissimus, quod eloquentissimus, quod nobilissimus, quod iureconsultissimus, quod pontifex maximus esset, cum consulatu obtineret Asiam provinciam & circumfidere & oppugnare Leucas pararet opusque esset firma & procera trabe qua arietem faceret quo oppidanorum muri quaterentur, scripsit ad magistrum graecum, maiorem Atheniensium sociorum, amicorum po. ro. ut ex malis duobus quos apud eos viderat maiorem ei mittere procuraret: tunc magister graecus coperto quamobrem malum desideraret, non uti iusserat maiorem, sed quem magis esse idoneum aptioremque faciendo arieti facilioremque portatu existimabat, minorem misit. Crassus eum vocari iussit, & quum interrogasset cur non quod iusserat misisset, causis rationibusque quas dictabat spre- tis, vestimenta detrahi iussit virgisque cecidit, corrumpi atque solui ratus omne officium imperantis, si quis ad id quod facere iussus est, non obsequio debito, sed consilio non desiderato responderit. L. Papyrius dictator Q. Fabium Rutilianum magistrum equitum, quod adversus dictum eius quamvis felici pugna dimicasset, Samnitibus fulis, virgis tamen caesum poposcit, securi percussurus, & contentione aut precibus exercitus occasionem Fabio confugiendi in urbem dedit, eumque profugientem Romam persecutus est, ne ibi quidem remisso supplicii prius metu quam

quàm ad gēua eius & Fabius cū patre prouolueretur, & pariter senatus ac populus ro.rogarent: testatus tandem eam pœnam non Fabio, sed populo & tribunorum concedere potestati. L. Calfurnius Piso cos. quum in Sicilia bellum aduersus fugitiuos gereret, & T. equitum præfectus fugitiuorū, multitudine hostium circunuentus arma tradidisset, his præfectum ignominia generibus affici iussit, Eum toga laciniis abscissis amictum, discinctaq; tunica indutū nudis pedibus totum diem ad principia vsq; per omne tempus militia quo ab eo meruerat adesse iubens, conuictu hominum, balneorum vsu, turmisq; equitum ac equis quibus præfuerat adeptis, in funditorum alas transcripsit. Q. etiam Fuluius Flaccus censor Fuluium fratrem cohortem legionis in qua tribunus militum erat iniussu consulis domū dimittere ausum senatu amouit. T. Manlius Torquatus filium quod is cōtra edictum cum hoste Gemino Metio Tusculanorum duce, in scio vel ingnaro patre prouocatus pugnaverāt, quamuis victorem, in cōspectu exercitus cēsum, securi percussit. Posthumius Tyburtius dictator, A. Posthumium & filiū quod nō suo iussu, sed sua spōte suos egressum hostes fuderat, victoria gloriā licet reportasset, securi percuti iussit. Nec minus aniose A. Fuluius senatorii ordinis euntem in aciem filium iniussu suo è vita sustulit, quàm T. Manlius, aut Posthumius dictator. Iuuenem nanque ingenio, literis, & forma inter æquales præstantem prauo consilio Catilinæ familiaritatem assecutum, inq; castra eius temerario impetu ruētē in medio itinere abstractum ultimæ pœnæ supplicio affecit, præfatus non se Catilinæ aduersus patriam, sed patriæ aduersus Catilinā genuisse filium. Milites autem qui hostium castra iniussu principis aggredi essent ausi exauctorauit omnes Claudius, secundus eius nominis imperator, eosque Romam vt digne punirentur misit, sicq; in bello sæpius seueriusque vindicatū esse constat apud maiores nostros in eos qui contra imperium in hostem pugnarunt, quique tardius reuocati prælio excesserunt, quàm qui signa relinquere aut pulsi loco, cedere ausi erant. Q. Fabius Maximus & si transfugarum dextras qui & in præidiis Romanorum ad hostium stationes cōfugerant ipse aliquando præcidit, vt defectionis metum reliquis iniiceret, suapte tamen natura & clementia defectiones prohibendas placandasq; esse mansuetudine ac miti oratione censuit, neque omnem suspicionem accusare atq; omnino omnibus suspectis molestum esse. Nam quum animaduertisset, militem quendam Marsum fortitudine & genere inter socios primarium defectionis accusari, nullam in eum animaduersionem egit, sed cum fineret se præter dignitatem neglectum iri, Tunc, inquit, duces ad gratiam ineundam potius accusantur, quum pro eorum virtute honores impartiantur: deinde illum accusauit, qui nulla in re officium eius exposcebat. Hæc enim cum dixisset, acerrimo equo, aliisq; muneribus eum ornauit: quare exinde virū sibi fidelissimum studiosissimūque effecit. Apud eundem Fabium quum miles Lucanus esset accusatus quod mulieris amore noctu sæpe à castris vagaretur, cæterum mirabili armorum virtute vir esse narraretur, quā deperibat comprehendī ea clam iussit, & ad se adduci: vt autem adducta est, accersito homine, quod præter legem, inqt, pernoctaret haudquaquam nos latuit, ac ne prius quidē latuerat q̃ p̃bitati stude-
deres

deres, quare fortiter ac recte factis errata cōdonētur : reliquū nobiscū eris, habeo enim sponforem, & ad ductā mulierculam ei cōmendauit, ac tradidit. Non finit nos Q. Fabius Max. inter has rei militaris pœnas hoc in loco de te silentium facere, Sigismunde, quod militum peccata more suo neque obserues omnia, neque meritis ac debitis eos pœnis prosequaris, verum ex industria permultas dissimules, sciens genus hominum ad peccandum pronum, nec facile naturam & consuetudinem eorum inueteratā extirpari posse, utque lasciuiæ & lætitiæ frena persæpe relaxas, sic quum hostis in propinquo est, segnes, contumaces, desides, negligentes, seditiosos, ac desertores seuerissime punis, quod hæc vitia non ad singulorum mores tantum, sed ad summam rerū & omnium salutem pertinere intelligas. Illud etiam semper tibi innatum & ingenitum intelleximus, ut vehementer usque dolueris pro erratis militum & aduersum quēquam arma sumi oportere: contrā verò lætari admodum, abs te plurimos seruatos & exornatos iri : & quod diuini muneris est, hac sua seueritate non hominum interitum cupere, sed salutem potius singulis pro virili præstare velle. Admirantibus autem multis ac reprehendentibus quod ut mitis nimium sis, ita & truculētus nimis & atrox aliquando videare, respōdere soles crudelitatem scilicet nemini minus quā principi conuenire, imperatoremque exercitus ut victoria potiatur potius timendum esse quā hostem. Iulius Cæsar oborta seditione militū paucis percussis castra sedasse legitur, & fidem militum reparasse: vbi verò sacrificia committerent militiæ, milites suos fertur compescuisse, maxime quando urbem ingressos non licuit homines spoliare, aut templa deorum, quod eis postmodum ingrauescente seditione exprobrauit. Numinibus nanque Romanis ciuibuscque iurati impugnare non poterant quæ sacramento militiæ susceperant defendenda. Qui autem tali ignominia notabatur milites, nec æra percipere, nec militaribus gaudere priuilegiis, nec habere aliquod cum gladio teloque commercium, neque porro ad cingulum restitui fas erat, nisi eos antè præ cæteris virtutū meritis insignirent. Augustus militarem disciplinam seuerissime rexit, legiones contumacius parentes, ac immodestè missione postulantem dimisit exauctorauique. Cæturiones item statione relicta, itidē ut manipulares capitali animaduersione puniit. Pro cætero autem delictorum genere variis milites ignominiis affecit, ut stare per totum diem iuberet ante prætorium, interdum tunicatos discinctosque, nonnunquam cespitem portantes. C. Curio bello Dardanico circa Dyrrhachium quum vnā de quinque legionibus seditiosam vidisset, eam procedere iussit inermem, discinctamque in conspectu armati exercitus stramenta coëgit secare. Postero autem die similiter fossam discinctos milites facere, nullisque precibus legionis ab eo impetrari potuit, ne signa eius submitteret nomenque aboleret, & milites in supplementum aliarum legionum distribueret. L. Domitius Corbulo in Armenia duas alas, & tres cohortes quæ secum ad castellum initio hostibus cesserāt, extra vallum iussit tendere, donec assiduo labore & prosperis excursionibus redimerent ignominiam. P. Cornelio Nasica, Decimo Iulio cons. qui exercitum deseruerant damnati, virgisque cæsi publicè vanierunt. M. Cato ab hostili littore in quo per aliquot dies māslerat, cū tardo profectionis signo classem soluisset, & reli-

ctis è militibus quidā acerrima voce et gestu expostularet vti tolleretur, circum-
acta ad litus vniuersa classe comprehensum supplicio affici iussit, & quem oc-
cisuri per ignominiam hostes fuerant, exemplo potius impendit. L. Paulus, Per-
sa rege superato, externorum quosdam transfugarum elephantis conculcādos
censuit. Aphricanus item posterior euerso punico imperio, eiusdem generis &
culpæ hominis in edendis populo spectaculis feris bestiis obiecit. Eundem cen-
sorem declaratum, ferunt adolescentem priuasse equo quoniam sumptuosè in
cœna quo tempore Carthago oppugnabatur placentā melle confectam quam
in vrbis similitudinē formarat, & hanc Carthaginem appellarat, conuiuis pre-
posuit rapinæ, percūctantiq; adolescenti quam ob rem equum sibi abstulisset,
Prior quā ego, Carthaginem, inquit, diripuisti. Xerxes Persarum rex Phitio
quinq; filiorum patri vnus vacationem petenti, quem vellet eligere permisit, de-
inde quem elegerat in partes duas distractum ab vtroq; latere vię posuit, & hac
victoria lustrauit exercitū. Actisanes Aethiopum rex Aegyptiis in deditionem
suam redactis, summa eis equitate imperauit. Latrocinia enim nouo more con-
pescuit, fontes neq; morte plectens, neque linquēs impunitos, iudicio constituto,
reos omnes in vnum cogens miti sentetia damnauit. Amputatis enim naribus
in vltimam deserti ire eos compulit, ibiq; ciuitatem condidit ab excisis naribus
Rhinoceram appellatam. Assuerus quum cuperet famam & sermonem apud
omnes gentes & nationes vulgari à se Cyrum interfectum esse, Mithridate qui
primū Cyro vulnus inflixerat, Chare deinde à quo succisa poplitis vena Cyrus
conconsiderat quā ægrè ferentibus se iniuste ea gloria muneribus à rege missis
spoliari, his regi nuntiatis vehementer ira incensus, caput Charis à ceruicibus
abscindi iussit: hisq; quū interesset mater, Ne tu, inquit, rex ita hunc Charē capi-
talem hominem breui pœna neces: à me enim sibi eorum quę diu audet merces
persoluenda est. Permittente autem rege matri supplicii sumendi potestatem, à
tortoribus suis hominem comprehendi iussit, decemque dies in tortura habe-
ri, tum oculos effodi, & in aures liquefactum æs infundi, sic omni supplicio ex-
cruciatum necari. Paulò pōst ob eandē causam Mithridatem quòd apertè pro-
fitebatur manu sua Cyrum concidisse, nec vt Artaxerxes vanum neq; irritum
relum adiecisse, sed transfixo tempore hominem strauisse eoque vulnere tādē
interiisse, scaphis necari iussit. Genus autem mortis ac supplicii huiusmodi fuit,
Duabus exædificatis scaphis inter se congruentibus, in altera hominem qui ad
supplicium datur resupinant, alteram desuper imponentes, sic ambas coniungunt
vt caput, manus, ac pedes foris excludantur, reliquum verò corpus totum intus
claudatur: præbent homini cibum, stimulisq; oculos fodientes vesci et inuitum
cogunt: vescenti autem pro potu lac melle mixtum in os infundunt, faciēque
eodem conspergunt, sic eius versantes scapham semper aduerso soli opponunt,
& muscarum insidentium multitudine ora quotidie obtegunt, cūmq; virtus
ea faciat quæ edentes bibentesq; homines necessitas cogit, ex corruptione & pu-
tredine varii pullulāt vermes, quibus intra vestes penetrantibus corpus abroda-
tur: quum enim perfuncto vita homine superior amouetur scapha, exesa caro
aspicitur, & circa viscera talium ferarum aliarūque quotidie subcrescētium
multitudo

multitudo apparet. Huiusmodi suppliciis Mithridates excruciatuſ ad decimū vſque diem calamitoſam vitam perduxit, atq; ſic demū extinctuſ eſt. Auidiuſ Caſſiuſ qui ſe Mariū dici voluit, militeſ qui prouincialibuſ per vim aliquid ſurripuiſſent hiſ in quibuſ peccauerāt lociſ in crucem ſuſtulit. Primuſ etiam id crudelitatiſ potiſ quā ſeueritatiſ ſupplicii genus excogitaſſe fertur, vt pergrandi & procero ſtipite terræ affixo à ſummo ad imum vſq; dānatoſ ligaret, ab imōque ignem adiiciens incenſiſ aliis, alioſ fumo cruciatuq; igniſ, alioſ metu ac timore necaret. Idem denoſ catheniſ vinctoſ in profluentem mergi iuſſit, multiſque deſertorū manuſ excidit, aliis crura & popliteſ, maiuſ exemplum eſſe aſſerens viuētis miſerabiliter criminofuſ quā occiſi. Idem cū ipſo inſcio manuſ auxiliariſ tria milia Sarmatarū negligentiuſ agentiuſ in Danubii ripiſ occidiſſet, & cum præda ingenti ad eum rediſſet, ſperantibuſ tribunis præmiuſ q; quā parua manu tantuſ hoſtium occidiſſent, rapi eoſ iuſſit, & in crucem tolli, atque vltimo ſupplicio affici, dicens euenire potuiſſe vt eſſent inſidiæ, ac periret romani imperii reuerentia: & quū ingeſ ſeditio in exercitu orta eſſet, proceſſit nuduſ in medium, campeſtribuſ ſolum tectuſ, & ait, Percutite me ſi audetiſ, & corruptæ diſciplinæ facinuſ edite: tunc quieſcentibuſ cunctiſ timeri meruit, quia ipſe non timuit. Peſceniuſ Niger decem militeſ qui prouinciali ablatuſ gallinaciuſ comediſſent necari iuſſit, exercituſ autem qui ne occiderentur, non armiſ, ſed precibuſ impediret, interdixit igni & cibo cocto, nec re veſci alia niſi aqua frigida, et pane conceſſit, decupli precio prouinciali primum reddito ac ſoluto. Alexandri vero Seueri vel Aurelii ſententia mulierculę mileſ carpentariuſ adiudicatuſ eſt, vt qui conuitia dixerat, ſeruili opere annoſæ ſœminæ nutrimenta præſtaret: & quū egre hoc ferrent militeſ, perſuaſit omnibuſ vt ne moleſte ferrent, ac modeſte eoſ terruit. Libidiniſ autem caſtigatoſ Aurelianuſ maxime fuit. Nam & ſeiſpſum continuat, & adulteroſ atroci pœna coërcuit militeſ: nanque qui hoſpitiſ vxorem violaffent, duabuſ inflexiſ arboribuſ fune alligauit, quo de miſſo reuſ è veſtigio vtrinq; pendens laceratuſ occubuit. Longe aſperiuſ Macrinuſ caſtigauit militeſ, qui cum ancillā hoſpitiſ violaffent, eoſ viuoſ (duo nanque erant) bouū in corio emiſſiſ modo capitibuſ ſepeliuit, vt vermium multitudine ſuccreſcentiuſ diutiuſ torquerentur. Inuenerunt alii crucibuſ non vniuſ quidē generiſ capite conuerſoſ in terram ſuſpēdere, alii per obſcœna ſtipitem immittere, alii patibulo brachia explicare, alii viuētibuſ cadauera alligare, vt Opiliuſ Macrinuſ & Mezentiuſ, de quo Maro,

Mortua quin etiam iungebat corpora viuſ,
Componenſ manuſq; manuſ atque oribuſ ora,
Tormenti genus, & ſanie taboque fluenteſ
Complexu in miſero longa ſic morte necabat.

Statuerunt etiam in infligendiſ pœniſ aliquādo maioreſ noſtri vt ſi à multiſ eſſet flagitiuſ rei militariſ admiſſuſ, ſortitione in quorſdam animaduerneretur, vt metuſ videlicet ad omneſ, pœna ad paucos perueniret. Nam mileſ qui locuſ non tenuit, qui hoſtium impetuſ vniſque pertinuit, poteſt idem poſtea & mileſ eſſe melior, & ciuiſ utiliſ & vir bonuſ. Circa ducum itaque & imperatorū edi-

Et boni milites parebunt & obsequentur, nisi forte quod præcipitur salutis reip.
 aduersum inueniatur. In eo enim haudquaquam obtemperat, nisi perfidus &
 impius miles. Quid enim iniquius quid detestabilius quam sine discrimine ag-
 gredi quæcunq; dictauerit imperator? Nonne apud omnes vox ista quondam
 in castris forsan probata funesta est, & crudelis plenaq; perfidiæ habita,
 Pectore si fratris gladium iuguloq; parentis
 Condere me iubeas, plenoq; in viscera partu
 Coniugis, inuita peragam tamen omnia dextra.
 Si spoliare deos, ignemq; immittere templis,
 Numina miscebit castrensis flamma monetæ.
 Castra super Tusci si ponere Tybridis vndis,
 Hesperios audax veniam metator in agros.
 Tum quoscunq; voles in planum effundere muros,
 His aries actus disperget saxa lacertis.
 Illa licet penitus tolli quam iusseris urbem
 Romæ sit.

Et quanquam hoc nequius dici ab homine potuerit nihil, & vnde magis debe-
 ret, si fidelis esset, romanus imperator ostendi, in eo tamen sceleratus mi-
 les officii sui fidem his verbis facere studuit, vnde seipsum circun-
 scripta militari obedientia maxime infidelem & perfidum esse
 conuincit. Hæc cōtra eos qui militaria segnius ac negligē-
 tius, vel aliter ac disciplina cōmunis exigit tractantes,
 ignominie ac dedecoris notā subiere dicta sint,
 & exemplis plurimis cōfirmata, vt ex alie
 no milites malo suum discant præca-
 uere, aut alienis virtutis exem-
 plis prouocentur.

Finis Vndecimi.

ROBERTI VALTVRII

AD MAGNANIMVM ET ILLVSTREM

Heroa Sigismundum Pandulphum Malatestam splendidissimum

Ariminenſium regem, ac imperatorem ſemper inuiſtum,

de re Militari Liber Duodecimus.



De triumphis, quidq; triumphus, & unde.

Cap. I.



Vſto denique ac debito narrationis noſtræ ordine, Sigismundus de Pandulpho, operi conſummationem triũphis imponemus, quum hi bellorũ ſint finis, victoribus decus & gloria. Eſt enim triumphus omnium militarium rerum honos ſupremus, maximeque omnis vtriuſque ſexus, ætatis, vniuerſæ vrbis exultatio, & occurſus quidam, quod fiebat honorifica hoſtium clade duci & victrici turbæ redeunti, rerũque fortiter ac fœliciter geſtarum ſpeciem præ ſe ferenti, ſic dictus vt perhibent à græco *τῆς ἀνικτωρ* quod latinè exultationem ſignificat. Credunt hoc alii à Græcis non en in cõſuetudinem deriuatum, ſimulque huius honoris quicquam ad Liberum patrem, primum eius auctorem pertinere, quem *τῆς ἀνικτωρ* nominant: quod eſi haudquaquam verum eſſe, Plutarcho auctore conſtet, vir tamen omnium vndeunque doctiſſimus atque acutiſſimus, M. Varro, hinc inde aſſerit inclinatum. Tranquillus autem triumphum latinè dicit potius appellatum, quod is qui triumphas urbem ingrederetur, tripartito iudicio honoraretur. Prius autem de triumpho duci concedendo exercitum iudicare ſolitum erat, ſecundò ſenatum, tertio populum: atqui de eo maxime qui vel dictator, vel conſul, ſiue prætor res geſſiſſet triumpho dignas. Liuius, Omnibus locis re bene geſta de hoc iudicabat exercitus, ſenatusconſulto, iuſſuque populi triumphans, dictator in urbem rediit. Idem xxxi. L. Cor. Lentulus procoſ. ex Hiſpania rediit, qui quum in ſenatu res ab ſe per multos annos fortiter fœliciterq; geſtas expoſuiſſet, poſtulaffetque vt triũphanti ſibi inuehi liceret urbem, res triumpho dignas eſſe cenſebat ſenatus, ſed exemplum à maioribus non accepiſſe, vt qui neque dictator, neque conſul, neque prætor res geſſiſſet triumpharet, proconſulem illum Hiſpaniam prouinciã, non conſulem aut prætorem obtinuiſſe: decernebatur tamen vt eo ouans urbem iniret, intercedere etiam Sempronio Longo, Tribuno pleb. qui nihilominus more maiorum haud vllò exemplo futurum dicebat. Poſtremo victus conſenſu patrum tribunus ceſſit, & ex ſenatusconſulto L. Lentulus ouans urbem eſt ingreſſus.

Gg ii De

De Trophæis & unde, & in quo à triumpho differant, quodq; ouem alij uictoria potiti,
alij bouem; huncq; alij, uel gallum immolare consueuerant.

Cap.

II.



Illud etiam animaduertendum, ne quod de triūpho & trophæo male accipiunt, nos quoque confundat, opinantes vnā rem duobus nominibus appellari debere. Vt enim re uera qui Martiam & terrificam hostium cæde pompam lege triumphali agebat triumphans dicebatur, sic qui hostes fugasset trophæum appellabāt: non ab re, à græco *τῖς πάλος*, hoc est, ab hostium conuersione dictum. Vocabant etiam veteres trophæum stipitem siue truncum montanæ quercus abscisum, instar superati hominis fabricatum, & ueluti spoliis & armis eiusdem indutum: affixa enim quaqua uersum spolia impendebant, ornatu plurimo, ac decore disposita, neque hoc nisi in eminentioribus locis figebatur: unde Crispus de Pompeio, Deuictis Hispanis trophæa in Pyreneis constituit, ex quo more in urbibus trophæa figebantur in arcibus exædificatis: unde poëta noster elegantissimus,

Ingentem quercum decisis vndique ramis
Constituit cumulo, fulgentiâque induit arma.
Mezenti ducis exuias tibi magne trophæum
Bellipotens aptat rorantes sanguine cristas,
Telâque trunca viri & bis sex thoraca petitem,
Perfossūque locis, clypeūque ex ære sinistra
Subligat, atque ensē collo suspendit eburnum.

Alio idem in loco,

Indutōsque iubet truncos hostilibus armis
Ipsos ferre duces, inimicâque nomina figi, pro inimicorum.
Dicit autem affixos trophæis titulos cum nominibus occisorum. Ad hæc Iu-
nius Iuuenalis Aquinas,
Bellorum exuiæ truncis affixa trophæis,
Lorica & fracta de casside bucula pendens,
Et curuum temone iugum victæq; triremes,
Amplustre & summo tristis captiuus in arcu.
Illud quoq; nec præmittendū, triūphi genus non ab ouatione, hoc est, clamore
Bacchico, sicuti multi putauere, ouationē appellari, tæti ouantes illam canētesq;
transmittant, ut Plutarchus inquit, at quum milites in magno triumpho & ple-
na uictoria bouem, in hoc immolare ouem cōsueuerunt, unde huic triūphi ge-
neri nomē extat: utq; qui de pugna uenientes cum multitudine obuia ad numi-
na minora ibant, & ibi fugatis hostibus oues diis immolabāt, Ouantes diceban-
tur, sic & ouatio ppriè minor triūphus, & qui ouationē meretur, & vno equo uti-
tur, et à plebeis uel equitibus romanis deducitur ad capitoliū, et de ouibus sacri-
ficat, unde et, ut dictū est, ouatio: qui autē triumphat, equis albis utitur quatuor,
& senatu præeūte in capitoliū de tauris in eo sacrificat: in quo nec illud silentio
obuoluendū quod ad mitiores triūphos, & ad ouationes attinet, super quo dissen-
sisse veteres scriptores inuenio. Partim enim scripserunt, qui ouaret introire soli-
tum equo deuectū, & Sabinus Massurius pedibus ingredi ouantes dicit non se-
quentibus

quentibus eos militibus, sed vniuerso senatu. Dignū & opportunū etiā arbitror Spartanorū legislatorem cōtemplari, qui aliquanto aliter ac Romanorū more sacrificandum instituit. Nam si quis Lacedæmoniorum dux quod velit dolo aut persuasione cōfecerit, bouem mactat: si in bello res gesta fuerit, Gallum. Hi enim etsi bellacissimum genus sint, & apud omnes habeantur, ampliora tamen magisq; hominē digna quæ ratione ac prudentia, quàm quæ vi aut fortitudine facta sint, iudicabant.

Varia secundum diuersas gentes & nationes triumphorum genera.

Cap. III.



Tq; non idem in triumphorum sacrificiis apud omnes seruatae religionis exemplū extat, sic varium apud diuersas nationes triumphandi morem fuisse cōstat. Et vt triumphi primum omnium repetamus auctorem, Dionysium, qui latine Liber pater dicitur, India subacta, multarum gentium spoliis triumphātem, vincti primum elephanti subisse currum eius memorantur. Apud Aegyptios Sesostris eorum rex, tam elato, tam immani animo fuisse fertur, vt quotannis non elephātos, sed sorte reges singulos ē subiectis iungere ad currum solitus erat, sicq; triumphasse, nullo maiorum fretus exemplo, quod equidem inuenerim: tantū licentiæ dabat gloria, immanitas, & intoleranda superbia. Erichthonius etiam victor, quadrigam & equos quatuor primus iunxit in Græcia. Apud nostros Cossus et Marcellus optima spolia ferentes, quadriugo similiter currū inuecti sunt. Romulum verò non recte Dionysius ait currū esse vsum: erant enim Romæ, in promptuq; omnibus, vt memorię proditū est, Romuli pedestres statuæ spolia ferētes, ex quo pedestres quoq; eius fuisse triumphos nō obscurum est. Tarquinium Priscum deinde, deinde Damarati filium indecoram huiusmodi currus & equorum quatuor formam, & magnificētiā triumpho statuisse memorāt, ab Hetruscis tamen prius sumptam & in vsu habitam: affirmant licet alii Publicolam primum in currū, tali pompa triumphasse, quam & ipsam vt maiorum legibus plurimis & maximis ducibus concessam, sic nonnullis ademptam denegatamq; non sine maximis rationibus inuenio.

Quòd non omnibus triumphis decernebantur, & quibus.

Cap. IIII.



Vum enim eò triumphandi honos peruenisset, vt posse maius quicquàm neq; imperatori senatus populusq; ro. ac exercitus dare, nec ab his imperator accipere, deuictis hostibus amplissimo pro honore & gloria videretur, proinde ob exigua quoq; prælia leuesq; conflictus, honorum maximum sibi decerni dux quisq; triumphū exposceret, lege fuit occursum vt ei soli liceret urbem triūpho inuehi, qui rebus fortiter strenueq; gestis clarus esset imperator, & hostiles exercitus ad quinq; miliū vsq; numerum fundendo profligādoq; vna dimicatione cecidisset. Pœna deinde per L. Mariū Marcūmq; Catonem trib. pleb. ducibus iniecta, qui falso vel perēptorum hostiū vel desideratorum ciuium numerū senatui per literas retulissent, iubentēq; præterea ingrediētibus urbem, quæstorū officium his de rebus iureiurādo adigi, vana scilicet ea nequaquā fuisse quæ senatui nunciassent tribuni ple. itidem vt antè solebant triūphum postulātibus aduersari, ita vt nonnunq; viros fortes ac strenuos

Gg iii impediē

impedientes, aliorum triūphos deterrebant, utq; triumpharent, sicut de Manlio proditū est efficiebāt. Moris etiā erat ut imperii auctione, nō p̄ restitutis quē aliquando eius fuissent, laureā decerni ius esset, sicq; ab Q. Fulvio, Campano populo subacto, et L. Opimio Fragellanis in ditionem redactis, triumphandi potestatem à senatu petentibus, illis triumphus minime decretus est, minimeque obtentus: semper enim existimationem arbitriumque huius honoris penes senatum fuisse, Valerio licet, & Horatio cos. (quod antea nūquam actum) tum primum sit sine auctoritate senatus, populi iussu triūphatum. Instituti etiā huius pompæ veteris fuisse comperio, ut illis haudquaquam triumphi deberentur, qui ad res quanquam maximas atque clarissimas bello conficiendas, absque vlla magistratus auctoritate transmissi fuissent: vnde nec M. Marcellus, nec P. Scipio curru triumphali inuecti sunt, quum Syracusas alter, alter Hispanias sine magistratu in potestatem romanam redegissent. Ita etiā more maiorum comparatum erat ne quis qui exercitum non deportasset triumpharet, nisi perdomitam pacatāque provinciam tradidisset successori: sic L. Manlio proconsuli ex Hispania redeunti postulantique ab senatu in æde Bellonæ triumphum, rerum gestarum magnitudo impetrabilem faciebat, exemplum aliorum obstabat: medius tamen honos Manlio habitus, ut ouans non triumphās urbem iniret. Ad hæc simili modo triūphum ita decerni à senatu solitum, ut nullius ipse nisi eius qui triumphaturus esset, & eorum qui bello interfuissent verba audiret, institutumq; ideo ut legati, tribuni, centuriones, milites denique triumpho adessent, ut virtus rerum gestarū eius cui tantus honos haberetur publicè videretur. Veteri etiā Romanorum more, nunquam triumphus lachrymis ac ciuium cruore quærebatur, nec admittebatur oblatum. M. enim Fabius cos. inclyta Hetruscis, Veientibus superatis pugna, oblatum sibi summo senatus populiq; studio triūphum ducere renuit, quod eo prælio Q. Fabius frater atque cos. fortissimè dimicās cecidisset, inquiēs, quia tantis reipub. detrimentis luctus potius deberetur quàm triumphus. Triumphi negādi causa senatui, vel ab eo aliis oblatum renuendi etiā fuit ei qui alieno auspicio, & in aliena provincia pugnasset, ut Helius primo Cn. quoque Claudius, Nero deinde, qui Liuii licet Salinatoris in Hasdrubale opprimendo gloriæ particeps fuisset, tamen triūphantem eum equo sequi, quàm triumpho quem ei senatus æque decreuerat uti maluit. Et quia res in provincia fuerat Salinatoris gesta, sine curru triumphauit. Ei similiter triumphus adimebatur qui alieno exercitu rem gessisset, provinciāq; reliquisset utilitate rapiendi, ut L. Furio prætori pene contigit, cui nullo licet exemplo id ipse fecisset, amplitudine tamen rerum gestarum, gratia & amicorum orationibus, & cōsulis absentia, de Gallis præter morem triumphum decreuerunt. Militaris etiā licentię superioris ætatis currum triumphalem prosequentibus fuisse legimus, ut triumphans per iocum plurimis ea die impunè salibus & carminibus aspergeretur: ea tamen à militibus in imperatorem ita dicebantur, ut facile appareret inducem indulgentem ambitiosumq; ea dici. Citeriam insuper, hoc est, effigiem quandam argutam & loquacem ridiculi gratia in pompa vehi solitam accepi-mus cum populo colloquentem: vnde M. Cato in M. Cæcilium, Quid ego dixerim

rim amplius, quem ego deniq; credo in pompa vestitatum ire ludis pro citeria, atque cum spectatoribus sermocinaturum. Sanctissimum denique ac omni laude inter cætera dignissimum vrbis institutum, quæ ideo communibus incipien- dis gerendisque deos adhiberet, quia nullius calumniæ subiiciebatur ea quæ dii comprobassent, & in solēnibus verbis haberet, cum supplicationem aut trium- phum decerneret, quod bene ac foeliciter rempublicam administrarit.

Triumphantium insignia & ornatus,

Cap. V.



Ultæ quin etiam triumphantium erant insignia, aurea corona siue laurea, aurea patera & sacrificialis, ferreus annulus, toga picta & pal- mata, scipio eburneus, siue Iouis optimi maximique sceptrum, facies præter hæc minio illita coloris instar ætherei, utq; Iouis simulachri faciem diebus festis minio illiniri solitam, maximi nō solum sed sacri auctores testantur, sic triumphantium corpora sicq; Camillum hac religione triumphas- se. Bulla etiā ut prætextatorum puerorū, ita & triumphantium erat insigne à pe- ctore cordetenus depēdens cordisq; figuram habens, & ea intra se remedia quæ aduersus liuoris stimulos & inuidiæ morsus arbitrarentur maxime profutura, hancque ideo cordetenus gestasse triumphantes constat, ut intuētes eam ita de- nique se hominum appellatione dignos putarēt si ea corporis parte ceteros an- tecellerent: sicq; proinde bulla à græco sermone βουλή dicta, qui consilium latine dicitur: vel quod eam partem corporis bulla contingat, in qua naturale manet consilium. Homines quoque se esse in illo sublimissimo curru triumphantes ad- monebantur à tergo: suggerebatur enim, Respice post te, hominem te memeto: & utique hoc maxime gaudebant, tanta se gloria coruscare ut illis admonitio suæ conditionis esset opportuna. Cum enim corona sustineretur à tergo annu- lusque digito ferreus esset, æque fortuna triumphantis & sui coronam retinen- tis annotabatur. Indui porro solenni gestamine ac cultu triumphantes ius erat, & quem singulis vsurpare fas non esset. Ex virtute nanque petita, non omnibus eadē. Vestis ipsa & materia, & colore, & forma plurimū differebat. Purpuræ vsū semper Romæ fuisse video, sed Romulo in trabea. Tullus Hostilius Hetruscis deuictis è regibus primus vsus inuenitur toga prætexta & latiore clauo. Tar- quinium Priscum deinde tunica aurea triumphasse Verius docet: hanc palma- tam auctores vocant, vel quod vestis ea sit qua qui palmam meruerunt vteren- tur, vel quod palmæ in ea expressæ viderentur. Palmæ enim arborem non ab re inter victoriæ & triumphantium insignia connumerari testis est Aristoteles vi. problematū, & Plutar. in 8 Symp. Si enim super huiusce arboris lignū magna superimponas pondera, ac tam grauiter vrgeas oneresq; ut oneris magnitudo su- stineri non queat, non cedit palma deorsum, nec in terram flectitur sed aduer- sus pondus resurgit, & sursum nititur recuruatūque: propterea, inquit Plutar- chus, in certaminibus Palmam signum placet esse victoriæ, & quoniam inge- nuum huiusmodi lignum est, & vrgentibus opprimētibusque non cedat. Hinc palmarum ramos triumphantes gestasse proditū est. Ex lauro etiam coronam portari mos inoleuit, & ramum manu teneri: non quia, ut quidam perhibent, inter armatos hostes quietis indicium, Romanis præcipuæ læticiæ victoriarūmq; nuncia

nuncia fuisset, nec quia perpetuò vireat, nec quia pacifera, nec quia in gremio Iouis optimi maximique deponeretur quoties læticiam noua victoria attulisset, præferenda enim utroque olea, sed quia spectatissima in monte Parnaso, ideòq; & grata Apollini, assuetis eò dona mittere iam & regibus, & Romanis teste L. Bruto: fortassis etiam in argumentum quòd ibi libertatem publicam is meruisset, lauriferam tellurem illam osculatus ex responso: & quia manu satarum receptarum in domos fulmine sola non iacitur. Ob has causas equidem crediderim honorem habitum in triumphis potius quàm quia suffimentum sit cædis hostiũ, & purgatio, ut tradit Masurius. Fuerunt & arboris huius circa Augustum euenta digna memoratu, ob quæ etiam triumphis usurpatum arbitror. Namq; Liuiæ Drusillæ, quæ postea Augusta matrimonii nomen accepit, adsidenti gallinam conspicui cædoris aquila ex alto obiecit illam intrepide, miranti accessit miraculũ, quoniã teneret rostro laureum ramũ Baccis suis onustũ: asseruari hanc alitem & sobolem iussere aruspices ramũque seri ac rite custodiri, quod & factum in villa Cæsarum fluuio Tyberi imposita, iuxta nonum lapidem via Flaminia, quæ ob id vocatur ad Gallinas cædidas, mirèq; Sylua prouenit: ex ea triumphans postea Cæsar laurum in manu tenuit coronamq; capite gessit, ac deinde imperatores cuncti, traditũque mos est ramos quos tenuerint ferendi, durabantq; syluæ nominibus suis discretæ.

Romanorum mores in triumphis,

Cap.

VI.

Nisum autem triumphantium morem prosequemur, Romanum in his ordinem exprimentes. Die itaque quo futura erat pompa populi Romani multitudo visendi studio ad spectaculum triumphii effusa confluebat omnis, pulcherrimis & nitidis ut quibat quisque vestibus ornatus, nemòque ex multitudine tota ciuiũ domi remanebat, sed singuli nocte quæ triumphii diẽ præcessura erat, loca præueniebant in equestribus theatris quos Circos appellat, in locisq; circa forum ad hoc ipsum ligno exædificatis, in templis, in porticibus, in viis patentibus & publicis, in fenestris ac domorum tectis, & in aliis quibuscunq; vrbis partibus per quas transitus erat sese ad spectandũ comparabant, imperatori necessario transitu prætermisso, instratòque passim floribus sertisq; odoriferis, verbenis ac herbis aliis suauitatem odoris affatim redolentibus. Multitudo deinde ministrorũ hastilia manibus gestantium ex medio confluentem dimouebat turbam, & vias puras apertasque præstabant. Pars verò militaris ante lucẽ per turmas atque ordines cum rectoribus progrediebatur, & iuxta Iſidis templum (ibi enim principes illa nocte quiescebant) constituebatur: vbi verò illucescebat aurato sublimissimòque curru inuecti ut conspici possent, eburnea curruliq; sella in maiestate sedentes, purpurã auro còtextã induiti & Lauri ramũ dextra gerentes ferebãt. Hos peditatus omnis sub signis ac tribunis antebat. Ferebantur post hæc hostium spolia, coronæ aureæ, dona sociarum ciuium tantũ translata. Tubarũ deinde clangor sequebatur ac obsidum captiuorũq; nobilitas omnis vultu & amictu subtristi, et qui hostiũ dux fuisset, si captus aderat, captiuus posterior omnibus, catenis vinctus ante currũ ducebatur, quadrigam equi pulcherrimi niueiq; ac phalerati quattuor trahebant: post verò captiui qui per

per prouinciam venerant vniuersi rasis capitibus ob deterfam seruitutem vel pileo capiti imposito, qui donatae libertatis signum erat, currum triumphantis sequebantur. Hunc etiam milites & equites currum imperatorum secundum legiones, cohortes et manipulos lauro manibus sequentes, partim carmina patria salibus permixta & iocis, partim triumphantium laudes cantantes, ad urbis ambulationes transibant, ubi senatus & omnes ordines obuiam effusi eorum praestolabantur aduentum, qui erat fiebatque non nisi per portam siue viam triumphalem iuxta Vaticanum, quae ab eo quod per illam semper triumphorum pompa ducebatur nomen accepit. Ibi votis prius diis solutis cibum capiebant, & magnificis ac triumphalibus vestibus amicti, diis ad portam collocatis caesa hostia inter spectacula transeuntes triumphum ducebant, ut multitudini facilius preberetur aspectus. Pro merito autem narrari multitudo illorum spectaculorum & magnificentia non potest: in omnibus quique cogitare, vel artium vel diuitiarum vel naturae nouitate. Nam pene quae cum hominibus qui usquam sunt fortunatis, aliis alia mirabilia magis atque magnifica quaesita sunt. Etenim argenti aurique facti & infecti, atque signati, necnon eboris ac gemmarum, clarissimarum etiam rarissimi generis vestium infinita multitudo sequebatur: crateras alii & phialas calicesque ornatissimos, & ingentes gestabant, alii vasa permulta ex auro & gemmis eximiae artis & magni ponderis. Torques deinde & montes aurei cum ceruis & leonibus & pomis omnis generis circumdati certo ordine deferebantur. Ferebant simulachrorum sigilla, deosque quos illi habebant & magnitudine mirabili & arte non defunctiore facta: signa deinde aenea, marmoreaque, tabulae & colossi vehiculis portabantur. Adhuc tela & caetera hostium spolia, catapultae, balistae, tormenta quaeque & arma porro ornatissima atque pulcherrima splendentia aere & ferro absterso, atque ita disposito ut casu maxime cecidisse viderentur: galeae, scuta, thoraces, ocreae, peltae, gesa, corymbi, equorum frena & enses stricti per haec iacentes, & sarissae infixae ita ut nec victorum quidem absque metu aspectus esset. Maxime autem stupor erat machinarum quae portabantur, pro cuius magnitudine timendum viribus portantium occurrentes putabant. Ferebantur in triumpho signa militaria, urbes, & oppidorum simulachra: quinetiam equorum captorum greges, & animalium diuersa genera, elephantorum & leonum producebantur, propriis ornamentis induta: ducebantur & boues post auratis cornibus, vittis ornatii & fertis, ducebant eos adulescentes succincti ad immolandum, & pueri aureas & argenteas pateras sacrificii gratia deferebant. Atque haec eadem denique praeter multitudinem rerum & copiam si non una die transuehi poterant, in altera nonnunquam transuehebantur, atque altera belli post haec facies praeferrere videbatur ex ludis: eratque cernere vastari fortissimas terras, interfici acies hostium, alios caedi, alios fugere, alios captiuos duci, murosque excellentes magnitudine machinis dirui, castella excindi, ciuitates populosas disturbari, exercitum intra muros fundi, caedisque omnia loca plena, & eorum qui manu resistere non poterant preces, ignemque templis immissum, aediumque super dominos subuersionem. Ars autem & operum magnitudo nescientibus adhuc illa, fieri tanquam vera praesentibus ostendebant, in Ponto etiam dicente Nasone,

Oppida


Oppida turritis cingantur eburnea muris,

Fictaque res vero more putetur agi.

Huius autem pompe finis Iouis Capitolini templum erat, ubi postquam eò peruentum erat, more vetere victores operiebantur donec mortem ducis hostium quispiam nunciaret. (Nam hostium rex duxve qui fuisset, aut publicæ custodiæ perpetuò dānabatur, aut traductus laqueove circumdatus per publicū ad necem trahebatur): Postquam igitur eum finem vitæ habere nunciabatur, omniumq; fauor secutus erat, votis secundo celebratis peractisque, sollemniter in palatiū recedebant, & alios quidem epulis excipientes, consules de more inuitari faciebant ut cœnæ adessent: deinde rogari quo minus veniret, ne celebritatis illius diei maiore quispiam imperio fructum siue locum sibi præoccuparet. Aliis autem omnibus domi conuiuiorum instructi erant apparatus, sicq; omnium plausu ultra omnem consuetum honorandi modum, hunc faustū & fœlicem diem ob rempub. auctam imperiūque Populi Romani propagatū, & malorum ciuiliū finem vrbs romana celebrabat.

De Coronis leges,

Cap. VII.



Interest coronarum quoque maiestatem speciali consideratione metiri, utpote quibus ingens dignitas infit & ingentissimum ad fortitudinem calcar. Morem nanque hunc à veteribus traditum incitandos ad animos Romana prudentia tenuit, quod imperator re bene, fauste, ac fœliciter gesta, tribunal ascenderet concionēque aduocaret milites ut operam quam nauasset quisque laudaret, virtutis quoq; ad testimonium, ut esset fauoris qualitas, de repub. bene meritos corona donaret. Vtq; ab ipsis propemodum incunabulis ordiar, tenuiores in vsu antiqui habebant strophios appellantes, unde nata & strophiola: quin etiam vocabulum ipsum tandem communicatum est inter sacra et bellicos honores, coronis sibi nomen suum vindicantibus. Quum verò è floribus fierent fœta, à serēdo seruiciæ appellatæ sunt, suaria eadem ob similitu linē Suarii cuiusdam, negociatoris, cognominata: quod apud Græcos quoque non adeò antiquitus placuit. Arborum enim ramis coronari in sacris certaminibus mos erat primum, in castrisq; romanis aliquandiu obseruatus. Sic Romulus frōdea coronauit Hostilium Tulli Hostilii regis auum, quod Fidenas primus irrupisset: sic Publium Decium patrem, tribunum militū frōdea donauit exercitus, ab eo imperatore Cornelio Cossō cos. Samnitū bello seruatus. Postea variari cœptum, mixtura versicoloris florūque inuicem odores colorēsque accessere. Nec in promiscuum quorumcunque vsū, sed ingenti seueritate admissi: horum enim licentiæ exemplum apud maiores non est aliud q̃ in filia Diui Augusti, cuius luxuria noctibus coronatum Marfiam literæ illius indicant. Florum quidem populus romanus honorem Scipioni tantum adhibuit. P. enim Mutianus quum demptam Martiæ coronam è floribus, capiti suo imposuisset, atq; ob id duci eum in vincula trib. pleb. iussisset, appellauit Tribunos pleb. nec intercessere. L. etiam Fuluius argētarius in bello Carthaginensi secundo cum corona rosacea interdū in foro prospectus esset, auctoritate senatus in carcerem abductus, non ante finem belli emissus est. Sic coronis eiusmodi receptis,

ceptis paulò mox subiere quæ vocantur ægyptiæ, ac deinde hybernæ cū terra flores negat, ramento è cornibus tincto: ac eius quæ ab Homero *σέφανος* dicta, paulatim Romæ subrepsit à Lucilio appellatio. Corollæ inter initia propter gracilitatem nominatæ, mox & corollaria postquam maxime è lamina aurea tenui, & ea inaurata aut inargentata dabatur. Coronandi autem morem, gentilium primo deorum fuisse constat, feruntq; alii Dionysium, auctore Diodoro, si quando ex potu bibentis caput agigaretur, mitra id illigare, vnde & *μιτροφόρος* dictus est, regesque deinde pro mitra caput diademate vinciri solitos, sicq; proinde primum omnium Liberum patrem imposuisse capiti suo quum ex Indis triumphasset ex hedera: alii Saturnum, vt Phærecides, ante omnes coronatum referunt. Iouem nonnulli quoque post deuictos Titanas hoc munere præ cæteris honoratum. Romulo insuper qui aruorum sacerdotes in primis instituerat, seq; duodecimum fratrem inter ipsos appellauerat, spicea corona quæ vitta alba colligaretur in sacerdotio pro religiosissimo insigni data, quæ prima apud Romanos corona fuit, honosque is non nisi vita finitur. Postea verò quàm deorum honori tribui cœpere, victimis simul coronatis, sacris deinde certaminibus vsurpatæ sunt. Coronare nãq; apio victores sacri certaminis Nemeæ, honos maximus habebatur in Achaia, sicut Ambrosia, quæ à quibusdam botrys vocatur, ab aliis Artemisia: coronantur illa apud Cappadoces. Nec his victores donari tantum, sed patriam quoque coronari pronuntiabant. Inde natum vt triūphaturis conferrentur in templis Dianæ, mox vt ludis darentur, quæ donaticæ dictæ sunt q; his victores in ludis donabantur, nec aliter minoribus triumphis ouantes. Athenas quoq; nō victores scilicet, sed virtute præstantes ciues primum oleæ vsum introduxisse, clarissimum Periclis caput ambiendo: Græcos autem oleastro Olympiæ, vnde Hercules nunc oleastri, nunc populi, nunc apii fronde redimitum caput præferbat: nunc Athenienses quidem soli, & Græcorum plurimi coronæ oleaginæ: cæterum romanæ quoque maiestatis honorē magnum præbuit turmas equitum coronando. Hæc corona apud nostros non peruetusta est, nec prius illis temporibus, sed Q. Fabii Rutiliani tēporibus collata: hic enim primus instituit vt equites romani idibus quintilibus ab æde Honoris equis insidentes in capitolium transiret, oleæ sertis de more redimiti: inde postea increbuit vt eo genere frondis coronentur in equestri ordine admittendi, quasi tunc primum transueheretur ad eam dignitatē additi. Hac etiam corona non qui præliis interfuissent, sed qui triūphum procurassent decorari solitos legimus. Cur autem ex olea fuerit ea corona quàm ex alia fronde non facile dixerim, nec apud alios scriptores quum curiosè quæsissem legisse memini me, & si minus ignorem ad diuersas significationes ac potius ineptias quasdā & deliramēta pertrahi posse: se. quum hanc apud gentem vnā terrarum vrbiūque principem plura sint coronarum genera, quàm cunctis, quæ magno intervallo magnæque differentia fuere, vt aureæ, vallares, murales, rostratæ, ciuicæ, profectò corona quidem nulla fuit, graminea nobilior. Hanc statuit in triumphis Senatus, cura belli solutus & ociosus, populus nunquam, in desperatione suprema nulli contingere, nec nisi ab vniuerso exercitu seruato decerni, coronas ceteras imperatores dedere, hanc

solam

solam miles imperatori. Eadē vocatur obsidionalis, quōd hi qui obsidione liberati sint, ei dant duci qui liberauit. Huic summus honos, summaq; gloria: nam si ciuicæ honos vno aliquo vel humillimo ciue seruato præclarus facerque habetur, quid tādē existimari debet vnius virtute seruatus vniuersus exercitus? Donabatur hæc viridi è gramine, decerpto inde vbi obsessos seruasset aliquis. Nanque summum apud antiquos signum victoriæ erat, herbam porrigere victos, hoc est, terra & altrice humo, & humanitate cedere, q̄ mos diu valuit apud Germanos: herbam enim veteres palmam vel victoriam dici voluerunt, quod Actius in Meleagro plane ostendit, Gaudēt, inquit, currūt, celebrant, herbā conferūt, Donant, tenent pro se quisq; cū clarū circūstat corona caput. Proinde quū herbam do inquit Plautus, significat victum me fateor, quod est antiquæ & pastoralis vitæ indicium. Nam qui prato, cursu aut viribus cōtendebāt homines, quū superati erant, ex eo solo in quo certamen erat decerptā herbā aduersario tradebant. Hac corona donatus est L. Siccus Dētatus semel quū ciuicas quatuordecim meruisset. Quidam etiā hac corona imperatores & sæpius donati sūt, veluti Decius vna tribunus militum ab exercitu, altera ab his qui in præsidio obsessi fuerant. Quanta esset honoris huius auctoritas, confessus est religione: siquidem donatus, bouem album immolauit Marti, & centum fuluos qui ei virtutis causa donati fuerant simul ab obsessis. Præter hos cōtigit coronæ eius honor M. Calphurnio Flamini, trib. militum in Sicilia. Cēturioni verò vni per id tēpus Treio Acinati Cymbrico bello. Scripsit & Sylla dictator ab exercitu se quoq; ea donatum apud Nollam legatum bello Marfico, idq; etiam in villa Tusculana, quæ fuit postea Ciceronis, pinxit: quod si verum est, hoc execrabilior eum dixerim, quandoquidem eam proscriptione sua ipse detrahit, tanto paucioribus ciuium seruatis quàm postea septem milibus trucidatis & occisis. Hæc corona Sertorio cessit, & Fabio illi, Hannibale pulso. Aemilianum quoque Scipionem hac ipsa obsidionali corona donatum in Aphrica, Manilio cos. cohortibus seruatis, totidēque ad seruādas eas eductis M. Varro meminit. Ipsum quoque Augustum idibus septēbris à senatu obsidionali etiā donatum memoriæ proditum est. Et quanquam ea consuetudo sicut & pleraque alia maiorum nostrorum deleta est, hac tamen corona nostris temporibus, Sigismunde, Populonea expeditione vno omnium ore donata est præcellens animi magnitudo tui. Ab vniuerso nāque & vnanimi primum Hetruscorum exercitu abs te seruato, ab his deinde qui obsidebantur, à senatu porrò Florentinōque populo, à tota Hetruria, ab omni deniq; Italia, ab exercitu & populo barbaro per te liberata (qua claritate nihil profectò humanis in rebus sublimius duco) quum Tarraconensi, rege maximo, Siciliæ, citra & vltra Pharū, Valentie, Hierusalem, Vngariæ, Minoricarum, Maioricarumq; Sardinia, Corsica, comite Barchinone, duce Athenarum & Neopatriæ, ac etiā comite Rosilenis et Ceritanie per te ex Hetruria pulso, iam iā plures suis qui extremæ expeditionis illius muros ascenderāt militibus murales coronæ decernerentur, tam parua manu tantis periculis te illi obiiendo, rēque omnem Hetruscam labantem iam ac penè prolapsam restituendo, fulminis instar eius castra peruaseras, ad cuius restituentis redeuntisq; exercitus speciem

Laus Sigismundi.

speciem atq; pompam effusa omnis incolarum & oppidorū multitudo obuiani processit, & vniuersi quidem milites tuos tātumq; te vnum inter tot tribunos & clarissimos eorum duces Sigismūdum admirabantur, in te oculos vniuersa Florentiæ ciuitas, in te omnium ora pēdebant, teq; tanq; diuum hominem cælitus missum vt ipsam victoriam contuebantur, laudabātq; te singuli pro eorum patriæ tutela, nec minus admirabantur tantū in te vno principe fuisse momēti vt antiquissimæ ditionis libertatisq; suæ penē per regem restinctę, & rursum per te receptæ auctor esset, & vnde stetit iam eò se victoria transferret, fieretque cum eo mira quædam regiæ gloriæ inclinatio. Adde quòd Hetruria relicta ex his rebus strenue in ea gestis, tui nominis gloria increbescēte, Veneti cēturiatis comitiis ex senatusconsulto omnibus non humanis tantū, verū etiam diuinis te honoribus prosequūtur, te tollunt in eorū tutelam cōtra Franciscum Sphortiam, Insubrium agro apparatu maximo maximisq; impensis, eorum te gētibus præficiunt, te inquam, suis primū per eū ex superioris prælii dimicatione infaustē & infœliciter gesta cōfectis, fufis, fugatis, captisq; quā plurimis terris expositis, que prædæ & exponēdis, in cunctisq; quæ siue ingenio, siue astu, siue locorū præoccupatione, præuentione hostiliū, vigiliis, mora, celeritate, fallaciis, circūuentionibus, & dolis conficienda, quādo, & quoties opus erit, aduersis in rebus, & secūdis, in subitis improuisisq; tanq; profundissimū artificē obiciunt, quo res suas omnes tueantur & foueant, neq; quāmdiu monitis vsi sunt tuis optatę in te spei defuit euentus. Simili enim modo nec aliter ac per Hetruriam fama tui Galliæ cisalpinæ terras peruagāte, summa rerū merito præ ceteris in te collata. Non multo post Cremam fortissimum oppidū ac inexpugnabile cum vniuerso exercitu traiciens, fata exurēs, diruens tecta, prædas hominum pecorumq; agens, singula quæque & vniuersa agri illius populatione sternendo, siccat is deinde paludibus, mœnia nō solum quæ nunquā antea cuiusquā ductu vel imperio obsidionem passa erant, aliquādiu expugnata victori tibi paruere; cæterum alia plurima loca, & ardua quidem, & ineunda conatibus tuis ceruicem flexere. Quid quòd anno sequēti in Hetruriam p S. C. inter tot clarissimos duces tertio imperator designatus & accitus, Ferdinandum regis Tarraconensium filiū cum omni exercitu regio ad mare vsq; Tyrrhenum repulisti, & Folianum primū, præter plurima loca, maximū & amplissimū oppidū gentibus regiis occupatum, omni comæatu armorūq; genere munitum, quū Florentini ad pristinam sui ditionē redigere cuperēt, adq; id exequendū validissimo instructus exercitu pfectus esses, obsessos per te illius loci homines, plurimis vigiliis & assiduis laboribus, præliis diurnis, & nocturnis dimicationibus fessos non sine maximo tui tuorumq; discrimine atq; cæde in potestatem eorū redactos fuisse constat? Vada deinde maritimum et vetusta nobilitate inclytum oppidū, horreūq; quasi belli ad pugnam regiam in Hetruscos, quanquā maxima in mari classe, immēsoq; terra vallum spatio portusq; vicinitate, inexpugnabili loco situm, ac tanta vi annonæ & armorum selectorū copia refertum (quatuor enim milia erant) vt ne spes vlla esset cuiuspiam potiūdi loci, turribus, mœnibus, vallo, fossa, aggeribus muniti, hæc tamen velocitas sagacitatis tuæ valentio rem armis excogitauit rationem, qua præter

omnium iudicium & opinionem interceptum exitio multorum ac fuga, demolitione loci, cui destinatum fuerat Florentinorum imperio adiceretur. His atque aliis virtutibus tuis quum dignitate, laudem, immortale nomen et sempiternam gloriam non solum tibi & nobilissime Malatestarum familiae, sed toti etiam Italiae comparaueris, summus tibi cedit honos & gloria, quum tuae laudes non modo nostris sed Hetruscorum, Gallorum, Hybernorum ac reliquarum quae usquam sunt gentium linguis celebratae sint, ac futuris seculis celebrandae. Corona ciuica, cuique cum ciuem ex nece seruasse contigerat ex lege dabatur, ilignea quae prima fuit. Id autem arboris est genus, frondem habens perennem: vnde Cæcilius, Aduerhūtur cum ilignea corona, et chlamyde in nostram fidem. Postea magis placuit eadem ex esculo Iouis. Variatumque & cum quercu est, siue propter Arcadas is praecipue quercui reddatur honos quos glandiphagos vocare diuinum oraculum solebat, siue propterea quod ea arbor inter syluestres fructu longe bellissima atque fertilissima: inter mitigatas autem, validissima. (Ab ea enim cibus & opes multarum gentium, etiam pace gaudetium erant glandes, pastaque ex ea ferat atque alites, inde magnam quoque venatoribus instrumentum viscus erat) siue quod facile militi fructum, tum ocus, tum passim quercus exhibebat, siue id conueniens seruati ciuis existat praemium, quoniam Ioui in cuius tutela sunt ciuitates, sacra quercus est: vnde poeta nobilis Claudianus, Mos erat in veterum castris ut tempora quercu

Vallaret validis fuscum qui viribus hostis

Casurum potuit morti subducere ciuem.

Sunt ergo ex glandiferis ciuicae coronae militum virtutis insigne clarissimum. Cedunt his murales vallaresque & aureae, quanquam precio antedecentes sint: cedunt & rostratae, quauis in duobus maxime fuerint celebratae, M. scilicet Varrone è pyratice bellis dante Pompeio Magno: item M. Agrippa, tribuente Caesare è Siculis, quae & ipsa pyratice fuere. Antè rostra nauium tribunali praefixa fori decus erant, veluti po. ro. ipsa corona imposita videretur, postquam verò tribunitiis seditionibus calcari ac pollui coeperunt, postquam vires ex publico in priuatum magis singulisque ciuium quari, ac sacrosancta omnia, prophana fieri, tunc à pedibus eorum subire in capita ciuium rostra. Dedit hanc Augustus coronam Agrippae, hac & Iulius Caesar à Thermo in expugnatione Mitylenarum donatus est. Huius quoque honore donari contigit à romano populo latini parentem eloquii, M. T. Ciceronem, L. Gellio, viro Censorio in senatu fauente, quod huius amplissimi oratoris industria & eloquentiae neruis esset truculentissima Catilinae coniuratio detecta vindicataque. Sabinus autem Massurius libro memorabilium xi, teste Gellio, Ciuicam hanc coronam ei dari solitum dicit qui eodem tempore & ciuem seruasset & hostem peremisset, atque eum locum in quo esset actum certamen obtinisset: Tyberium tamen Caesarem consultum, hoc ne honoris insigne sumere quiret qui ciuem in pugna seruasset & hostes inibi duos de medio sustulisset, verum locum in quo certamen esset actum amisisset, eumque locum amoto eo hostis potius accepisset, respondisse ait, ei huius coronae decus & honorem iure negari non debere, quum tam iniquo loco dimicatum esset, ut neque à quoquam etiam fortissime pugnanti seruari potuisset. Addunt alii praeter

haec

hæc quæ à Sabino, Massurio ad ciuicam coronam spectare dicta sunt, conuenire maximè senatus vt eo die fateatur, aliàs testes nihil p'esse vt ciues fuerint auxilio quàmuis rege seruato. Decus non dant, nec crescit honos idem imperatore seruato, quoniam conditores in quocūq; ciuem suminum esse voluerunt. Accepta licet vti perpetuò: ludos incunsi semper assurgi etiam ab senatu in more est, sedendi ius in proximo senatui: vacatio munerum omnium ipsi patrique & auo paterno. Coronæ triumphales sunt illæ quæ imperatori victori aureæ præferuntur. Equidem quis corona ex auro donatus sit nō inuenio, quis autem primum donauerit à L. Pisone traditur. A. Posthumius dictator apud lacum Regillum expugnatis Latinorum castris, eum cuius maximè opera capta essent donauit ex præda hac, quæ laurea veterum tēporibus, aurea postea facta, idq; aurū coronarium vulgo dictum. Lauream coronam Pindarus atq; Callimachus memorant Apollinem interfecto dracone induisse, esculæam alii. Ouidius,

Né ve operis famam possit delere vetustas

Instituit sacros celebri certamine ludos,

Pythia perdomitæ serpentis nomine dictos.

Hic iuuenum quicumque manu pedibûsve rotâve

Vicerat, esculæa capiebat frondis honorem.

Nondum laurus erat, longoque decentia crine

Tempora cingebat de qualibet arbore Phœbus.

Laurea etiam Liber pater incessit cinctus, quuū ex Indis triumphauit, cui hedera etiam sacrata erat, ex qua coronam alii perhibent primū omnium capiti suo imposuisse. Cæsar Augustus triūphans, laurum tenuit coronamque capite gessit ex lauro, quæ quanquàm triumphis propriè dicata sit, gratissima tamē multis varii que rationibus domibus ianatrix Cæsarum. Ouidius,

Tu ducibus lætis aderis, quum læta triumphos

Vox canet, & visent longas capitolia pompas.

Postibus augustis eadem fidissima custos,

Ante fores stabis mediamq; tuebere quercum.

Alio idem in loco,

Cur tamen apposita velatur ianua lauro,

Cingit & augustas arbor opaca fores?

An quia perpetuos meruit domus ista triumphos?

An quia Leucadio semper amata deo?

Ipsa ne quòd festa est, an quòd facit omnia festa?

Quam tribuit terris pacis an ista nota est?

Vique viret laurus semper nec fionde caduca

Carpitur, æternum sic habet ille decus?

Causa superpositæ scripto testante coronæ

Seruatos ciues indicat huius ope.

Hæc deniq; vt Cæsarum pontificumque, sic poëtarum quoque domos exornabat & tempora, quibus coronandis apud veteres obseruatum legimus, cōsueuisse Græcos singulis lustris triplex certamen celebrare, musicū, gymnicum, equestre, quæ Nero Claudius Romā primus omniū inuexit, neronianaq; à nomine suo ap-

Hh

ii

pellauit,

pellauit, postea & Domitianus eum secutus celebrauit. Vt igitur athletarum, sic communium scriptorum & maximè poëtarum victoribus præmia & honores constituebantur, deligebanturque ex omni numero literatorum doctissimi aliquot, ut eorum iudicio qui carminibus decertaturi præ ceteris laudaretur, coronis & honoribus meritis, instar militum inter se pugnantium illustrarentur. Nec id quidem ab re, eadem enim utrisque propemodum gloria, idem utrisque pene honos debetur, & his qui gesserunt, & his qui rerum gestarum & literarum et ingenii sui monumentis, posteris demadando, immortalitate sint nominis affecuti. Oualis corona bellicis etiam se rebus inserit, leniter tamen & sine cruore, deditione hostium è vestigio subsecuta. Huic lenitati maxime cōuenire Veneris victricis frōdem prodiderunt, quod non Martius, sed quasi Venerius quidam triumphus foret. Eam coronam non in curru nec circum clangentibus tubis, sed pedes, patriis in calceis, modulatibus tibiis quisque gestabat, ducendo Pæanis cantu popam. Tibia enim pacis est, Venerisque arbuscula myrtus, quæ vim maximè bellumque perosa est. Hac fronde myrtea triumphans de Sabinis Posthumius libertus in consulatu, qui primus omnium ouans urbem ingressus est, coronatus incessit, optabilemque arborem fecit. Hac omnium postea ouantium corona fuit, vno excepto M. Crasso, qui cum bello fugitiuorum cōfecto ouans rediret, senatus cons. facto per gratiam myrtum paruifaciens, lauro coronatus inuectus est. Maximus auctor est, curru quoque triumphantes myrtea corona vsos. L. Piso tradit, Papyrium Nasonem qui primus in monte Albano triumphauit de Corsis, myrto coronatum ludos circenses spectare solitum, auus maternus Aphricani sequentis hic fuit. M. Valerius duabus coronis utebatur, laurea & myrtea, qui & hoc vouerat. Corona muralis est quæ donatur ab imperatore ei qui primus murum subiit, inque oppidum hostium per vim ascendit: idcirco, inquit Liuius, præcipuum muralis coronæ decus eius esse qui primus murum ascendisset. T. autem Romilius primus omnium eques hanc accepisse coronam dicitur. Hac quoque Q. Trebellius, & Sextus Digitius pariter in murum ascendentes, virtutis causa ambo à Scipione donati sunt. Castrensis corona ea est qua qui primus hostium castra pugnando vallo introisset donabatur, & cui insigne erat ex auro vallum. Corona naturalis est quæ solet donari maritima pugna ei qui vi primum in hostium nauem armatus transfilerit. Atqui hæc et muralem & vallarem ex auro fere donari consueuisse longum esset & operosum nimis externa domesticæque oratione complecti: quis item quamque prius inuenerit, quis ve primus acceperit: innumere enim sunt & penè infinite, ac multiplices de his libri à diuersis auctoribus conscripti. In vniuersum autem de his coronis apud Græcos quidem priuatim scripsere Mnestheus atque Callimachus medici, & Theophrastus: ex nostris autem inscripsere aliqui libros, flores verò prosecutus est nemo quem equidem inueniam. Deorum autem gentiliū coronas perstrinxit libro de ipsis edito cōmētator Claudius Saturnius, in quo ita exarauit causas & origines, species & solennitates, ut nulla gratia floris, nulla lætitia frondis, nullus cespes aut palmes sit qui non alicuius capiti inueniatur consecratus. Et hæc de coronis hætenus dicta sint.

Priuato



Lia subeunt in præsentiæ bellicæ virtutis insignia quæ imperatores certe soli non usurpabant, verum his potius communicabant quibus certaminum labores participarent: non enim ab re David in militem suum, Posuit, inquit, cruorem præluza baltheo qui erat circa lumbos eius, & in calciamento quod erat in pedibus eius, nisi quia & in habitu ipso priuatorum, quædam insignia virtutum sunt. Est enim baltheus non tantum quo cingimur, sed etiam a quo arma dependent, & signa legionis ex summa intinosci possunt. Romanos etiam auxilia externosque torquibus aureis donasse, ciues non nisi argenteis constat, iidemque armillas dedere, quas non haberent externi: donabantur ob virtutem phaleris quoque & hastis antiqui. L. enim Sicius Dentatus qui trib. militum fuit, duodeviginti phaleris & hastis clx, eoque amplius donatus est: armorum nanque & imperii summa erat hasta, quam ob causam viri ea fortes donabantur, & captiui sub ea veniebant, sicque tempore regum romanorum ipsi reges pro diademate hastas habebant, quas Græci σάπτρα dixerunt. Nam ab origine rerum pro diis immortalibus veteres hastas coluere, ob cuius religionis memoriam postea simulacris hastæ addebantur. Nec phaleris solum & hastis ob virtutis merita veteres constat esse donatos, sed & bullis. Tarquinio enim Prisco omnium primo filium quum prætextæ annis occidisset hostem, bullam auream donatam legimus, unde bullæ usus postea successit, adeo ut eorum qui equo meruissent insigne id haberent, quo & nobilium quoque filii à plebeis secernerentur. Erat & exteris gentibus & nostris hominibus auctoritatis & amplæ dignitatis ornatus annulus aureus, cuius fabulæ primordiū aruspices ex Asia tradidere, vinculorum potius interpretatione fatali quam gestaminis. De Prometheo nanque fabulosum reor, quod illi annulum primum & ferreum dederit antiquitas. Midæ autem annulum quo circumactō habentem nemo cerneret, quamquam fieri id quidem possit, ut inquit Cicero, quis non etiam alienum à verò, ac magis abhorrentem quoque dixerit? Fama est etiam Pyrrho regi qui bellum aduersus Romanos gessit Achatem fuisse lapidem, non fabulosum, sed preciosissimum, in quo quidem rerum diuersarum, iumentorum, fluminum, nemorum, volucrum, ferarumque nulla penitus manu artificis, sed naturæ spectarentur imagines, non impressis, sed ingenitis figuris, tam sparsis tamque nexis inuicem notis, ut tot imaginum in tam paruo spacio vnaquæque suis digno discernerebatur insignibus. Est etiam Polycratis annuli fama vetustior, cuius sardonius ille in delictis habitus abiectus in mare capto relatus est pisce, ipso circiter ccxxx anno urbis nostræ interfecto. Et quæque iliadicis temporibus nullos fuisse annulos apud Homerum legimus, tum & codicillos epistolarum gratia inusitados, nodi non annuli nota colligatos fuisse non dubium sit, apud Carthaginienses tamen ferunt annulorum ornatum accipi solere pro numero expeditionum in quibus militasset. Lacedæmonii ferreis vti feruntur. Apud Romanos equestris ordinis annulus quondam fuit ornatus, equites à plebe secernens: nec simul cum equestri senatorioque ordine coepit, verum aliquamdiu post annulos habuisse aureos eos manifestum est: siquidem his tantum qui legati ad exterarum gentes ituri essent, aurei publice donabantur, quibus quum

intra domos ferreos gestarent, in publico tantum vterentur: credo quoniam ita exterorū ornatissimi intelligebātur, neq; aliis vti mos fuit quā qui ex ea causa publica acceperant, vulgoq; sic triūphabant vt cū corona Hetrusca aurea sustineretur à tergo, annulus tamen in digito ferreus erat. Sic triūphauit C. Marius de Iugurtha. Aureum tertio consulatu sumpsisse traditur: sicq; Romæ quidem non fuit aurum nisi admodū exiguum longo tēpore: certe à Gallis capta vrbe vt pax emeretur, non plus quā pondo M. soluere potuere. Secundo etiam punico bello, annulorū perq; rarus erat vsus. Nam quū ad Cānenis maxime cladis pōpam Hānibalis iussu in vestibulo curiæ annulos aureos effusos cōstet, eorum tātus aceruus fuit vt metientibus dimidiū super tres modios, qdā autē tres, qdā duos integros Carthaginē missos asserant: q̄q; fama tenuit, vt Liuius placet, quæ propior vero est, haud plus fuisse modio: adiecitq; deinde verbis quo maioris cladis indicium esset, neminem nisi equitem aut eorum ipsorū primores id gessisse insigne. Multi etiam equitū & qui prætura functi sint è numero, in ferreo censu erāt, annulorū huiusmodi aureorum vsū aspernati, vt Manilius, L. Suffidius, Calphurniusq; & alii pleriq; fortissimi Romanorū, tāquam p̄brosū, muliebre, & nota dignū id esset: vnde adhuc illud Gracchi in Neuiū celebre memoratur, Cōsiderate, inquit, Quirites sinistram eius: en cuius auctoritatem sequimini, qui propter mulierū cupiditatem vt mulier est ornatus. Qui primus itaq; annulum instituit non ab re læuis manibus atq; latentibus induit, quasi non securus dextrę fuerit ostentandę. Crassus imperator maximus in senectute duos habuit annulos causā præferens quia pecunia ei immensa creuisset: vtq; seueritatis illius priscae nonnullis annuli omnino nulli, sic præcipuis etiam viris quibuscūq; la-scuiēte tunc ætate gēmati sculptiq; fuere. Ad id auiditatis studiū progressus est Sylla, vt annuli gēma insculptam eius rei gestæ circūferret imaginē, eaq; continue vteretur. Erat autē sculptura Bocchus, is superioris Mauritaniæ rex erat qui viuū Iugurtham generū traderet Syllæ qui manibus susciperet, quod inter Syllam & Mariū insanabilis eius discordiæ causā fuit, quæ ferè rem romanā euer-tit, quum multi qui inuidia in Marium flagrarent, id fuisse opus Syllæ inuulga- rent. Pompeii quoq; annulū gēmam legimus habuisse, ensiferi leonis cēlaturam habentem. Verū etiam non ornatus tantū, sed signandi causā annulum gesta- re moris erat, vnde neq; plures quā vnum, neq; singulis nisi liberis quos solos si- cēs decerneret, quę sculptura asseruabatur, habere licebat, ideo gestādi huius an- nuli ius famulis nō erat. Annulos etiam quidam mortis gratia, in cerauneis, & hyacinthis & smaragdis aliisq; gemmis sub quibus venena includebantur pa- rauere. Sic Demosthenes belli dux & summus oratorum Græciæ, sic Pœnorum dux Hannibal, sic Heliogabalus, vt hausto quod sub gēma annuli habebant ve- neno, quū opus esset, hoc est, si quando vis aliqua vrgeret, ilico absumeretur. Au- reorū itaq; annulorū vsus equites, vt diximus, à plebe secernebat, quum eos qui equites non essent ferreos habere mos esset, nec aliud quicquam pacis tēpore. Nam in prēliis auro quibuscūq; arma decorare mos etiā fuit, præsertim apud Gal- los, de quibus nō ab re extat adhuc Homericū illud, Aurea cæsaries ollis atq; au- rea vestis. Virgatis lucēt sagulis, tum lactea colla Auro innectūtur. Simili modo

Alexandri

Alexandri quoque exercitus Argyraspides nonnullos, ob arma argentea appellatos legimus, sicut nostri temporis duces equitesque lophos habent & galeas, ac lacernas, auro plurimo argentoque redimitas.

Merita uictorum ac triumphantium, cognominibus siue prænominibus celebrata, Cap. IX.



Ed præter dictarum cumulum rerum, cognomina siue prænomena etiam his qui meruissent ex rebus clarissime gestis ad nominis diuturnitatem addebantur, veluti Romulo à *ῥώμη*, hoc est, robore dicto, quæ Quirinum veteres cognominauere, tamquam id cognomen Martium quippiam & bellicosum præ se ferret. Veteres enim læceam Quirinum vocare solitos legimus, eam quoque in regia positam Martem appellare. Læcea quoque donari consueuisse illos qui in bellis quam acriter strenueque pugnantes fortitudinis laudem meruissent, proinde effectum esse ut Romulus veluti Martius quidam deus et pugnax, Quirinus diceretur: quanquam nec clari desint auctores qui id cognomen ex eo ductum asserant, quod ciues quirites appellarentur, qui regi suo nomen imposuere, siue quod Cures rex ipse Romanus vixerit. Camillus dictator recuperata ex hostibus patria, ac in urbem triumpho inuectus, rediens iocis militaribus quos de more incoditos iaciebant, Romulus ac pares patriæ conditorque alter urbis haud vanis laudibus appellatus est: nec aliter M. Claudium quinquies cos. Marci quoque filium cognominatum perhibent: quum enim esset exercitatione bellicosus, manu ac toto corpore potens, et vir suapte natura ad dimicandum ardens, ei sicuti Possidonius inquit, cognomen quod Martium est primum ex familia fuisse Marcello: atque ut eodem Possidonio auctore Fabium clypeum, sic hunc à Romanis gladium vocitatum constat. Sic M. Manilio quia Gallos primus ab arce depulit, quum per noctem inuasere capitolium, Capitolino ei cognomen est inditum. Aphricani autem militarisne prius fauor, an populares auræ celebrauerint, an sicuti Fœlicis Syllæ, Magnique Pompeii patrum memoria ceptum ab assentatione familiari sit, non satis compertum habeo, primus certe hic imperator nomine victæ à se gentis, ut inquit Liuius, est nobilitatus: quod equidem profiteor apud tantum auctorem me non parum admirari, quum Cn. antè Martius captis Coriolis urbe Volscorum, Coriolanus ob egregia militiæ facinora dictus sit. Quid Cato ille primus, nonne Censorius à seueritate censoria, quum Priscus antea vocaretur, postea Cato virtutis & sapientiæ quasi cognomentum ei est additum? siue ut Cæsariensi placet, à catus, quod non, ut aiunt, sapientem sed acutum sonat, ut Helius Sextus & Varro tradunt: siue quod quum Plutarcho auctore Romani in quo multarum rerum usus & experientia vigeret Catonem nominauere? Fabius item Rutilianus simul concordia causa, ne humillimorum manu comitia essent, omnem forestem turbam excretam in quatuor tantummodo tribus coniecit, Urbanasque eas appellauit: adeoque eam rem acceptam gratis animis ferunt, ut Maximi, quod tot victoriis non poterat, nomen, hac sibi ordinum temperatione pararet. Q. quoque Fabius Cunctatoris sibi cognominationem asciuit, siue quod ingenio & suapte natura remissior esset, quippe qui armorum clementia ouicula iudicaretur, siue quod de industria nouam victoriam ac salutarem cunctando, nec cum hoste confligendo romanam rempublicam restituerit. Alter quidam quod paucis post patris obitum diebus funebribus

nebris ludis gladiatorum munus exhibuerit Celerem vocauerūt, celeritatem ac apparatus maturitatē admirati, sicut Appium Claudiū victis Vulsinēsis au daciæ cognomento nominatū. In annalibus etiam scriptum esse inuenio, L. Sicciū trib. pleb. plus quā credi debeat strenuū bellatorem fuisse, nomenq; ei factum ob ingentem fortitudinem, appellatūq; romanum Achillem: nec aliter hac L. Siccus, Q. Cottius propter fortitudinem cognominatus est. T. Manlio summo loco nato cognomentum est Torquatus, causāque cognomēti fuisse accepimus, Torquis ex auro induuias, quam ex hoste quem ceciderat detractam induit, quo ex facto ipse posteriq; eius Torquati sunt cognominati. Valerius autem Maximus adolescens ac tribunus militaris sua etiam virtute nixus & opera corui alitis repenti diuina quadam vi aduolantis & aduersarii oculos & prospectum alis & vnguibus prepedientis, quia ducē Gallorum vicit interfecitq; ob hanc causam cognomen sibi Coruini vēdicasse haudquaquam est nobilium scriptorū qui secus dixerit. Idem ob victam Messanam, nobilissimā Sicilię urbem, primū honoris causā Messana, deinde paulatim vulgo literam permutante Messala nuncupatus. Cornelius Rufus eo decemuiro, bello punico secundo, suadēte vt libri Apollinares ex libris Sibyllinis instituerētur, Sibylla ob eam rem postea vocatus est, & vt nos antē diximus corrupto deinde vocabulo Sylla nominari cōpit: vnde & Sylla dictator postea sequitur, qui Fēlix cognomento vt apud Latinos habitus est, sic apud Græcos se inscripsit L. Cornelium Syllam venereum, vt in chæronia Plutarchi qui de hoc græcē descripsit notum est, et vt de bello Mithridatico trophæa pariter inscripta reperta sunt: nec id ineptē, Plurimū enim Veneris, nō nox, vt inquit Menāder, sed fortuna fortitur, cui cū clarissime rebus ipsius gestis sese ipse dicauit, exclamās iuxta Oedipodem Sophocleū, Ego me ipsum fortunæ filium fero. Iulius Cæsar prænomen imperatoris & cognomē patris patriæ inter alia permulta nomen suū illustrantia decerni sibi voluit. Huius successor Octavius quoq; Cæsar, ampliore Augusti cognomine dictus est: vel q; magnos, sãctos, fēlicesq; augustos vocāt: vel q; loca religiosa et in qbus quid auguratō cōsecraretur, augusta dicerentur, ab auctu, vel ab auiū gestu, gustūq; quę idē sunt. Q. Fabius Maximus gallica victoria cognomē Allobrogis sibi met ac posteris peperit: sic à deuictis hostibus bello, Germanici sibi cognomen meruit. Hæc itaq; cognominationem siue prænominationē assument apud nostros, quemadmodum apud Græcos huiuscemodi indi solebant prænomina siue cognomina: sic Dionysio plurima ab rebus quas egit sunt ab hominibus indita. Nam alii Bacchum à mulieribus quæ bacchantes illum sequebantur dixere, alii à torculari quo vinum exprimitur Lenæum, quidam Bromium, à tonitu qui in eius ortu contigit. Pingenius insuper ex eadem appellatur causa. Quinetiam triumphator dicitur, q; primus omnium de Indis, multis cum spoliis in patriam reuersus triumpharit. Liberum etiam appellatū putant, non ob licentiam linguæ, sed quia liberat animum à seruitio curarum efficiatq; vegetiorem, & audaciorem in omnes conatus reddat: patrē proinde, q; de Indis victoria potitus, Thebani sese liberos ipso viuēte & quasi sub optimi patris tutela seruatos arbitrantur. A rebus gestis insuper alia, sicuti Sotera & Callineon: à

virtute

virtute, vt *Euergete* & *Philadelpho*. Iam excellentem virtute abstinentiæ *Aristide* fuisse asserunt, tanta vitæ integritate *Phorione* vt cognomine ille iustus, hic bonus sit appellatus. A virtutis quoque præstantia prudentiæque ac viriū, Iouis filios appellauerunt, vt *Acacū*, *Minoa*, & *Sarpedona*. Ferocissimos & immanes & alienos ab omni humanitate tanquam è mari genitos, Neptuni filios dixerunt, *Cyclopa*, *Geriona* et *Lestrygonas*: à fortunæ felicitàte, vt *Eudemona*, sicut *Bassum* secundum vocatum legimus: ab exitio verò urbium, siue peritia disciplinæque obsidionis faciendæ, machinarumque solertia, & ad expugnanda oppida inuentione, *Poliorcetes* cognomentum fuit *Demetrio* *Antigoni* filio, duci illius temporis *Indyto*. Nonnullos adhuc è nascendi sorte nuncupamus, vt *Proculos* qui foris procul absentibus parentibus nati sunt, *Posthumii*, qui patre mortuo, *Vopiscum* quum ex gemellis superstitem alteri esse contigerit, *Cæsarem* quum eneclæ parente exciso vtero gignitur, sic *Scipio* *Aphricanus* prior natus, primusque Romanorum ob cæsum matris vterum *Cæsar* dictus est, *Seruium* qui mortua matre in vtero feruetur. Nonnullos corporeum etiam prænomen siue cognomen habuisse legimus. *Horatius* enim *Cocles* quum alterum oculum antea bello amississet, cognomētum admisit quasi lufci et vno lumine tantum cernentis. *Lufcos* enim et *vnoculos* *coclitæ* dixerunt veteres, sicque *Cyclopa*s *coclitæ* legimus dictos, quod oculum vnum habuisse memorantur. Quidam tamen id ex similitudine nasi tractum autumant, qui sub ipsa fronte ita depressus demissusque erat vt nullum fere inter oculos discrimen extaret, ipsaque supercilia commixta inuicem confusaque forent: iccirco volentibus eum multis *Cyclopem* nominare, delapsa loquendi consuetudo obtinuit vt iam *cocles* à plurimis appellaretur. *M. quoque* *Tulius* in extrema nasi parte eminens quoddam in figuram *ciceris* habuit, à quo *Ciceronis* cognomētum sibi inditum est. Quæ etiam *Fabius* *Cunctator* à verruca in labiis verrucosus, & *Cneus* ob insigne nēui appellatus. *M. Curius* & *Cn. Papyrius* *Carbo* quia cum dentibus eos nasci contigit, ob id *Dentati* cognominati sunt. *Neoptolemus* à capillorum qualitate *Pyrrhus*, à quo & *pyratice* primum ars perhibetur inuenta. *Ascanius* à prima barbæ lanugine, quæ ei tempore victoriæ nascebatur, *Iulius*. *Artaxerxes* à dextra manu illius læua longiore, *Longimanus*. An cum prænomen *Varro* ex *Sabinis* translatus putat. *Valerius* *Ancias* scribit quod cubitum vitiosum habuerit, quod græcè *ἄγκυρα* vocant. *Papyrius* è præcipua pedum pernecitate *Cursor*. Quorum verò in nascendo non caput sed pedes primi extiterant, qui partus difficilissimus & egerrimus habetur, *Agrippæ* appellati, vocabulo ab egritudine & pedibus confecto. A cognatione alios dictos legimus, vt *Manlios*, & *Cornelios*, & *Pompeios*, quos quia auctor ex *Hispania* *Pompeius* boum pompam duxerat alii cognominatos perhibent. Sic apud Græcos *Heraclides*, & *Pelopidas* à morū imitatione & quadam quasi similitudine aliis plurima contigerunt, viuentium gloriam prorogantia: quum alii fulmina, vt, geminos duo fulmina belli *Scipiadas*, cladem *libyæ*: alii victrices aquilas & accipitres inuictos, alii & diuos deoque genitos, vt *Alexander* ille *Macedo*, & præter eum ducem plerique alii cognominari se ingenti cum voluptate voluerint.



T quoniam eò impendi labor ac periculū persæpe solet unde emolu-
 mentum atq; honos speretur, nec discriminis quippiā sint aggressuri
 homines si magnis conatibus magna præmia haud pponantur, fu-
 erunt præter hæc quæ modo diximus alia ob strenue gesta fortissimis
 ducibus, auxiliariis, & legionibus, tū ex senatusconsulto, tum ex maiorū libera-
 litate concessa, quæ plurima quidē & varia prodūtur. Decreuerūt enim ad præ-
 mia superiori Aphricano paribus ornamentis exoluēdas statuas plurimas, & tri-
 umphali etiam habitu visendas, in pluribus & celeberrimis vrbis partibus, in
 comitio, in rostris, in curia, in capitolio ponere decreuerunt, continuum per om-
 nes vitæ annos consulatur, & perpetuamq; dictaturam tribuere: decreuerunt vt
 imago eius triumphali ornatu ē templo Iouis optimi maximi exiret, & quæ sibi
 neq; plebiscito dari, neq; senatuscōsulto illius magnitudo animi ac spectata mo-
 destia passa est, post obitum recusare non potuit. Liberalis etiam po. ro. magni-
 tudine munerū, q; Attalo regi Asiam dono dedit: sed Attalus testamenti æqui-
 tate accepti muneris haud immemor, qui eandem Asiam moriens po. ro. lega-
 uit. Eumenes Attali regis frater, & qui auxilio aduersus Antiochū Macedonem
 fuit, omnibus Asiæ ciuitatibus quas Antiochus bello amiserat à senatu donatus
 est. Pompeius Deiotaro Galatiæ regi Armeniā minorē contulit, q; socius bel-
 lo Mitridatico fuerit. Numidarum item rex Massinissa in amicitiam receptus
 à P. Scipione Aphricano, multa & præclara rei militaris facinora quū fecisset,
 ob quæ victis Carthaginensibus & capto Syphace cuius in Aphrica magnum
 atq; latū imperiū, magnā gloriā nostris hominibus peperit, po. ro. quasq; vrbes
 & agros quos manu ceperat sibi dono dedit. M. Curius quū Italia Pyrrhum re-
 gem exegisset, decretis à senatu septenis iugeribus agri populo, sibi autem quin-
 quaginta, popularis assignationis modum nō excessit, parum idoneum reipub.
 ciuem existimans qui eo quod reliquis tribueretur contentus non esset. P. Cor-
 nelii quoq; Scipionis consulis decretum de agris militum eius fuit, vt quot quis-
 que eorū annos in Hispania aut Aphrica militasset, in singulos annos bina iu-
 gera acciperet. Scipionem itē posteriorē dona militaria his qui strenuā operam
 ediderant diuidentem, T. Labienus vt forti equiti aureas armillas tribueret ad-
 monuit, eoq; se negante id facturum ne castrensis honos in eo qui paulo antē
 seruiisset violaretur, ipsi ex præda gallica aurū equiti largitus est: nec tacite id
 Scipio tulit, nanq; equiti, Habebis, inquit, donum viri diuitis: quod vbi ille acce-
 pit, proiecto ante pedes Labieni auro, vulū demisit. Idem vt audiuit Scipionem
 dicentem, Imperator te argenteis armis donat, alacer gaudēsq; abiit. C. etiam
 Marii præcipuus non solum, cæterum præpotens gratæ mētis fuit affectus: du-
 as enim Camertium cohortes mira virtute vim Cymbrorum sustinentes in ipsa
 acie aduersus cōditionē fœderis præter omnes leges ciuitate donauit: quod qui-
 dem factum quum à nonnullis accusaretur, aiebat verba legum propter armo-
 rum strepitum exaudire nequiuisse. Insuper quum C. Lucius sororis filius atque
 præfectus in eius secundo consulatu militi cuidam præstanti forma Trebonio
 nomine sub se militanti vim afferret, & ab adolescente occisus esset, multis Tre-
 bonium

bonium accusantibus ac nullis patrocinantibus, Trebonius à se illum occisum qui in magistratu esset non negavit, sed hanc necis causam dixit atque probavit, quod Lucio se sollicitati obstitisset, & quamvis multa darentur, suum tamen corpus nunquam prostituere voluisset: itaque Marius quæ pro præclaris militiæ facinoribus corona dari consueverat ferri ad se iussit Trebonioque imposuit. Badius quum aliquando Marcellum salutasset, quis nam sit homo Marcellus rogat, quis illū probe norat antea: eo autem respondente, L. Badius, quasi letatus magnopere admiratusque Marcellus, Tu ille Badius es, inquit, cuius maxima inter Cananarum bellatores fama est quod P. Aemilium consulem solus ne deserueris, in quem cum densissima conicerentur missilia ea corpore subiiciens excepisti? assentiente Bandio & vulnera quædam ostendente, Talia, inquit, quum in nos amicitiae signa proferres, ad nos cur non confestim ibas? an nos ad retribuenda amicorum virtutis præmia quibus & penes hostes tantus habetur honos iniquos celsuisti? Hæc benigne locutus comprehensum dextra iuuenem eximio ad pugnam equo & quingentis argenti drachmis donat. Hannibal militibus suis quoque Insubrium agro in concione vocatis, amplissima & certissima præmia pronunciat. Agrum enim sese daturū in Italia, Aphrica, Hispania, et ubi quisque velit immunē ipsi qui accepisset liberisque: qui pecuniam quæ agrū maluisset, eius se voto satisfactorū: qui Carthaginenses ciues fieri vellent, potestatem factorū: qui domos redire mallerent, daturum se operam ne cuius suorum populariū immutatam secum fortunam esse vellent. Seruis quoque dominos prosecutis libertatē proponit, binamque pro his mancipia dominis se redditurum, eamque ut scirent rata fore, agnum leua manu, dextra filicē retinens, si falleret, Iouē ceterosque precatus deos ita se mactarent, quemadmodum ipse agnū mactasset, et secundū precationē pecudis caput elisit. Et ne sua deessent præmia claris gestorū titulis, eminentibus Cæsar grauioribus præliis, singulis legionibus quaestores præficiēbat qui fortiter agentes agnoscerent, & remuneratione dignos afficerent. Diuitias idem ac pecunias non voluptatis aut suarum gratia deliciarum ex bellis cumulasse, sed communia potius virorum fortium præmia apud se conseruata iacere voluit sequē maxima ex parte locupletari putans quoties illa benemeritis viris militibusque impartisset. Aurum nanque & argentum cæterasque diuitias ex hostibus partas, quanta horum aderat copia magno in numero Romam mittebat, ædilibusque ad spectacula tribuens, prætoribus quoque atque consulibus eorumque donans vxoribus multos sibi allexit, aliosque omni spe donisque dimisit. Illud inter cuncta nec silentio prætereundum, quod ærarium poro quod tot reges victi, tot Asiæ populi, tot nationes, tot bella, tot triūphi compleuerant, & tot annis intactum māsērat, primo introitu in ciuili bello suo, vno die solue exhaustit, interque alia ut scriptū est protulit ex eo laterum aureorum xxxvi milia, & innumera pondo, trium milium, siue ut alibi, quatuor milium centum triginta & quinque, argenti verò nongentorum propè milium. Nec aliam ob rem, ut diximus, quā cupiditate largiendi: nam ut alter ait, Nemo liberalius victoria usus est: nihil enim sibi retinuit nisi dispensandi libertatem. Inde magnifica & probanda omnibus Titi vox, & exhortatio illa Hierosolymarum obsidione, Me pudeat, inquit, nisi eum qui prius murum ascenderat remuneratione inuidendum

inuidēdum fecero, vt si quidem vixerit simili bus præsit. Nec pollicitis minor inuentus, qui in cōcione, ea deuicta dixit illis, qui maiore vi decertassent, & præclaris facinorū titulis naturam suam rebus bene ac fortiter gestis nobiliorem reddidissent, præmia & honores redditurum, nec eorum vllum qui plus alio laborasset iusta necessitudine cariturum. Confestim itaque iussit eos quorum partes erant, indicare quos nā scirent omnes fortiter gessisse, & nominibus suis quosq; interpellans præsentēs collaudabat, quasi qui domesticis recte gestis, satis superq; lætarentur, & coronas eis aureas imponebat, & torques longasq; hastas & signa ex argento facta donabat, & vniuscuiusq; ordinem mutabat in melius: quin etiam ex manubiis aurum & argētum, vestes item aliāque prædam summa quadam liberalitate distribuens.

Superstitum non solum sed defunctorum ducum memoriæ celebres tituli, et de columnis, obeliscis, pyramidibus, arcubus, statuis, clypeis, tabulis, cantarisque ad id exedificatis, Cap. XI.



Vnc memoriæ nedum superstitum sed defunctorum ducum prorogatae celebres titulos referamus, ac primum Iouis, qui vt cæteris deitatis nomine, ita & rebus gestis multorū opinione superior fuit. Etenim, vt Euemerus qui res gestas eius & cæterorum qui dii putantur colligens, historiamq; contexens ex titulis & inscriptionibus sacris quæ in antiquissimis templis habebantur auctor est, in phano Iouis trifilii auream columnam esse positam ab ipso Ioue constat, in qua titulo monstrante sua gesta perscripsit, vt monumentū esset posteris rerum suarum. Sesoosis finem expeditionis in Thracia statuens, multis in locis ab se deuictis colūnas erexit, in quibus Aegyptiis quas sacras dicunt literis scriptum extat, Hanc prouinciam armis subegit rex regum, princeps principum Sesoosis. Quid Alexander ille Macedo? nōne in Sogdianorum finibus Alexandriam condidit ad cōtestandos itineris sui terminos? quo in loco ab Hercule primū, à Libero deinde patre, Cyro item & Semiramide atq; ab ipso Alexādro deniq; aræ sunt constitutæ, quod proximum gloriæ omnium duxerint illò vsque promouisse itineris sui metas, ab illa parte terrarū fluuiio fines secante, quem Bactri soli Iaxatem vocant, Scythæ Filin nominant, hunc eundē esse Tanaim exercitus Alexandri magni crediderunt: verum vbi Demodamas Seleuci & Antiochi regū dux, satis idoneus verò auctor transgressus amnem istum titulos omnes supergressus, alium esse q̃ Tanaim deprehēdit, ob cuius gloriæ insigne dedit nomini suo vt altaria ibi strueret Apollini Dindimo, hoc est, Colliminio, q̃ limes Persicus vna cum Scythis iūgeretur. Idem Alexander triūphorum suorū auspiciis condidit in ægyptii maris littore urbē aliam sui nominis, quam metatus est Denochares siue Democrates, architectus memorabili ingenio, xv milia passuū laxitate cōplexus, ad effigiem Macedonicæ chlamydis, hoc est, orbe gytrato, lacunoso dextra leuāq; anguloso pcursum, iam tū tamen quinta situs parte regi dicata. In diuersis insuper Asiæ regionibus xii inuenitur cōdidisse muros eorū, insigniēs græcorū quibusdam elemētorū characteribus, vti legeretur in eis, Alexander rex filius Iouis fecit. Idem Hercules & Liberi patris laboribus superatis præcepit ei quem Persidi præfecerat, vt pilas solidas auri pedum vicienū quinū erigeret, & in his facta eius scriberet poneretq;

ponerētq; in vltima India vltra Liberi patris & Herculis trophæa: vnde ad præceptorē suū Aristotelē scribēs, Et ego, inquit, mea quinq; aurea trophæa prioribus altiora denis pedibus statui, atq; imperaui, quæ miraculo sint futura, charissime præceptor, posteris, scilicet nō parua admiratione nouū perpetuūq; virtutibus monumentum, non inuidendū mortalibus perpetuæ de nobis opinionis & animi industriæ. Huius regis gloriam emulati sunt Romani, sed non diuitias adæquarunt: statuerūt enim columnas & ipsi quę rerum gestarum referrent memoriam, sed æreas atque marmoreas. Augustus nanq; victor totius Aegypti quam Cæsar pro parte superauerat, multa de nauali certamine sustulit rostra, quibus conflatis quatuor fecit columnas, quæ postea à Domitiano in capitolio sunt collocatæ: nā rostratas Iulius posuit victis Pœnis nauali certamine, è quibus vnā in rostris, alteram ante curiam positam constat. Fuerunt & marmoreæ colūnę, quibus apud maiores, nobiles aut sub montibus, aut in mōtibus sepeliebantur: vnde natum est vt supra cadauera aut pyramides fierēt, moles ab imo latissime, in summitates acutissimas desinentes, sic dictę, quòd ad ignis speciem in conum tenuarētur, aut ingentes collocarentur columnę. Verum quanquā de pyramidum mole ac forma scripserint Herodotus & Homerus Durisianus, Aristagoras, Dionysius, Artemidorus, Alexander, Polyhistor, Buthoriades, Antisthenes, Demetrius, inter omnes eos tamen non constat à quibus cęptę sint auctoribus. Erigendarum autem dicandarūque pyramidum causa in Aegypto, regum pecunię ociosa & stulta ostentatio à plerisque traditur, ne pecuniā successoribus aut emulis insidiantibus præberēt, aut ne plebs ociosa langueret. Colūnarum verò vsus in Romanis cępit à Cornelio Menio qui priscos deuicerat, anno vrbis cōditę ccccxvi. Erat & in foro Traiani columna sub qua ossa eius posita in vnam aureā collocata fuisse constat, permanentq; duę adhuc Romę Hadriani & M. Antonii suis nominibus celebres. Harum autē ratio est, quibus dicatę fuerint attolli super cæteros mortales, quęadmodum in vrbe Roma inter diuersas moles obeliscos videmus plures, aliosq; iacentes, alios erectos, quos imperatores maximi bello domitis gētib; & prosperitatibus clarissimarū rerum gestarum elati diis superis in religione dicarunt. Sic Sesoosis Aegypti rex obeliscos ex lapide puro duos erexit, vtrūq; altū cubitis centumviginti, in quibus tum imperii magnitudinem, tū quas subegit nationes descripsit. Sic apud Hyberos pugnacē gētem tot obeliscos erigere circa cuiusq; sepulchrū moris erat quot homines ex numero hostiū ille necasset. Erāt & Triūphales arcus, suntq; adhuc Romę suo loco, imprimis imper. Cæsaris, L. Septimii, & imper. Cæs. M. Aurelii, Antonini Pii, rerum suarum insigni marmore & claro artificio, vt impressa docet inscriptio. Et arcus etiam triumpho insignis Constantini, quem incisę literę liberatorem vrbis, fundatorē quietis indicāt. Est & nobilis atq; triūphalis Hierusalem, hunc titulū habens, Diuo Vespasiano & Diuo Tito filio. S. P. Q. R. Pauca reliquorū deinde vestigia supsunt, quanq; trecētos et viginti triūphos ab vrbe cond. ad hęc ipsa quę modo diximus tēpora numerent. Nec etiā dubium est ob virtutis miraculū quin maiores nostri reges ipsos vita functos iactare sūmis laudibus ac nouis et exquisitis honoribus cęperint, siue vt fieri solet in adulationē eorum,

siue ob beneficia quibus erāt humanitate compositi, ipsi reges deinde cum charissimi fuissent his quorum vitam composuerant multisq; honoribus refererāt, non paruum deniq; sui desiderium de medio sublato reliquerunt: sicq; homines ætatis illius siue Samii, siue Corinthii, siue Assyrii, siue Aegyptii, siue alterius gentis fuerint, simulachra finxerunt & statuas, vt haberēt quo aliquam voluptatem ex imaginum talium prospectione reciperent, progressique lōgius per amorem memoriam cœperūt colere defunctorum vt & gratiam referre benemeritis viderētur, et successores eorū allicere ad bene imperandi cupiditatē: quod orator eximius in Natura deorum monet dicēs, Suscepit autem vira hominis cōsuetudōque communis vt beneficiis excellentes viros in cælū fama ac voluptate tollerēt. Hinc Hercules, hinc Castor, hinc Pollux, hinc Aesculapius, hinc Liber, & alio loco, atq; alio, & in plerisq; ciuitatibus intelligi potest, acuendæ virtutis gratia: aut quo libentius reipublicæ gratia periculum adiret optimusquisque, virorum fortium memoriam honore deorum immortalium consecratam. Hac ratione Mauri proprios reges, Romani suos Cæsares, & qui viri fortitudine insignes erāt consecrauerunt. Inde per gentes & prouincias singulas varia deorum religio mutatur, dum non vnus ab omnibus deus colitur, sed propria cuiq; maiorū suorum cultura seruatur. Hoc ita esse Alexander Magnus insigni volumine ad matrem suam scribit, metu suæ potestatis proditū sibi à diis, hominibus, à sacerdote secretum, quod maiorum & regū memoria seruata sit: inde paulatim cultu in metum verſo, superstitionem mortiferam irrepsisse, verūque esse poëticum illud, Primos in vrbe deos fecit timor. Quo autem tempore huiusmodi diuini honores mortalibus esse cœperint, non est obscurum, præsertim quum nulli reges ante Saturnum vel Vranum fuerint, & Iouis temporibus ab initio templa constituta essent, & noui deorum cultus inuenti. Sic hominum effigies quum nō solerent, exprimi cœpere, nec nisi ab aliqua insigni eorū qui diuturnitatem nominis meruissent: primoq; sacrorum certaminum victoriæ, maximeq; Olympiæ, vbi omnes quicūq; victores fuissent simulacra effingi solere moris erat, eorum qui ter huiusmodi in certamine superiores euasissent, ex vniuerso corpore lineamentis ad ipsorum similitudinem expressis. Primus tamen hic statuarum honos, vt videre videor, Græcis debetur, nullisque apud eos reor plures dicatas q̃ Demetrio Phanostrati filio Phalereo, qui quum apud Athenienses cōcionaretur vrbi præfuit annis decem, æreisq; statuis honoratus est trecentis sexaginta, quarum plures equestres erant, & in curribus seu bigis stabant summōque studio ferme intra quadringentos dies consumatę erant. Iam quum apud Athenienses clarissimus esset, sic quoq; ipse ab ea quę cuncta consumit inuidia tentatus, quippe in dias passus à quibusdā, mortis sententiam absens excepit, non tamen eius corpore potiti sunt, verū ipsius deiciētes imagines, ærugine de industria fœdatas, alias quidem vendiderunt, alias submerferunt, alias in frustra conciderūt, vna autem in acie seruata: atque hoc intulisse Athenienses huic Demetrio, iubente rege proditum est. Apud Romanos etiam & pedestres et equestres statuas proculdubio aliquādiu in summa veneratione & auctoritate habitas constat, equestrium tamen origo perquā vetus est, & cum fœminis etiam honore communicato,

to, exemplo Clodiæ cuius statua equestris erat, ceu parum esset toga eam cingi,
 quum nec Lucretiæ, nec Bruto qui expulerant reges, propter quos Clodia inter
 obfides fuerat decerneretur: & quanquam Catonis in censura vociferationes es-
 sent, mulieribus romanis in provinciis statuas poni, non tamen potuit inhibere
 quominus Romæ quoque ponerentur, sicuti Corneliæ Gracchorum matri, quæ
 fuit Aphricani prioris filia. Togatæ antiquitus statuæ dicabantur, deinde
 nudæ, hastam tenentes: græca enim res erat, statuas nudas dicare, nihilq; in eis
 condere: ecōtrario verò romana, togas & militares thoracas superaddere. Cæsar
 quidem dictator loricatam sibi in foro dicari passus est statuā. Fuit Marci Tre-
 melii equestris toga, qui Samnites bis deuicerat, captaq; Anania populū stipen-
 dio liberauerat. Fuit etiam Scipionis qui bellum in Asia gessit, Antiochūque
 deuicit non solum cum chlamyde sed etiam cum crepidis in capitolio sita.
 Dicabantur quibusdam argenteæ, quibusdam aureæ. Pompeius nanq; in triū-
 pho Pharnacis qui primus regnum tenuit in Ponto argēteam trāstulit. Mithri-
 dates item currus aureos & argenteos, quanquā nec desint qui argenti vsum pri-
 mum Diuo Augusto dicatum in statuis falsò arbitrentur. Aurea autem statua,
 ac omnium prima nulla inanitate, in templo Anetidis, numine gentibus illis sa-
 cratissima posita est. Antonii deinde Parthicis rebus direpta statua quoq; regis
 Assarii quā non adorasse capitale erat, ex auro fuit sexagintarūmq; cubitorum
 proceritate. Domitianus etiam apud nostros quum de Dacis Germanisq; tri-
 umphasset, tantæ fuit insolentiæ atque superbiæ vt aureas atq; argenteas statuas
 sibi in capitolio poni iusserit. Ex ære etiam primam Romæ statuam cōflatam,
 & Cæseri primū dicatam ex Spurii Cassii peculio quem regnum appetentem
 pater eius occiderat inuenio. Statua quoque Horatii qui & Cocles cognomina-
 tus est genea fuit, & in æde Vulcani posita est, quæ detrimentū corporis acceptum
 (claudus enim teste Plutarcho postea fuit) quod armatus in Tyberim dehiliens
 tyrrheno telo sauius ille admiserat ostendit, Liuius licet obftet, multiq; super-
 incidentibus telis incolumē ad suos transnatauisse asserat. Cæsar dictator nō so-
 lum sibi in foro dicari statuas passus est, sed disiectas Pompeii statuas reposuit.
 Ex hoc etiam Augusti Cæsaris morem probandum cēseo, quòd illustrandis du-
 cibis antiquis qui romanū imperium auxissent exactissimam diligentiam im-
 pendit, opera cuius reintegrans ac titulos, dedicatis omnium statuīs triumphali
 habitu in porticibus sui fori: factum placet, nec minus ratio: siquidem edicto
 præfatus est, eo se proposito id agere, vt essent quorum ad exēpla & ipsius & su-
 perioris temporis clarorum virorum formarentur mores, ad quorūque velut
 præsentem regulam institutos principes suos po. ro. exigeret: sapienter vtique.
 Nam quum aliquando statuæ fuissent insignia virtutum & his ponerentur qui
 ingenio & doctrina præstarent, quique magna gessissent, aut mortem pro repu-
 blica obiiissent, quales decretas legatis à rege Veientium interfectis legimus, nul-
 lum mortuo, Ciceronis sententia, ab homine mortali vel carius vel diuturni-
 us præmium vel gratia maior vlla præstari potest quàm statuæ vel sepulchri. Ha-
 rum rerum gestarum & gloriæ memoriā quamplurimi ex his quos diximus bel-
 lorum duces æternitati commendari posse existimantes ardentè affectarunt,

tanquam plus præmii de vrnis & figmētis huiusmodi sensu carentibus adepturi, quàm ex conscientia honeste recteq; factorū. Quòd autem sit pulchrum veluti exigua hæc & minima spernere ad ascensum veræ gloriæ tendentē, Cato Censorinus monstrauit, qui interrogatus quā ob rem inter multos præclaros statum non haberet, Malo, inquit, ambigere bonos quā ob rem id non meruerim, quod est grauius cur impetrauerim mussitare. Militari etiam gloriæ clypei se ingerunt, quos in sacro vel in publico priuatim dicari instituti veteris fuisse cōperio. Primus qui hoc egerit, Appius Claudius fertur: is dico quod cū Seruilio cōs. fuit, anno vrbis cclxx. Posuit enim in Bellonæ æde maiores suos, voluitq; in sublimi videri, & clarissime gestorū titulos legi. M. Aemilius in consulatu collega Q. Luctatii post eū nō in basilica modo Aemilia, verum & domi suæ posuit, placuitq; plenā virtutis imaginē reddi clypeo cuiusq; qui fuerit illo vsus. Hos Pæni ex auro factitauere: sicq; clypeos & imagines secū in castris vexere. Eiusmodi quoque scutis apud Troiam pugnatū est, expressis quoq; imaginibus: & clypeus supra fores capitolinæ ædis vsq; ad incendium primū fuit, tātāq; maiorum quidem nostrorum auctoritas in ea re annotatur, vt L. Manilio Fulvio cōs. anno vrbis dlxxv M. Aufidius tutelæ capitolii redēptor, docuerit patres argenteos esse clypeos qui pro æreis per aliquot iam lustra assignabantur. Tabulis similiter pictis sunt qui rerum suarū memoriā excoluerunt, vt L. Aemilius Paulus, Luciusq; Scipio, ac Messala princeps. Horum enim primus de Liguribus triumphans gestorū ordinem in tabula pictum publicè reliquit, secundus tabulam victoriæ suæ asiaticæ in capitolio posuit, tertiam tabulam pictā prælii quo Carthaginenses & Gerionem in Sicilia vicerat in latere curiæ hostiliæ affixit, anno ab vrbe cond. dccccxl. Arator autē ille Arpinas & manipularis imp. C. Marius non clypeis pendētib; non pictis tabulis, non toreumate signōve, non statuis, marmore, aut ære, nō obelisco, non triumphali arcu, non pyramide, non columna, non pila aurea ædificiōve quopiam tantum, sed cantharo res suas clarissime gestas illustrauit. Post lugurthinum enim & cymbricum theutonicūq; triumphum, cantharis potasse Liberi patris exemplo traditur, quo inter bibendū indice illius victoriæ ex Asia ductæ suam compararet ac simillimam redderet.

Ludorum celebrationes,

Cap. XII.



Post hæc insuper ludorum celebrationes, siquidem ad natales eorum, vel templorum nouorum dedicationes, vel vota ducum persolueda ingenti confluentis multitudinis copia sunt constitutæ: & primitus quidē venationes quæ vocātur munera Saturno deo sunt attributæ, siue quod ad expeditiones ituri, debeant pugnas & coeuntes inter se acies spectare, ne in bello armatos hostes, vel vulnera, vel sanguinem perhorrescant, siue vt nonnulli perhibent, hæc apud veteres deuotionem factam, vt contra hostes ciuium sanguine primū tali deo litaretur. Pescenius enim Festus in libris historiarum refert Carthaginenses Saturno humanas hostias solitos immolare, & cum victi essent ab Agathocle Siculorum rege iratum sibi deum putauisse, itaque vt diligentius piaculum soluerent, ducentos nobilium filios immolasse, tantum religio potuit suadere malorum, vt tātam ciuitatis partem occiderent, quantā fortasse

tasse nec Agathocles victor occiderat. Idem in Latio quoque eodem genere sacrificii cultus est, non quidem ut homo ad aram immolaretur, sed ut in Tyberim de ponte Miluio mitteretur. Verum id genus sacrificii ab Hercule fuit postea cum Geryonis pecore ex Hispania per Italiam reuertente sublatum, per suavitatem illorum populis ut faustis sacrificiis infausta mutarent, ritu tamen permanente, ut pro veris hominibus imagines iacerentur è scirpo, ut Ovidius in fastis docet, Donec in hæc venit Tyrinthus arua, quotannis Tristia Leucadio sacra parata deo. Illum stramineos in aquam misisse quirites Herculis exemplo corpora falsa iace. Hæc sacra vestales etiam virgines fecisse his verbis idem poeta meminit, Tum quoque priscorum virgo simulacra virorum Mittere roboreo scirpea ponte solet. Ex his causis quæ de origine huius festi relatæ sunt apparet, Saturnalia vetustiora esse vrbe romana, adeo ut ante Romam in Græcia hoc solene cœpisset. L. Accius in annalibus suis refert his versibus, Maxima pars Graiùm Saturno & maxime Athenæ Conficiunt sacra quæ cronis esse iterantur ab illis. Quumque diem celebrant per agros vrbesque fere omnes Exercent epulis læti famulosque procurant Quisque suos. Nostrisque itidem etiam mos traditus illinc est, ut cum dominis famuli epulentur. Ibidem eodem quoque tempore quum diu etiam humanis capitibus Ditem placare se crederent, eundem ferunt Herculem simili modo redeuntem per Italiam gentibus suasisse ut sacrificia mutarent, inferentes Diti non hominum capita sed oscilla ad viuam effigiem arte simulata. Inuenio postea quum ludi per urbem in cœpitis agitabantur, restitui scilicet à Tarquinio Superbo laribus ac Maniæ ex responso Apollinis, quo præceptum est ut capitibus pro capitibus supplicaretur, idque quamdiu obseruatum ut pro familiarium sospitate pueri mactarentur Maniæ deæ matri larium, id est, deorum inferorum: quod sacrificii genus Iunius Brutus cos. pulso Tarquinio aliter constituit celebrandum. Nam capitibus allii & papaueris sacrificari iussit ut responso Apollinis satisficeret de numero capitum, remoto scilicet scelere infaustæ sacrifice, factumque est ut pilæ & effigies viriles & muliebres ex lana cœpitalibus suspenderentur, totque his pilæ quot capita seruorum, tot effigies quot essent liberi ponerentur, quæ denique effigies Maniæ suspensæ pro singulorum foribus periculum si quod immineret familiis expiarent, ac dea viuus parceret his pilis & simulacris contenta. Iudæos autem ipsos ex viis cœpitorum in quibus agitabantur cœpitalia appellita uerunt. Deinde quoniam fuisse Pani lyceo rem diuinam, & cum hac Lupercalia festa quodam celebrata primum fuisse apud vetustatis assertores constat, de his nobis tertio loco differendum videtur. Ea itaque sacrorum genera ut elegantissimis rerum gestarum scriptoribus visum est, ab his qui ex Arcadia cum Euanthro in eum locum qui nunc romanæ vrbs est profecti sunt, ad nostros primum delata fuisse ferunt, ac ritu suo celebrata. Ovidius in fastis, Pana deos pecoris veteres coluisse queruntur Arcades Arcadiis plurimus ille iugis. Pan erat armati, Pan illic numen aquarum, Munus ob incolumes ille ferebat oues. Transtulit Euanther syluestria numina secum, Hic ubi nunc vrbs est, tunc locus vrbs erat. In qua quidem vrbe constat Euandrum constituisse, ut diuisa pastoralis turba, nudi iuuenes ac pellibus immolatarum hostiarum inuoluti lyceum Pana

venerantes, per luxum atq; lasciuia ex epularum hilaritate profusiorēq; vino prouecti personati currerent, lorāque manu ferentes obuios quosq; ac mulieres maxime adultas, his vtrō manuū palmas cēdendas porrigentes verberarēt, existimantes id sibi fœlicem pariundi facultatē præstare posse, eodem postea poëta dicēte, Nupta quid expectas? non tu pallētibus herbis Nec prece, nec magico carmine mater eris. Excipe fœcundæ patienter verbera dextræ, iam sacer optatum nomen habebit aui. Cur autē nudi currentes hunc deum coluerint, pleraq; curriculo vetustatis ad nos vsq; delapsa indicant, siue q; ipsi deo qui nudus est celeritati suę eo pacto longe aptius nudos ministros habere visum sit, siue q; Arcades omnium populorū qui Græciam coluerint vetustissimi, feris similem adhuc syluis & montibus vitam agentes, expertes legis artisque, primum hunc deum venerari patrio cultu cœperint. Idem auctor in fastis, Cur igitur currant, & cur si currere mos est, Nuda ferant posita corpora veste rogas? Ipse deus velox discurrere gaudet in altis Montibus, & subitas concipit ille feras. Ipse deus nudus nudos iubet esse ministros, Nec satis ad cursus cōmoda vestis erat. C. verō Attacilius, vt scribit Plutarchus, scribit Romulum quū ante conditam urbem eius pecora à latronibus rapta fuissent, Lupercalium solemnitate in honorē Fauno supplicem primo excoluisse, nudum deinde ne sudore præpediretur, omneis salus currendo syluasq; lustrasse, ideo nudatos Lupercales hæc ludicra celebrasse. Lupercos alii nudos fieri solitos aiunt, q; Faunus veste delusus à suis, eam sacris procul arcuerit. Ouidius item in fastis, Veste deus lusus, fallentes lumina vestes Non amat, & nudos ad sua sacra vocat. Iustinus quoq; magis ex habitu dei cui ea sacra fiebant, quā ex alio nuditatis causam refert, quū post hunc tertio loco regnasse Faunum ferunt sub quo Euander ab Arcadiæ vrbe Palanteo in Italiam cum mediocri turba popularium venit, cui Faunus et agros et montē quem ille postea Palanteū appellauit benigne assignauit: in huius radicibus tēplū Lyceo quē Græci Pana, Romani Lupercal appellant, constituit, ipsum dei simulachrum nudū caprina pelle amictum est, quo habitu post etiam Romæ Lupercalibus decurrebatur: vtcunq; res se habeat, in tēpora tamen vsq; C. Cæsaris huiusmodi obseruationē fuisse cōpertū est: ea nanq; sacra quū sedens Cēsār spectaret & inter eos qui solennia celebrarent M. Antonius cos. qui triūuir postea fuit adesset, aiunt eū diadema capiti Cæsaris imponere conatum, quod quum Cēsār amoto capite ac simul manibus reiecisset, Iouis capitolini statuæ ilico iussit imponendum. De nomine Lupercalium non vna etiam ratio, sed varia proditur: alii nanque locum deo Pani sacratum Arcadiæ ferunt, cui etiam mons in Arcadia lyceus consecratus est, & dictus græcè λύκος, id est, lupo, q; lupos haud sinat in oues desæuire: ideo & Euander deo gentis suæ sacrificauit locum, & nominauit Lupercal, q; præsidio ipsius, lupi à pecudibus arcerentur. Alii, referente Plutarcho, putant à Lupa quę Romulum educauit potius emanasse, quū (vt ait) lupercales ludicrum inchoent, vbi expositum Romulum fuisse fama est, tametsi quæ ad sacra pertinet minus ei conueniant rei dum de Lupa Romuli nutriceloquitur. Idem poëta his verbis fidem facit, Illa loco nomen fecit deus ille lupercal Magna dati nutrix præmia lactis habet. Quis vetat Arcadio dictos de monte lupercos?

lupercos? Faunus in Arcadia tēpla lyceus habet. Inueniuntur etiā auctore Quintiliano qui Lupercalia æque tres partes orationis esse contēdant, quasi ludere per caprum. Ob temporis deniq; obseruationem ludicrū hoc, vt inquit Plutarchus, ad expiandos manes constitutū creditur: fiebat enim, vt ille inquit, nefastis diebus mēse february, quē piacularē interpretatur, eodē poēta in Fastis dicente, Tertia post idus nudos aurora lupercos Aspicit, & Fauni sacra bicornis eunt. Cōsualia ludi dicebātur quos in honorē Consi faciebant, quē deū consilii putabant: Circenses verò quos primus Romulus raptis Sabinis Consualium nomine celebravit, Neptuno dicabantur. Hi in littore olim fluminis agebantur, ab alio latere positis ensibus & gladiis, vt ab vtraq; parte esset ignauia præsens periculum, vnde & circenses dicti sunt, q̄ exhibebātur, in circuitu positis ensibus, licet alii à circuēdo, ab, Asterciensibus alii circenses dicant vocari solitos. Horū ratio ludorum quid aliud habeat nisi leuitatē, & vanitatem, & insaniam non video: tanto namq; impetu concitabantur animi in furorē, quanto illuc impetu currebatur, vt iam plus spectaculi exhiberent quā spectandi gratia cōuenissent, cum exclamare, & efferri, & exilire cōpessent. Equiria, ludi sunt quos Romulus idem Marti instituit, per equorum cursum qui in cāpo martio exercebantur. Gladiatorum quoq; munus dictū quod populo tanquā munus donatur, & qui donat munerarius: & qui familiam gladiatorū habet, gladiatoresq; domi in disciplina, & in ludo exercet, ac postea vendit, lanista vocatur: gladiatorūq; ideo dictū, q̄ mos erat in sepulchris mortuorū, virorum fortium captiuos necari, quod quia postea immane visum est, placuit dimicare gladiatores ante sepulchra: quem morem Homerus noster Mantuanus his verbis expressit, Viuētes rapit inferias quos imolet vmbri, Captiuoq; rogi perfundat sanguine flāmas. Nec abnuuit ille teste Floro, de stipendiario Thrace miles, de milite desertor, inde latro, deinde in honore viriū gladiator, qui defunctorū quoq; praelio ducum imperatoris celebravit exequiis, captiuosq; circo regio iussit armis depugnare, quasi plane expiaturus omne pręteritum dedecus, si de gladiatore munerator fuisset. Liuius ab vrbe cōd. xxix, Scipio Carthagine ad vota soluēda diis, munusq; gladiatorum quod mortis causa patris patruiq; parauerat edēdū redit. Gladiatorū fuit spectaculū nō ex eo genere hominū ex quo lanistas cōparare mos est, seruorūq; vānalē sanguinem habent, voluntaria omnis & gratuita opera pugnātium fuit. Nam alii missi ab regibus sunt ad specimē insitæ genti virtutis ostendendū, alii ipsi professi se pugnatuos in gratiā ducis, alios æmulatio in certamen vt prouocarent, prouocatiue haud abnuērēt traxit. Quid enim miretur quisq; in hoc primum, inuentorē an inuētum, artificem an auctore, ausum aliquem hoc excogitare, an suscipere, an iubere, an super omnia populi furorem? quā vile enim nefas animarum istarū, quantū inde querelarum, quantū mali potuit hauriri, quis non videt? Nouendiales ludi sunt, qui in honorem mortuorum celebrantur. Proinde apud maiores vbi quis fuisset extinctus, ad domum suam referebatur: vnde est, Sedibus hunc refer antē suis: & illic septem erat diebus, octauo incendebatur, nono sepeliebatur domi etiā suæ: vnde orta est cōsuetudo vt dii penates colātur in domibus. Similiter Funebres, Plebeios, Megalenses, Apollinares quos omnes currules

currules ædiles munere publico curabāt, magno plausu celebratos inuenio. Funebres ad detinendū populum instituti, dum pōpa funeri decreta in honorē Patricii viri plene instruitur. Plebei qui p salute plebis edūtur exactis regibus, pro libertate, aut pro recōciliatione plebis post secessionē in Auentinū. Magni ludi, Romani ludi appellabantur, quos in honorem Iouis faciebāt: vel romani Regii ludi, Q. Asconio teste, suis sub regibus instituti sunt, magniq; appellati, q magnis impēsis dati, cum primū ludis impensa sunt ducenta milia nummū, adeo magnos ludos factos putant, q consiliorū secretorū deo, id est, Neptuno Iari & diis magnis, id est, Iaribus vrbis Romę dati sunt, quibus aiūt raptas Sabinas esse, quod videtur Virgilius notasse, Et magnis Circensibus actis. Megalenses verò nobiliū ludi & magnis diis consecrati, à loco inuentionis eius sic dicti. His prætorum erat ludis interesse & lufores cōducere. Iuuenalis in Satyris, Interea Megalesiacæ spectacula mappæ Ideum solenne colunt, similisq; triumpho Præda caballorum prætor sedet, ac mihi pace Immensę nimiaq; licet si dicere, plebis, Totam hodie Romam circus capit, & fragor aurem Percutit, euentum viridis quo colligo panni. Nam si deficeret mœstam attonitamq; videres Hanc urbem veluti Cannarum in puluere victis Consulibus spectent iuuenes quos clamor & audax Sponsio, quos cultę decet assedisse puellę. Ludos scenicos Valerius Ancias auctor est, Megalesia appellatos, & si Firmiano credimus, Libero attributos, cui ex Indis Thebas redeunti, à triennio bis peregrinationis exacto Græcos instituisse trieteridas tradunt. Ludorum Apollinarium origo victoriæ non validitudinis ergo, vt quidam annaliū scriptores produnt, ex duobus Martii vatis carminibus, cuius duo in senatu volumina illata erant, memoratur: priore carmine Cannensis prædicta clades in hæc propemodū verba erat, Amnem troiugenam Romane fuge Cannā, Nec te alienigenæ cogāt in cāpo Diomedis conferere manus: sed neq; credes Tu mihi donec sanguine campū, Multaq; milia occisa tua defert Amnis in pontum magnum extra frugifera piscibus Atq; auibus feris quoque quæ incolunt terras, his fluat esca caro tua: nam mihi ita Iuppiter fatus est, Diomedis argiui campum & Cannam flumen qui militauerat in his locis iuxta atq; ipsam cladem agnoscebant: tum alterum deinde carmen inuentum est ita scriptum, Hostem Romani si ex agro expellere vultis Vomicā quæ gentium venit longe Apollini vouendos censeo ludos, qui quotannis comiter Apollini fiant. His ludis faciendis præerit prætor, qui ius populo plebiq; dabit. Summum diem viri græco ritu hostiis sacra faciant. Hoc si recte facietis gaudebitis semp fietq; respub. vestra melior: nā is dies extinguet pduelles vestros q vestros campos pascunt placidē. Ex hoc carmine quum procurandi gratia dies vnus rebus diuinis impensus esset, postremo senatusconsultum factum est, vti decemviri quo magis instruerentur de ludis Apollini faciendis, réq; diuina recte facienda, libros Sibyllinos adirent, in quibus quum eadem reperta nūciatum esset, censuerūt Patres Apollini ludos vouendos faciendosq; inq; eam rem duodecim milia æris prætori & duas hostias maiores dari, Decēuirisq; præceptū vt græco ritu, id est, capite operti hisce hostiis sacrum facerent, Apollini boue aurato & capris duabus albis auratis, Latonæ boue fœmina aurata. Hos ludos in circo populus

pulus coronatus spectare iussus erat, matronæ supplicare, vulgus apertis ianuis in propatulis epulabatur, celeberrq; dies is omni cerimoniarum genere habebatur: sicq; paulatim ceteris diis huiusmodi ludorum honos tribui cœpit, singulique ludi, sicut Sisinius Capito in libris spectaculorum describit, nominibus eorum consecrati sunt.

Principum ex bellis dijs oblata,

CAP. XIII.

IN suprema demum nostri laboris parte, summam reponemus principum, ex bellis diis oblata in medium relaturi. Quis enim bellorum turbinibus victor egrediens dominum exercituum in honorem dereliquit, quum illi etiam ipsi qui veri dei cognitionē minus haberēt quodcunq; illud esset numinis haudquaquā prætermitterent, quin summa quadam veneratione prosequerentur? de quibus ne forsā hæsitare quispiam possit, testes adsunt præcellētissimi duces, sed in primis Dionysius qui & Liber dictus est, & Alexāder Macedo. Indiam enim ingressus ille, primitias deo Ioui in oriente à captiuis habitas primus obtulit: quod si non abunde constaret, Ovidius in fastis testis est opulentissimus, dicens, Ante tuos ortus aræ sine honore feruntur, Liber, & in gelidis herba reperta focis. Te memorant Gange totōq; Oriēte subacto, Primitias magno proposuisse Ioui. Cinnama tu primus captiuāque thura dedisti, Deq; triumphato viscera tosta boue. Nomina ab auctoris ducunt libamina nomen Libæque quod sanctis pars datur inde focis. Huic à teneris Gracorum more vnguiculis sine parsimonia thura ingerenti aris, pædagogus Leonidas eam thuris profusionem agre ferens, thūsque persæpe adimens inquit, Heus tu puer, large sic odores offeres quum regionis thuriferæ potiere. Qui Arabia tandem potitus rex, thure onustam nauim misit ei, ac epistolam in hæc propè verba, Misi ad te thuris & cassiæ talenta, ne quæ minima sunt, maximi facias in diuinis rebus, utpote qui non sis nescius nos pigmentiferi potitos soli. Eidē Alexandro postea adulto placuere & lychni pensiles in delubris, arborum non mala ferentium, lucentes, ut in templo quondam Apollinis palatini, quem idē Alexander Thebarum expugnatione captum Luciniæ dicauerat. Apud Iunonis quoq; Luciniæ templum in Brutiis æstatem agens Hannibal aram ibi condidit dedicauitq; cum ingenti rerum ab se gestarum titulo, puniceis grecisq; literis inscripto. Idem pro tot tamq; fœliciter in Italia gestis, maxime post labefactam ex Cannēsi clade rem romanam ad internitionemq; penè redactam, diis immortalibus sacrum agi haberiq; iussit. Iouis autem templo quod primū in vrbe consecratū est, Romulus primus spolia ab Acrone Ceniēsium rege à se occiso detracta retulit. Cornelius deinde Cossus quū Columnium Hetruscum Fidenatū duce obtruncasset, eidem deo spolia consecrauit. Nec M. Marcellus silentio inuolendus, qui apud Padum Briomatum Gallorum regem ab eo superatum & cæsum armis exiuit, inde procedens ad Feretrii Iouis tēplum ascendit, & ea illi solenni dedicatione suspendit. Neq; his contentus Marcellus est, captis nanq; Syracusis, ornamenta, signa vrbis, tabulasq; quibus ciuitas illa florebat Romam deuexit, patriisq; diis suspendit. Visebātur ea ad portam Capenam in templo ab eo dedicato. Ab eodem legimus Virtutis templum & Honoris renouatum, quod multis

multis antè annis fuerat bello Iygustico Q. Maximo dedicatū. Tullum Hostili-
um quū bis de Albanis, de Sabinis tertio triumphasset, inuenio phanum Satur-
no ex voto consecrauisse, etiam Saturnalia tunc primū Romæ instituta, quibus
Varro libro qui est de sacris ædibus vi. scribat, ædem Saturni ad forum facien-
dam locasse L. Tarquiniū regē, T. verò Lartii dictatōrē, Saturnalibus eā dedi-
casse. Nec me fugit Gelliū scribere senatū decreuisse vt ædes Saturni fieret, eiūq;
rei L. Furiū trib. militū præfuisse. Tarquinius, cui cognomē supbo ex moribus
datū, tēplū ex hostiū spoliis erexit, quod quū inauguraretur cedētibz diis cate-
ris, mirabile dictu, resistere iumēta & termini, tanq̃ numina hæc cōtumacia, fir-
ma omnia & æterna pollicerentur. Scipio Numātinus Virtutis phanum erexit,
deinde C. Marius de manubiis Cymbricis & Theutonis ædē Honori & Virtu-
ti fecit. Post Scaurus Aemilius templū Menti, quod circiter bellū Cymbricū na-
tus, cum scilicet eloquentia & eruditio urbem ingressæ, eam cœperint amplissi-
me exornare. Aemilius consul quum Gallos acie vicisset, ex ipsis Gallorum tor-
quibus aureum Ioui trophæum erexit, quod deuouissent Galli si vicissent, de Ro-
manis spoliis Marti Gallico torquem aureum cōsecratū iri. Atqui Furius Ca-
millus quū Gallorum extinxisset incendium, & Romam auro liberandā è lance
abstulisset, nō consilii, nō fortitudinis, sed famæ & vaticinii tēplum iuxta viam
nouam erexit. Pulcherrimū operum Pantheon Ioui vltori ab Agrippa factum
veterum monumenta produnt. Minerua Romæ iuxta Capitolium quondā sita,
quæ Euphranoris erat, Catulliana postea dicta, à Q. Lucretio Catullo dicata :
aliā Mineruam Romæ ad ædem Fortunæ Aemilius Paulus dedicauit. Fecit
& Spurius Clauilius Iouem in capitolio victis Samnitibus sacra lege pugnan-
tibus, ex pectoralibus eorū, ocreis & galeis. Diuus Iulius thoracem quem Vene-
ri genitrici in templo eius dicauit, ex Britannicis margaritis factum voluit intel-
ligi. Pompeius Magnus imperator vitæ auream cum botro in tēplo Iouis Ca-
pitolini sacrauit. Erat autem quingentorum talentorum auri, titulum habens,
Aristoboli filii Alexandri regis. Augustus Cæsar omnium templorum con-
ditor legitur aut restitutor. Diuus Vespasianus Concordiæ siue Pacis templum
ædificauit, effecitque. Ac ne ista in re vniuersa persequar, quoniam longum
nimis & operosum id quidem esset, horum illustrium ducum & aliorum sub-
sequentium imperatorū contextu, certamine religionis, ac laudis emulatione,
nec inferior, Sigismunde. (vt aliquando in te iure suo nostra desinat, vnde cœ-
pta est, oratio) post consummationem Italici belli, inuicta animi tui virtute
cunctis hostibus profligatis, prostratisque, ab armis ad negocia urbana men-
tem conuertens, de manubiis obsessarum deditarūque per te urbium, sum-
ma sacratissimi diuinique principis religione fretus, præter ædes sacras extra
tertio ab urbe lapide in monte marisque prospectu sitas, templum illud per-
celebre omnique admiratione dignum, ac vnicum denique monumentum
regii nominis tui, intra mœnia vrbe mediā ac forotenus à fundamentis ex-
structum deo dicatum reliquisti, tantæque diuitiarum largitate, tam miri-
rificis picturæ toreumatūque ornamentis, vt in hac celeberrima vrbe plu-
rima quum sint cognitu & memoratu digna, nihil antiquius sit, nihil quod
magis


magis visendum putetur, amplissimis præsertim parietibus, permultisque altissimis arcubus, peregrino marmore exædificatis, quibus lapideæ tabulæ vestuntur, quibus pulcherrimè sculptæ inspiciuntur, vnâq; sanctorum patrum, virtutum quatuor, ac cælestis zodiaci signorum, errantiumq; siderum: Sibyllarum deinde musarumq; & aliarum permultarum nobilium rerum imagines, quæ nedum præclaro lapicide ac sculptoris artificio, sed etiam cognitione formarum, liniamētis abs te acutissimo & sine vlla dubitatione clarissimo huius seculi principe ex abditis philosophiæ penetralibus sumptis, intuentes literarum peritos, & à vulgo fere penitus alienos, maxime possint allicere. Præcellentissimis præterea loca hæc sanctissima pontificis priuilegiis & innumeris donis ac sanctorum reliquiis ornasti, quum vltra hæc maximum quotannis æris & auri reditum per te his deo dicatum, gēmas, margaritas, pateras aureas, calices, acerras, thuribula, cruces, candelabra, tabulas, organa, tunicas purpureas, & trabeas textili auro, plurima deniq; sacrorum ethnicorumq; librorum, ac omnium optimarum artium volumina vna donatione contuleris. Nouitium sanè, præclarum, & ingens ad immortalitatem inuentum, quum non auro, argento, ere vel marmore, calce vel lapidibus tantum, verum in bibliothecis ab illis dicari volueris quorum immortales animæ in locis iisdem loquuntur. Ceterarum rerum tuarum cumulū referre, haud facile duxerim, quū præter hæc tot claris operum monumentis adeò nomen tuum passim illustretur vt nulla vnquam tam surda posteritas, nulla tam ingrata fama futura sit, quæ non illud in cælū tollat, ac debitis & optatis laudibus prosequatur. Videor certissima salus lumenq; ac patriæ decus & pater, Sigismunde Pandulphe Malatesta, optatum iussuionis tuæ meiq; operis rerum militarium munus absoluisse, non nescius potiora esse quæ iuebantur quàm sustinere mediocre cuiuspiam posset ingenium, proindeq; plurima me incognita præteruisse, quæ commode potuissent his voluminibus inferi: cæterum cum communis humani (vt ita dixerim) animi morbus sit, vt plura lōge quisq; nesciat quàm sciat, nec vt Flaccus inquit, quiuis horrētia pilis Agmina, nec fracta pereūtes cuspidē Gallos, Aut labentis equo describat vulnera Parthi, si quid in his libris parum est vel nimium, si quidque quod ex illo prisco & disertissimo veterum dicendi more fluere, ac retro sublapsum referri visum sit, mihi succenseant soli rogo: si quid autem satis quod posteritate dignū in arcēq; poni queat quasi Minerua illa Phidiæ, vel ex ipsius Mineruæ officina exiisse videatur, non mihi sed diuino numini tuoque deinde gratias mecum magnas nedum agent, sed ingētes & cumulatissimas referant, qui ad suscepti laboris metam in magnis bellorum æstibus esses licet, studia tamen nostro ductu & auspiciis tuis lucidiora & alacriora fouēs, calcar semp addidisti, & currentē vt aiunt ad cursum assiduè prouocasti.


FINIS.


Lutetiæ apud Christianum Wechelum,
Anno M.D.XXXII. mensē Iulio.











9/9/11

Vol. 11

9770

0 0 0


Dr

cc KC 8/88
[2], 383 [1] pp

E-1-

KISS164







VALTURIUS

DE RE MILITARI

PARIS, 1532

